



4.5.170



IO. HENR.  
BOECLERUS  
HISTORIA  
BELLI  
SVECO-DANICI  
opus posthumum  
Ex  
Auctoris Autographo





h. 5. 170

*Serenissima ac Potentissima* Epistola  
huic histo-  
riae ab Au-  
thore pran-  
scripta  
cum il-  
lam pri-  
mum Ser.  
Regina  
offerret.

Suecorum Reginae

CHRISTINÆ  
AVGVSTÆ

Vitam, Pacem, Gloriam!

*Serenissima Domina:*

**B**ellum, quod Tuis au-  
spicijs, cum Dano ge-  
stum est, merebatur  
sane, impensiore curâ facun-  
diâque memorari, quam à  
me factum est, aut fieri  
omnino potuit. Sed com-  
mentarios, non iusti operis  
historiam, molito, veniam  
largiaris, rogo, & quaecun-  
que deuotissimi Tibi homi-  
nis obsequium, ijs aspicias



oculis , quibus obscura etiam illustrari & humilia extolli possunt. Quibus subsidij instructus fuerim, aut caruerim, nihil attinet enumerare. Daturum autem me operam , vt exactius perscribatur materia huius voluminis , cultuque plane alio conspiciatur , non longo post tempore , ausim polliceri , si non asperneris DOMINA. DEVS Te seruet , REGINA OPTIMA MAXIMA, AVGVSTISSIMA !

*Maiestati Tue*

*deuotissimus seruus*

J. H. B.

*Sere-*

*Serenissimo Potentissimo*  
*ac Inuictissimo*

Principi ac Domino  
DOMINO

CAROLO  
GVSTAVO

*Epistola  
exempla-  
ri inscri-  
pta quod  
Regi F.M.  
ab Aucto-  
re trans-  
missum  
est.*

Suecorum, Gothorum, Van-  
dalorumque Regi, Magno Prin-  
cipi Finnlandiæ, Duci Esthoniæ,  
Careliæ, Bremæ, Verdæ, Stetini  
Pomeraniæ, Cassubiæ, & Vanda-  
liæ, Principi Rugiæ, Domino In-  
griæ & Wismaræ, nec non Comiti  
Palatino Rheni, Bauariæ, Ju-  
liaci, Cluiæ & Monti-  
um Duci, &c. &c.

*Regi ac Domino meo Clementissimo.*

Victoria, salus, perpetua felicitas!

*Serenissime ac Potentissime*

*Rex, Rex ac Domine mi Cle-  
mentissime:*

**A**Nni præterierunt no-  
uem, cum me nihil tale

cogitantem , multo minus  
merentem , bona quædam  
fortuna nutu Maximæ Re-  
ginarum ab extremis Ger-  
manix finibus in Sueciam  
transfudit. Duo ibi inpri-  
mis videre incomparabilia  
contigit : CHRISTINAM  
Regnantem , & CARO-  
LVM GVSTAVVM in  
solium Regium ascitum.  
Illa , vt bellum Danicum ,  
paucis ante annis gestum ,  
scriberem , suppeditatis mo-  
numentis mandavit: Tibi  
SERENISSIME REX, dum  
bellare cum Danis iterum  
cogeris , quicquid est hu-  
ius scripturæ reuerentissime  
gestit approbari. Fas sit,  
oro quæsoque , adiri tantæ  
Maie-



Maiestatis fastigium , inter  
arduà curarum , & immen-  
sa occupationum , quas to-  
tus orbis suspicit ac venera-  
tur. Miraculum seculi est,  
ille tot hostibus sustinendis  
par animus , illa prudentia  
pacis juxta bellicque nego-  
tjjs expedita , illa facilis in  
promptos vsus eloquentia,  
illud diuinum ingenium ,  
illud singulare iudicium, illa  
memoria felicissima , qua  
non dignoscere tantum, sed  
nominatim percensere tot  
Tuorum agmina soles.  
Conjuxisti infinita decora,  
quæ Paterni Palatinorum  
Rheni stemmatis excelsissi-  
ma nobilitas , & Regalis  
Heroïna Mater Tua natali-

bus Tuis inſeuerunt: Atque  
vt in Te amando veneran-  
doque nationum illuſtriſſi-  
mæ concertarent, in Ger-  
mania concipi, in Suecia  
naſci Te fortuna voluit.  
Accellit diſciplina, excitanda  
ad ſumma indoli vere  
regiæ vndique accommo-  
data. Peregrinatio, qualis  
Heroum fuiſſe antiquitus  
memoratur, aſſiduo copio-  
ſoque ſapientiæ ac elegan-  
tiæ profeſſu, per omnia,  
quæ in Dania, Germania,  
Belgio, Anglia, Gallia,  
ſciri diſcique merentur.  
Militiæ magiſtrum naſtus  
Torſtenſonium, inter ipſa  
rudimenta & tyrocinia, vir-  
tutis ad maiora natæ, & te-  
ſtino-

stimonium à tanto imperatore luculentum meruisti, & præsagium ingens apud omnes excitasti. Nihil de Lipsiensi acie, nihil de laboribus illo ipso bello Danico, quod hoc libello exponitur, toleratis, nihil de alijs rebus, quas strenuè quidem & fortiter, sed ductu alterius confecisti, dicam. Maturè enim Te fortuna Tua ad summum armorum imperium vocauit. Jam ad Pragam, caput rerum in Bohemia, cum exercitu consistenti, multarum victoriarum fructus sese vltro offerebant, nisi pacis Germanicæ consummandæ potior gloria alio

curas Tuas transtulisset.  
Mindam ergo profectus,  
postquam Legatos Suedi-  
cos ex consilio Osnabru-  
genſi Te præſtolantes admi-  
ratione Tuæ prudentiæ im-  
pleuiſti, Noribergæ poſtea,  
in maiore theatro nobiliſſi-  
marum, pro pactione pa-  
cis adimplenda actionum,  
maximi ac verè Regi  
Principis cottidianis docu-  
mentiſ ſpectatus & con-  
celebratus es. Scilicet  
non minus inter Proceres  
& ciues, quàm in caſtris  
inter milites, auctoritas Te  
fati Tui & futuræ magni-  
tudinis genius comitaba-  
tur, ac in hominum ani-  
mos meritorum Tuorum  
gra-

gratias deliciasque diffemi-  
nabat. Reuectum in Sue-  
ciam, quanti Te Regina fa-  
ceret, quâ caritate, quo ho-  
nore colendum judicaret,  
non Holmensium tantum  
decreto Comitiorum, &  
solenni, quo coronam sus-  
cepit festo, successionem Hæ-  
reditaria. Tibi constituta ac  
promulgata, ostensum vo-  
luit, sed amplissimis dein-  
de significationibus nun-  
quam non declaravit. Se-  
natus etiam populusque  
Suecorum qua gaudiorum  
publicorum conspiratione,  
quo concentu applausu-  
que, Reginae consilium, &  
Tuam dignationem calo-  
tulit? In quo fortunæ pro-  
fectu.



fectu , animus Tuus , ad  
imperandum ille quidem  
genitus delectusque , non  
aliam tamen potius , quàm  
ex obsequij pietate , glori-  
am, tanquàm omnibus in-  
signibus Regijs insignio-  
rem , expetiuit. Quo Ma-  
iestas Regia cultu propitian-  
da, qua fide demerenda ef-  
fet, non aliâ magis vnquam  
disciplinâ, quam Tui exem-  
pli magisterio , intellectum  
est; Ibunt in annales Suedi-  
cos erudiendis posteris tam  
sancta publicæ quietis &  
concordiæ pignora , quibus  
ista tempora nihil habue-  
runt auspicius ad felicitate-  
m Patriæ. Cui maximum  
ex multis beneficium diui-  
nis

vii

nis obsecuta motibus Christina Regina dedit, cum Te  
SERENISSIME DOMINE  
non Principem modo, sed  
abdicato post hæc sponte  
sceptro, Regem dedit.  
Grandi equidem & arduo  
Regni auctoramento, sed  
Heroico. Quis enim vn-  
quam Magnorum Regum,  
vel ad res securas accessit,  
vel diuturno otio gaudere  
potuit? Plurimos tamen  
felicitate in eo superas, RE-  
GVM IUSTISSIME, quod  
non prouocas bella, sed  
propulsas; neque aliena  
jura per ambitionem teme-  
rare, sed Tua, virtute tue-  
ri contendis. Sicut enim  
ab omni ipse dissidendi stu-  
dio,

dio , magnitudine quâdam  
animi plurimum alienus es;  
ita in quæ tempora natus  
fis , non potes ignorare.  
Quæ consilia , quâ officina  
prodierint , de Suecia pri-  
mum exarmanda , deinde  
nouis & longinquis bellis  
implicanda , adeoque de  
Germania quoque altero  
pacis suæ fideiussore & cu-  
stode nudandâ , cui deni-  
que potest obscurum esse ?  
Sed constabit DEO sui con-  
siliij ratio , qui tam vastis  
molitionibus acerrimam  
mentem Tuam opposuit.  
Nec longè sunt argumenta  
diuinæ opis. Compresso  
quippe feliciter motu Bre-  
mensi , qui primordia Im-  
perij

perij Tui laceſſebat, poſt-  
quam Religioni in Suecia  
ſuum decus, ærario ſuas  
vires reſtituiſti, tot hoſtium  
in Te conſpiratas vires, Po-  
lonorum, Moſchorum, Da-  
norum, hætenus inuictus  
non ſuſtines modo, ſed fa-  
tigas. Et Poloniam qui-  
dem, vt contempto pacis ſtu-  
dio, præter violatas non  
vno nomine inducias, ſce-  
ptro Tuo diuinitus firmato  
litem moueret, atque in  
ipſa Suecia res nouas moli-  
retur, eadem fidera conci-  
tarunt, quæ hætenus  
omnem concordia curam  
interuertunt. Quanquam  
enim is fuerit armorum  
Tuorum, REX INVICTIS-  
SIME,

SIME, successus, vt duodecie acies Polonos vinces, Regemque, qui Te Suecia expellere constituerat, regno eiiceret; nunquam tamen instaurandæ Pacis curam omisisti, neque tam vi, quàm clementia, quantum posses, testatum esse voluisti. Qui in fidem Tuam se permisere Palatinatus nec non Quartiana militia, habebunt in omne æuum, quod de Tuis virtutibus prædicent. quæ profecto Polonorum animos non parum ceperant; nisi quod Religio ipsorum sacris aliena displicebat. Sed Tu quidem, seuera disciplina, & fidis pactionibus  
caue-



cauebas sacris , vti erant:  
quorum turbatio , cum vio-  
latione templorum , non  
Tuis , sed ipsis Polonis ferè  
imputanda est. Pontifici  
tamen & clero pontificio  
inter solitas nec ignotas ar-  
tes fuit , obtentu diuerso-  
rum sacrorum animos na-  
tionis à Te diuellere , &  
proposita Tua criminari.  
Neque enim vt coronam  
Regni Polonici Tuo capiti  
imponeres , quam ne ob-  
latam quidem recepisti , sed  
vt jus Regni Sueciæ , quod  
sibi assertum ibat Rex Jo-  
hannes Casimirus , Tibi  
Tuæque Domui factum tē-  
ctum conservares , pia ju-  
staque arma induisti. Qui

eam sibi occasionem dari crediderunt, vt velut ex insidijs in Te vndiq; coorti omne nomen Suecum in ordinem redigerent, pacisque in Germania tot laboribus ac discriminibus partæ fructu semel despoliarent, satis opinor sentiunt, tam bonam causam, virtute inusitata munitam, majore periculo quàm spe oppugnari; neque extemporanei operis esse, gentis exercitæ armis, animo inuictæ, Regis sui auspicio insuperabilis, opes conuellere. Quanquam autem, REX AVGVSTISIME, DEI & summæ Reipublicæ negotium tam magnifi-

ce haftenus in oculis hu-  
mani generis geris , vt vi-  
galias, labores, facta Tua,  
fummorum omnis æui Im-  
peratorum exemplis nil ne-  
ceffe fit concedere ; quan-  
quam militiae Tuæ decora  
omnibus gentibus miracu-  
lo , hostibus ftupori fint ;  
illustrius tamen & amplius  
est , quod precamur , vt  
illi forti , illi excelfo , illi in  
omnia prompto animo Tuo,  
Pacem foris domique &  
emeruisse , & perornasse  
paulo post contingat. VI-  
VAT REX MAXIMVS  
CAROLVS GVSTAVVS  
& vincat , & longæua Re-  
giæ Domus posteritate,  
meritorum laudumque He-

roicarum seriem perpetuet!  
Hæc summo pietatis calo-  
re precatus, vt genua Tua;  
REX AC DOMINE CLE-  
MENTISSIME, humilli-  
me fas sit contingere, & ad  
pedes Regios exiguum  
hunc libellum deponere,  
supplicat

SACRÆ REGIÆ MA-  
IESTATIS TVÆ

*deuotissimus seruus*

J. H. B.

*Sacræ*

Sacræ Regiæ Maiestatis Re-  
gnique Sueciæ Senatori,  
Cancellario Aulico &c.

*Illustrissimo & Excellen-  
tissimo Domino,*

DOMINO  
MATTHIÆ  
BIÖRNCLOV

Hæreditario in Elmenhoff,  
Wannestadt & Tis-  
linge &c.

DOMINO MEO GRATIOSISSIMO.

*Illustrissime & Excellentissi-  
me Domine, Mœcenas  
Gratiosissime,*

*E* Tiamsi curis Tuis,  
quas Respublica sibi  
vindicat, sæpius ob-  
b 3 stre-

*Litteræ  
Authoris  
ad Illu-  
striss.  
Biörn-  
clou: fa-  
rum in-  
stitutūq;  
huius  
operis  
expli-  
cantes.*



strepere priuata clientium  
desideria nequaquam debe-  
ant, speraui tamen fore,  
ut veniam dares his literis,  
primum quidem reueren-  
tiam & obsequia Tuis ad-  
uersum me meritis in per-  
petuum debita profitentibus,  
votaque pro Tua incolumi-  
tate suscipientibus; deinde  
etiam preces, quarum à  
Tuo fauore vnice pendet  
exitus perferentibus. Hi-  
storia Danica tandem pub-  
licanda, ut me desiderium  
vehementius incederet, mul-  
ta & diuersa, quibus no-  
men meum lacerari intelli-  
go, conuitia effecerunt.  
Apud Danos enim rumor  
distulit, me totam illam na-  
tio-

tionem, eiusque Regem,  
 grauib. opprobrijs notasse  
 in mea historia. quod cum  
 non dubitarent nonnulli  
 coram mecum quasi expo-  
 stulare, monstraui uni al-  
 teriue opusculum, & mul-  
 ta inde prælegi; addens,  
 nihil mihi tale mandatum  
 à Serenissima Regina fuisse,  
 ut conuitio quemquam, et-  
 iam in hostium partibus, in-  
 cesserem. Nam in causis  
 belli enarrandis fieri quidem  
 non posse, quin alteri parti  
 molesta accadat narratio;  
 sed nullam in eo meam in-  
 uidiam; & publice hæc  
 pridem dicta scriptaque fu-  
 isse. Longe autem grauius  
 fuit, quod apud Vos quo-  
 b 4 que,

que, me mutata, quasi in  
contrarium Vobisque ad-  
uersum habitum historia,  
insimulari cognoscerem.  
Solatio tamen est, quod  
causam dico, apud gna-  
rum totius negotij iudicem.  
Tu enim, Illustrissime Do-  
mine, omnia memoriter  
tenes. Sub discessum è  
Suecia meum, duo exem-  
pla reliqueram: unum  
compactum, quod Regi-  
næ obtuli; alterum per par-  
tes, ut descriptum erat  
Magno Cancellario Axe-  
lio Oxenstiernæ, tradidi.  
In priore, obsequendum  
erat voluntati Regiæ, ad-  
ornandâ priscum ad mo-  
rem historiâ: igitur de caus-  
sis

sis belli summatim egeram. xiii  
quas prolixius, ex editis  
utrinque scriptis, exhibitas,  
alteri exemplari addideram,  
quando Cancellarius fuisse  
ista narrari voluerat.  
Tractatum Pacis itidem  
per summas tantum inse-  
rui: quia insperatus disces-  
sus me uberiore commenta-  
tione excluserat. Sed, cum  
penes me essent, quæ ad ple-  
norem descriptionem perti-  
nerent (diligentissime enim  
enotaueram) statim Ger-  
maniae redditus suppleui to-  
tum eum historiae locum,  
utilissimum scilicet, & cete-  
ris omnibus quodammodo  
preferendum. Ceteras ac-  
cessioncs, luculentas sane,  
Tuis



*Tuis auspicijs consiliisque  
debeo , Illustrissime Domi-  
ne. id quod , absque mea  
commemoratione , pulcre  
Te meminisse, opinor. Qua-  
re ne scribere quidem apolo-  
giam incipiam. Ut omnia  
mihi desint , candor certe su-  
pererit : de quo vel Tuum  
testimonium mihi sufficere  
potest. &c.*

*Argentorati 8. Januarij 1666.*


*Illustrissimæ Tuæ Excel-  
lentiae*

*addictiss.*

*J. H. B.*

xiv


6.5.170






xv

415.170



10x

W. 5, 170





BELLI  
SVECO-DANICI

Annis  
CICIDC. XLIII. XLIV. XLV.  
Gesti  
HISTORIA.

---

LIBER PRIMVS.

*Initium bellandi de improvise, ex  
parte Germania à Torstensonio  
factum, cum serie Germanica-  
rum rerum connectitur. Iter  
Torstensonij, & primordia  
Holsatica expeditionis. Iudi-  
cia de hoc bello, & status rerum  
in Europa. Causa belli accura-  
tius explanata. Fœdus Belgi-  
cum cum Suecis, qua huc perti-  
net. Dispositio militia Suedi-  
ca in Germania. Torstensonius  
Holsatiam occupatam ordinat.*

A Regis

Regis Dania industria in propul-  
 sando bello. Error & opinio apud  
 Danos & Noruegos de his armis.  
 Caesaris pro Danò cura. Vicinorum  
 consilia. Jutia, Ditmarsia, Vensilia  
 occupantur. Fioniam Rex Dania  
 tutatur. A parte Suecia cum pra-  
 missis esset in Daniam Fecialis, qui  
 bellum denuntiaret, Gustavus Hor-  
 nius Scania cum exercitu ingre-  
 ditur, & pleraque occupat. Etiam  
 ad fines Noruegicos copia armato-  
 rum disponuntur. Danorum in Nor-  
 uegiâ, & ex eâ conatus. Jemtia in  
 Succorum ditionem redacta. Regis  
 Dania Gotheburgensis expeditio.  
 Classis Suedica à Lud. Geerio in  
 Hollandia conductâ adventus, &  
 post pugnam unam alteramque  
 regressus: cum seditione, turbæ  
 nauticæ. Classis major è Sueciâ  
 præfecto Claudio Flemmingio,  
 Fimbriam occupat, & post acre  
 cum Rege Dania prælium navale  
 in portu Christianprisie obsessa,  
 feliciter evadit.

Bellum

**B**ellum quod Sueci, annis præscriptis, cum Danis teriâ marique summâ vigesserunt; biennio non toto inter maxime memorabilia nostri temporis haberi meruit. Nam & locis peruagatum est amplissime, inde à Germaniâ quidquid Danicæ ditioris litoribus Oceani terminatur, hinc Scaniam, Bleckingiam, Hallandiam, finesque Noruegiæ complexum; infestato mari classibus, tentatis aut captis insulis: & duces habuit celeberrimos, Regem acerrimo animo, virtute militari summâ, cum præcipuis æui bellatoribus commissum: & eventu inprimis admirabile apparuit, postquam duobus grauissimis bellis vno eodemque tempore, opes animosque Suecorum sufficere intellectum est. Ex quo enim suscepta Gustavi magni ductu & auspi-



BELLI SVECO-DANICI  
ciis expeditio Germanica, etiam  
post fata tanti victoris, adolescenti  
inter patriæ incrementa Christi-  
næ filiæ crebras pepererat laureas;  
nihil visum illustrius, quam quod  
in medio externorum armorum  
cursu, finitimo certamine exacto,  
Reginæ tum maxime imperium  
capeffentis primordia, securitas do-  
mestica & Danica Pax, non sine  
omine futurorum exceperunt. Si-  
cut autem summa & ineuitabilis  
necessitas Suecos ad hæc arma  
egit, sicut paulo post caussarum  
series accuratius explananda osten-  
det: Ita non domi tantum quam  
minimo motu strepituque omnia  
apparari, pars consilii fuit; sed fo-  
ris quoque inchoando bello cele-  
ritatem & dissimulationem singu-  
larem adhibuit Linnartus Torsten-  
sonius, Suedicis in Germaniâ ar-  
mis summo cum imperio præfe-  
ctus. ad quem, alijs prorsus consi-  
liis operibusque intentum missus  
è Suecia Jacobus Törneschildius,  
pene-

## LIBER PRIMVS.

penetratis post objectas ab hostilibus Cæsareorum copiis moras itineribus, Reginæ mandata attulerat, initio Octobris, anni qui hujus seculi quadragesimus tertius vsurpatur. Jis jubebatur Torsten-sonius, firmare copiis ac præsiidiis loca munita in Silesia, Morauia, & quæ alibi Regis vtilitatibus subleuandis & connectendis inserui-  
rent; disponere statum Pomeraniæ & Westphaliæ; inuigilare & providere securitati portuum & maritimæ Pomeraniæ, & huic rei vnum ex præcipuis ducibus cū idonea equitū peditumq; manu destinare, qui & aliās hosti quæ opus, se obijceret, atque his probe constitutis cum majore exercitu sub signis ordinato Holsatiam ingredi, inque ea, qua Danica est, vt & Jutia, statiuā militibus partiri. Addebantur, quæ ad demonstrandum consiliū de propulsandis bello injurijs Danicis pertinebant: tum quibus in omnes partes erga socios,

(159)

Oct.  
43.

-4-26

(42)

BELLI SVECO-DANICI

amicos, medios, suspectos, officiis, literis, quaque agendi consuetudine, longius, propius, uti fas esset. Quibus cognitis, Torstensonius cum subinde ex captivitate Tribunum Gerstorffium dimitteret, induciarum mentionem apud hostem illo interprete coepit injicere. Verum nullo ad ea relato responso, ordinandis de cetero, sicut praeceptum erat, rebus animum intendit. Quoniam vero ex ipsa Caesarum bellorum serie, novi & grandis coeptationes fuerunt dispensandae; non alienam instituto suscepti operis videri potest, si nos quoque occupatum ordinariis curis ducem per momenta rerum priora, ad id temporis deducamus, quod in Danos subito expeditionem ejus deflexit.

1642.

Partâ igitur apud Lipsiam anno superiore victoriâ quâ minus effuse Sueci vterentur, hostemque ad interiora receptacula persequere-

ren-

rentur, multitudo vulneratorum  
eo certamine obstitit: summaque  
ratio, & mox fortuna fuit, Lipsiam  
à tergo munimentum habere. Hæc 1643.  
in ditionem redactâ, cum iterum  
longinquis aduersaretur consilijs  
hiems, Freibergam obsidere pla-  
cuit: quæ capta cum Lipsiensibus  
& Chemnicensibus præfidiarijs,  
hostilia ad Albim munimenta à  
Pirna Magdeburgum vsque coër-  
gere potuisset: Sittauia & Lucca-  
uia, ex parte Lusatiae obuersa,  
idem præstituris. Repugnauerunt  
Freibergenses summâ ope: donec  
hostis è statuis Bohemicis, ubi  
copias instaurabat, ad obsessam  
urbem tam opportune conuola-  
uit, vt ab ipsa apparata oppugna-  
tione, post editam cuniculorum  
opere ingentem murorum ruinam,  
Torstenſonius renocaretur. Inde  
cum nulla pugnandi facultas ef-  
ſet, in Lusatiam, exactoque ibi al-  
tero mense, in Bohemiam itum:  
quo præceſſerat hostium exercitus,

(43)

BELLI SVECO DANICI

Gallassio iam rerum summam tenente, postquam Piccolomini Hispanis petentibus Cæsar concesserat. Tendebant ultra Albim Cæsariani: ceteriora Torstensonius, euocatum è Pomerania Stalhanskium, & quædam è Silesia copias expectans, insidebat: neutra parte ab occupandis, aut muniendis locis opportunis cessante. Ceterum capto Melnicco Suecus Albim ponte transiit, præterque castra hostium, paulo ante Kœnigsgratio Brandisium translata, cum dimicandi copiam frustra fecisset, Brodam Bohemicam petiit, indeque Morauiam ingressus, Olomucium acri obsidione liberatum, instructu & copiis studiosissime firmavit. Neque hostis, quamquam statim insecutus, castraque semper vicina metatus, prohibere potuit, quo minus vi metuque occuparetur, quidquid fere locorum securitati aut abundantia Olomucii profuturum



## LIBER PRIMVS.

(13)

rum videbatur. Hæc occasio fuit, insistendi præcipuo & perpetuo militiæ Suedicæ consilio, vt translatis in Cæsaris patrimonium armis, officina belli tot cladibus resarciendis hætenus abunde sufficiens imminueretur; & ad pacem amandam argumenta domi hostibus nascerentur. Augebat periculum Transylvuanus: quem ex dubio amico apertum fore inimicum, vtprimum Sueticarum opum societas tot occultis pridem literis nuntiisque affectata, è propinquo affulgeret, non immerito Cæsar suspectabat. Igitur consiliis armisque vel ad eiiciendum Torstensonium, vel ad distrahendum, nihil reliqui factum est. Submissa sunt continenter in castra Gallassii supplementa novorum militum: Cæsaris quoque expeditionem sumturi, primo fama, mox iter Niclasburgense magnam speciem habuit. Et quamvis missus in Silesiam Comes Bu-

A s che-

chemius, in itinere male multatus vix cum tertia militum parte peruaserat, conficiebatur tamen illis in locis iusti instar exercitus: quem in Pomeraniam præfidiis Sueticis inessam, aliquid ausurum, facile apparebat. Nam Kœnigsmarckius, apud Saxoniam inferiorem & Westphaliā cum delecto milite ad subita belli excubare iussus, quia supplementis è Sueciā destinatis nondum augeri potuit, vix par futuris disturbandis hostium cœptis credebatur. Quo factum est, vt Torstenfornius retrahendo è Silesia Buchemio, ad castra hostium expedito agmine profectus, detrectante alcā prælii Gallassio, late ad interiora populationem & terrorem dispersiret: receptisque quæ Oломucii reliquerat, impedimentis, Brinnam obsidere pararet; si forte hosti omne in cunctatione consilium ponenti, pugnandi necessitas posset afferri. Verum cum  
nec



nec obsidioni, nec prælio, sed nec  
stativis longioribus locus faveret,  
repetito Olomucio, apud monta-  
na Moraviæ tantisper subsistere,  
hostemque domi continere, Eu-  
lenbergâ interim obsessâ subactâ-  
que, placuit, donec fortuna mo-  
randis novandisque hominum  
consiliis intenta, sedem ac ratio-  
nem belli commutavit. In Silesia  
ergo totus mensis October reficien-  
do militi, ordinandisque in poste-  
rum rebus, datus est: Pomeraniæ  
præsertim respectu; in quam trans-  
mittere bellum hostis enixissime  
contendebat. Quippe Cracovius,  
supremâ apud Cæsares vigilum  
præfecturâ auctus, delectas equi-  
tum & dimacharum cohortes,  
ambagioso itinere, per Bohemiam,  
Lusatiam, Silesiam, finesque Po-  
loniæ raptim egerat, vltiorem-  
que Pomeraniam, captis impe-  
tu direptisque quæ iniuriæ oppor-  
tuna, evastauerat. Accurrit qui-  
dem propere Kœnigsmarckius,  
reco-

(43.)

12

BELLI SVECO-DANICI

receptisque locis plerisque , Cracouium vt castris se tueretur apud Belgardum adegerat : sed quin suppetias laturi essent Cæsarei , vt primum Torstensonius digredere-  
tur, dubitari non poterat. Ille igitur nunc citra , nunc vltra Viadrum moras nectens , tandem ad finitima Poloniæ Helmoldo Wrangelio relicto, vt Koenigsmarckium subsidiariâ ope firmaret , si quid illâ moueretur, Glogouiam, reuertit : famaue & paratu speciem præbuit , moturi, si res exigeret, in Pomeraniam , cui minus iam timebatur : quippe in qua hoc tempore totis viribus bellum gerere hostis non nisi malo suo poterat. Sed nouam pauloque ante in Sueciâ præceptam expeditionem molienti , inter artes erat, tum hac simulatione , tum insecutâ tortuosi itineris ambage, veteres novosque hostes in errorem ducere. Gallassius vtique & Götzius statim Cracouium monuere,

nuere, vt si imparem se Torsten-  
sonio sustinendo iudicaret, per fines  
Polonicos Vratislauiam incolu-  
mes reduceret copias. Interceptæ  
sunt literæ hæc mandata ferentes:  
Suecoque occasionem præbue-  
runt, Palatinum Posnaniensem  
de pactis induciarum appellandi,  
postulandique ne alterâ vice hosti  
Suecorum transitum per limites  
suos Poloni concederent. Sed  
Cracouijs alio nuntio de volunta-  
te Cæsaris certior redditus, castris  
munitissimis tacitâ fugâ elapsus,  
quâ dictum est viâ, per fines Polo-  
niæ, turmas plerasque seruauit.  
Kœnigsmarckium, quo minus  
eos assequeretur, recisi passim à  
fugientibus pontes, & mox illis  
refectis, reuerentia fœderum cum  
Polonis, morabantur. Torsten-  
sonius interea superato Glogouiæ  
Viadro, Lusatiam, inde Saxoniam  
ingressus, denique credebatur  
ponte nauali, quem apud Torga-  
uiam fecerat, Albim transiturus:  
præ-

(13)

præsertim, postquam id facere iussus Koenigsmarckius, qui paulo ante cum suis turmis, ad exercitum reuerterat, veluti præmitti visus est. Varia hinc de hibernis eius fama: ad quam hostis quoque se circumegit, nequicquam occupaturus iter, quod Torsten-sonius simulauerat. Is enim, præteritâ Viteberga, cum Cosuicûm in fronte Anhaltini agri positum petisset, iterumque dehinc imaginem præbuisset Albim transituri, repente Seruestam conuersus, per Magdeburgensem tractum, Hæuelbergam iter intendit.

*1. Dec.* Huc antequam perueniret, conuocatis copiarum ducibus præfatisque gratias egit ob strenuam fidelemque operam, cuius se testem professus, nihil magis in votis habere confirmauit, quam ut fortissimæ legiones post assiduos itinerum, castrorum pugnarumque labores, aliquo tam exercitiæ militiæ solatio præmioque refice-

ficerentur. neque enim spei fructum longe abesse. interim rei publicæ & instantibus curis seruiendum. in hiberna & Holsatiam absque tormentorum apparatu ire, non esse imperatorium: neque equos subito parari posse, nisi amputatis, quæ relinqui possent, ipsi equorum sarcinas portantium, viribus, subleuare rem tormentariam, quæ castrensis verè suppellex sit, aggrediantur. Simul his, obligauit fidem suam, recepturos, quæ quisque nunc amitteret. Reticuit de offensis Dani, nouique belli consiliis. Illi ex templo inter se collocuti, quingentos amplius de suis equos, magna alacritate tormentis destinant, vehiculorumque ac sarcinarum superflua igni absument. Transmissio deinde apud Haulbergam flumine, cuius nomen oppidum quod dixi, participat, cetera festinantur. dispersitoque in tres cuneos agmine, partem  
eque.



equeſtrium copiarum , aſſumtis  
 ſclopetariis maioribus equo ve-  
 hentibus , Pritzualdiam verſus,  
 Torſtenſonius ipſe ducit : cum  
 parte alterâ Witebergius Perleber-  
 gam contendit : Carolus Guſta-  
 uſ Wrangelius cum peditatu ,  
 quanta poſſet itineris induſtriâ ſe-  
 qui iubetur. Convenere qui præ-  
 ceſſerant, equites ac delecta pedi-  
 tum manus Raceburgi , Polabo-  
 rum veterum patria : occupandæ-  
 que Holſatiæ initium poſtridie fe-  
 cerunt ab Oldesloâ inter Hambur-  
 gum & Lubecam ſitâ. Unde Se-  
 bergam ( Aelberaga olim fuit ) &  
 poſt tertium diem Chilonium per-  
 ventum eſt. Hanc enim urbem, ſi-  
 dei & mercimoniorum ſedem, an-  
 niuerſario nobilium congreſſu ce-  
 lebrem, portuque præclaro oppor-  
 tunam , principio ſtatim in pote-  
 ſtate habere , inter conſilia præſi-  
 diaque belli fuit. Et iam Mortai-  
 gnus ſex cohortium manu Pinne-  
 bergenſem agrum in ditionem re-  
 degerat.

11. Dec.

12. Dec.

14. Dec.

12. Dec.

degerat. Ita momento temporis  
excutitur altâ pace, ac improviso  
belli tumultu trepidat omnis Hol-  
latia. pro se quisque festinare, ca-  
rissima rerum in vrbes vicinas ar-  
cesque munitas asportare: multi  
fugere, plures ex fugâ reprehendi,  
aut inundantibus late copiis  
preoccupari. Neque mora inter-  
posita est, quin tumultuosissimo  
nuntio ipsius Regis Daniæ aures  
verberarentur: rapiente hunc la-  
borem Segebergensis arcis præfe-  
cto, qui haud satis diligenti cu-  
stodiâ asseruatus erat. Non pa-  
rum autem mitigauit oppresso-  
rum calamitatem, ratio & huma-  
nitas Ducis: qui non nisi repu-  
gnantibus nocere doctus, recre-  
ando militi ex bello Germanico  
huc diuertisse, atque securitatis  
non possessionis causa obtinere,  
quæ occuparentur, videri vole-  
bat. Id quod etiam Marefcallo  
Regni Daniæ, causam armati in-  
gressus per literas requirenti, inter-



posita mora rebus præsentibus opportuna, respondendum duxit. Satis autem constat luculentas nobilium opes, Lubecensium vehiculis mercibusque permixtas, dum exactius inquirendi cura consultò remittitur, Chilonio dimissas esse. Hoc itaque Danici belli principium, sicuti sine vulnere, & sanguine adversus imparatos pro- uenerat, ita humanioris tituli velamento conuestiri facile potuit: cum præsertim non paci minus quam bello paratum animum sibi retinendum Sueci statuissent, si vel tum excindere belli causas Dani properarent. Ceterum tam repentina rerum commutatio, pro- pmodum Europæ totius consilia iudiciaque commouit. Perturba- tis enim apud plerasque nationes rebus, dissidiisque passim feruenti- bus, non nisi magnis motibus accipitur, quicquid nouum emer- git. Gallos à multo jam tempo- re reipublicæ tractandæ ratio, opi-  
bus

bus libertati Europæi orbis imminentibus opposuerat. In eo certamine, per varia rerum discrimina, satis animaduertit Gallia, nec belli successu, nec pacis securitate sustentari satis aut firmari suum statum, nisi amicorum virtutem ac fidem, in easdem spes metusque arctius consociaret. cum ergo quantum in foedere Suedico præsidii collocatum esset, non paucis aut leuibus ex præterito documentis meminisset, neque segni prudentia in futurum ratiocinaretur; ad famam hujus belli non modice percussa, querelas ac obtestationes miscuit, de communibus propositis, quæ tempore maxime alieno debilitari aut rumpi videbantur. Auxit hunc dolorem, quod inconsciis inconsultisque Fœderatis rem tantam suscipi, deuolutaque in ipsorum humeros præcipui oneris mole, fortunam partium in discrimen mitti, ani-

mo haud satis æquo ferendum iudicabant, qui sua tantum cogitant, dum de alienis deliberant. Propior periculo Princeps Cassellana, virili constantia, consilio, fide, præcipuum decus adepta, non dissimiles ob causas, animiangebatur. Belgici Ordines, quorum & res ut cum maxime agebatur, & fides obstricta erat, sicut Foederis leges paulo post circa causas belli commemorandæ ostendere possunt, quo animorum habitu se his negotiis adhibuerint, in loco cognoscetur. Britannia, magnum olim librandis nostri orbis rebus momentum facere solita, nunc inter domesticorum armorum tumultus, externa contrariis quidem studiis, sed ut extra sui temporis & operis rationes posita, respiciebat. nisi quod altera factio Danum premi, altera valere, suæ spei tutius existimabant. Hispani, quod casus obtulisset in sapientiam versuri, mul-

ta Gallis mala & ominabantur & meditabantur. Lusitani firmandæ cum Succis amicitiaë intenti, non tam iudicium suum profe- rebant, quam curas occulta- bant. Quorum Legatus scriptis ad Torstensonium Hamburgo (20. Decembr.) & Wismaria (29. Decembr.) literis præter officia, pecuniam offerebat. In Germa- nia Suecorum hostes, distractos illorum vires, bellicque partem in alias sedes translata, Regem- que Daniaë cautiora hætenus se- cutum, nunc vel inuitum in par- tibus fore, occulti lætabantur: palam occasionem nacti, probra in nomen Suecicum iaciendi, & quicquid fortibus felicibusque ar- mis obiectari solet, ingeminan- di. Quibus præcipua rerum ad quæstum diriguntur, sicut à suis rationibus alienum nunquam pu- tauerunt, si Danis, quos impe- riosius acerbiusque vectigaliaexi- gere crebro querebantur, ali-

quando vi munita contradictio  
opponeretur; ita amoris præsentis  
lucris invidiam paulatim postha-  
bere, neque probare videbantur  
arma, quæ extam inopinato mer-  
cimoniis emundis vendundisque  
intercesserant. Reipublicæ stu-  
diosos altius perculit, quod spe-  
ciosi totiensque liberandæ Ger-  
maniæ titulo præscripti operis  
contextus solui videbatur, pacisq;  
spem audioribus passim animis  
haustam, postquam Legati com-  
ponendis rebus Germanicis Mo-  
nasterii & Osnabrugæ iam conue-  
nire cœperant, versis repente in  
pacis conciliatorem armis, pleri-  
que desperauerant. Et iam inter  
diuersa Suecis timentium aut ob-  
trectantium studia, euentum rei  
ardue ac præcipitis, fœcundus  
præfagiis rumor varie figurabat.  
Aluerunt hos animorum motus  
querelæ Danorum, latè & citò  
dispersæ, ac subinde libello pu-  
blicatæ in hanc sententiam: Sue-  
COS

30. Jan.

1644.

cos iniustum, minimeque necessarium bellum, rebus necdum repetitis, contra leges patrias, quibus mutuæ necessitudinis inter vtrunque populum conseruandæ faciendæque formula continetur, Regi tot nominibus coniuncto, eo ipso tempore intulisse, quo Suecorum bello in Germaniâ componendo præcipuam is impensamque operam nauasset. Hæc accensa verbis ad inuidiam & miserationem compositis, auxerunt apud homines desiderium cognoscendi, quænam res gentem graui bello implicitam, nouæ moli humeros subiicere adegisset. Nam ea, quibus Sueci ius & necessitatem noui belli declarauerant, licet *16. lani* prius exarata, serius tamen vulgo innotuere. Certatum dehinc inter arma mutuis responsis; iteratâque non semel scripturâ disceptata lis est. Cuius ordo quibus momentis confertus sit, in quantum historiæ modus patitur, mihi

quoque exequendum arbitror. Nam causas rerum, quæ geruntur, fingere, ut præsens mouit affectio, aut per ignorantiam negotii suis propositis omnia & opinionibus accommodare, aut studio partium jure acta dicere vel iniuriâ, quæ inuisus dilectusue egit; sicut usitatum, ita rebus intricandis potius, quam explicandis idoneum est. Neque satis suæ existimationi consuluerit, qui solitis inter accolæ odiis, aut insita quadam bellandi cupiditate actos Suecos ad temerarium bellum procurrisse, temere pronuntiauerit. Lacescentibus enim undiquaque causis, imposita certandi necessitas, ubi nulla in jure & pactis spes relinquitur, plena iustitia est. Sed & illi, qui differri in aptiora tempora, quamuis iustum dissidium, merito & cordate optabant, satis intelligent, necessitatem, quæ raro permittit occasiones eligere, ante rationem



(1610.)  
tionem esse. Querebantur sane  
Sueci pridem, nullam Danis re-  
uerentiam fœderum initorum  
obstitisse, quo minus, ruptis hu-  
mani iuris vinculis, insitum odi-  
um, & infestum in hanc gentem  
animum quavis occasione exple-  
rent: idque tum aliunde demon-  
strari posse credebant, tum pro-  
prioris æui documenta maxima, à  
trigesimo amplius anno, non qui-  
dem ut causam hujus belli, sed  
quo prioribus recentia hæc com-  
pararentur & opponerentur, re-  
petebant. Rex enim Daniæ  
Christianus IV, vt Carolo IX.  
Suecorum Regi bellum inferret,  
nullamque pactionem, quamvis  
sæpius oblatam, admitteret, has  
fere interposuerat causas: quod  
commercia in mari Balthico tam  
Danis quam alijs, interdicto Ri-  
gensis & Curlandicæ nauigationis  
præciderentur; quod ius Regium  
Dano in Lapmarckia Noruegiæ  
nomine competens Sueci usur-

pando attrectarent. quanquam in  
Rigenſes quidem & Curlandos,  
tum Succorum hoſtes, nec reni-  
tente Dano, & pacto Stetinendi,  
ne retineretur, obligato, iſtud in-  
terdictum non iniuria factum  
erat: & in cauſa Finnorum ma-  
ritimorum Lapponiæ, iure ſuo  
non Sueci minus, quam Dani in-  
ſiſtere poterant, ex ſententia Fla-  
ckſebacendi, donec iudicio ar-  
bitri, & viâ fœderibus deſcripta,  
aliter ſtatuſſetur. Fruſtra, vt id  
fieret, petitum: remiſſis primo ex  
Dania ad Senatores & Ordines  
Regni Suecici, præterito Rege,  
patentibus literis, imperioſe tolli  
iſta iubentibus; tum Suecis, qui  
Holmia Calmarniam progreſſi,  
quo minus Wiſmaria apud arbi-  
trum & Danos ſtatim præſto ef-  
ſent, vento detinebantur, non  
expectatis. Ita, ne reſponſo qui-  
dem dato, ad Regis Caroli IX.  
literas, quibus Regem & Senatum  
Dania de iniquitate rei, & deſi-  
nien-

menſ.  
Oſtober.  
1610.

(1613.)

niendis iuxta pacta controuersijs  
monuerat, ad arma procursum  
est: dum Rex Daniæ, Russico Po-  
lonicoque bello implicitos Sue-  
cos, & ætatem Regis Caroli in-  
grauescentem, adeoque iniurijs  
opportunam speculatus erat. Id  
bellum, quod Rex decedens Filio  
Gustauo Adolpho unâ cum Regno  
reliquerat, interuentu & opera  
Jacobi Magnæ Britannia Regis  
compositum est: sopitis præter  
cæteras, etiam quatuor illis, quas  
ad iudicium arbitri sententia Fla-  
ckesebacensis distulerat, contro-  
uersijs. Non diutius quam ad an-  
num huius seculi XVIII. duraue-  
rat amicitia, cum Danus paulo  
ante diem restituendæ Suecis arcis  
Elffsborgensi dictum, Fridericum  
Grubbium cum quibusdam que-  
relis misit, eo potissimum nomi-  
ne tum motis procul dubio, vt,  
si vel minimum quidpiam in re-  
demptione illa desideraretur, ex-  
aggeratæ, prætextum retinendæ  
arcis

milan.

1613.

(1618.)

arcis darent. Verum , impletis omnibus, querelæ obliuioni, non  
(1622.) vltra quartum tamen annum , traditæ, occupatâ à Suecis Rigâ, per internuntium Danicum Petrum Galtium vehementer instaurari cœptæ sunt. Motâ tum lite de immunitate vestigalis , Danus in tantum suorum ciuium in Suecia immunitatem extendebat, vt Regi Sueco ademptam cuperet facultatem , imperandi Suecis etiam volentibus tributa , ex vsu & necessitate Reipublicæ ; nisi exceptis mercibus , quas Dani à Suecis emerent. Pugnabat hoc cum maiestate Regis & Regni , neque concedi poterat sine perniciæ publica , & periculo exempli : cum præsertim pactis Regnorum, nihil aliud quam immunitas mercibus Danicis in Suecia , & Suecicis in Dania, Noruegia , Oresunda, attribueretur. Cum Rex Gustauus Adolphus , ne lites istæ inter Regna hæc confererentur ,  
peti-

LIBER PRIMVS.

petiisset, Danus, neque vltiore  
 transactione, neque iudicio ten-  
 tato (quod pactis Regnorum  
 „præcipitur;) rescripsit: certum <sup>1622.</sup>  
 „sibi de nauibus & mercibus Sue-<sup>20. Aug.</sup>  
 „dicis vectigalia exigere, donec  
 „molestiæ ciuibus suis in Suecia  
 „oblatae omitterentur. Verbo-  
 rum minas res ipsa comprobauit,  
 exactis toto anno vectigalibus:  
 cum interim Gustauus Adolphus,  
 insuetus alias tam imperiose tra-  
 ctari, neque parum dolens man-  
 data sibi & repressalias à vicino  
 tot nominibus coniuncto inten-  
 tari, condiciones tamen æquissi-  
 mas, & supra quam exigere poterat,  
 temperatas patientissime offerret,  
 & ex formula pactorum compo-  
 ni, legatis utrimque missis, dissidia,  
 postularet. Verum, vt vidit, ni-  
 hil patientia & æquitate profici,  
 arma aduersus Danum sumere,  
 quamuis graui Polonico bello  
 irretitus, decreuit. Tum demum <sup>1624.</sup>  
 Rex Daniæ literis scriptis, nego-<sup>24. Apr.</sup>



(1624)

iationem rei apud limites admittit, qua omnis controuersia discussa est. Jacta tum quædam sunt de vectigali Oresuntico, & certificationibus (quas vocant) mercium Suedicarum; per quæ satis apparebat, Regem & Senatum Regni Daniæ id agere, vt exaucto amplificatoque variis nominibus illo vectigali, omnium Rerum publicarum & nationum mari Balthico vtentium bona, arbitrariæ Danorum taxationi subiicerentur; ciues autem Suedici, antiquitus immunes, & vi pactorum peculiarium ab omni onere & impedimentis liberi, per obliquum irretiti, aut vectigal indubitum penderent, aut nauigationem & mercaturam vario pretextu experirentur restrictam, oneratam, accisam, & cui, sublato emolumento, sponte intermori necesse esset. Ergo quæ Dani flagitabant, ut Succorum certificationes jureiurando munirentur, &

& disertis verbis, proprias merces eius qui nominatur, testarentur, vtraque reiecta sunt; tanquam noua inuenta turbandis commerciis & pactis Regnorum nata; & cum insigni aliorum populorum præiudicio coniuncta; si sublata fide, qua mercatura omnis nititur, nonis subinde litibus materia suppeteret. Quid? quod Dani nunquam ostenderunt, quo iure ab hominibus amicis, vndam solummodo, terras eorum interfluentem nauigantibus, vectigal Oresundum exigatur. Sicut amplius iudicabunt, qui seruitutem eam hactenus seruierunt. Sed tum quidem re vltro citroque agitata, conuenit, vt iureiurandò neutra pars certificationes firmaret, Suecis autem in Dania, Noruegia, Oresunda, salua immunitas, secundum pacta & exempla priorum temporum procederet. Conuerso hinc in bellum Polonicum  
Gusta-



Gustauo Adolpho, Danus paulo post in bellum cum Cæsare incidit, cum se ducem & defensorem circuli Saxonici inferioris ferret: euentu non alio, quam vt post prælium Luterense, amissamque Holsatiam & Jutiam, pace Lubecensi sibi consulere contentus, sociorum & amicorum iura & commoda dimitteret, atque maritima Pomeraniæ & Megapolin Cæsaris arbitrio armisque, non sine graui incommodo Boreali-um horumce Regnorum relinqueret. Quibus in rebus, quamquam de mente Dani aduersus Succos non obscura fuerit coniectura, Gustauus tamen Adolphus non dubitauit lapsam eo tempore Regis Christiani auctoritatem restituere; neque fœdus abnuit, quod metu & conscientia priorum consiliorum peti, præclare intelligebat; haud immemor, secum olim ad hanc formam minime actum esse. Quam  
grate

## LIBER PRIMVS:

grate habuerit ista amicitiae officia  
Danus, vel inde liquet, quod  
missi ad Lubecensem pacificatio-  
nem à Rege Gustavo Adolpho  
Legati, qui de communibus com-  
modis, tum de causa Stralsundi-  
ca, quam tuendam anno supe-  
riore vterque Regum susceperat,  
denique de subnatis cum Cæsare  
controuersijs agerent, instiganti-  
bus, vt postea patuit, Danis, non  
admissi sunt. Ab ipsa vero pace  
Lubecensi, solitæ in Succos Da-  
norum iniuriæ, nouam seriem  
exorsæ sunt. Desertâ primo, mox  
in Cæsaris manu relictâ cum suis  
portubus Pomeraniâ, Stralsundâ  
cum Suedico præsidio destitutâ,  
ne ferendæ quidem opis faculta-  
tem Succis in expedito esse patie-  
batur posita à Danis ad ostium  
Penæ fluuij, infra insulam Ruden,  
citra omnem iuris speciem, nauis  
galeata; quæ venientes & egre-  
dientes merces vestigales faciens,  
cum nauigantibus ipsis initio par-  
ceret,

ceret, neque interiorem negotia-  
tionum cursum attrectaret, mox  
atroces injurias cumulare ausa,  
aliquando in nauem Suedicam  
puluere bellico & instrumento  
militari oneratam displodere non  
dubitauit. Toleratum id Succis  
& Duci Pomeraniæ (qui nequic-  
quam tolli nouum onus postula-  
uerat) ne Cæsar quidem vel po-  
tuit, vel voluit emendare. Con-  
secutum est, vt Megapolitani Du-  
ces, propinquitate Sueco iuncti,  
cum Danus eos destituisset, auita  
ditione pellerentur, terrâ omni  
cum portubus Fridlandio traditis:  
Pomerania nullius culpæ com-  
perta, sola inuitante portuum  
commoditate, exercitu occupare-  
tur: piratica aduersus Suecos in-  
stitueretur. Quibus, aliisque de  
caussis, bello cum Cæsare gerendo  
implicitū Regem Gustauum Adol-  
phum, Danus ex omni occasione  
cum hoste colludens, ne suorum  
quidem commodorum respectu,  
impe-

LIBER PRIMVS.

impedire destitit. Cesserat & Ipse  
& Filius omni iure Archiepiscopa-  
tus Bremensis: sed à Cæsare tamen,  
cum aduersus Suecos tueri nequi-  
ret, vltro se passi sunt implicari, vt  
Friburgum reciperent. nam quò  
minus Stadam, vt conuenerat, in-  
siderent, postquam Papenheimius  
præsidium Cæsaris eduxerat, suc-  
cessus Ducis Johannis Friderici  
Administratoris, qui Suecorum  
auxilio Danos Friburgensi muni-  
mento excusserat, obstitit. Glück-  
stadiensēs, tum alia incommoda  
sæpius obtulerunt, tum anno  
MDCCCXXII. nauem Suedi-  
cam tormentorum ictibus merse-  
runt, fortuitum eum casum po-  
stea caussati. Apud idem Castel-  
lum Glückstadiense, nouum ve-  
tigal exigendi licentiam, per  
causam retorsionis in Hambur-  
genses, re vera aduersus omnes  
Albi commeantes, à Cæsare, con-  
niuentibus partim Electoribus,  
hac lege impetrauit, vt Cæsari

C 2

omni

omni modo suffragaretur, & contra Suecos auxilio esset, si negotiatio pacis minus succederet. sub persona enim pacificatoris hæc talia Danum agitasse, ex secretioribus commercijs documentisque abunde cognitum est. Neque quisquam rerum publice gestarum haud imperitus ignorat, quemadmodum, non tantum superstitute Gustavo Adolpho, sed vel maxime post mortem eius, Regno Sueciæ aduersa struxerit apud Electores, Principes, Ciuitates Imperij Germanici, aliosque extra id constitutos. Ita MDCCCXXXIII. anno, missis in Silesiam legatis, eo ad pacem tractandam Cancellarium Oxenstiernam inuitauit: cum nihil nisi occasio captaretur Succis obtrectandi; præsertim apud imperitiores, qui pacem cæco impetu cupiebant. nam & literæ securitatis à Cæsare impetratæ, solos fœderis Lipsiensis socios nominabant; & præter



ter manifestam rei indignitatem, neminem latere poterat, negotium tanti momenti, in quo totius Europæ commoda verterentur, neque Regni Suedici, neque Fœderatorum nomine, citra præuiam conuentionem suscipi posse. Post infortunium Nordlingense, pacemque Pirnæ & Pragæ fabricatam, erupit amplius iniqua voluntas. quamuis enim summa communis boni ratio & domestica salus Regem Daniæ monere debebat, vt procumbentis libertatis curam ageret, præualuit tamen in Suecos odium: quibus vt ægre fieret, omnia pæne afflixit, nisi DEVS causam meliorem sustinuisset. Etenim Ordines Germaniæ, modo apertâ viâ, modo per obliquum à Suecis diuelleret studuit: consilia Suecis nocitura vel suggessit, vel fouit: atque sub imagine amici ac sequestris, vnice semper conatus est, arma Suecorum infirmare, occasiones



1654.  
(470)  
& commoda intervertere, causamque totam difficultatibus intricare. Exempto rebus humanis Administratore Bremensi Duce Johanne Friderico sub finem anni MDCCXXXIV. Rex Daniæ cum Ordinibus Archiepiscopatus, de Duce Friderico Filio suo, insalutatâ Suecorum Reginâ transegit: quanquam non ignoraret, Archiepiscopatum armis Suedicis, eiccto per Regem Gustauum Adolphum hoste, occupatum, præsidiiis firmatum, & in id temporis optimo iure possessum: nisi quod redditibus & iurisdictione Administrator, Regis Suecorum auunculus, sub patrocinio Regni Suedici, saluaq; eius ditione, fruebatur. Hoc facto, necesse fuit, Suecorum arma per Germaniam infirmari, lineam communicationis in mari occiduo è Suecia, Anglia, Scotia, Gallia, Belgio, corrumpi; ap-pulsam & subuectionem militum, armorum, instrumenti bellici, præ-

præcidi atque intercipi. Regina, quæ non inuita, recte atque ordine petita Duci Friderico Archiepiscopatum dedisset, abunde intellexit, quid damni, ludibrii, indignitatis pateretur à Principe consanguineo & vicino, ad quem Germanicæ causæ propositum non parum pertinebat. Spreuit tamen contumeliam sibi factam, præfectosque suos conuiere, & præsidia Stadâ atque Boxtehudâ educere iussit; concessio insuper Episcopatu Verdensi, & immunitate tributorum ac statiuorum utrobique indulta. Atque ita suæ militiæ vsum & commoda honoris Regis Dani & Filij eius, in terris Sueca vi sumtuque partis posthabuit: cum priori Administratori, quanquam arctiori cognatione & bencuolentiâ coniuncto tantum non fuisset indultum. Iterum autem loco referendæ gratiæ, paulo post copijs Suedicis subtrahebantur tributa, quæ Comitatus Pin-

nebergensis, bona cum pace Comit<sup>is</sup> Schauenburgici, persoluerat, ab eo tempore, quo Rex Gustauus Adolphus hostes expulisset. Neque de possessione Comitatus illius, post excessum Comit<sup>is</sup> nunc quæritur: sed quo jure amicus amicum insalutatum eiicere potuerit suis juribus, dum adhuc arma inter Suecos & Cæsarem vigeant, & pars vtraque, oppressione inimicorum, & auxilio amicorum se firmabat. Jactabatur etiam subinde aliquid juris affectati in Halberstadiensem Episcopatum, & quasdam in agro Luneburgico præfecturas: nulla sane spe consequendi à Cæsare & iusto domino id, quo semel se Danus abdicauerat, sed vt ex occasione Suecorum commoda turbaret, periculoque & impensis, quin etiam ingratijs & ludibriorum, reciperet perdita, sicut in caussa Bremensi & Verdensi videre licet. Quo tempore Gallius

lassius agrum Megapolitanum, ex-  
cepta Wismaria cum appposito mu-  
nimento, occuparat, anno autem  
CISIDCXXXVIII. etiam Warnemun-  
densem munitionem ceperat, Rex  
Daniæ naues bellicas misit, iussas  
adoriri Suecos, si vectigal ab egre-  
dientibus & ingredientibus accipe-  
rent: quanquam inter Gustauum  
Adolphū Regem, & Duces Mega-  
politanos res transacta, & aliquot  
annorum usu, propter opem belli  
Germanici, firmata, ad Daniam  
nullo modo spectaret. Regina ta-  
men, ne quid oriretur inde turbæ,  
abstinere suos vectigali capiendo  
iussit. Reiecto postea trans Albim  
Cæsareo exercitu, qui in Pome-  
rania & Megapolitano agro, per  
hyemem & insecutam totam æsta-  
tem castra Suecorum castris oppo-  
suerat, Banerius munitionem  
Warnemundensem, adhuc hosti-  
li præsidio inessam, Wrangelio  
summo vigilum præfecto oppu-  
gnandam dedit. Prope deditio-

C s

nem

nem reserat, cum ad alia digressus ille, ubi mox reuertisset, reperit interea Cæsareum præsidium à Nauarchis Danicis in Holsatiam & ad suos asportatum; nec minus adiutos Rostochienses in auferendis tormentis & apparatu bellico, disiiciendisq; operibus. Ut ergo, re nondum perfecta, Cæsarcos & Rostochienses interturbare aggressus est, jactæ è nauibus Danicis pilæ glandesque, aliquot milites eius interemerunt: neque dubium habebatur, quin reparacionem munimenti etiam deinde impedissent Dani, nisi hyems & aliæ fortassis causæ intercessissent. Consimili importunitate, Præfectus Danicus sub Insula Ruden, Wolgasticensi præsidio à Suecis obseſso, non destitit, quamuis monitus, annonam subuchere. qui cum ad hunc modum Suecorum amicitia, haud dubie domo jussus abuteretur, obsidionem in longius trahi necesse fuit.

Quid

Quid consiliorum, Arnhemius  
& Franciscus Lauenburgicus in  
Regem & Reginam Succiaë fabri-  
cati sint, non incompertum est,  
& fortasse amplius innotescet. In  
eo negotio, non postremus Da-  
no locus, qui auctores fuit,  
partemque operis, si destinata  
prouenirent, ipse sumsit. neque,  
vero adhucdum deteguntur con-  
silia diuinitus oppressa: illud  
vnum intelligi datur, in omni-  
bus regno Suecorum aduersis, ali-  
quas Dani partes fuisse. Neque  
præteriri debet, quod Rex Da-  
niæ, ex quo emerfit bello Germa-  
nico, defensionem & patrocini-  
um Circuli Saxonici Inferioris,  
vt olim contra Cæsarem, ita de-  
inde contra Suecos, affectauit:  
non, quasi quicquam eiusmodi,  
in tali rerum statu, secundum le-  
ges Imperij & Circulorum insti-  
tui posset; sed vt Ordinum erga  
Regem Succiaë beneuolentia &  
reuerentia turbaretur, & arma  
eius



eius infirmarentur; parata exinde diffidiorum occasione, & loco exercitibus vsque ad reconciliatam pacem sustinendis adempto. Posset etiam attingi, quo astu Wismaria alijsque locis munitis in agro Megapolitano, præsidia Suedica excutere, suaingere molitus sit Danus; tum quæ consuluerit ac obtulerit nonnullis Electoribus ac Principibus Imperii: sed suo tempori ista reseruantur. In pacificationis negotio, inde ab initio belli videri voluit occupatus. Sed missis Daniscū Legatis eius anno CICIDCXXX, persuaderi non potuit, vt vel semel cum Suecis Elbingæ, aut loco medio congregarentur, quod officium sequestris postulabat. Silesiacum congressum, de quo ante, cum nihil aliud quam Fœderatos à Suecis diuellere, sicut ab Electore Saxone initium factum est, Cæsar studeret, non est mirum, successu caruisse.

Com-

Commutatīs dehinc plurimum pace Pragenſi rationibus belli, Suecos non à Cæſare tantum, ſed à Saxone etiam alijsque hoſtes judi- caros, Rex Galliæ graues ob cauſas arctiori ſociandorum armorum neceſſitudine ſibi adiunxit. Sicut autem inter Suecos Galloſque, alii agendum negotium ſuſceperant; ita inter Cæſarem & Suecos Danus ſemper operam obtulit ſuam, non ingratam tum Suecis, ſperantibus publicas communis boni rationes priuatīs odiis interceſſuras. Sed de partium ſtudio abunde teſtantur negotiationes præuiæ, Danicæ legationes in Sueciam & in aulam Cæſaris factæ, literæ ad Electores & Collegialem, quem vocant, conuentum Noribergæ inſtitutum; aliæ item legationes literæque ad alios: nec minus ea, quæ inde conſecuta ſunt. Semper Suecorum cauſſa damnata, ſemper aduerſariorum rationes  
pro-

1637. probatae, consilia laudata sunt; non sine adiectis interdum minis in Suecos & inimicitiarum denunciatione. Præcipue autem fœdus Sueco-Gallicum, anno MDCCXXXVII. arctioribus vinculis instauratum, impedire, & postquam coivit, rumpere studuit Danus: semper vrgens, vt cum Cæsare seorsim, exclusâ Galliâ, Sueci paciscerentur. Multo labore declinandus hic dolus erat, ad quem instruendum non Cæsarei magis, quam Dani contendebant, excitandæ Gallorum in Suecos suspicioni & æmulationi. Cum in negotiatione præuia mentio fieret Ordinum Belgicorum, qui Galliæ fœderati erant, postulareturque, vt ratio eorum haberetur, qui communem semper causam fouissent, male acceptum est à Danis, & contractum, quasi moræ paci de industria iniicerentur. Ante biennium & amplius præuia negotiatio, actoribus Saluio,  
Comi-

Comite de Auaux, & Conrado  
Lützouio, ita terminata est, vt  
dies conuentus diceretur xv. Mar-  
tij (1642.)  
MDCLXII. Hanc licet Cæ-  
sarei non obirent, sed vltro dif-  
ferrent, Lützouium mandata  
transgressum caussati, locoque  
promissæ rati habitionis Cæsar  
nihil nisi literas ad Regem Da-  
niæ mitteret, quibus conuenta  
improbabat, aliasque conditio-  
nes pacis proponebat; Rex Da-  
niæ tamen culpam moræ & im-  
pedimenti Suecis potius, quam  
Cæsari tribuit, nec promouit rem,  
sicut sponderat, sed extraxit.  
Hunc in modum Suecis bellum  
Germanicum aggrauare Danus  
studuit. Neque minus interim  
domi incrementa Sueciæ turbari,  
pacta, consuetudines, necessitu-  
dines mutuæ, paulatim eludi cœ-  
pere. Perturbatio totius Europæ,  
vicinusque orbis & in eo Sueci  
bellis impliciti, spem fecerant,  
nunc potissimum amplificari opes  
Dani-

Danicas posse. Jgitur, quod olim tentatum, sed aduersus serio resistentes omissum fuerat, jam occupatis alibi nationibus, Suecis etiam per conquisitiones militum nouo scrupulo iniecto, in omnes ex mari Balthico in occiduum nauigantes vectigal intendit Datus, nec duplicatum modo, sed in nonnullis mercibus triplicatum, aut quadruplicatum, in quibusdam, ligneis præsertim, dimidium pretij exegit: quinimo pro centenario nitri, xiv. nummos vnciales vectigalis nomine, postulatos constat, cum sedecim, non amplius væniret. Coorta de vectigali Polonico disputatione, quanquam nulla cum ea gente inimicitia erat, naues quædam Polonicæ nauali Dantiscano abductæ sunt; omnium quoque nauium & mercium Königsbergam petentium vectigal quadruplo auctum; non alio nomine, quam quia ibi vectigal, exigi cœptum



prum erat. Neque amicitia cum Anglia Scotiaq; obstitit, quo minus graue illud vectigal penderent. Eodem loco Belgæ & Hansæatici habitî: atque ita omnium pæne nationum bona taxationi Oresunticæ subiecta. Quantum ad ciues Sueciæ, cæteris quidem juxta pacta conuenta Regnorum & antiquam consuetudinem immunitate gaudentibus, vectigales erant Reualiensēs, Rigenſes, Naruenſes, Pernauienſes. Hi ergo, non minus ac cæteræ nationes, noua illa & intolerabili exactiōe vexati sunt. de Pernauienſium frumento, obtentu menſuræ maioris, ſesqui altera parte auctum vectigal. Naruenſibus quoque oneratis, cum appellatus eſſet Rex Daniæ, idem ſibi juris in Oresunda, quam alijs Regibus in ſuis terris vrbibusque eſſe, reſpondit. Eandem fortunam in Oresunda expertæ ſunt ciuitates Megapolitanæ & Pomeranæ, in clientela

D

Sue-



BELLI SVECO-DANICI

1637. Suecorum tum acquiescentes. Ad  
 ceteri quidem ciues Sueci, vt di-  
 ctum est, sine manifesta pactorum  
 violatione, ad hunc modum onerari non poterant; sed vt immu-  
 nitas tamen eorum & nauigatio  
 inhiaberetur, primum anno crioce-  
 xxxvii. merces discriminari, omnia-  
 aq; ad apparatus & instrumentum  
 belli pertinentia, transitu coepta  
 sunt prohiberi: ita, vt nemini  
 Sueco, alteriusue nationis homi-  
 ni, sine peculiari indultu, tor-  
 menta, scelopos, arma, gladios,  
 puluerem bellicum, nitrum, glo-  
 bos & similia liceret per Oresun-  
 dam portare; quamuis antea id  
 nemini vetitum, Suecisque mer-  
 catoribus semper concessum, atq;  
 vsitatum fuerit. Prætexebatur jus  
 regium, sed reuera id agebatur,  
 vt omnes manufacturæ, quæ vo-  
 cantur, ad mare Balthicum, in-  
 primis in Succia subiectisque ei  
 provinciis, quarum incrementa  
 omnibus modis euersa cupiebat  
 Danus,

## LIBER PRIMVS.

Danūs , interciderent. Quod si  
 plures in freto Oresuntico naues  
 concurrerent , Suedicæ aut Sue-  
 dica portantes , postremæ dimitte-  
 bantur ; deterrendis à negotiatio-  
 ne Suedica , ad hunc modum gra-  
 uata , peregrinis. Atque vt am-  
 plius turbarentur Sueci , quotan-  
 nis nunc vna nunc plures naues  
 Suedicis mercibus oneratæ , va-  
 rio prætextu detentæ , Hafniam  
 deductæ , inspectæ , litibus vexa-  
 tæ , quædam præter omne jus con-  
 fiscatæ , quædam sine omni resti-  
 tutione damni absolutæ sunt.  
 Neque aliter Suecorum ciues , na-  
 ues , bona , Glückstadij excipiebantur.  
 Quod si quis Suecus priua-  
 tim in Dania jus suum à Rege aut  
 Regno peteret , semper in confes-  
 so debitoque ære , liquidâque  
 causâ , re infectâ dimissus est.  
 Quotiens naves & merces Suedi-  
 cæ in Oresundam venire , qua-  
 rum certificatio vel nondum ade-  
 rat , vel improbabatur , statim

exactum est vectigal, non visita-  
tum, sed nouum illud & intole-  
randum; nisi Haffniam abripi  
mallent nautæ, nequicquam  
omnibus, per quæ satisfacere po-  
tèrant, oblatis. Adco pactorum,  
amicitiæ, conuentionum, mo-  
rum, æquitatis religionem, cu-  
piditas vectigalis, & studium per-  
dendi navigationes Suedicas ab-  
sorberat. Inter nuper vetita fuit  
ne quis Succus Oresundam trans-  
iret naue, portante equos, aut  
præfectos militares ex bello Ger-  
manico venientes, vel eo tenden-  
tes; præsertim plures. Quomo-  
do naues vtriusque Regni, in mu-  
tuo occurſu se gerere debeant,  
jam olim constitutum erat: ne-  
que à bellicis Succorum nauibus  
Oresundam tranſeuntibus aliud  
exigebatur, quam vt apud Crone-  
burgum subſisterent, deque ſuo  
aduentu per nuncium significa-  
rent. Contra ea, præfecti Dani-  
ci cœperunt exigere, vt a pluſtre  
detra-

## LIBER PRIMVS;

detraheretur : vnaque & altera  
 minorum nauium , ad id facien-  
 dum tormentis adactæ sunt. Sed  
 & qui Croneburgo præfuit, anno  
 MDCCCXXXVII, naus bellicæ  
 Suedicæ præfectum, in Oresun-  
 dam venientem, amice ad se in-  
 uitauit, cumque ille, nihil suspi-  
 catus mali, egressus esset naue,  
 missa est ex arce naus Danica,  
 quæ Suecam præfecto destitutam  
 cogeret signum nauale detrahe-  
 re; cuius genesis plura nec vno  
 loco euenerunt. Præter tot ac  
 tantas indignitates, Suecorum  
 Regina maluisset silentio preme-  
 re aliud specimen animi in se, &  
 suam gentem iniqui, nisi ad  
 omnium notitiam publicam res  
 tota pridem emanasset. Coepe-  
 rat ante aliquot annos, Regina  
 mater quibusdam rebus in admi-  
 nistranda republica parum dele-  
 ctari. cui dissensionem cum paruo  
 posset negotio medicina fieri,  
 Rex Daniæ per internuntium

D ; suum

1638. suum Petrum Wibe oleum igni af-  
fudit: subinde per Legatum suum  
Christianum Ulricum, denique  
per filium Woldemarum, aliosq;  
arcanos ministros eò rem perdu-  
xit, ut conducta Hafniæ ab eo  
quem Danicus internuntius mi-  
serat, navis, Reginam matrem  
clam exciperet, ac mense Julio,  
Reginã filiã Regniq; admini-  
stratoribus insciis, asportaret.  
Quam missus à Rege Daniæ, cum  
duabus bellicis nauibus, præfectus  
rei matitimæ, apud Gotlandiam  
suscepit, viteriusque prouectam,  
præterita Lubeca, in Fimbria in-  
sula exposuit. Quale hoc sit,  
quantaque molestia & contume-  
lia redundet, verbis non expri-  
mitur: Ipsi tamen Daniæ Regi,  
Ministrisque & ciuibus eius, nec  
non omnibus iusti honestique  
sensu præditis, præcipue autem  
Regibus & Principibus, quorum  
fortuna supra communem for-  
tem DEVS cuexit, existiman-  
dum



dum datur, an deceat vicinum,  
amicum, cognatum vltro se im-  
miscere statui alterius domestico,  
talique cum iniuria & ignominia  
afficere. Neque historia finit nos  
ignorare, qui euentus plerunque  
ausa eiusmodi consecuti sint.  
Et sane, non abiisset impune tam-  
diu tantum contumeliarum, nisi  
notæ temporum iniquitati paren-  
dum fuisset. Intelligebantur qui-  
dem ista, qualia erant; neque  
cuiquam dubitandum videbatur,  
quin à compluribus jam annis,  
occultum cum Regina Sueciæ  
bellum, neque aperto minus no-  
xium, Dani gererent. quæ res  
sicut suo tempore negligenda non  
erat, ita tanti interim non fiebat,  
vt tam alieno Sueciæ tempore in  
simultatem, indeque in bellum iri  
deberet. Immanis belli Germa-  
nici moles, interim Reginae ani-  
mum facile compulit, vt spera-  
ret, Danum patientia Suecorum  
à grauioribus ausis retentum, fa-



tis habiturum, si alienis incom-  
 modis sua in tantum commoda  
 prouexisset, modumque in cæteris  
 adhibiturum esse. Sed dum spe  
 futuræ compositionis & toleran-  
 tur multa, & toleranda videntur  
 aliqua, tentata patientia in tan-  
 tum contemni cœpit, vt Danis  
 persuasissimum esset, Suecos aut  
 seruire hanc seruitutem, aut de  
 salute periclitari, si se commoue-  
 rent, oportere. Neque errauit  
 plane illa opinio: Reginâ ob me-  
 diocres iniurias nihil profecto  
 moturâ, nisi desperatis omnibus  
 remediis, ad vltimam juris ratio-  
 nem, quæ vim vi propulsat, confu-  
 giendum vidisset. Et prioribus  
 quidem annis, veluti per gradus  
 cœpta est premi negotiatio Sue-  
 dica, discrimine primum & inter-  
 dicto certarum mercium; inde  
 augmento vectigalis, imminutis  
 Suecorum priuilegijs: tum desti-  
 natis in Suecos & alias nationes  
 nouis inuentis, dum inspiciuntur  
 naues,

## LIBER PRIMVS.

naucs, & resignatis literis ac interceptis nauigatione tardata, interdum confiscantur, damno multantur, dominis cripiuntur. Sed quatenus vectigal, vtut iniquum, ad tempus ferri, ac subinde conditionibus finiri posse videbatur, conuiuentibus oculis ista transmissa, neque ad animum adeo reuocata sunt, quamuis enim quo tenderent talia, non obscurum erat, & iniuriæ vni ac alteri factæ, omnes petebant terrebantque, ipsa tamen vexatio ad paucos pertinebat. At vero, anno præterito dum nauigatio & mercatura Sue-

dica, manifesta caperet incrementa, non distulerunt amplius Dani, consilijs pridem deliberatis facta jungere, id est, dare operam, vt omnis illa nauigatio atque negotiatio, adeoque cum alijs nationibus communicatio ad mare occiduum, turbata præcideretur, aut ipsa difficultate in-

utilis reddita , sponte corruere.  
præter onera igitur cæteris nationibus communia , in dimetiendis nauibus , & nouis multiplicatisque inspectorum vocabulis & ministeriis, ipso numero, et si malitia hominum abesset , terribilibus , primo in dubium cœptæ sunt vocari certificationes Suedicæ , Regnorum pactis consentaneæ & hætenus vsitatæ; tanquam paucis nummis venales, merisque fraudibus refertæ essent. atque, vt crimini locus esset , citis literisque refractis, modis omnibus quod obijci posset , requisitum est: infamatis plerisque juratis magistratibus per ciuitates, quasi suam auctoritatem imposturis commodarent : quamuis magna pars mercatorum Suedicorum non ignoti , iisque essent facultatibus , vt fraudibus instruendis opus non haberent. Tractis adhunc modum in controuersiam Suedicis certificationibus, fieri

non poterat , quin tota negotia-  
tionis ratio , & fundata certi-  
ficationibus immunitas tollere-  
tur. Eodem pertinet , quod (1624)  
olim in congressu apud limi-  
tes reiectum negatumque, nunc  
impræscia Regina refodiebatur  
exigebaturque , vt certificatio-  
nes Suedicæ, *propria* eius , qui  
nominabatur , *bona* disertis ver-  
bis testarentur. Cum enim , vt  
omnes mediocriter mercaturæ  
periti norunt , pauca inter nego-  
tiatores commercia proprijs pe-  
cunijs , pleraque autem varijs  
conventionibus & conditionibus  
constent , imminuta fide , occa-  
sionem confiscandi naues mer-  
cesque quæri apparebat. Debe-  
batur porro Succis immunitas  
peregrini potus , nisi quatenus in  
utroque Regno importatus ven-  
ditur. hoc quoque jus primo in  
controuersiam vocatum , mox  
sublatum est : risu exceptis , qui  
querebantur. Lite semel sub va-  
rijs

1642  
 rijs eiusmodi pretextibus motâ ,  
 statim ad executionem , nulla  
 significatione aut admonitione  
 præmissa , ventum est. Anno  
 præterito , cum naues Suedicæ  
 aut Suedica portantes , pactis Re-  
 gnorum immunitatem decernen-  
 tibus fretæ , in Oresundam venis-  
 sent , pars etiâ vctigal exactum  
 soluissent , jamiam abituræ , no-  
 uis inspectionibus subiectæ , mi-  
 litibus inessæ , Hafniamque ab-  
 ductæ sunt. ibi denuo inspectis  
 omnibus , refringebantur cistæ  
 sarcinæque , omniaque prædæ ac  
 direptui habebantur , contra fœ-  
 dera , pacta , amicitias , consuetu-  
 dînes , naturam commerciorum ,  
 ipsumque jus & æquum. Omnia  
 tunc in Succos licita : nullo le-  
 uamento. Nihil Minister Sueco-  
 rum Ordinarius , nihil supplices li-  
 belli apud Regem & Senatores  
 Regni potuere : vna voce occur-  
 sum omnibus ; noui iudicij for-  
 mulis standum esse. Constituti  
 scili-



scilicet erant, vocabulo collegij  
naualis, viles quidam homines:  
qui ex præscripto, vt apparuit, ju-  
dicantes, nihil certificationibus,  
Regnorum pactione determinatis,  
nihil testimonijs aut documentis  
è Suecia alijsue Rebuspublicis tri-  
buebant; naturam commercio-  
rum negligebant, exercitionem  
nauium non ex re & consuetudi-  
ne, sed ex propositis Danicis æsti-  
mabant, adeoque naues denique  
cum mercibus confiscabant. Quo  
jure, totus orbis iudicet. Si quid  
enim desideratum esset in certifi-  
cationibus, illud vtique vel ex-  
acto vectigali, saluo nationis ju-  
re, expiari, vel in maiore deli-  
cto, confiscatio nocentem so-  
lum, non innoxium nautam,  
aliosq; participes mercium petere  
debit. Quod si ab hoc iudicio ad  
Regem & Senatum Regni prouo-  
caretur, nihil aliud quam mole-  
stia augebatur, vexationi accede-  
bat mora, neque minus interea  
statim



statim à sententia Collegij pronuntiata, naues Danis addictæ, in usus publicos, bonis diuenditis, conuertebantur: quin & aliquæ non euaserunt hoc remedio priorum iudicum sæuitiam. In quas autem nullus omnino prætextus adornari potuit, restitui quidem, persoluto mercium pretio iuebantur, sed absque compensatione damni, nec sine multa, quamuis innoxijs & à Rege absolutis imposita. quinta enim pretij pars nouis illis accusationibus & inspectionibus destinabatur; cumque restitui sibi sua secundum Regis sententiam peterent, superbe à Pro-Rege habitæ, oblata per contumeliam minima parte, aliquando rebus nec redditis dimissi sunt. Insignia sunt exempla duarum nauium: quarum altera Ludouici Geërii, altera Johannis Sibrandi Gotheburgensis, primum detentæ, tandem post multam vexationem à Collegio nauali dimis-

missæ sunt. Navis Geeriana æs  
& filum æneum, aliaque magni  
pretij bona, tum ferrea tormen-  
ta, quæ Regis permissu literisque  
recipere licuit, vehibat. nullum  
de navis, nullum de mercium  
proprietate dubium erat. Ea cum  
sero autumnus in Oresundam ve-  
nisset, neque sola tali tempore  
periclitari vellet, accepta apud  
teloneum schedula immunitatis  
Hafniam processit, & in conspe-  
ctu omnium hibernavit. Vere  
primo, iterum repetendi cursus  
in Oresunticum fretum reuersam,  
noui inspectores militibus occu-  
pant, Hafniam reducant, apud  
tribunal istud nauticum accusant.  
post inauditas vexationes, cum  
nullus fraudis titulus potuisset re-  
periri, non sine maximo tempo-  
ris dispendio, absoluta est: ad-  
emptis tamen multis tormentis  
ferreis, nec persoluto, quod pri-  
mum promittebatur, pretio, dum  
obtenditur, mensuram globorum

1642

non

non respondere exemplo literis  
ad Regem Daniæ scriptis inserto.  
Altera nauiſ Gotheburgensis mer-  
ces Suedicas, pretio tonnam au-  
ri, vt loquuntur, vincente, è  
Belgio Holmiam portabat. Hæc  
perſoluto in Orefunda, vnde po-  
ſtulabatur, vectigali, impositis  
militibus deducitur Hafniam, re-  
uelluntur ciſtæ ſarcinæque; requi-  
runtur literæ; in juſ vocantur  
mercium domini; neq; impetra-  
ri tamen per Internuntium Sue-  
dicum tempus poterat, quo Hol-  
miam res nuntiaretur, ipſique  
venirent, aut certos homines al-  
legarent. magna quippe pars mer-  
catorum Holmiensium, Ipſaque  
Regina, mercium aliquid in hac  
naue habebant. Rex Daniæ, qui  
tum Hafniæ aderat, appellatus de  
eo negotio, ad formulam judi-  
cii omnia reiecit. Cum igitur tri-  
bunalis nautici quoque ſententia  
abſoluta nauiſ eſſet, Pro-Rex vel  
ſua vel aliorum ſponte denuo  
juſſit

jussit inquiri, & merces exonera-  
ri. in qua inquisitione omnia ita  
disiecta sunt, ac si prædæ exposi-  
ta essent. Cumque ne sic quidem  
aliquid criminis reperiri potuisset,  
retentis tamen quibusdam Regi-  
næ bonis, & quidem Regio signo  
notatis, alijsque; denique navis,  
vt erat confusissima, ingenti  
cum contumelia Regij nominis  
& ciuium Suecorum iactura, di-  
missa est. Hinc iudicium de alijs  
similia passis, fieri potest. sicut  
enim hi quidem non sine detri-  
mento & dispendio temporis na-  
ues mercesque receperunt: ita alij  
post eadem temporis & sum-  
tum impendia, absque suo  
merito, per iniuriam, non abs-  
que ludibrio & irrisu, sua bona  
amiserunt. Etiam Ipsius Reginæ  
bona & vina, quamuis certifica-  
tione idonea munirentur, vecti-  
gali subiiciebantur: cum Mini-  
ster Suecorum in Dania, præter  
opinionem & prioris temporis

BELLI SVECO-DANICI  
consuetudinem responsum ferret.  
Petendum literis à Rege Daniæ, si  
quid immune Regina in postea  
rum cuperet. Scilicet, ut preca-  
rium non sine contumelia redige-  
retur; quod jure fœderum pacto-  
rumque debebatur. Improvisis  
autem eiusmodi vexationibus,  
multorum sane in Suecia ciuium  
concussa fide, interuersis bonis,  
magna & late patens damnorum  
æstimatio proponi posset: amplius  
tamen metus & periculi noxa  
diffunditur. in Oresundam enim  
bona sua mittere, quid erat aliud,  
quam in discrimen dare. itaque  
aliqui mercaturam immutare, &  
alia maritima loca quærere co-  
acti sunt. Nonnulli nautas juss-  
erunt de bonis Suedicis ipso jure  
immunibus vestigal pendere:  
quidam in utrumque parati, præ-  
ter certificationes pecuniarum se-  
cum exportabant, ut huius po-  
tius quam negotiationis iactura  
defungerentur. Accessit pertur-  
batio

batio maxima in fodinis Sueciæ  
metallicis, ac prouincijs eo perti-  
nentibus: tum prouentuum &  
redituum Regionum imminutio.  
Quam indignum porro sit, quod  
Rex Daniæ, postquam semel cœ-  
pisset Regnorum pacta & con-  
suetudines interpretari, suos ju-  
dices constituit, & negotia disce-  
ptationi Commissariorum vtrius-  
que Regni debita, sibi & Sena-  
toribus Regni Danici vindicat, fa-  
cile judicabunt, qui pacta horum  
populorum, & lites earumque  
compositiones non ignorant.

Quanquam autem querelæ Sue- 1639.  
corum jam olim per Ström-  
feldium in Danis agentem ex-  
promptæ, adeo contentim erant  
habitæ, vt tertio demum anno 1642  
elapso vix responsum impetrare-  
tur, quod extenuatis offensis ti-  
tulum juris securè prætulit; ne-  
que destinatum Danorum propo-  
situm aliud quam hostilia porten-  
debat; Regina tamen, pactorum



reuerentiæ iterum hoc dandum censuit, vt Senatores Regni Danici, & per eos Rex ipse, de iniurijs emendandis & explandis monerentur. Jgitur Senatui Regni Suedici accuratius questio, duo tantum Senatores Danici ea responderunt, per quæ, clusa pactorum necessitudine vim quæri intelligeretur. atque cum denuo Sueci, diutius ista ferri non posse, significarent, pro denuntiatione belli accepta epistola, & minacibus Pro-Regis Daniæ verbis increpita est: non esse obscurum, quo pertineant eiusmodi literæ; venirent Sueci; se via media occurfuros. Secutæ sunt literæ Senatorum Regni Danici, quæ nil aliud quam jûris titulum indignitatibus in Suecos exercitis, de quibus nihil interim remittebatur, obducebant. Non possunt extenuare Dani, quasi ad paucos pertinentia, quæ Sueciæ jugulum petebant, ipsamque Rei-publi-

publicæ animam ac spiritum interciperere parabant: neque quæstionem de fraude, aduersus munitos pactis, tali modo, tali loco, exercendam quisquam dixerit: sed nec leuioribus remedijs, aut congressu & transactione finire rem potuisse opinabuntur, qui Danicam superioris temporis consuetudinem, & huius Ipsius Regis in Carolum IX. arma, de quibus ante, tum instructum in Regnam bellum, si ematuruissent consilia in tempore fors proferenda, neque quicquam nisi in armis auxilij relictum, reputabunt. Causam tam bonam, cordi DEO fore, & Rebus publicis exemplum intelligentibus aut metuentibus, non immerito Regina sperauit; paratumque interea paci animum, ut primum Dani jus tot nominibus debitum persoluissent, fidemque innoxia imposterum viciniæ fecissent, retinuit. Spectant autem, quæ de transitu

Oresuntico disputantur, non ad Sueciam modo & Sueciæ subiectos, magnam maris Balthici partem amplectentes, & per longitudinem Gotheburgum vsque pertinentes, sed etiam ad Regem Regnumque Poloniæ, cum Magno Ducatu Lituaniæ; ad Principatus, prouincias, vrbesque Borussiae, Curoniæ, Pomeraniæ, Megapolis, ad Lubecam, quibus non est in occiduum mare, nisi per Oresundam egressus; ad magnam partem Imperij Romani, præsertim superioris Circuli Saxonici, & non paucos inferioris incolas, prouincias Cæsaris hæreditarias, Bohemiam, Silesiam, Morauiam, & Polonis contributa; Magni Moscouiæ Ducis ea, quæ Sueciam, Liuoniam, Lituaniam attingunt. Hæ enim omnes nationes non possunt veram exercere mercaturam, & ea quibus abundant exportare, aut quibus indigent, importare, nisi beneficio

ficio liberæ minimeq; impeditæ per  
Orefundam nauigationis. Quod  
si maris occidui & mediterranei  
accolas consideremus, multo mi-  
nus illi mari Balthico, quam hu-  
ius accolæ occiduo, carere pos-  
sunt. Foederatæ Belgij prouinciæ,  
mercatura potissimum nixæ, sine  
permutatione mercium & imper-  
turbato cursu subsistere neque-  
unt. Anglia & Scotia magna  
suæ felicitatis parte multarentur,  
si hæc libertas abesset. Gallia,  
Hispania, Lusitania, Italia, cum  
magna item parte Europæ reli-  
quæ, tum Asia & Africa, magis  
minusue, tale detrimentum sen-  
tirent. Et quandoquidem Rex  
Daniæ Albi Glückstadium &  
Crüttsandam compedes iniecerat,  
commerciaque Hamburgensia in  
ordinem coëgerat, atque nunc id  
agebat, vt sub Filij Administra-  
toris Bremensis aut Comitis Ol-  
denburgici nomine prætextuque  
Visurgim ac Bremensem negotia-

tionem & nauigationem suo arbitrio vindicaret; igitur nec prædictæ nationes, nec Inferioris Saxoniae & Westphaliae Circuli, & Interioris Germaniae Principatus, prouinciæ, ciuitates, apud maritima negotiantes, extra periculum ponebantur. Quid enim attineret, de mari libero disputare, aut commercia jure gentium præscribere, si alienis bonis in Oresunda, ex quauis occasione illudere liceret? Inuitabantur ergo ad socianda consilia & arma, quibuscunque subiectum seruitio mare, & taxatos alieno arbitrio totius orbis opes, assertum ire, vel necessitas, vel ratio erat. Atque huiusmodi fere fuerunt, quæ & tum literis euulgabantur, & ante secreto consultata, Suecos compulerant, ut res repetitas nec redditas justo necessarioque bello quarendas decernerent, consiliisque maxima taciturnitate dissimulatis, facta incunctanter jungerent. Efecce-

(1640.)

fecerant autem illæ ipsæ vexationes Oresunticæ, vt Belgij Vniti Ordines, dum non minus quam Sueci periculum suo statui imminens, si tantum perturbationis & violentiæ libertati nauigationis & commerciorum intenderetur, reputant & conqueruntur, Legatos Holmiam anno MDCCCXL. mitterent extra ordinem, Guillelmum Boreel, Albertum Sonck, & Enæum ab Aylua, vt fœdus cum Rege Gustavo Adolpho ante xxvi. annos initum, quod expirauerat, renouatum, præsentium rerum necessitatibus accommodaretur. Qui cum his paciscerentur, nominati sunt à Regina Axelius Oxenstierna Cancellarius, Johannes Skytte, Claudius Flemmingius, Johannes Oxenstierna, Senatoriæ dignationis viri. Sortita est finem negotiatio in has leges: vt esset fœdus in annos xv. inter Reginam Regnumque Sueciæ & Ordines ac

1. Sept.  
1640.

E s

Pro-



(.ofol) 74

BELLI SVECO-DANICI

Prouincias Belgicas, ad afferendam securitatem & libertatem nauigationis & commerciorum in utroque mari Balthico & Septentrionali, ad angustias vsque siue Canalem maris Anglo-Gallici, defendendis terris hominibusque, & conseruandis dominijs, iuribus, libertatibus, immunitatibus, pactis, & receptis consuetudinibus tam terra quam mari. Si contingat alterutram partem quoad liberum vsu commerciorum & nauigationis, in mari Balthico & Septentrionali, contra iura gentium, receptam consuetudinem, & parta priuilegia, turbari ac præter morem onerari & aggrauari; connitantur vtrique Foederati, si absque armis res possit in integrum restitui, aut vbi hac via non succedat, arma confociata omnibus quæ tuto poterunt contrahi, viribus terra marique, non prius deponant, quam parti læsæ satisfactum,

factum, & commerciorum ac navigationis libertas per ista maria, antiquo mori, ex præscripto juris gentium, pactorum ac receptarum consuetudinum, fuerit restituta. Idem fiat, si re semel composita, is qui offendit, quocunque alio prætextu alterutram partem aggredi destinauerit. Quod si autem contingat, alterutrum foederatorum, alijs de causis bello inuolui cum alijs Regibus, Principibus, Rebuspublicis, tum alter, nisi ipse domi eodem tempore infestetur, auxilium submittat, cuius modus seorsim descriptus est: manentibus interim cum Foederati hoste commerciis, si bellum ex alia causa, quam ob hoc foedus extiterit: dummodo non iueatur hostes consilio, ope, pecunia, comæatu, milite, nauibus, nautis, armis, pulvere pyrio, aliisque bellicis rebus; neque tendant commercia ad urbem aut munimenta à Foederato obfesc-

obsessa. qui etiam de imminentibus periculis, & hostium machinationibus sedulo semper admonendus est. Toto fœderis tempore vtrique Fœderatorum liceat in alterius terris conscribere, colligere, & in naues imponere milites, nautas; naues item emere, vel conducere; pulverem pyrium, arma omnis generis, & cætera, quæcunque ad bellum necessaria sunt, comportare & exportare: naues item suas in portus alterius subducere, ibi hibernare, morari, illorumque immunitatibus ac priuilegijs frui, & quæ ab hostibus suis quisque interceperunt, in ijs absque ullo impedimento, ex more & lege loci, distrahere. quæ omnia hostibus, qui vel nunc sunt, vel in posterum erunt, non liceant. Fœdus hoc nihil deroget Reginae & Regni Sueciæ prærogatiuæ, Regalibus, juribus, ac dominio maris Balthici, quo minus ijs libe-

re ac sine contradictione, saluis  
tamen fœderis legibus, perfrua-  
tur. Firma sint ciuibus vtrius-  
que partis priuilegia, cum con-  
tractibus & stipulationibus, de im-  
munitate vectigalium onerumue,  
vel olim concessa, vel deinde  
concedenda. Hæreditatis adeun-  
dæ facultas vtrobique ad præscri-  
ptam formulam constituatur; &  
ius petentibus dicatur absque am-  
bagibus. Non præiudicet hoc  
fœdus, fœderi Suecorum cum  
Rege Galliæ & Principibus Ger-  
maniæ, aut Ordinum Belgicorum  
fœderi cum Regibus Galliæ &  
Magnæ Britanniæ ac Republicâ  
Veneta. Suscepto ab alterutra  
parte bello, in quo alter Fœdera-  
torum alteri vi huius fœderis sup-  
petias laturus est, neutri liceat,  
altero inconscio aut non con-  
sentiente, pacisci cum hoste vel  
inducias tractare inireque. Vtri-  
que liceat Legatum aut Mini-  
strum publicum, in alterius ter-  
ris,

10. May.  
1641. ris, quo loco libebit, constituere. Addebatur, de recipiendis, qui vellent accedere, aliis Principibus & Rebuspublicis; tum de confirmandis intra sextum mensem, quæ conuenerant. Accessitque, quo tempore dictum est, robur sœderi: quod non omit- tendum hoc loco fuit, quatenus ad causas belli Danici non leui momento pertinet, & sæpe in historia attingetur. Rebus autem à tergo relictis, cum Torsten- sonius in Danos moueret, talem habitum, vel prudentia vel for- tuna dedit. Pommeraniam hosti- libus copijs paulo ante liberatam, aduersum subitas incursiones, præter ordinaria præsidia, cohors equitum ductore Petro Andrea tuebatur. Negotio maritimo ad litus Germanicum caput erat Wismaria: ceteris quoque locis & portubus ita firmatis, ne cum Dano Cæsarei suas inde rationes conferre possent. Albim oppor-  
tunc



tunc huic militiæ conciliabant  
Dömicium, Boizenburgum, Ble-  
ckeda, Sueci militis receptacula.  
In Moravia Olomucium, Neusta-  
dium & Eulenbergæ, validis præ-  
sidijs tenebantur. In Silesiacis  
munimentis, plurimum spei Glo-  
gouia dabat. Statum Westpha-  
liæ vigili oculo ex Legatione Of-  
nabrugensi Johannes Oxenstierna  
moderabatur, & Rheno foedera-  
ta Galliæ arma multum leuamen-  
ti allatura Suedicæ expeditioni  
putabantur; submissis domo  
cum ingenti apparatu nouis nu-  
merosisque copijs, Vinariensem  
exercitum firmaturis. Sed hanc  
spem fœda apud Dutlingam cla-  
des Gallorum, subito intercepit:  
perculsâ etiam metu Principe Cas-  
sellanâ: cui cum victor exerci-  
tus hostium imminere videretur,  
Königsmarckio mandatum, vt  
petenti sociæ Principi, si res po-  
sceret, auxiliatum irer, tuendo-  
que Visurgi consilia conferret.

Hunc



Hunc enim Torstensonius adiunctâ idoneâ delecti equitis peditisque manu in Hildesheimensi agro constituerat, ut Cæsaris, Dani, Archiepiscopi Bremensis molimina obseruaret, discerneret conquisitionem militum in terris Luneburgicis & Brunsvicensibus, specularetur opportunitates & subsidia totius belli, & occurreret fortuitis, in quamcumque partem vocaretur. præcipua tamen cautio erat, ne longius digressus, intercepto itinere reuolare ad Torstensonium non posset, si fors Cæsarei contractis undique viribus ingruerent. Atque illos quidem ut hoc facerent, ultro ratio belli hortabatur: nisi Croatæ qui explorandi causâ Havelbergam usque processerant, viarum asperitatem & inopiam regionum quæsti, deterruissent. supererat alterum per Marchiam Brandenburgicam iter: sed excusso jam frumento, & in loca munita

nita comportato, nihilo commodius inania omnia reperturis. Ita Torstensonio vacuum fuit, res Holsatiæ, vti tempus monebat, componere: succedentibus sub manum non celeritate minore, quam facilitate, quæ destinata erant. Rendesburgum, aduentante Carolo Gustavo Wrangelio, statim imperata fecit. Bredebergam arcem Ranzouianam, quam Stora amnis alluit, Mortaignius (cui Pinneberga etiam cessit) 17. Dec. astu cepit, ne vno quidem ex suis desiderato. Eodem die Izehoa dedita est. At Christianopriam, nobile castellum, quod altero à Chilonio milliari Rex ædificator, secutus commoditatem amplissimi portus, excitauerat, suoque nomine celebrauerat, Torstensonius ipse primo impetu expugnauit: ductis eo de nocte, qui illa ipsa vespera Chilonium peruenerant, sclopetarijs maioribus: quos non minus à mari cimbis impositos,

F                      quam

quam ab utroque litore simul  
adoriri munimenta iussit. Repu-  
gnarunt tormentis & fistulis præ-  
sidiarij: sed proditi sunt victori-  
bus primum suâ paucitate, deinde  
aditu terrestri parum præmunito.  
Idque speculatus erat summus ca-  
strorum metator, quem Torsten-  
sonius ante, veluti postulatis præ-  
fecti responsurum miserat. Occi-  
sis qui resistebant, incolumitas  
præfecto Axelio Vropio concessa  
est. prædam laboris & virtutis  
præmium miles tulit. Arcem fir-  
missimo præsidio, tum novis  
operibus egregie permuniuit  
Torstensonius, manubiis Chilo-  
nensibus plerisque in manum  
Erici Johannis Vlsiparrij huic ne-  
gotio præfuturi, traditis. Stati-  
uis per omnem Holsatiam in Ju-  
tiam pertinentibus recreatur exer-  
citus, dum Chilonij cetera Im-  
perator ordinat. à quo Princeps  
Holsatiæ, quietem & immunita-  
tem belli, centum millibus Joa-  
chimi-

chimicorum nummorum , traditis etiam locis quibusdam militis , & centuriâ militum , redemit : alia centuria in Fimbria insula tendebat ; tertiam Gottorpio futuram præsidio retinuit. Seruijt hæc pecunia , itemque illa ., quæ ab Holsatiæ nobilibus exacta est , supplendis instruendis-que cohortibus , belloque in posterum firmando . cuius hæc initia octodecim intra dies festinato successu finem anni occupauere . At Regem Daniæ nuntius occupatæ Holsatiæ Fridrichsburgi apprehendit : vbi festos dies natali Christi dicatos agere , euocatos-que eodem liberos hilarius inuitare , atque filio natu maiori partem imperij tradere destinauerat . Commotus ergo non secus ac par erat inopino periculo , Hafniam è vestigio aduolat ; Senatorum Regni ac ciuium animos confirmat ; armaque & vindictam summâ ope molitur : obiurgatis non

leuiter , qui vix tentandam oppressis ac circumuentis fortunam, quin potius remittendum reipublicæ vltimum casum, prudentius quam fortius censuerant. Atque si vere rem æstimare volumus, imparatam omnibus rebus Daniæ , nihil æque sustentauit, ac viuida generosi Regis virtus & indomitus aduersis animus. Exactâ jam ætate senex in omnia bellatoris acerrimi officia , periculo patriæ excitatus , apud proxima , apud remota, idem auctor actorque , consilio , manu , patientiâ laborum & discriminum , toto hoc bello insignem, defensi, quatenus fata sinebant , imperii gloriam reportauit. In Sialandiâ conquirendis terrestribus & naualibus militibus , strepente passim tympano nihil ad summam festinationem reliqui factum est: delectis apud Helsinoram è promiscuâ confluentium multitudine, aptioribus; ceteris ad alios con-

conquistores Hafniam remissis. Hæc officina instruendis armandisque copiis, & dispensando in alias regni partes bello. conductiis cateruis sociata agrestium agmina: neque minus ciues domi ad munitiora vrbium, militiæ munera obire iussi. Campiductores præcipue, & præfecti armorum periti deerant. In Fioniam pars noui delectus missa est ad Andreæ Billium Regni Marrescallum, Torstenſonio illis in locis oppositum: alia in Scaniam destinabatur, vbi Ebbo Vlfeldius curare iussus est, cui Rex filiam extra matrimonium genitam collocauerat. In subsidium maritimæ militiæ etiam piraticæ naues instructæ sunt. quo delectus genere audacissimus quisque spem prædæ infamibus periculis emere, omnique se bellorum jure expertes facere gaudent. Ad inopiam pulueris nitrati subleuandam, perruptâ apud Hafniam gla-



cie, missus cum nauigio Ged-  
num Nicolaus Cochius, inde in  
Poloniam & præsertim Mosco-  
uiam profecturus ferebatur, au-  
xilijs impetrandis: quorum spe  
Dani diu vulgo sua damna leua-  
bant. Hic est ille Cochius, inqui-  
sitorum naualium princeps: cu-  
jus impotentia in nauigantes, po-  
pularium quoque iudicio, vapula-  
uit. cum enim ad nuntium bel-  
lici tumultus, Helsinorâ Hafni-  
am asportare sua tenderet, ob-  
stiterè ciues; patriæque calamita-  
tem liberrimo conuitio ei tribu-  
entes, non nisi mutatis postridie  
excubijs, & promptioribus quibus-  
dam in custodiam datis, compo-  
ni potuère. Et quamquam omnia  
sic, vt ad justum bellum compa-  
rarentur, multis tamen blandie-  
batur illa opinio, quâ Suecos  
statiua & prædam in Holsatiâ quæ-  
sisse, neque instituros proposito  
bellandi, sibi persuaferant. Rex  
ipse ad famam impressionis à Tor-  
sten-

Torstenſonio factæ, Strömfeldio Suecorum miniſtro, Helſinoræ agentī, velut exploraturus nuntiari iuſſerat, poſſe cum haud grauate dimitti, quandoquidem domum reuocetur; id enim ſe compertum habere. At cum ille reſpondiſſet, nihil ſibi tale domo mandatum, veniamque diſcendendi tum demum petiturum, ſi iuberetur à Regina; Rex paulo poſt ipſum quidem Strömfeldium cum præfecto curandis literis nuntijsque, quem Sueci Helſinoræ ex pacto habent, in arcem deductos, & familiam appoſitâ ædibus cuſtodiâ, continuit: in Sueciam autem nobilem puerum literas ferre iuſſit. ijs mandabatur <sup>24. Dec.</sup> Petro Wibe Danorum apud Suecos internuntio ordinario, vt Reginam de expeditione Torſtenſonii appellaret, atque ſi illa non defugeret, auctoritatem, quamprimum Holmiâ dimitti peteret. <sup>10. Ian.</sup> Reſponſum eſt epistolâ fuſiore; <sup>1644.</sup>

quæ perstricto Dani in attinendis  
literis nuntiisque feruore , cum  
querelas eius , rationibus ante la-  
tius expositis arguisset , ad extre-  
mum ostendit , pactorum reli-  
gionem atrocius , quam vt soli-  
tæ inter accolæ discordiæ obten-  
di possent , violatam , armis vin-  
dicari ; atque ne quid incolumi-  
tas patriæ detrimenti caperet ,  
summopere prouideri oportere .  
Interea Rex de apparatu belli ni-  
hil remittere : neque domesticis  
tantum viribus niti , sed inter  
externa auxilia , Cæsaris præcipue  
opem respicere . Atque Cæsar qui-  
dem omnia amicitia officia , tali  
Danorum tempore , se impleuis-  
se testatus est , cum alteris Regis  
literis responderet . nam primas  
non redditas sibi affirmabat . Ne-  
que omiserat ad primam belli fa-  
mam vrbes maritimas , Lubecam ,  
Hamburgum , Bremam , literis ,  
quas postea geminauit , Dano  
conciliare , metuque incrementis  
poten-

*Scriptis*

*II. Ian.*

44.

*I. Ian.*

*30 Dec.*

43.

potentiæ Suedicæ ad arma con-  
sternare : quamquam parum suc-  
cessuro consilio. nam illis vrbi-<sup>27. Jani</sup>  
bus præcipua securitatis ratio est, <sup>44.</sup>  
bello vicinorum quiescere, for-  
tunæque non tam fidem tentare,  
quam præmia opperiri. Apud  
Hamburgenses igitur, non mi-  
nus à Suecis, quam à Danis con-  
ducebantur copiæ. Lubeca,  
quamvis aduersi de Sueco rumo-  
res vulgi animos turbauerant,  
conquisitione militum publice  
Danos prohibuit; delectus dome-  
stici necessitatem causata. Ut  
enim neutrarum partium studio  
speciosius tutiusque operam da-  
rent illæ ciuitates, exercitum  
communibus impensis velle sui  
tuendi causâ comparare, simula-  
bant. Principes Luneburgici &  
Comes Oldenburgicus, itidem  
frustra in Suecos stimulati sunt:  
cum illos prudentiæ; hunc ne-  
cessitatis, summa vtriusque ratio,  
armis abstineret. Ceterum sicut

in aulâ Cæsaris ad suppetias Dano ferendas ultro omnia literis, nuntijs, deliberationibus, festinata sunt; ita consilij de tot fortunæ distractioris articulis suspensi fructus, non nisi sero ematuruit, quemadmodum postea cognoscetur. In apparatu Danico non postremum sibi locum Fama vindicauit: quæ impensiore studio, quaquauersum rebus & causâ aliquid præsidij mutuata est. Domi spes variorum auxiliorum amplissimæ: foris, jura & innoxia gentis infortunia, apud aures hominum animosque representabantur. A congressu Onabrugensi reuocauerat quidem Rex Legationis principem; neque nulla opinio suberat, Cæsaris quoque Legatos discessu suo abrupturos pacis Germanicæ commercia: sed cum illi persisterent, processuro in posterum, sine sequestrium opera tractandæ cum Succis pacis negotio, non tamen

Rex



Rex statim abieciſſe curam negotij tam fauorabilis videri voluit. extant literæ quibus à Caſare & Principibus Septemuiris, non tantum contendit, ne quid magno illo legationum conuentu excluſâ cauſâ Danicâ, cum Suecis, transigeretur: ſed etiam veteris, ſui conſilij formulam repetit: id, agendum, vt exteris Regibus, pacem Germaniæ morantibus, ipſum Imperij corpus ex perturbatione priſtina, in gratiam cum ſuis membris rediret, ſancitâ præſertim obliuione antea, ctorum, & Principe Caſſellanâ, à fœdere Suedico Gallicoque, reuocata. Verum huic negotio explicando alia fatorum ſeries cœpit procedere, dum Rex omiſſo omni ampliore propoſito, præſentius ſuis rebus conſulere cogitur. Nam Torſtenſonius celeritate ſingulari cœptum bellum, nihilo cunctantius vrgebat: nulloque Danis ſpatium dabat, quo



quo gradum caperent, & insulis  
egressi continentem obtinerent.  
In Jutiam ipse impetus Holsati-  
cæ expeditionis Duglassium tulerat,  
postquam apud Coldingam equites  
hostium conduci nuntiatum est.  
receperunt illi se tum quidem  
in Fioniam; ex qua paulo post  
missu Regis Andreas Billius,  
regressus, locum castris cepit,  
in litore angusti freti, quod à  
Fionia Jutiam dirimit: Middel-  
furanum vocant. Sed Torsten-  
sonius, incunte nouo anno, motis  
Chilonio castris, Jutiam ingressus,  
cum de munitione apud fretum  
& conductis à Tribuno Friderico  
Buchvaldio ad tuendos fines,  
turmis, comperisset, raptim  
expeditam equestrem manum egit,  
& hostilem equitatum (mille  
quingenti erant) apud Coldingam  
nactus, ita cecidit, ut vix centum  
cuaderent. laminarum ferrearum  
incommodum onus pugnantibus;  
& equorum præ-

4. Jan.

1644.

prægrandium moles fugientibus, fraudi fuit. Ab hoc certamine, ad castra nondum satis permunita prouectus victor, delectum peditem & viginti tormenta adhibuit. Triduo jam quatiebantur munimenta: cum Billius desperatâ defensione, tormenta, signa, præfectorumque militarium portiores in Fioniam secum traicere cœpit. Quâ re animaduersâ, Torstensonius castra expugnare decreuit; ordinatisque ad impetum faciendum cohortibus, præmisit æneatorem, qui obsessis, ut arma deponerent, denuntiaret. Illi per tympanotribam emissum de conditionibus agere conati, iterum deditionem sine exceptione facere jubentur: simulque instructa acies aggeri castrorum admoventur. Tum vero abiectis armis, exilientes operibus incolumitatem petebant. quatuor milia hominum & quingenti in potestatem venêre. de quibus conducti-

ductitij mille, Suecorum cohortes supplenerunt, vernacula multitudo, non sine ludibrio domum remissa est. Dum hæc aguntur, relictæ in Holsatia copiae, ductu Mortaignii ad Dittmarfos & palustria incolentes, quotquot Danicæ ditionis erant, penetrarunt; emunitis glacie itineribus, quæ remissiore cœlo inuia sunt. cæsis qui resistebant, ceteros terror imperata facere, ac tributum pendere adegit. Neque minus feliciter Optio Tribuni Gustavi Hornii, copiosam agrestium armatorum manum disiecit, profligauitque. In extremam Jutiæ Borealis prouinciam Vensiliam, itidem beneficio hientis sinum Lymicum glacie adstringentis, Tribunus Helmoldus Wrangelius inuectus, septingentorum circiter strage agrestes manus arma ejurare coëgit. Perpurgatâ intra alterum mensem hostilibus copijs tota Jutiâ Holsatiaque  
(nisi

( nisi quatenus Crempa & præcipue Gluckstadium firmis Danorum præsidiis tenebantur ) Torstensonius ita disposuit ac communiuit hiberna ; vt nec vim , si alicunde exoreretur , metuerent , & instaurando militi augendoque plurimum inservirent. Prætorium Haderslebiæ in Jutlandia meridionali constituit : vnde expeditum & facile in omnia regimen , siue respicere , siue prospicere vsus esset : ad latus Fionia modico freto recesserat. in quam initio statim ex Holsatiâ repertis apud Chilonium lincibus , traicere agitantem ducem , inclementia hiemis tardavit : neque mox excitos , & ad resistendum omnia comparantes incolas adoriri tutum fuit. Subinde autem Regis præsentia , qui Othoniæ aliquantisper substitit , instar munimenti fuit. Is suppleuit quæ ex Jutia euaserant , copias novis delectibus : excitavit ad omnes adi-

aditus, munitiones; vada fudibus ferro præfixis conclusit: disposuit tormenta; partitus est stationes; naues & pontones in freto Middelfurthano collocavit, è quibus ad duodeuicena & vicena muralia tormenta prospectabant. Niborgi quoque parata stabant nauigia exceptura, si quid secius eueniret, pulsos, & in Sialandiam vectura. In his enim duabus insulis Fortuna Daniæ pedem fixit, neque ullis hostium consiliis, conatisque vel tum vel postea cesserit; cum vi Suecâ tenerentur cetera, aut trepidarent. Ceterum quò intentiore curâ Rex insulas muniebat, eò studiosius id belli caput impetendum Torstensonius iudicauit. Contractæ ea causâ vndique omnis generis naues, & ad opportuna portuum Jutiæ Holsatiæque dispositæ: occasiones, quantâ poterat fieri industriâ & solertiâ captatæ, vt si non invaderetur hostis apud interiora,



teriora, incipiti saltem metu distractus, nihil quietum sibi tutumq; persentisceret. Sed aduersum hæc Dano non adeo difficile fuit, nauibus stationarijs obsidere freta; exploratorijs percurrere maria; directâ velut acie minari inuicem litoribus; dum justæ Suecorum classes expediri potuerent. Interea terrestris militia etiam è Sueciâ se promouebat. primo anni mense delectibus passim habitis exercitus cogebarur xiv. mil-  
lium: quamuis non ultra viii. millia ab initio præsto fuere, cum veteranus imperator Gustauus Hornius apud Wernemoam inito copiarum numero, postridie ad limites, qui Sueciam à Danicâ ditione apud Markarydum determinant, cœpit procedere. Tanta autem taciturnitate etiam hic omnia sunt administrata, vt Ministrum Daniæ ordinarium (Residentem vocant) Holmiæ agentem, ingenio sagacem, ac omnia

Januari.

1644.

8. Febr.

G

rima



93 BELLI SVECO DANICI  
rimari peruigili industria solitum,  
& apparatus armorum & copia-  
rum coactio falleret: itaque cum  
exercitu Jenecopiam ventum, &  
in hostiles terras processum jam  
esset, antequam futurum bellum  
is animaduerneret. Fines, tum  
Noruegiam, tum Hallandiam,  
Bleckingiam, Scaniem, spectan-  
tes custodijs muniebantur. Go-  
theburgum, Calmaria, Jenecopia,  
Wadstena, Wexioa veluti prom-  
tuaria & horrea tam annonæ  
quam armorum designabantur.  
Adiutores Gustavo Hornio attri-  
buti, præcipuo pedestris militiæ  
gradu Laurentius Kaggius; apud  
equites Johannes Wachtmeister-  
us; tum supremus mandatorum  
curator ( Commissarium Genera-  
lem appellant ) Johannes Jesperi  
Kriusius. Ceterum antequam ar-  
ma admouerentur, præcesserat, qui  
bellum ex hac parte indiceret,  
secialis: quem nec Regis, nec pro-  
cerum cuiusquam appellandi co-  
pia

piâ factâ per aliquot dies Helsingoræ custoditum, remiserunt, postquam Rex Daniæ scripto jam publicasset causam non acceptarum literarum, missique caduceatoris<sup>13. Febr.</sup> veluti ludibrium incusando, solitas querelas repetisset. Duæ autem erant viæ, quibus à limite Suedico cum exercitu in Scaniam posset perueniri. quarum solita Helsingborgum ducens, concadibus impeditior, & inundantibus aquis intutior, restituto præsertim apud Tranarpium vadum hoste; altera facilius admissura videbatur Lundam versus irrupturos; vel infra vel supra munitionem Wisioënsē, quâ se Dani præcinxerant. Itaque tormenta obsidionalia Jenecopiæ relicta (cum per angustias arduum esset tam graue agmen moliri, neque equi, qui ad manum erant, sufficerent) magnopere postea desiderabantur. Cum enim iter illud ingressis nuntiatum esset,

non desperandam viam regiam,  
mutato consilio Helsingborgum  
contenderunt: perruptis non in-  
feliciter concædibus, & rusticis  
qui se armati ostentauerant, nul-  
lo negotio fugatis. Aquæ Tra-  
narpiaë vadum hostili impeditum  
præsidio, declinatum est: superio-  
re paulum loco apud Sundeslo-  
am per alueum ponte instratum  
transductis copijs: quarum ne  
conspectum quidem sustinuit sta-  
tio Danica, quæ in munimento  
7. Febr. appositò collocata erat. Helsing-  
borgi, arcem præsidio, urbem  
incolis, non tamen annonâ va-  
cûam reperit Gustauus Hornius.  
qui mox literis inde dimissis, pro-  
fugos ad sua quemque reuocauit,  
ac in fidem se recipere deditos  
confirmauit. paruērunt vicino-  
res præfecturæ: ceteri sylvarum  
latebris occultati vias latrocinijs  
infestabant. Vt primum enim  
Gustauus Hornius, qui ex itine-  
re disiecerat agrestes illas manus,  
pro-

progressus est Oresundam vsque, coiuerunt à tergo, non tantum manipulus iste perditorum hominum, quos quidam Benedictus Magni ferebatur coëgisse, vt fines Suedicos assultarent: sed quidquid hominum Ebbo Vlfeldius, extractis etiam domo seruis, & adolescentibus, vndique excire potuit. Is confederat primum apud Visioam; vnde, cum putaret Suecos illac ituros, recesserat à munimento Christianstadium versus: atque tum ex illo praesidio, tum ceteris locis munitis subinde euocabat, quos cum rusticis armatis, in Succos immitteret, si qua manus ab exercitu digrederetur. Neque dubium habebatur, quin irrupisset in fines Sueticos, vnde iam tributa postulare, frustra quidem, sed ausus erat; nisi Fredericus Stenboeckius summâ vigilantiam mandatam sibi Westrogothiae & vicini limitis defensionem administrasset: atque

ultro Hallandiam ingressus, exar-  
 matis subiectisque rusticis, ma-  
 gnam prouinciæ partem sub ocu-  
 lis Warbergensis arcis, pendendi  
 tributī necessitate obligasset: de-  
 nique irruptionem sæpius molien-  
 tes, aliquotiens adortus reiecisset.  
 At in viâ regiâ apud Fager-  
 holtum præcipua sedes, itinerum  
 subsessoribus. Inde nuntij & præ-  
 sidia literis perferendis addita in-  
 tercipiebantur. inde Markary-  
 dum emissâ manus prædatrix hor-  
 rea & templum diripuit, quæque  
 asportari non poterant corruptit.  
 præfectus, cui præcipue immine-  
 bant, euaserat. Quare Gustauus  
 Hornius Klingsporio, quem cum  
 octingentis equitibus & dimachis  
 miserat, tormentis Jenecopiâ ad-  
 ferendis præsidio futurum, in  
 mandatis dedit, vt in armis re-  
 pertos agrestes interficeret, quo-  
 rundam domos igne exureret, in  
 primores præsertim eorum, quos  
 Landsmannos vocant, inquire-  
 ret.

ret. Repertus tum cæsusque cum  
socijs receptator illius manus,  
quæ Markarydum spoliauerat,  
omniumque Succis apud limites  
malorum auctor. puniti & alij  
latrocinijs crudeliter vsi. Neque  
tamen ille terror diutius in officio  
Fagerholtenses tenuit, quam dum  
abscederet Klingsporius. qui tre-  
centis amplius militibus, super  
priorem numerum auctus, tor-  
menta quieto itinere, Lundam  
in prætorium deduxit. Hæc prin-  
ceps quondam Scaniæ vrbs, quæ  
celebritatis antiquæ nil nisi rude-  
ra hodie diffuso ambitu ostentat,  
trecentis circiter domibus, & in-  
choato vallo, plurimisque circum  
piscinis, veluti munitorum ca-  
strorum speciem, & vsum Gu-  
stauo Hornio præbuit: postquam  
Helsingburgō operibus & præsi-  
diariâ trecentorum militum ma-  
nu firmatō, huc concesserat.  
Præcipui quidem consilij erāt,  
munitum aliquem locum ab hac



parte occupasse : vnde bello robur & receptus speraretur. Sed obstitit hiberna tempestas, iniqua ligone & dolabrâ nitentibus. neque impetu ac terrore tentari poterant munimenta, ad vndas pleraque & in oculis sita Regis; subsidia promte & solatia, dum mari non arcetur, submissuri. vt tamen in officio interea esset ager hostilis, firmiores nobilium domus, inprimis Erichsholmia, occupabantur : & armatorum hostium globi, immixtis subinde in dispositos aut circumuolitantes turmis, disiciebantur. Jam Helsingborgo egressi centum equites de cohorte Haraldi Stackij apud Anneloam inciderant in manum agrestium, qui lustrabantur. ij post tentatam frustra fugam, supplices domum remissi, & quietem agere iussi sunt, adempto vexillo. Apud pontem Getingensem excubantes ducenti pleramque partem cæsi sunt, profligatis  
cete-

ceteris. Hæc res prohibuit Vlefeldium Klingsporio imminere : cum præsertim animaduerneret Gustauum Hornium id agere , vt educti Christianstadio milites , si longius irent , reditu intercluderentur. Ne tamen nihil ageret , per equites ac dimachas suos , à tributis Sueco pendendis agrcolas reuocare , atque interceptis quibusdam Suecis , aditus ad castra eorum ferentes destruere conatus est. Jam in eo erant trecenti circiter , vt pontem illum Getingensem milliari vno Lurda distantem reciderent : cum missus in eos Johannes Wachtmeisterus , summus vigilum præfectus , strenuâ plerorumque cæde ( paucis enim fuga aut captiuitas vitam seruauit ) compressit audaciam Vlefeldij : qui Horbyâ , vbi aditum tuebatur , cum reliquijs eductorum militum regressus est , vsque ad primum à Christianstadio lapidem , è Suecis , præfectus

côhortis equestris Gûldencornet-  
tius cecidit. Postridie alia manus  
rebellantium rusticorum domita-  
neq; melior eorum fortuna fuit,  
quos Laurentius Kaggius, postea in  
Sefuendaliam missus, profliga-  
uit. Excitus & ipse Gustavius Hor-  
nius, falso rumore, quasi Vle-  
feldius cum parte præsidij Chri-  
stianstadiensis, & alia manu Mal-  
mogiam tenderet, ducem qui-  
dem Danum non reperit: colle-  
ctos autem apud Suidaliam agre-  
stes, multis interfectis, disiecit.  
Ita enim temperavit Martis sui vi-  
ces prudentissimus imperator, ut  
terrore pro telo, lenitate pro con-  
silio singulari usus, arma deponen-  
tes, promptosque obsequio, li-  
benter conseruaret, militemque  
cædis auidum coërceret: perti-  
naces autem malè multaret. Se-  
curitati itinerum ut consuleretur,  
excisæ utrinque ab regiâ viâ sil-  
uæ ad iactum sclopi maioris,  
receptum latrocinijs ademe-  
runt.

runt. Aduersum fines Noruegiæ in Daliâ & Wermelandiâ opportunis locis, stationes statim ab initio tumultuum dispositæ sunt. inprimis Gotheburgum Westrogothiæ caput Noruegis simul Hallandisq; terrori erat. Hanc urbem veluti arcem tuendis finibus, in insulâ Hisingâ, cuius pars Dano subest, Rex Sueciæ Carolus (1607.) IX. extruxerat, commodo ad mare occiduum portu, & flumine Trollhätta, nauticis rebus, & mercaturæ opportunam; ceteraque successorum & huius ipsius occasione belli ad præcipuum decus ac robur progressam. Hic, miles, annona, arma, non pro munimentis tantum & præsidiis, sed si quam præterea belli partem huc fortuna admoliretur, in promptu habebantur. Hisingani, quæ Danicæ ditionis sunt; tum Hallandorum proximi, tributa Gotheburgensibus pendere non abnucebant: quamuis à suis eo nomine mul-

multarentur. Fuitque Danicis præfectis prorsus difficile, in Noruégia & apud hos limites arma & viros moliri. Quo longius absunt ab imperij sede, eo plus sibi contumaciæ & rumoris vindicant. Nil sibi cum Regis sui offensis, qui plures inimicos irritare non dubitasset, fremebant: nec deesse exempla ac consilia à maioribus tradita, quiescendi potius, quam cum vicinis pugnandi. Hunc animorum habitum, etiam fama auxit: quam arte præfectorum institutam, vulgus anide arripuit, tantoque impetu, pacem Danis Suecisque duraturam, inanique belli nuntio tumultuatum hætenus, jactavit, ut satis constet, perticas in collibus disponi solitas, sustinendis ignibus, si quid subitum significari oporteret, reuulsas, aliaque militiæ munia omissa esse. Ab hoc errore paulatim reuocatis, disciplinam belli tradere, nouus labor



labor erat. coëgit enim magnâ industriâ, quidquid agrestium potuit excire in Noruegiâ, cui Principis loco præerat, Hannibal Seftedius; atque vt animis consternatis belloque auersis primum mederetur, vetuit eos pauescere Torstensonij in Jutiam progressu: fugatum à Cæsareo exercitu, in illo angulo mox periturum; Regemque cum exercitu Sueciam ingressurum, diçitans. interim se continerent, neque Suecos irruptione tentatâ laceßerent, donec auxilia amicorum & fœdere coniunctorum expedirentur, tutamque & facilem militiam redderent. Additi, qui arma tractare imperitos doceccerent, subinde minis & iniurijs excepti sunt. dilapsâ non parvâ rusticorum manu, quæ ruri opus facere, alereque militem, non supplere, sui muneris, caussabatur. Bahusia communis arx Noruegicarum urbium, Masterlandiæ, seu  
Mar-



Marstrandia, Kunghellia, Vddevallia, finibus Suedicis ex alta rupe imminet. Huc se suaque contulerunt plerique confugij causâ: vnde inopia rerum necessariarum, & paulo post fames: nam & præfecti suo more, annum carius autumnò vendidisse dicebantur; vt per hyemem à Succis sua conuehentibus melius emerent, priuatoque compendio seruirent. Præsidio præerat Gabriel Siuertus, qui Suecos impune præternavigare lintribus sinebat, donec dissimulationem, quæ imparatis loco sapientiæ fuit, necessitas accensi acrius belli absorpsit. Castra ad Vddevalliam munierat Sestadius: vnde dimissi subinde, qui fines Sueticos modò repentino incursum, modò constituto veluti gradu, territarent. Tentatæ stationes, direptæ inuicem casæ, non merentur memorari. Wermelandiam duo millia sclopis maioribus

bus instructi ad Magnorabroam  
conati sunt irrumper. Sed Olaus <sup>12 Apr.</sup>  
Stackius, cum centuriam equi-  
tum non totam in tres turmas di-  
uisisset, velut ancipiti acie ag-  
gressurus simul & circuiturus ho-  
stem, hoc expeditæ sollertię præ-  
mium tulit, vt hostis obiectu so-  
lis aduersi, & nube pulueris bel-  
lici, quò minùs paucitatem il-  
lam animaduerneret, præpeditus,  
vltro recedendum sibi existima-  
ret. Prior & acrior, quamuis  
non felicior, Jacobi Vlefeldij im-  
petus fuit: qui per Jemtiam pe-  
netrare in Helsingiam, Medelpa-  
diam, Angermanniam, connite-  
batur. <sup>Januarii</sup>  
<sup>Februarii</sup> trepidatum igitur hic lo-  
ci à rusticis, non reuerti domum  
ad limites Jemtiae ausis, nisi ad-  
iuncto milite & locis idoneis dis-  
posito. Adfuitque paulo post à  
Suecis firmior manus, ductore  
Henrico Flemmingio: qui Jem-  
tios ingressus, non ita procul à  
castris Vlefeldij ad Ruffundam  
posi-

positis, itidem vallo se communiuit. Processum est vtrunque è munimentis castrorum, si pugnae casus daretur. Sed Vlefeldius, cum eminus animaduertisset, Flemmingij copias bene instructas, aciem diligenter formatam, duoque tormenta post cohortium centurias alis interiecta, dimicatione abstinuit, contractisque ex proximo stationibus recedere cœpit: ita tamen vt hostem insequentem ex vicis aliquotiens infestaret. Post leues velitationes & modica vtrunque damna, pretium huius expeditionis Jemtia fuit, summoto Vlefeldio, in Suecorum ditionem penitus reducta. Gotheburgenses non publice tantum hosti in vtramque partem imminebant, sed priuatâ etiam audentiâ initiis belli præludebant. inter quæ tentamenta non omittendum est Cornelij Nicolai perinsigne facinus. Is, domo Amstelodamensis, nauticis

ticis rebus à puero innutritus, dum  
in Hallandia suas res agit, nauem  
Danicam in angustijs freti Hal-  
landici conspexit, euocatisque  
Gotheburgo triginta fere opifici-  
bus ac nautis, & istam & aliam  
cepit. è quibus vnā quidem re-  
cuperauit hostis, altera congestis  
honestiorum opibus onusta, in  
Elsborgensem arcem manubias  
intulit. Submiserat enim Cor-  
nelio auxilium militum, præfe-  
ctus Gotheburgensis; aduersus  
hostes, ex arce Warbergensi, &  
agris vicinis magno numero con-  
curantes, hortatuque & promif-  
sis eorum, qui suas fortunas na-  
ui commiserant, oppugnatio-  
nem molientes. Et Martio qui-  
dem mense, naues Danicæ, vñ  
cetero mari, ita ante Gothebur-  
gensium oculos subinde velita-  
bant. per Aprilem autem Rex  
ipse Hafniâ egressus in mare occi-  
duum, Gotheburgum obsidere  
cœpit. vñdecim fuere naues lon-

3. April.

gæ, quæ Hollandica primo aplustria ostendêre: sed cum intelligi dolum animaduerterent, Danica signa resumfere, propiusque succedentes non nisi jactu tormenti maioris ab arcæ disiunctæ substitere. Præcipuum huius expeditionis consilium fuit, periculo vrbis primariæ, vbi claustrâ terræ marisque, finibus Suedicis prætendebantur, Gustauum Hornium visceribus Scaniæ inhærentem auellere. Expositi milites in Hisingam Danicæ ditionis; equos quotquot ibi, aut apud interiores incolas reperere, coactos, Bahusiam deduxerunt: quo Rex etiam illâ ipsâ vespere iuit, rebusque Noruegicis ordinatis, cum appropinquare copias Sestedi limitum Suedico, nauesque apud Kungelliam collocatas medio Albi Gothico stare iussisset, postridie obequitatâ Hisingâ, cum manu tumultuariâ quam equis impo-  
suerat, ad classem redijt. Insequen-



quenti die rursus egressus, proxima vrbi litora & opportunitates diligenter inspexit; montemque Gotheburgensi portui oppositum ascendit: in quo cum diutius obseruantem præfectus Gotheburgensis videret, duo muralia tormenta in eminentem mediâ vrbe tumultum deferri curauit, exoneratque altero vestigia Regis, vix ex eo loco digressi, tetigit. Atulerunt autem naues Danicæ magnas trabes & tigna: quæ ad extruenda insularibus prope vrbe locis munimenta adhibebantur. Rates quoque longâ serie connexæ, & scapharum numerus, apud Kunghelliam apparabantur, transmittendo in Suecam ditionem militi, Gotheburgum terrestri etiam obsidione clausuro. Quam ob rem in Hallandia Zesevitzius expositas nuper in illo litore ab aduentante classe copias, cum ijs, quas Ebbø Vlfeldius è Scaniâ admoue-



rat, fines Westrogothicos assultare iussit, & ad suggeriendum propius omnia prætentavit. Ad portum Gotheburgensem corrumpendum, Rex naues Masterlandiâ accitas deprimere, literisque civitatem à bello, velut iniuste & inuitis plerisque Suecis ordinibus suscepto, reuocare, exaggerata periculi specie, coeperat. Responsum est à præfeto Manniskildio, sicut boni civis fide, & auctoritate patriæ dignum erat: causas belli justas ac necessarias publicâ scripturâ declaratas, plures etiam in aliud tempus dilatas; neque spem suppetiarum intercidisse, non tam Ludouici Geerij, cui frustra seruatoris nomen DEO debitum accommodetur, aduentu nixam, quàm bonitate causæ, & opibus Regijs aduersus externam vim satis polloquentibus. fidem bonorum civium nullo periculo commutabilem, corrumpendi portus & mercimo-

17. & 30  
April.

nij in perpetuum intercipiendi metu nequicquam tentari. Mores denique humanis opibus jactas, hominum manibus reuelli posse. Neque minus interea Hornius, vt ante dictum est, submissis copijs ducibusque, Regis conatibus intercedere parabat. sede belli Scaniâ non excessurus ipse, nisi vltimo periculo Westrogothiæ euocaretur. Eo necessitatis ne veniretur, fortuna in tempore prospexit. Subitò enim nuntiò reuocatus in Selandiam Danus, noctu silentiò in naues recepit, quidquid fere militum in Hisingam exposuerat, aut in castris insularibus collocauerat: materiem munimentorum partim auexit, partim incendit, relictis in illa festinatione præter annonam & nonnihil militum, impedimentis compluribus armisque. Et Regem quidem illâ ipsâ nocte, cimba, quæ nuntium attulerat, domum reporta-

uit : poſtridie naues vela fecerunt  
 vſque ad Huingam , qui extre-  
 mus in freto anguſtiarum Gothe-  
 burgenſium ſcopulus eſt. hic ad-  
 uerſo vento detentæ , quarto de-  
 mum die curſum repetiuerunt.  
 cum ijs digreſſæ ſunt Gotheburgo  
 re infectâ etiam Noruegicæ naues,  
 portui penitus corrumpendo de-  
 ſtinatæ. Non omitti in obſidio-  
 nis huius hiſtoria debet felix au-  
 daciâ nauis, quam à ſancti Mat-  
 thei imaginè nomen ſortitam,  
 classi apud Hollandos conductæ  
 Gotheburgum præmiſerat. Hæc  
 præterito Huingæ ſcopulo, à dua-  
 bus ſtationarijs Danorum nauibus  
 impetita , cum in hoſtes lapſam  
 ſe animaduerneret , ventum fe-  
 rentem ſecuta , plenſ velis per  
 totam Danicam claſſem ad ar-  
 cem penetrauit. Detonabant in  
 eam non naualia tantum , ſed  
 terreſtribus quoque munitentis  
 impoſita tormenta, pilis & gran-  
 dine infecta , per integram ho-  
 ram.

15 April.

*Edm. R. D.  
 Hæc obſervari  
 tunc potest,*

ram. plus tamen intulit ipsâ damni  
quam accepit. optione & nauta-  
rum vno cæsis, tribus vulneratis;  
mali ac cætera facile reparari po-  
tuere; cum in Danicis nauibus  
præter vulneratos octodecim pe-  
rierint. Ceterum comitata Mat-  
thæum minorum nauium vna, ex  
eo genere, cui à galea nomen,  
cum pertendere cursum non au-  
deret, in altum reuersa, promon-  
torium apud Schagam superare  
aduersante vento non potuit: at-  
que post tertium diem noctu, in-  
obseruato per Danicam classẽ  
transitu apud nauem sociam ste-  
tit: adiuta illis ipsis, quas hostis  
ex omnibus nauibus accenderat,  
lucernis. Quod cum postero ma-  
ne Rex conspiceret, incensus irâ,  
quinque suorum ob excubias ne-  
gligentius actas, suspensio ne-  
cauit. Hæc prima veluti speci-  
mina erant classis Hollandicæ,  
cuius aduentantis fama postea Re-  
gem, sicuti dictum est, coëgit re-

pentino abitu deferere opus tanto  
molimine coeptum. Præcipua  
Danorum vis in nâuibus erat,  
quibus vt Sueci non impares op-  
ponerent opes, tum in Sueciâ va-  
lida classis adornabatur, tum in  
(<sup>20. Dec.</sup> 1643) Hollandiam missus Ludouicus  
Geerius perfecerat, vt mense Apri-  
li triginta amplius naues tribus  
circiter millibus sociorum naua-  
lium & militum instructæ apud  
Vliam starent. Quamvis enim  
Danus nihil non suggerebat Fœ-  
deratis Belgarum Ordinibus, quò  
eos permoueret, vt suas potius,  
quam Suecorum partes, vel cer-  
te neutras tuerentur, ipsique Or-  
dines occulta potius quam amica  
consilia agitarent: moderandum  
tamen sibi, non prohibendum  
Suecorum apparatus, iudicaue-  
runt. Cum ergo Sueci peterent,  
vt ex fœdere sociarent consilia  
opesq; contra Danum, commu-  
nesq; in causâ Oresuntica spes ex-  
equerentur; responsum ab Ord-  
nibus:

nibus: non obligari se ad societatem armorum, nisi bello communibus consilijs suscepto. Suecis autem hostem imparatum oppressuris, nulla ratio permiserat, enuntiando amicis, & dispergendo in turbam secreto, opportunitates rerum gerendarum corrumpere. Quæ de nauigandi libertate, & asserendo mari dissecebantur à Suecis, in ijs agnoscebant vtique Ordines sui, cum Suecia scøderis proposita & leges; sed ita se tamen adhibebant initio, quasi vel temporis causâ, & in speciem obtendi talia putarent, vel tantæ rei fructum gloriamque Suecis inuiderent. Aliter ergo Suecorum fortunâ vti se posse videbant, si res suas interim agerent, Danosque jam ingentia & arcana offerentes metu suspensos tenerent; vtrarumque autem partium arma veluti auctoritate suarum opum temperarent. Dani ab emendis bello necessarijs, &



conducendis militibus prohibiti  
sunt : quæ Succis indulta, sed gra-  
uatim & imposito modo; cum na-  
ues plures concedi non posse di-  
tarent Ordines: numerosamq; ipsi  
classem veluti præsidio mercato-  
rum nauibus ituram, appararent;  
Legatione etiam memorabili de-  
cretâ reconciliandis Regibus.  
Neutris læta species fuit, armata  
arbitria non obscure captantium.  
Quocirca naues à Geerio condu-  
ctæ, ( quas Hollandi antequam  
sua classis exiret, ægre dimissuri  
erant, nisi scenæ seruiendum  
animaduertissent) summopere fe-  
stinabant. vrgente præsertim, &  
ad se euocante eas Torstensonio.  
Egressus prior portu Hollandico  
3. *May.* Henricus Gorizemius vicariæ na-  
vis præfectus, cum octodecim  
nauibus, aduersoque vento in  
Albim actus Liesterdiepam tamen  
venit, & apud Rîpas præfectum  
totius classis Martinum Thyf-  
senium expectauit : qui mox  
Præ-

Prætoriam cum xiv. nauibus, Go-  
ritzemio coniunxit; & cum Tor-  
stenfonio congressus, octingen-  
tos sclopetarios maiores, quibus  
Tribunus Lohausius præerat, in  
classem recepit. cum enim legen-  
di militis parca apud Hollandos  
copia esset, missusque eò cum pe-  
cuniâ Mortaignius, parum pro-  
fecisset, firmavit suis militibus  
classem Torstenfonius, iussitque  
circuito Schagæ promontorio  
Alborgum præterire, nauesque  
quas hætenus conduxerat eò lo-  
cò, Arhusianis itidem à se com-  
paratis, adiungere. Quò factò,  
Arhusium ipse petere, & armata  
militibus, auctâque nauigijs clas-  
se, Fioniam inuadere, recepta-  
culaque hostium conuellere de-  
stinauerat. Sed hoc consilium,  
Regis Dani naues interceptæ.  
quarum nouem Bellicæ, ex ijs,  
quæ Gotheburgum obsederant,  
in conspectum se dederunt apud  
Schagam Hollandicis mare per-  
cur-

9. May.

15. May.

cursantibus, dum reliquæ ventum ad Liesterdiepam expectant. Quæ & ipsæ postridie, in conspectu habuerunt eximias illas vastorum corporum moles. statim ergo præfectus classis Suedicæ in Hollandia conductæ Thyssenius in eas iuit: quem vicaria naus & quæ tertio militiæ navalis gradu censetur, secutæ sunt. Ita tres naues modicæ cum ingentibus illis nouem strenue pugnam per sex horas continenter sustinuerunt. Jamque recesserat hostis, cum animaduertit, cunctari ceteras Hollandorum naues, & prætoriam destituere. denuo igitur in eam toto impetu rediit: quam tamen duæ sociæ, jam circumdatam, nec parum læsam, fortiter eripuerunt, atque vt hostis iterum retro daret vela effecerunt. Cecidit in eo conflictu Tribunus Lohausius, cum centurione vno, duobus signiferis, & triginta manipularibus. Interiectis aliquot die-



diebus, cum rursus primo xiii.  
subinde xvi. naues Danicæ con-  
spicerentur in mari, Hollandica  
illa classis in portu Liesterdiepenſi  
subsistere statuit. cui tutandæ Tor-  
stensonius duas munitiones exci-  
tauit in litore, centumque &  
quingenta equites ibi tendere  
iussit. Sed cum videret vndecim  
Danicas naues obsidere portum,  
veritus ne morâ interpositâ plures  
accederent, pronuntiauit naua-  
lem pugnam: mandauitque suis,  
vt victores ad dextram versi, na-  
ues Alborgi conductas, secum  
per fretum Balthicum educerent,  
classique è Suecia venienti in  
mari orientali occurrerent; victi  
autem aut longius abrepti in ma-  
re, Vliam repeterent, reparatis-  
que damnis de circumcundo  
Schagæ promontorio nihilo-mi-  
nus cogitarent. Tormentorum  
igitur ictibus biduo toto certatum  
est. propius congregari volentes  
tempestas distinuit, ac denique  
dire-

24. May.

25. May.

diremit : tribus incendiariis nauibus classis huius à Ludouico Geerio conductæ in brechia impactis, malisque duarum aliarum contractis. Scapha prætorix ictu globi ferrei mersa est. Inde, cum Vliam repetere placuisset, aquæ petendæ, reparandisq; armamentis & cibarijs supplendis, nec non curandis vulneratis; ingens nauticæ turbæ seditio exorta est. Plerique desertis nauibus domum digressi, Amstelodami, Hornæ, Enchusæ in Ludouici Geerij ædes, & curatores, tum in domihos nauium, multa prælicenter conabantur : donec ope magistratum seditiosissimus quisque in vincula coniecti sunt. Terruerat homines mercatorum potius nauigationibus, quam militiæ assuetos, terribilis belli naualis facies, & magnitudo nauium Danicarum, ad quas propius non impune succederent Geerianæ. Igitur aspectu vxorum quæ obuiam

am processerant redeuntibus ad Vliam, redintegrato horrore, circumuentos se à Geerio, & cladi obiectos, atrociter conquerebantur. quamquam in vtroque conflictu tredecim non amplius nautæ cæsi, plures debilitati artubus & vulnerati essent. Id quoque festinatio in apparanda classe illa vitij habuit, quod parum idonei nauarchi asciti sunt. è quibus aliquos Thyssenius exauctorauit, ob flagitium declinatæ prioris pugnæ. Sed redibit in hoc bellum denuo classis, & suas partes non perfunctorie aget. Interea Torstensonij curas, quem in prætorio Harderslebiæ reliquimus, exequemur. Is dum loca per Holsatiam & Jutiam maxime idonea præsidijs operibusque firmabat, nihil æque circumspexit & anquisiuit, quam vt viam & vires daret consilio semel deliberato de occupandis Danicis insulis. eamque ob rem præcipuo sibi  
ysui



vsui fore sperauerat classẽ  
 à Geerio conductam ; tum ;  
 quæ in Succia apparabatur :  
 comparatis etiã operã præ-  
 fecti maritimi Blomij subsidijs  
 nauium in Jutia & Germaniã ,  
 nautisque diligenter conductis.  
 Sed naues à Geerio conductas  
 tempestas & ratio belli, sic adhi-  
 buit hætenus , quemadmodum  
 ostendimus. Maior è Succia  
 classis , cui præerat Claudius  
 Flemmingius, incunte demum  
 mense Junio portu Daleroënsi  
 egressa , quartum intra diem li-  
 tus Germanicum appulit : vnde  
 exploratum dimissæ naues duæ,  
 Leó Smolandicus & Draco, cum  
 tribus Danicis ex freto Oresunti-  
 co venientibus , per horas octo  
 acri certamine depugnarunt ; re-  
 pulsas tamen persequi, cum &  
 ipsæ armamentorum partem per-  
 didissent, nequiverunt. inquit post-  
 hæc classis tota Christianprisiã ,  
 17. Iun. vt Torstensonijs accedere , & de  
 summa

summarum cum Flemmingio posset  
consultare. Congressi, cum naues  
transmittendo equiti idoneæ ad  
manum non essent, Fioniam ten-  
tare alienum iudicarunt : Fim-  
briæque occupandæ consilium  
inierunt, quæ copijs hostilibus  
congregandis ac sub signa ordi-  
nandis sedem præbebat. Juit vter-  
que Ducum, receptis in classem  
de Torstensonij exercitu ducentis  
amplius equitibus, totidem pedi-  
tibus, & centum dimachis. cum  
sub vespèram soluissent, postero  
mane ad partem insulæ borealem,  
quam poterat fieri proxime clas-  
sem admouerunt. Defendebatur  
insula à trecentis quinquaginta  
militibus mercede conductis;  
quibus addita erat septingento-  
rum manus, agrestis turbæ. Hi  
quod minus præsidio esse possent  
reductibus valli & munitioni-  
bus mari oppositis, crebro tor-  
mentorum classiorum fulmine  
abstergebantur : succedentibus

24. Iun.

27. Iun.

28. Iun.

29. Iun.

interim & in terram expositis,  
quas e classe in scaphas armatas  
inposuerant, Torstensoniano pe-  
dite, & trecentis classiarijs sclo-  
pos maiores ferentibus. Qui Da-  
nos munimentis eiectos, caesis  
qui resisterant, persecuti sunt,  
donec cum suis equis dimachæ  
etiam & equites in terram euasif-  
sent. Nam & his pars victoriæ de-  
bebatur; quam nox intercedens  
distulit in posterum. tum enim  
fugientes consecuti, interfecere  
quotquot repugnare ausi sunt:  
captis, & Suetico exercitui inter  
supplementa adjunctis ducentis  
militibus. Redactâ in ditionem  
Fimbriâ, rebusque apud victos  
compositis, Flemmingio nun-  
tiatur, Regem Daniæ cum totâ  
classe aduentare. Ita referebant  
vectores Liburnicæ exploratoricæ,  
quam haud procul Monâ insulâ  
interceperant quatuor Suecorum  
naues ad percurfandum pelagus  
emissæ. Igitur Flemmingius vela  
ventis

ventis dare, & proelium parare suos iussit; statimque in conspectu hostilem classem habuit: in qua nouem maiores, viginti proximæ magnitudinis, decem minores naues, præter cimbæ & lintres numerabantur: in his etiam igniferæ fuerunt aliquæ. Euntibus in Suecam classem ventus apprimè fauebat. cuius beneficium vt arte sibi vindicaret Flemmingius, præter promontorium Petersdorpiense litus legebat cum classe, quantum posset, donec in hostem insequentem, circuitoque eodem promontorij flexu ad loca ventis inaccessa deductum, conuersæ naues turgidis velis inueherentur. Peraçto, fulminantibus vtrimque machinis, primo confictu, iterauit obliquo cursu pugnam Flemmingius, Prætorix Danorum infestius imminens: quam & cepisset, si nauarchi alij officium suum fecissent. Quassata certe grauitè

I 2                      tribus

tribus fere horis post principia substitit, reparandis damnis occupata. cumque animaduerneret Flemmingius, vacillare hostem, nec satis jam sibi constare, dimissâ ad suas naues Liburnicâ mandauit, vt se per mediam classem hostium strenuè sequerentur. Sed pauca exemplum fortissimi ducis æmulari ausæ sunt: pleræque obliquato cursu vt ante præterierunt. Quo factum est vt hoc tertio congressu Flemmingij naus cum Vicariâ hostium, & tribus proximis conserto certamine, aliquot locis perforata, malisque & antennis, velis item ac funibus lacerata se reficere cogeretur; & hostilis acies interea restitui posset. Quarta vice in prælium redeuntem hostis paulatim declinauit, & nox inhibuit. Accensis subinde lucernis, longius à litore in altum prouecta classis Suedica, sub mediam noctem ad locum prælij redijt, posteroque  
mane

mane nullas hostium naues conspexit. Ceciderunt hoc prælio multi Danorum : in quibus Archithalassus Regni , Georgius Winde, genu consauciatus, paucos intra dies obiit. Vulneratorum numerum auxerunt præfectus Prætoriae Ericus Laurentij, Canutus Vlesfeldius magister aulae, & cum Hilario Vlesfeldio prostratus eodem ictu Rex ipse , qui festucâ ligni in faciem incussâ, oculi alterius usu in posterum caruit. Succi de gregarijs paucos; ex insignioribus neminem desiderarunt. Neque tamen mox portus tam fuit tutus Flemmingio , quam fuerat mare. Receperat se cum classe ad Christianprisiâ, vt, damnis prælij reparatis, Torstensonij consilij aduersus Danicas insulas operam daret. nam & altera classis à Geerio conductâ eodem loci expectabatur. Verum distracto inde in alia Torstensonio, Dani, qui hætenus



classē Flemmingij obsederant  
suis nauibus, neque propulsari,  
ventō defensi, poterant, militem  
expositum opportuno contra  
Christianprisiā tumultu consti-  
tuerunt, tormentorumque icti-  
bus inde naues Flemmingij infe-  
starunt. ita factum est vt antequam  
succurri posset, Flemmingius, dum  
forte manus lauat, ictu machinæ  
per sinistrum genu adactō, supre-  
mum diem obiret. Quantum ei  
Suecia debeat, pulcerrima Hol-  
miensium ædificiorum & platea-  
rum dispositio, tum fabrorum  
omnis generis instituta per prouin-  
cias, tabernæ, & instructa sub-  
inde luculentius res naualis, cu-  
ius peritissimus fuit, abunde te-  
statur. Efficaciam & industriam  
singularem, acri & impauido ad  
offensiones pro Republica animo,  
per præcipua domi militiæque mi-  
nisteria, patriæ approbavit: atque  
in ardua præsertim Regiæ Holmi-  
ensis præfectura, omnium succes-  
sorū

forum curas oneravit. Vltus est mortem viri tam egregij Torsten-sonius internecone Danorum, quos in terram Rex exposuerat, sicut paulo post memorabitur: classisque Suetica jam Carolo Gustavo Wrangelio permessa, præfectisque & militibus aucta, postquam toto mense Julio Danicis nauibus obsessa, exitioque fuisset proxima, secundo tandem vento feliciter euasit. Iuuit error præfecti nauibus Danicis Petri Gal-tij, qui cum vela ventis dare nostros conspiceret, ipse quoque altum petijt, quasi fortius in eos & commodius pugnaturus. quæ res capite stetit nobilissimo seni: cui multo ante tam triste mortis genus Tycho Braheus, fatidicæ sagacitatis mathematicus, prædixisse ferebatur. Neque dubitauit fama excusare virum, tanquam mandata per nuntios allata secutum, & mox suâ trepidatione proditum, cum omisâ defensio-

ne clementiam irati Regis imploraret. Coniunxi statim, quæ ad primum nauticæ huius expeditionis cursum pertinent, reuersâ paulo post in Sueciam classe, vt in hostem nec opinantem se referret instructior.

---

## LIBER II.

*Cæsareorum ex bello Danico & de eo consilia. Transylvan in Cæsarem arma. Torstensonij in res Germanicas cura. Belli Brémensis caussa & initia. A Königsmarckio hic & alibi gesta. Incommoda, quæ à Danis Torstensoniani acceperunt. De disciplina & gradibus munerum militarium ordinandis, Sæcorum consilia. Cæsaris auxilijs duce Gallassio aduentantibus obuiam it Torstenso-  
nius. Danorum clades prope Nymolam, Gallassio & Danis frustra*

*frustra aliquotiens pugnandi  
copiam Torstenſonius facit.  
Digredientem à Danis Gallassi-  
um, Torstenſonius urget, &  
apud Bemburgum conſuſione  
memorabili obſidet: atque ita  
inuitus, ſed ratione belli di-  
ctitante, ad Germanica reuer-  
ſus, Königsmarckium & Hel-  
modum VVrangeliū Danico  
Bremeniſque bello præſcit. Gu-  
ſtauo Hornio in Scania, Cro-  
nia deditur, & amplius muni-  
tur. Johannis VVachtmeiſte-  
ri & Friderici Stenbockij vir-  
tus. Guſtauus Hornius, in  
Bleckingiam; inde in Hallan-  
diam transfert bellum. Vbi  
Laholmiam deditione accipit:  
rebusque ordinatis in Scaniam  
redit. Deliberat de ratione  
belli. caſtra ad Malmogiam  
admouet, ac permunit. Rex  
Daniæ Malmogiam tranſfert co-  
pias: indeque egreſſus caſtra  
caſtris Hornianis opponit. Gu-*

*stauus Hornius mouet castra, Danosque insequentes aliquando multat : & digressis hostibus , hiberna ordinat. In Vestrogothia & ad fines Noruegicos acta. In Jemtia & vicinis prouincijs. In Dalia, & Vermelandia , certamina cum hoste. Classis Suedicæ in Hollandia conductæ conatus, & successus. cui maior classis coniungitur. prælium nauale, & Danorum clades. Minor classis Suedica Gotheburgum cursum intendit : unde in Hollandiam redire parans, seditione, mox tempestate conflictatur.*

**T**Orstensonius autem , sicut in expectatam primo , inde aduectam classem , partem curarum dispertiuit : ita in cetera belli, vel in Germania relictæ , vel in Daniam susceptæ, consilia plurimum intentus fuit. Cæsarei enim Duces translati ad Danos  
belli



belli occasione strenue vsuri, Passauij decreuerant, Suedicæ receptacula militiæ, per Morauiam, Silesiam, Misniam, Thuringiam, partitim occupare; infestare Pomeraniam; & confirmatis Torstensonij absentiam rebus, promissa Danis auxilia submittere. Neque segniter consultis facta iungebant: nisi quod partem consiliorum Ragotzius, tandem arma in Cæsarem ausus mouere, interuertit; molemque Suecorum humeris destinatam opportune subleuauit. In Pomeraniam Duglassius à Torstensonio missus, postquam præsidia singula inspexisset, statumque prouinciæ adiutore vsus Lilienströmio accurate explorasset, in Silesiam iuit, trahens secum delectam ex præsidiarijs manum, cui Tribunus Reichvvaldius quingentos equites iunxit. nam & hunc Torstensonius ablegauerat, liberandis obsessis in Silesia urbibus; inprimis Glogouiae.



uiæ , quæ lex mentium annonâ ,  
repulso hoste , tum instructa est .  
Pomeraniæ maritima , paulo post  
denuo inspicere , & curare iussus  
est Axelius Lilie , Lipsiâ euocatus .  
In Marchiâ , Crosna & Franco-  
furtum Oderanum , alendis nu-  
merosis præsidijs , ob inopiam va-  
statae regionis , parum sufficie-  
bant . Igitur cum nihil æque fa-  
tigaret Suecos , ac pecuniarum  
ad tantas res vndique sustinendas  
conquisitio , coeptum est agi cum  
Septemuiro Electore Branden-  
burgico de permutandis certâ pe-  
cuniæ summâ istis castellis . ¶ Bre-  
mense bellum , quomodo inne-  
ssu Danico coeperit , altius ordien-  
dum est . Regis Daniae Filius Fri-  
dericus , anno sæculi huius XXI.  
(1624.) Archiepiscopatus Bremensis Co-  
adiutor , cum jure succedendi ,  
electus erat . sed hoc jure , per pa-  
tionem patris , siue pacem Lu-  
becensem , octauo post anno cum  
(1619.) Casare factam , exciderat . Cum-  
que

(1621.  
1622.  
1634.)

que subinde Cælareis, vi occupassent Archiepiscopatum, omniaque priuilegia & instituta pristini moris, non sine terrore vicinorum & eadem sacra colentium, sustulissent: Rex Sueciæ Gustauus Adolphus, inter Germanici belli victorias, eiecit hostes, induxit præsidia, vindicatumque suis laboribus & impensis Archiepiscopatum, Auunculi sui Johannis Friderici Administrationi libenter reliquit. Illo fatis functo, statim Rex Daniæ, & Filius Fridericus, apud Ordines Archiepiscopatus, tum deinde apud Regnam Sueciæ, Eiusque Legatos, ad reparandum jus amissum, summo connexi sunt studio. Neque Sueci denegare instituerant, quod petebatur: sed præsentium rerum conditio, dilationem negotij, non lenibus momentis ad communia plurium Principum commoda pertinentibus, vltro suadebat. Quanquam autem, non indul-

3. Sept.

(1634.)

ffol

indulgeri Suecorum petitioni hanc moram, & idonea tempora festinando præuerti durius videbatur: quoniam tamen Dux Fridericus urgere Ordines Bremensis Archiepiscopatus non desinebat, voti compos factus, & jam viam ingressus, occurrenti internuntio Suedico, conuentionem de re tota paulo post tractandam obtulisset, Regina Sueciæ nolens diutius disputationem extrahere, voluntati ac desiderio Archiepiscopi multa & magna de suis commodis tempore alieno & periculoso condonauit, quæque Johannes Skyttius Legatus, & Laurentius Grubbius cum Ipso & Ordinibus transegerant, rata habuit, ac susceptam dignationem eximijs amicitiae significationibus prosecuta est. Expectabatur ergo hoc tempore, ut memor amplissimi beneficii, quo restitutus erat à Regina Sueciæ in Archiepiscopatum Fridericus,

21. Dec.

1634.

2. Febr.

1644.

cus, bello patris abstineret; nec se Danicis Suedicisque contro-  
uersijs, cum quibus scilicet nihil commune Archiepiscopatus in Imperio Germanico positus habet, sese immisceret. Eoque nomine sedulo monitus erat à Torstensonio. qui, cum comperisset, militum delectus haberi in Archiepiscopatu Bremensi, Kônigsmarkium & Gregerfonium, mandatorum curatorem siue Commissarium miserat, ut exigerent à Capitulo Bremensi Verdensique ac Ordinibus, quæ ex pactione priori debebantur, & loca munita, securitati Germanicæ militiæ & Evangelicorum Principum firmandæ, præsidijs occuparent. Verdâ inprimis milite infessâ, Archiepiscopus, & hanc rem, & postulata cetera ægre ferens, nobiles ad arma vocavit, & castigatis, qui jam pacisci cœperant, agrestibus, Danica auxilia Glück-  
stadio petijt. Inter quæ & occisi  
qui-

*12. Febr.* quidam & capti militum Suedi-  
corum. Tum demum, integro  
præne mense post, datæ ad Tor-  
stensonium literæ, iniqua petere  
Succos & hostilia facere, deque-  
rebantur. Respondit Torstenso-  
nius: pactorum meminisset Ar-  
chiepiscopus, quæ liberum illis  
locis aditum Suecis tribuerent;  
neque conditiones tam tolerabi-  
les, & necessitatem militaris dis-  
positionis aduersus communes  
Principum Euangelicorum hostes,  
Visurgi & Westphaliæ imminen-  
tes, tam inique interpretaretur,  
cum hætenus, quamuis neutras  
partes professus, pecunijs & alijs  
rebus, eosdem illos hostes suble-  
uasset. nihil esse causæ, cur ho-  
stilia indueret: plurimum, cum  
æqua & necessaria subministra-  
ret, & amicis in posterum Suecis  
vteretur. Quibus insuper habi-  
tis, arma summa ope compara-  
uit, Regi Daniæ auxilia submi-  
sit, & auctis subinde copijs Sue-  
cos

cos nihil tale expectantes apud  
Verdam aggressus fudit, capto-  
que munimento ad Alleram ex-  
tructo, Languedeliā quoque  
Suedicis præsidij infessā expu-  
gnauit. Quin etiam, postquam  
aperte in causā descendisset,  
imperijque militaris summā iis  
in locis suscepisset, Cæsaris auxi-  
lia instantius efflagitauit, aduer-  
sus Torstensonium ducturus, vt  
primum aduenissent. Königs-  
marckium; qui rebus inspicien-  
dis ac ordinandis, neque ad  
bellum, in has terras ante, vt di-  
ctum est, venerat, statim regres-  
sum, Cæsareorum conata in  
Misniam traxerant: vnde ad  
omnes hostium motus circuma-  
gere agmen instituit, lateque dif-  
fusam locis Germanicā militi-  
ā temperauit; profligatis ex  
itinere quadringentis Croatis,  
quorum Dux Reckovvitzius tum  
cæsus, crebra Suecis damna dede-  
rat. Sed dum occupatissimas ali-



bi copias, quocumque res & tempus monebat, obuertit, audita Archiepiscopi frustra admoniti arma, effecerunt, ut ad demandas suæ curæ terras subito aduectus, vim vi repellere maturaret: atque vnum intra mensem partim conditionibus, partim terrore, populationibus, armis, pleraque ditionis Bremensis & Verdensis, præter munimenta, pacaret. Languedelia tamen, in manibus hostium mansit, cum ad relicta superioribus Germaniæ locis incepta nunc quidem recursum esset expeditissimo duci, cui plurima hoc tempore vni incumbebant. Redibit autem ad hoc bellum conficiendum, suæque virtute & impetu, longi temporis opus, tandem in compendium mitter. Hæc dum alibi geruntur, Torstensoniani à Glückstadensis præcipue aliquid incommodi passi sunt. Primum vulnus in cohortem Tribuni Dörf-

Dörflingij ex improviso oppres-  
sam destinatum, cum Jtzehoæ in  
statu is tenderet. captus, qui vices  
Tribuni gerebat, cum duobus  
præfectis centuriarum equestri-  
um; & quinquaginta circitergre-  
garijs. restaurari tamen cohors  
potuit, re collectis mox, qui ef-  
fugerant, ducentis amplius mili-  
tibus. In Galbrechti quoque  
Tribuni quatuor centurias subi-  
to impetu se concitavit manus  
Glückstadio egressa, sexque ad-  
modum hominibus occisis, captis  
quindecim, magnam equorum  
vim abstulit: nulla in eo præfe-  
ctorum culpâ; cum loca virgul-  
tis & paludibus insidiosa, nullis  
excubijs satis custodiri possent.  
At Jtzehoam iterum securitas  
præsidij Suedici, equestri turmâ  
sibi adiuncta non satis diligenter  
in explorando vtentis, prodidit  
hosti. qui dolum crebris omnis  
æui successibus nobilitatum ma-  
chinatus, cum porta mane aper-

ta esset, plaustrum lignis oneratum præmisit, cum fabris quasi ad opus faciendum venientibus. sequebatur agresti habitu militum nonnihil. oppressâ igitur statione excubitorum, plerique eo loci præsidium agitantēs capti aut interfecti; nec nisi pauci equites & sclopetarij maiores inter tumultum elapsi sunt. Foedius fuit Coldingense incommodum. Tendebant ibi quatuor Suecorum cohortes: è quibus delecti forte ad alia curanda dimissi erant, cum naues Danicæ, locis litoralibus diligenter imminentes, exposuerunt in terram; idoneam manum. quæ præfectorum & manipularium ducentos, septuaginta & quatuor cepit; triginta vulneravit, sexaginta septem, & in his Tribunum Plettenbergium, cum Nicolao Petri vicario Tribuni occidit: quatuor item signa militaria in manubijs retulit. Interiecto biduo etiam moles Middel-

delfurthana à quadraginta & octo militibus custodita, in Dani potestatem venit, Mongomorij potissimum culpâ; qui cohorti Polonicae vicariâ operâ præfectus, & tum excubare jussus, suppetias in tempore ferre neglexerat. Missos ad recipiendum munimentum Mortaignium & Duglassium cum tormentis, hostis destructis operibus digressus effugerat. Inter aduersa statiuorum Suedicorum, etiam Stalhanskij mors referenda est. vetus is miles, & ab infimo ordine ad supremam vigilum præfecturam, forti fidelique industriâ prouectus, cum inter ipsas Resurrectionis Christi ferias morbo decessisset, disciplinæ militaris constituendæ consilia, pridem Torstensonij animo agitata, maturari cœperunt. Cum enim Tribunus Tribuno aut par pari vix vquam satis, parere dignaretur, patefacta non raro hosti occasio, altiores militiæ gradus, non sine

impendio quidem numorum,  
manifesto tamen usu, multipli-  
cari suasit: reuocato etiam Ma-  
ximi Regis Gustavi Adolphi insti-  
tuto, qui proximam summo Du-  
ci, Legati dignitatem, pluribus  
eodem tempore non dubitauerat  
tribuere. ibunt igitur deinde in  
maioris tituli incrementa, non  
vno tempore, qui vno consilio  
destinabantur. interea sua quis-  
que strenue curat. Carolus Gu-  
stauus Wrangelius in Jutiâ, ad-  
iutore præfecto nauium Blomio,  
rem naualem Alborgi & Arhusij  
ordinat, & mox apud Flemmin-  
gij classem præsto est. Viteber-  
gius Glückstadiensibus, Rens-  
burgum vsque excurrere ausis,  
oppositus, Archiepiscopi cona-  
ta coërcet: alij alia obeunt mu-  
nia. Et jam Cæsaris auxilia de-  
cem amplius millium exercitum  
Gallassius adducebat: oppugna-  
to de viâ Borzenburgensi castel-  
lo. in quo, sexaginta militibus  
præ-



præfectus Jonas Simonis, cum ducentos amplius obsessores, & in his viginti præfectos occidisset, plures vulnerasset, quinto die cuniculis eruto munimento, cum suis internecione occubuit. Parum quidem Gallassio cum Danis conueniebat, de conditionibus jungendarum virium & administrandæ militiæ: eaque res moræ nonnihil ac inuidiæ habuit. Stabat apud Christianpriam, inuadendæ, si fors daret, Fionix, & tutandæ classi illuc subductæ intentus Torstensonius, cum de aduentu Cæsareorum edoctus, id agi cognouit, vt valida manus aduersus palustriam emissa interciperet iter, quo inter Stapelholmiam & Slesuicum, cohortes Suedicæ in Jutiâ tendentes, ad exercitum commeari deberent. Igîtur constitutis apud classem, quæ tempus monebat, castra Slesuicum mouit: indeque cum duobus millibus egressus ad



17. Jul.

19. Jul.

palustria, hosti fossis & vligine  
defenso nocere non potuit. Pau-  
lo post Cæsareorum manus de  
nocte Chilonium irrupit, duabus-  
que fere horis obuia diripuit; cæ-  
sis viginti & vno è Suecis valetu-  
dine ibi detentis: illæsa cum præ-  
sidio arce. Rex Daniæ autem ex-  
posuerat è nauibus, vt ante cœ-  
pimus dicere, copias; quæ in ti-  
mulo arenaceo contra Christian-  
prisiæ castris communitæ clas-  
sem Flemmingij tormentis infe-  
stabant; & ex transitu Nymolen-  
si, interfecerant optionem Tri-  
buni dimacharum, Johannem  
Wilelmum, cum tribus alijs, qui  
explorando loco venerant. Ac-  
cessit nuntius de casu Flemmin-  
gij, exciuitque Torstensonium è  
prætorio Arnholdensi, vt Chilo-  
nium peteret; relictoque ibi ad  
obseruandos Cæsareos Goldste-  
nio; ipse cum tribus cohortibus  
equitum & ducentis dimachis  
Christianprisiâ accitis, ex transi-  
tu

tu Nymolensi eijceret trecentos  
quinquaginta Danos. qui cum  
se ad ceteros munitione præcin-  
ctos recepissent, veritus Torsten-  
sonius, ne effugerent, Tribuno  
Sackio delectam trecentorum  
equitum manum attribuit, tra-  
iecturos alueum fluenti, apud  
Rosenfeldam, donec pons à fu-  
gientibus abruptus repararetur,  
Dani, cognito Torstensonij ad-  
uentu, egressi munitione suâ, in-  
gruentem Sackium displosis sclo-  
pis exceperunt. ita vt ipse cum  
præfecto centuriæ equestris, &  
optione centurionis, itemque  
gregarijs nonnullis caderet. Sed  
absumto veluti vnico impetu,  
continuâ strage deleti sunt Dani  
mille trecenti amplius, vt aduen-  
tantibus Nymola copijs nihil  
pæne laboris restaret. Fuerunt  
in his sexcenti de cohorte præto-  
riâ Principis Christiani Quinti;  
Quadringenti ex Lalandiâ & Fal-  
striâ conducti: trecenti classiarij.

28. Jul.

Signa Sueci quatuor , tormenta muralia totidem , campestria duo ceperunt. Quo facto, Torstenfoni<sup>us</sup> in classe , cui jam loco Flemmingij Wrangelius præesse cœperat, pleraque constituit, & ad castra regressus est. In itinere Goldstenius manum Cæsareorum jam biduo toto Suecos in sylvis obseruantium, affecutus, triginta ex posteriori agmine cepit, alios interemit. Torstenfoni<sup>us</sup> deinde Stapelholmiam progressus , cum ex palustribus illis locis multum sibi incommodi creatum reputasset , munitum, qui eò ducit , aditum occupare statuit : vectis plaustro cimbis, ut pedites adinqueri possent. Secuta est abunde industriam fortuna , eiccto hoste pons nazalis incenditur, quò Danus apud Fridrichstadium Eidoram strauerat ; munitiones ope ciuium , militum , rusticorum disiciuntur , soloque æquantur. Missa quæ tueretur pon-



pontem de cohorte Anefeldij Tribuni centuria, cum in antecursores Torstensonij incidisset, pars cæsi, pars cum centurione & signo capti sunt. Postridie cum allatum esset, Danos Gallassio suas coniunxisse copias, & promouere castra, Torstensonius conuerso itinere apud Rensburgum consedit, cum toto exercitu; indeque Tribunum Hôckingium trecentos equites educere iussit, hostium turmis apud syluestria latitantibus, scrutandis. Cæsus est & ipse Hôckingius & vicarius eius cum dimidiâ militum parte. cumq; Gallassius urbe Chilonij vi, arce conditionibus receptâ, in Torstensonium iret, nil cunctatus ille tribus pontibus Eidoræ apud Rendesburgum impositis traiecit copias, atque ad Neomonasterium instructâ acie, æquis locis vltra meridiem Cæsareos expectauit. Sed Gallassius comperto Torstensonij vltro se offe-

3. Aug.

4. Aug.

155

9. Aug.

offerentis instituto, inhibuit agmen locisque inaccessis ad internata paludibus virgulta substitit. Igitur Torstenfoni<sup>us</sup> Segebergam petijt; assumptoque, quod ibi tendebat præsidio, arcem incendio delebit. Inde Oldesloam, præmissis semper cum valido præsidio impedimentis, itum est: insequente jam Gallassio cum Danis, & in aduerso castris Suedicis colle, speciem pugnaturi præbente. quippe peditatu præstabat, Suedicis militibus per classem, & in præsidia dispersitis. Fecit copiam sui Torstenfoni<sup>us</sup> quamuis iniquo loco. ibi tum ad solitas artes conuersus Gallassius, ligno non gladio uti statuit. Torstenfoni<sup>us</sup> comperto, abhorre à pugna hostem, post leues velitationes, & innoxias utrinque tormentorum displosiones, Ræceburgum contendit, ibique donec annonam Lubecâ procuraret exercitui, substitit. Gallassius  
Lau-

10. Aug.

12. Aug.

Lauenburgi ponte Albini transgressus, per Luncburgensium agrum Bernburgum properauit: digressis in itinere, non sine fremitu, & querelâ, Danicis copiis; quas Bardeuicum vsque traxerat. Quod si Torstensonij consilium, de ponte apud Dömitzium struendo, præfetti festinatio non corrupisset, futurum erat, ut paucas hostis seruaret incolumes copias. Nunc Boitzenburgi pons parandus fuit: per quem traductis copijs (quamuis equitatu pons Dömitzensis reparatus, postquam hostili superuentu ante ruptus erat, transitum dedit) Halberstadtum petijt Torstensonius: atque assumtis Königsmarckij copijs, è quibus paulo ante trecentos cum duobus Tribunis alijsque præfectis Comes Broius circumuenerat, in hostem nondum id verentem strenue perterrita ita peruentum est Bernburgum, ubi Gallassius castra in colle quodam

1. Sept.



I  
dam munire cœperat. Quo  
comperto, Torstensonius, veri-  
tus ne Saxonia, Thuringia, Hal-  
berstadiensis ager, hostium cona-  
tus sustentarent, Principumque  
Brunsuicensium & Luneburgico-  
rum copiae augere exercitum Cæ-  
sareum cogerentur, vtilissimum  
de præsentibus statuit castra castris  
17. Sept. opponere. Transito igitur Sala  
fluuio, ad arcem Bernburgi, ci-  
teriore ripa sitam, vnde vrbs in  
vltiore inferius posita despici-  
tur, progressus, præsidium du-  
centorum militum imposuit: &  
cum exercitu Münchneuburgum  
versus descendit; tormentis in  
hostem tam destinato dispositis,  
vt mutare castra is coactus, sin-  
gulari diligentia, firmisque ope-  
ribus se dehinc communiret. Ex  
hac conclusione, neque ad pa-  
bulandum, neque ad necessaria  
petenda impune vnquam egredi  
Gallassianis licuit: adeo diuisis  
circum proxima oppida equestri-  
bus

bus turmis, nonnunquam & maiori manu emissa, omnia sepserat & infesta fecerat Torstensonius. Hinc inopia, fames, hominumque & jumentorum mortes, post alterum fere mensem, euadendi consilium & audaciam hosti suppeditarunt. qui intempesta nocte, silenti agmine, Stasfurtum, ac inde Magdeburgum cum reliquijs exercitus petijt. Iuuit absentia Torstensonij, & Königsmarckij: quorum ille cum magna parte equitatus aduersus pabulatores hostium egressus erat: hic ad alia negotia diuerterat. capti tamen pabulatores cum pleroque præsidio, quod numerosum additum erat: & postea equitatus, quod erat reliquum, cum Magdeburgo discessisset, magna clade inter Juterbocum & Niemecum fusus, Enckefortius captus; Gallassius denuo Magdeburgi cum peditibus 1600. circiter, à Königsmarckianis & Hassiacis copijs

pijs ita conclusus est, vt noua fame in dies arterentur, qui supererant. Ita præstantissimus Cæsaris exercitus, tanta diminutione absumptus est, quantam, citra decretorij prælij discrimen, raro annales memorant. Ceterum inuitus sane Danicâ ditione excessit Torstensoñius, qui satis meminerat sibi mandatum, vt potiores in Danicum bellum curas intenderet, res Germanicas in secundis haberet. Itaque summa voti erat, Fioniam, aut, si casus daretur, Selandiam inuadere, ac Gustau Hornij militiam Scanicam propius potentiusque subleuare, sed cum totius exercitus vires aduentu Gallassij in vnum contractæ, non haberent in regione vastâ, & minus copiosâ, vbi diutius subsisterent, hosti autem ex palustribus necessaria largius suppeterent; non supererat aliud consilium, quam præuerrere hostem regredientem, ac  
fortasse

fortasse maritima ac Pomeraniam  
petiturum. Sic enim respondit,  
cum regressus eius in Germani-  
am reprehenderetur. Reuersâ  
porro in Sueciam classe, non erat  
dubitabile, quin Rex Daniæ ex-  
positis ē classe copijs, infestatu-  
rus esset Suecos, exercitui Cæsa-  
reo & Archiepiscopo ab alterâ  
parte expositos. Quæ cum ita se  
haberent, præcipuum consilij  
momentum in celeritate erat; vt  
corruptis & præceptis, quæ vsui  
esse poterant, inopiâ & fame at-  
tenuaretur hostis. Quæ spes pru-  
dentissimum Ducem non frustra  
habuit. Dum enim Danicâ di-  
tione excessum, & ad interiora  
Germaniæ properatum est, sicut  
diximus, equitatus Gallassiani  
numero valde deminuto, etiam  
perfugijs militum, neque Cæsa-  
riorum modo, sed etiam Danico-  
rum replebantur Lubeca & Ham-  
burgum: vnde conquistoribus  
Suedicis facile fuit, non parum

supplementorum comparare. Bel-  
 lum autem, discedens ex agro Da-  
 nico Torstensonius, his fere præ-  
 sidijs ad opportuna locorum fir-  
 mauerat ac disposuerat: Jutiam  
 in officio continebant Vargardia;  
 in Vensilia, Alborgum; Arhu-  
 sium, Ripæ, Haderslebia, mu-  
 nimentis singula ac præsi-  
 dijs communita. In Holsatiâ Chri-  
 stianprisia, Trittouia, Pinneber-  
 ga, Bredenberga, Sueticæ mili-  
 tiæ receptacula erant. ~~Kensbur-~~  
 go detractum erat præsidium,  
 quo non nisi numeroso defen-  
 di poterat, cum vastatus circum-  
 ager necessaria non suppeditaret.  
 Jussus tamen postea recuperare lo-  
 cum Tribunus Helmoldus Wran-  
 gelius, vir per omnia strenuus,  
 vigil, efficax: quem cum dele-  
 cta quinque millium manu Ble-  
 ckedâ in Holsatiam & Jutiam  
 remiserat Torstensonius, conser-  
 uaturum parta, & hostium vires  
 opesque pro virili disturbatu-  
 rum

a. Sept.



rum. cum hoc conferre ratio-  
nes militiæ, & mutuis subsidijs  
connectere Bremense Danicum-  
que bellum, post aliquot menses  
Königsmarckio nouis literis in 19. Jan.  
has partes curasque vocato, man- 1645.  
datum est. Dum hæc à Torsten-  
sonio hætenus administrantur,  
interea Gustauus Hornius in Sca-  
niâ Croniam promouit exerci- 29. Marti  
tum, præmissio qui urbem subito 1645.  
occuparet, atque adeo ab igne  
conseruaret, quem immissuri vi-  
debantur Dani, si aduentum no-  
strorum præsensissent. Postridie  
vbi ipse adfuit, accessus adorna-  
ri ad arcem, & suggestus tormen-  
tarii excitari, atque subinde, cum  
tormentis displosis frustra deditio  
postulata esset, multiplicari cœ-  
perunt. Quassatis ergo globō-  
rum muralium jactu operibus,  
etiam rates jungebat, latissimam-  
que fossam ponte sternere parabat  
Hornius, cum extrema metuens  
præfectus castelli Henricus Huit-



feldius de deditiohe agere cœpit.  
 concessæ sunt sarcinæ & impedi-  
 menta, permissumque v̄t explica-  
 tis vexillis, more militari exiret  
 præsidium; relictis in arce quæ  
 securitatis causâ eo asportata ac  
 deposita erant, cum omni instru-  
 mento apparatuque militari, &  
 annonâ valde copiosâ. Rece-  
 pra tum sunt duo tormenta mi-  
 nora, quæ Succis Rex Daniæ  
 Calmarniâ interceptâ eripuerat.  
 Muniendæ vrbi mille pedites  
 adhibiti cum Laurentio Kag-  
 gio, qui vrgeret opus. Præter-  
 quam enim quod portum nobi-  
 lem, recipiendisque ac tutandis  
 maioribus nauibus commodum  
 habebat, multis militiæ vsibus in  
 posterum fertiit. Peractâ muni-  
 tione, mille isti pedites, adiun-  
 ctâ delectorum equitum manu,  
 Johanni Wachtmeistero attribu-  
 ti. qui Vstadium versus progres-  
 sus tributariam fecit regionem,  
 opportunas Nobilium domos  
 præ-

præfidijs firmavit , cecidit pabulatores hostium , nuntiorum & viarum securitati inuigilavit , litoralem tractum custodiuit , in expectatam tum è Sueciâ classē intentus , nauesque Danicas accessu prohibens. Fridericum Stenbockium , limiti Suedico tuendo deditum , apud Longaridam in nomarchia Väsboënsi Ebbo Vlfeldius , ad omnes exitus occurrens continuuit , & in statuis non obsedit modò , sed oppugnare tentauit , tormenta quædam , & promiscui generis manum , cum præsidio Halmstadiensis trahens. cūque pontem Nissæ impositum recidisset Stenbockius , aliò locò molientes aditum hostes , quatuor horarum pugnâ repulit : cognitòque postridie , Ebbonem à finibus recessisse , inopiæ subleuandæ & reficiendo militi , non habuit propiorem , quo tutò ire posset , locum , Gotheburgo. huc deduxit partem sua-

ram copiarum, relictis ceteris in  
Marchiâ & Kindiâ, vbi hostili in-  
cursione quotidie limites inque-  
tabantur. Ipse Gustauus Horni-  
us in Bleckingiam versus, vt tri-  
buta detrectantes subigeret, cum  
Horbyam peruenisset, reliquit ibi  
Crusium & Sperlingium: assum-  
tisque dimachis & cohorte Ha-  
raldi Stackij caput regionis Chri-  
stianstadium petere cœpit: vn-  
do egressa præsidiorum manus,  
rusticis apud pagum Trennam  
collectis se coniunxerat. Sed il-  
la quidem aduentu Hornij diffu-  
git, rusticis sub cultro relictis.  
Substitit prope urbem Hornius,  
stationemque sub ipsis munimen-  
tis constituit: excurrentesque de-  
nuo & incendium in suburbana  
ferentes Christianstadienses, cæde  
viginti & octo hominum, præ-  
ter captos & vulneratos, casti-  
gavit. Compertô deinde, Eb-  
bonem Vlfeldium Christiansta-  
dio cum parte præsidij in Hallan-  
diam

diam digressum esse, eodem transferre bellum agitavit : cum præsertim de obsidione Gotheburgo, aut irruptione Westrogothiæ imminente, admonitus esset. Inspectâ igitur de viâ munitione Wisioënsi, quia amplior erat, quam ut modico præsidio itinerum securitati posset attemperari, vado Lagam transiit, paulò supra Laholmiam, profligatis cæsisque, qui arcere parabant, centum amplius stationarijs. Halmstadiò quoque emissus præfectus turmae equestris Jacobus Grubbius, quamquam tentatis frustra excubijs Hornianis, effusò cursu refugeret, paucos tamen, nec nisi armis abiectis, partim & equis relictis, incolumes intra munimenta reduxit. magna pars in via concisa ; Juarus Krabbius cum equitibus nonnullis captus est : nemine de Suecis desiderato aut vulnerato. Sincklerus cum quingentis quibus præerat, ab Ebbo-



ne Vlfeldio digressus, cum in propinquis Laholmiæ vicis substitisset; aduentu Hornij in se euntis, deprehensus, in arce receptum habuit: quæ præsidio centum & quinquaginta militum tenebatur. cumque oneri se magis, quam vsui fore animadverteret, aliaque in loca destinatas suas cōpias reputaret, regredi Christianstadium, observante intentius Hornio, nequicquam fitebatur. Sita est arx Laholmiæ in petrâ, quam Laga amnis, unde loco nomen, circumfluit. propugnacula quinque quadrato lapide valide nixa, sustinent octo vlnarum murum, superimposita munitione humo constructâ. præsidium Sinckleriano milite præter destinata, numerosius erat.

1. Maij. Gustavus Hornius postquam egressos munimentis quinquagin-

9. Maij. ta amplius præsidiarios eade & captiuitate multasset, accessus facere, ponteque Lagam cœpit jungere;

gère; accitis Croniâ & Jenecopiâ  
machinis muralibus & mortarijs.  
quæ cum aduenissent, & ex sug-  
gestibus præparatis displosa essent,  
deditionis postulandæ tubicen ad  
obessos ablegatus, non admis-  
sus est. itaque jactis ignibus saxis-  
que intra munimenta, cum fo-  
ris propugnacula etiam quateren-  
tur arcique propinquaretur ope-  
ribus; ac perfosso aggere, quo  
in fossas castelli aqua redigeba-  
tur, ponte temporario insterne-  
retur alueus, emissus est Sinckle-  
rus, qui pacisceretur. Dedita est  
arx iisdem pæne legibus, quas  
Cronia receperat; præfecto Biorno  
Vlfeldio cum suis Halmstadium;  
Sincklero Christianstadium, pro-  
sequente præsidio, dimissis. ita  
munitissimò locò, metu magis  
quàm necessitate deditò, intra  
paucos dies potitus est Hornius,  
cum omni apparatu bellicò &  
annona omnis generis abundan-  
tissimâ. Eminebant in præmijs

L s victo-

13. May.



(1611.) victoria tres machinae aeneae, Calmariae quondam à Danis abductae, & glorioso titulo inscriptae: quae in cæteris quoque Croniae antea, & postea alibi receptis, visebatur: „Christianus IV. D. G. Daniae „& Noruegiae Rex manu militari „tormentum hoc extorsit in viciniam fugato Carolo IX. Rege „Suecorum capta Calmaria arce „veterum Gothorum. 3. Aug. 1610-1611. His postea decorâ & Regiâ „modestia incisum est: Christinam „Sueciae Reginam hæc tormenta, „illô navali præliô, aut illâ arce „captâ, recepisse. Dum Laholmiae subsistit Hornius, urbemque & arcem novâ munitione firmat, dimissæ frequenter manus, transitô Nissæ fluvio tributa ab Hallandis exigebant; pars etiam Ebbonis Vlsfeldij turmas observabant. Sed is quidem cum Halmstadio Warbergam euolasset, celerique motu in omnia discurreret, non repertus; de Halmstadien-

diensibus autem egressis quidam  
cæsi, quidam capti sunt. In initio  
mensis Junij Hornius ipse Lahol-  
miâ progressus, secundum ripas  
Nissæ Arlosam contendit, locum  
dimidio fere milliari Halmstadiô  
distantem; ponteque ibi confe-  
cto, misit, qui Friderico Stenbo-  
ckio pridem euocato obuiam  
irent, tutumque à globis hosti-  
libus iter aduentanti præstarent.  
At illum defecti viribus equi, tum  
deinde nuntiati è Noruegia ho-  
stium apparatus, in Westrogo-  
thiâ attinuere. Hornianæ autem  
turmæ, sexcenta amplius jumen-  
ta pro mœnibus Halmstadij, ne-  
quicquam prohibentibus præsi-  
diarijs abducta, in castra retule-  
runt. Simul Ebbonem Warber-  
gâ, ubi dimachas reliquit, cum  
ceteris nauali itinere ad alia di-  
gressum esse, compertum est.  
Halmstadij situm & omnia obsi-  
dentibus prona, aut ardua, ipse  
imperator inspexit, si in poste-  
rum

rum occasio huc vocaret. Nunc enim cognito classis Suedicæ majorisgressu, è Daleroënsi portu, potioribus consilijs vacaturus Laholmiam redijt, præfectoque præfidiarijs & arci Benedicto Lilienhöckio, qui centuriam de cohorte Ribbingij moderabatur, in Scaniam belli sedem reuocauit. Propulsando è finibus Suedicis Hallandico bello, munitio apud Malaclesam, & alia contra transitum Nissæ equestri præsidio instructæ sunt: præfectoque Gotheburgensi mandatum, vt in districtu Marckix idonea apud loca idem faceret. Lagam tueri cum suis equitibus Johannes Petri Gyllenschvvertius Laholmiae relictus iubebatur. eidem securitas viarum nuntiorumque inter exercitum & limites commendata: excitatis in hunc finem etiam munimentis, tum ad diuortium viarum è Scaniâ & Hallandiâ concurrentium, tum alijs opportunis

tunis locis. His ferè præsidij,  
adhiberâ etiam rusticorum operâ,  
defendi ab incurfione hosticâ fi-  
nes videbantur, cûm Halmstadij  
quingenta tantûm equites;  
Warbergæ, præter dimachas ab  
Ebbone Vlfeldio relictos, nulli  
essent. Inter has curas Strömfel-  
dius apud Halmstadium à Suecis,  
Petrum Wibe inuicem reddenti-  
bus, receptus est. Ordinarios  
vtriusque Regni internuntios, il-  
lum Helsingoræ, hunc Holmiæ,  
ex pacto solehni degere solitos in  
loco retulimus. Orto bello, cum  
Danus dimitti postulasset, Succus  
idem facere jussus, impetrauit  
veniam; loco permutationis,  
quem dixi; tempore, initijs Martij  
constituto. verum accedente pro-  
pius exercitu Suedico, moras cœ-  
peruntnectere Dani, locumque  
aliûm optarunt, donec post ter-  
tium mensem pridem placita fi-  
dem accepere. Mercatorum, qui  
ex vtraque parte attinebantur,  
per-

permutationem, Petrus Wibe ad suos redux, procurandam suscepit. Ceterum cognitis ex Strömfeldio, quæ tempori opportuna, ordinatisque, sicut ostensum est, rebus, discessum est Laholmiâ die Junij mensis duodecimâ, & post diem tertium Croniam peruentum. Deliberavit ibi cum Laurentio Kaggio, de ratione belli Gustauus Hornius: placuitque consilium domo submissum de omittenda expeditione Selandica, ob ancipites animos Ordinum Belgicorum, foedera Suedica detrectantium, numerosasque armantium copias. quod si omnino casus daretur, audendi aliquid in validiores hostis insulas, solidioris incepti videbatur, possessionem Scaniae interea confirmare, omniaque à tergo munita relinquere. Ceterum huic spei Malmogia obstabat: quâ insulares Regis vires tutô & facili commercio in Scaniam, & continen-

tinentem Sueciæ obuersum, trans-  
mittebantur. Hanc ergo conti-  
nere, atque, vt primum cetera  
iusti apparatus dispositio proue-  
niret, oppugnare, ratio militiæ  
monebat. Quæ postquam ad  
hunc modum consultata sunt,  
relictis Croniæ ægrotis & Tribuno  
Ribbingio, qui cum duabus co-  
hortibus, vrbis arcisque, & no-  
uæ munitionis curam ageret, 18. *lun.*  
Malmogiæ appropinquatum est.  
prætorio Seracflingæ sub oculis vr-  
bis constituto, copiæ circum pro-  
ximos vicos pagosque distributæ  
sunt. Aduentanti Hornio in  
conspectu fuerunt stationes ho-  
stium equestres, satis longe ab  
vrbe progressæ. in quas cum tur-  
mæ minores mitterentur, vt col-  
libus detracti hostes, prætergre-  
dientium Suecorum vires nequi-  
rent speculari, submisso ex vrbe  
toto equitatu præsidario (quin-  
genti fuere, præter dimachas) fir-  
mari cœperunt. Juit igitur cum  
cen-



centusiâ custodum corporis Regiorum, cui præerat, Comes Carolus Leuenhauptius; & Tribunus Stackius delectam manum agens. Sed loci conditio ea erat, vt è Suecis non possent pugnare nisi ducenti: ii que tormentis hostium & sclopetarijs majoribus, eminus infestantibus expositi. Is tamen fuit impetus Caroli Comitæ acriter dimicantis, vt prævalens, hostis cæde & vulneribus ad portas vsque urbis repelleretur. vnde conversus, quasi repetere pugnam animus esset, cum Stackium in se videret ire, intra præsidia suorum tormentorum & fistularum substitit. è Suecis duodecim admodum cæsi vel vulnerati sunt. in quibus Johannis Wachtmeisteri, qui illo ipso die perfectis feliciter alibi mandatis operibus, apud pontem Onsvvalensem suas proficiscenti exercitui copias adiunxerat, femur globo perstrictum est, incertum an negli-

negligentia nonneminis è suis  
emisso. quamquam non defuit  
apud hostem, qui suum id faci-  
nus jactaret, librato longius tu-  
bo in fortissimum ducem, tum  
explorandi causâ obequitantem,  
destinatum. Sita est Malmogiæ  
vrbs & arx in planitie, ad mare,  
quod ab vna parte munimenti vi-  
cem præstat; alia pars paludibus  
protegitur. ibi murum validissi-  
mum fossa eximiæ latitudinis præ-  
texit; hic vallo admodum firmo  
loci securitas nititur. neque ha-  
bent in proximo, quo tegantur  
obsidentes. præsidium supra tria  
hominum millia auctum erat: sa-  
tis reputante Dano, Malmogiâ  
occupatâ nihil sibi tutum aut fir-  
mum. Hoc ipso enim præcipue  
cognitum est bello, quod ante  
contra esse plerisque videbatur,  
Daniam non tam claustris Ore-  
sunticis, quam Malmogiæ mœ-  
nibus suam securitatem debere.  
Ad obsidendam hanc urbem

M

opus

Opus erat, & apparatu militari instructiore, & supplementis copiarum, quas imminui oportebat præsidij passim imponendis, tum præstandæ securitati itinerum, & coërcendis Christianstadiensium excursionibus, excubiisque aduersus Malmogienses præsidarios fatis confirmandis. tum autem non nisi classico nauium auxilio prouideri poterat, ne à mari copijs Malmögia subsidiisque firmaretur, & obsidentium castra, quæ per litoris longitudinem porrigi oportebat, Danicis nauibus infestarentur. Sed Flemmingij classem alibi, sicut ostensum est, districtam, nullis nuntijs reperire, aut huc deuertere licuit: cum in eo omne consilij robur collocaret Gustauus Hornius, si naues nostræ ad Saltholmiam ancoras jacerent, alueumque freti inter Hafniam & Malmogiam obtinerent, eademque operâ coërcerent pontones Danicos, quorum  
maior

maior apud Amagriam, alter è regione apud Saltholmiam, ingentibus arborum truncis constructi, asseribusq; validis interius exteriusq; vestiti, militum tormentorumque præsidio mari Oresuntico præsidebant. Sed & supplementa militum è Germanicis ac Liuonicis copijs frustra expetita, obsidionis quidem proposito, non tamen statiuorum apud hanc urbem retinendorum consilio, Hornium demouebant. Hinc præsidia, hinc agri, hinc consilia hostium custodiri & animaduerti poterant. annonæ quoque vel subuehendæ vel colligendæ, tum connectendis belli totius partibus, non alius opportunior locus. nec dubium habebatur, quin digressâ domum, ingruente autumno, Suedicâ classe, in continentis hujus oram totas vires expositurus hostis esset. Accedebat subinde aliâ causâ, cur in iisdem statuis permaneretur. classis enim

enim minorum nauium, quæ  
 Calmarniâ annonam & milites  
 apportauerat, Vftadij stabat. hæc  
 quia maioribus nauibus tantope-  
 re apud hæc loca, expetitis vſui  
 futura ſperabatur, præſidio mi-  
 litari defendenda fuit ab hoſtili-  
 bus nauibus, diligenter in hanc  
 prædam intentis. Miſſa igitur  
 duo tormenta muralia, cum alijs,  
 quæ illas ipſas Liburnicas noſtras  
 armauerant, & in ponte Vſtadi-  
 enſi conſtituta ſunt. Ita repulſæ  
 nonnullisque iatibus perforatæ  
 ſunt nouem Danicæ naues, mi-  
 lite inſtructæ; quæ Suedica præ-  
 ferentes apluſtria, cum accedere  
 propius auſæ eſſent, dolo anim-  
 aduerſo Trelleborgum conceſſe-  
 runt: antequam ſubmiſſa è ca-  
 ſtris Hornianis auxilia aduentaf-  
 ſent. Comperto deinde claffis  
 maioris, in Sueciam regreſſu, iſtæ  
 quoque naues Calmariam remis-  
 ſæ ſunt: infeſtatæ in viâ à dua-  
 bus longis Danorum nauibus  
 apud

28. Iul.

15. Aug.



apud Sommershagam excubantibus. Scapharum vna hominibus vacua in litus acta confracta est : duabus Liburnicis captis, quæ à Struthione vulgo nominantur. vnus in ijs nauta , ne in hostium veniret potestatem , in mare se præcipitavit. Velitationes & excursiones apud hæc stativa crebræ , nec magni momenti. Halmstadiensēs quoque & Laholmiensēs mutuis incursionibus damna dederunt & acceperunt. Sed Malmogiensē præsidium intra munimenta se continere cœpit , postquam nouum transferendi in Scaniam belli consilium , inter initia summo studio celari Rex Daniæ præcepit. Is enim cum ab expeditione nauali Hafniam redisset , cunctatus est primum , marine repeteret auspicia sui Martis , an in continentem Scaniæ vires ac sedem armorum transferret. Abierat pelago Suedica classis , neque re-



uersura hoc anno putabatur. itaque inter simulatos nauium reficiendarum apparatus, prætulit terrestrem militiam, Augustoque mense in finem inclinante, nauibus Malmogiam paulatim transportauit copias, conductis ex Fionia & Sclandia, ductu Andree Billij, sex millibus circiter pugnatorum, qui cum præsidijs & nouis supplementorum accessionibus, in exercitum idoneum excresebant. Gustauus Hornius animaduerso hostium proposito, contraxerat Vstadio & aliunde copias, munitis tamen & dispositis locis præsidijsque, sicut usus & ratio tuendi, quæ parata erant, monebat. Impedimenta quoque & ægri, Croniam dimittebantur, si forte de mutandis castris agitandum esset. Egredius primum Andreas Billius, cum parte equitatus Danici, Hornianos nequidquam pertrahere ad locum insidiarum conatus est: occul-

4. Sept.

occultatis apud colles peditibus.  
neque postridie melius successit  
consilium, quando totum equi-  
tatum eduxit. quippe vetus bel-  
landi imperator Suecus, consul-  
tum minime putabat, ignotis ho-  
stium viribus temere se offerre.  
Rex ipse postquam venit Malmo-  
giam, insecutâ statim nocte  
equites plerosque & quatuor pe-  
ditum millia vrbe eduxit, primò-  
que mane templum petijt, in col-  
le, quem Gustauus Hornius, non  
nisi tormenti jactu castris suis di-  
stantem, prasidio & munitione  
firmauerat. cum pluuia his co-  
natibus intercessisset, totis viribus  
itum est in tumulos, qui vrbem  
& castra Horniana interiacebant.  
ibi castra Danus communivit, ex-  
citatisque suggestibus tormenta-  
rijs, statiuâ Suecorum ignitis  
etiam globis quatere cœpit; ma-  
ximo primum ac irritò impetu,  
qui subinde remisit. Sueci parcius,  
nec frustra tamen machinas suas

s. 376

10. Sept.

14. Sept.

librabant. Dum in aduersis castris subsistitur, comperit hostis paruum manum ab Hornio missam, quæ ex arce Toncropiâ annonam ibi depositam apportaret. His intercipiendis accurrit subito cum trecentis quinquaginta equitibus & quinquaginta dimachis vicarius Tribuni Anefeldius: quem Johannes Wachtmeister apud pontem Onsuallensem nactus, centum interfecit, triginta amplius cepit, Anefeldio ipso vulnerato. Interiectis aliquot diebus tumultuaria manus militum & agrestium, eandem arcem, in quâ curabat Nicolaus Stephani, obsederunt. repulsi mox non sine clade, ab Laholmiensibus, & Engleholmiensibus præsidiarijs, reliquias quoque eorum qui euaserant, profligauit Baurmeisterus, qui Croniâ accurrerat. idem qui celeres inde copias Erichsholmiam rapuit, rusticosque & Christianstadienses obsessores, centum

rum hominum cæde multauit. Inter supplementa è Sueciâ submissâ, Stalhanskij centurias Baurmeisterus adduxerat: strenuâ mox operâ in coërcendo hoste occupatus. nam aduentu Regis Principisque, ab imposito nuper iugo passim resiliebant Dani, sylvarumque latebris abditi, latrocinij omnia infestabant, neque pacta iam tributa, nisi deprehensi subactique denuo, pendebant. In castra autem Danica promte & libenter conuehebantur copiæ, Malmogiâ etiam sufficiente quibus opus erat. Adiumento insuper fuere, Halmstadiense & Christianstadiense præsidium, quibus auctus exercitus ita se confirmauerat, vt è collibus suis facilius nostros infestaret, quam inuicem damnum metueret. Igitur cum & morbi in castris Suedicis in dies magis vulgarentur, nec spes vlla vel è mari vel à litore Jutlandico leuandi oneris superest.

perisset, Gustauus Hornius mouere castra constituit, si forte in plana deduci posset hostis. Postquam hæc sententia animo sedit, præmissâ lixarum turbâ; ægrisque, & ðmni grauiore instrumento, incensis etiam à tergo castris, composito ad iter & prælium agmine, Oppagram, vicinum Lundæ locum, itum est. 27. Sept. Superandi bis fuerunt in hoc itinere pontes, Quitzlenfis & Onsuallensis, distracto agmine, ac singulis prope quasi filatim incidentibus. neque tamen in occasionem suam id vertere ausus hostis, cum eminus obseruasset castra Suecorum, editioribus versus mare locis è regione confedit, deductoque quotidie in planitiem castris aduersis interiectam equitatu, imaginem præ se tulit proelium conferere cupientis. quod non detrectabant Sueci, equestri robore præstantes, cum peditatu inferiores essent. verum  
ultra



ultra velitationes & leuia certaminis tentamenta, non processum est, dum in his locis castra habentur: transiitque October mensis citra conatus grauiores: nisi quod Danos motis castris munimenta Suecorum prætergressos, insecutus cum parte copiarum Gustauus Hornius, quadringentos circiter interfecit, nec paucos, & in eis præfectos nonnullos cepit, signis duobus relatis. in quibus fuit labarum, trium Coronarum insignia præferens. notarunt enim quibus curæ est, omina casusque rerum obseruare, depugnasse illo conflictu duas equitum Suedicorum & Danicorum centurias, quibus vtrunque pictura vexilli tres Coronæ, notum, & inter hæc regna olim controuersum insigne. Ea militibus gaudijs materies, cum coronas Danicas Suedicis succubuisse, vulgo joculariter jactarent. Periisset eo impetu totus hostium  
pedi-



peditatus, nisi pagum quo se receperat, continua sepimento-  
rum agrestium series, Hornia-  
nis equitibus inaccessum præ-  
stitisset. Reuersus in castra  
Hornius, cum postridie totas vi-  
res exercitus promoueret, hosti  
maturandi agminis causam præ-  
buit. qui Helsingborgum vsque  
progressus, postquam aliquot ibi  
diebus substitisset, nocturno iti-  
nere præter Croniam contendit  
Käflingam. Regem apud Ref-  
boram piscatoria scapha transpor-  
tauit in alterum continentem.  
Inde copiarum quod roboris erat,  
Malmögiâ Sialandiam repetijt.  
neque omiserunt Sueci carpere  
agmen recedentium: è quibus  
centum & quinquaginta præfe-  
ctus Laholmiæ Petrus Ribbingius  
concidit, viuis etiam compluri-  
bus in ditionem redactis. Hiber-  
na Gustauus Hornius apud Vsta-  
dium constituit. eoque Englehol-  
miâ progressus Nouembri pæne  
medio,

medio, reliquum anni tempus refouendo militi, ædificandis operibus militiæ destinatis, & consilijs in posterum ordinandis impendit. In Hallandia apud Asebroam Fridericus Stenbockius cum suis turmis stabat, quibus accesserat Tribuni Wrangelij cohors aliaque manus. Sed hostis rusticorum rebellantium numero, itemque præsidiarijs Halmstadiensibus & Noruegicis subsidijs auctus, coëgit eum repetito aliquoties conflictu ad Birckedorpensem in Marckia aditum se recipere. 28. Sept. ibi postea finibus tuendis inuigilauit Burcardus Nicolai, optio Tribuni sex centurijs peditum, & equitibus Erici Vglanij præfectus. Stenbockius alio vocatus, in Westrogothiam redire, copiisque, quas Wrangelius Laholmiam deduxerat, receptis, limitibus propugnandis vacare, de nouo iubetur. cum enim digressu Stenbockij, præfecti militum negli-

gligentius curarent, neque excubiae qua decebat diligentiam agerentur, Warbergâ excurrit manus trecentorum, perruptisque finibus pecora abegit, Stenbockij prædium exussit, prædamque festino regressu domum retulit. Interiora Westrogothiae, sibiue propria, Noruegicæ copiae nunquam non territabant: reiectæq; à Ladosâ veteri ubi munitionem excitatam Sueci tuebantur, subito in alteram partem versæ Wänersborgum petiuerunt. Situm est id oppidum ad lacum cuius nomen gerit, ex ruinis veteris Brettæ extructum; & tum in cineres redactum: cum festinatâ deditione per ignauiam præfecti Suedici, ne tentasset quidem defensionem, adfuturis mox auxilijs, quæ Carolus Siggonis Rosenduius & Olaus Stackius adducebant. Reddidit postea vicem hostibus Olaus Stackius, immissis, qui Vddeualliae oppidum &

19. Iun.

& castra apposita incendio vastarent. præsidarii comperito Suecorum aduentu profugi, in recedentes demum irrita arma expediuerunt. Statim autem à Wänersborgo capto pontem in Albi scaphis construxerant Dani apud Bahusiam, & subinde transitum ad valetudinarium Gotheburgense tentauerant: sed à Gotheburgensibus reiecti centum occisis, nec paucis vulneratis, pontem & rates in manibus Suecorum reliquerunt. At Jemtia, cui, digresso Henrico Flemmingio, Johannes Strickius præfectus erat, excutere jugum cœpit. tumultum primo excitante præfecto centuriæ Christophoro Erasmi, qui promptæ apud hostes audaciæ habebatur. accurrit mox è montanis Noruegiæ promiscua turba Jemtiorum perfidiam adiutura. His cum placeret iam numerus suus, capto munimento, cui præerat Olaus Suenonis, etiam

etiam præfectum provincie Strickium in præcipua munitione Frøesoënsi concluderunt: atq; tertio demum mense, cum præsidium morbis maximam partem diminutum esset, ad deditiōem compulerunt. Nam præfectus vigilum Laurentius Petri, qui contractam ex Helsingiâ manum auxilio ducebat, frustra prævalidum hostem apud aditum Gilbofundæ aggressus, Ginnam recessit. & abruptis passim pontibus, communis quoque locis, quâ pergendum erat, ne munitio quidem apud interiora excitari poterat: cum agrestes non nisi apud limites adhiberi possent, de mille autem armatis, sexcenti tantum milites præsto essent: itaque optimum factu visum, ut munitionem limiti Borgsoënsi impositam in Medelpadiâ, Laurentius Petri, aliam apud Karbolam Helsingiæ prætentam, quam rustici defendendam susceperant, Matthias Fran-

Franckius in Helsingiâ turmæ præfectus, sua curâ complecteretur. dispositæ etiam alijs locis regionum, quas dixi, & Angermannæ, stationes: ne Jemtiâ recuperatâ hostis ditionem Suecorum illac turbaret. Eodem fere tempore in Daliâ, Dani à Noruegiâ multa conabantur, ex munitionibus contra hanc prouinciam positis præsertim ad Magnorabroam. Sed promte ad omnia occurrit exsomens strenuitas Olai Stackij, nunc pugnâ, nunc immissis Noruegiæ invicem globis, hostem vlti. illud ipsum Daliæ oppositum munimentum Magnorabroënse, cum minore alio, immissa per inuia sylvarum ac paludum manu equestri, ductoribus Gustavo Stackio & Juaro Baggio, oppressit, soloque æquavit, septuagintâ quinque militibus interfectis, quatuordecim captis, præter præfectos, & tormenta, militaremque apparatus.

N

quæ



quæ omnia incruentâ prorsus victoria in potestatem venerunt. Verum postquam vis non successit, Daliâ arte attentavit hostis, dispersis & per occultos nuntios insinuatâ schedulis, quæ tributum offerentibus amicitiam, detrectantibus vltima denuntiabant. Quô ne caperetur dolô incantum vulgus, propere accurrit ex Wermelandiâ Olaus Stackius, omniaque, sicuti res & tempus monebat, disponit. Sed mox infelici nuntio reuocatur. Ingruentes enim ex Noruegiâ Dani, munimentum, cui à paludibus nomen, præcipuum Wermelandiæ propugnaculum, cum omni instrumento militari ceperant, abductis in captiuitatem, qui præerat Petro Bondesonio & alijs. Satis constat teneri potuisse opera, si strenue pugnatum fuisset. Sed rustici præsidium vna cum militibus agitantes, abiectis armis fidenti & virtutem projecerunt. Præfecti  
tamen

18. Nov.

Wermelandia  
Suec.

tamen potior culpa, neque vllis  
coloribus excusanda fuit. Hinc  
singulis prope diebus certatum  
apud limites Wermelandiæ ad-  
uersum irruptiones hostium: do-  
nec cunctis viribus ingruentes,  
post diei totius pugnam, in qua  
plures aduersariæ partis cecide-  
runt, non potuerunt sustinere  
Sueci, sed paululum recedere co-  
acti sunt: & subinde hostem,  
qui copias suas ab hoc successu  
in Marckiam borealem promo-  
uerat, apud idonea loca coër-  
cuerunt. Apud Gotheburgum  
Danicæ naues non desinebant  
insidiari temporibus. ex ijs quin-  
que fugauit classis Geeriana,  
compositis turbis nauticis, mari  
reddita. eademque operâ rece-  
pit sociam nauem Matthæum,  
tertio jam mense in illo por-  
tu à Danis conclusam. Aucta  
ergo duabus eximijs nauibus  
(nam apud Alborgum quoque  
vnam Danorum interceperat)

22. Dec.

2. Aug.

cursum intendere ad portum Chiloniensem parat. Eo enim pridem iusserat ire Torstenfoni-  
us, ut Danorum classis Flemmingi-  
um tum obsidens media inter  
duas Suedicas deprehenderetur.  
Sed maior quidem classis, cui  
Flemmingius ab initio præerat,  
jam euaserat. Minor autem, à  
Geerio conductâ, primò per fre-  
tum Oresunticum, inter mutuas  
tormentorum displosiones: mox,  
10. Aug. cum duces maritimi itineris Salt-  
holmia circumueundæ deessent,  
inter duos pontones illos Dani-  
cos, fulminibus Martij horribi-  
liter fauientes, innoxio, sed au-  
daci, & qui arcana Balthici freti  
tentaret, an euulgaret, transitu  
euecta est: indeque cum decem  
nauib. Danicis congressa, pæne  
à triginta amplius alijs, ad Monam  
insulam stantibus, circumuenta  
esset. Quærebatur classis maior  
variò per mare discursu, donec è  
Suecia repetendam constitit. Ca-  
rolus

rolus enim Gustauus Wrangelius,  
 nondum expletō mense alterō,  
 postquam è conclusione Chilo-  
 niensi domum reduxerat classē,  
 portu Daleroēnsi denuo profectus  
 Calmarniam tenuit: Geerianas-  
 que naues annonæ sufficiendæ,  
 alijsque rebus apparandis illuc  
 appulsas assumsit. hinc Bornhol-  
 miam, porro Monam itum est  
 reperiendi hostis causa, quem  
 cum inter Wismariam & Feme-  
 ram stare allatum esset, Wisma-  
 riensi ex portu tres naues, cum  
 incendiaria vnā præfectus classis  
 Suedicæ asciuit: compertoque  
 inter Langelandiam & Lalandi-  
 am infra Femeram insulam stare  
 classē hostium, die tertio, vt  
 primum ventus non repugnauit,  
 in conspectu habuit sedecim na-  
 ues longas, & vnā à Galeæ vo-  
 cabulo nomen sortitam. Ne  
 confereretur illo die prælium,  
 orta tempestas intercessit, toto-  
 que etiam postero die tenuit, tu-

28. Sept.

6. Octobr.

7. Octobr.

9. Octobr.

11. Octobr.

12. Octobr.

endis nauibus potius, quam instruendâ acie occupatos. Insequente nocte tranquillitas mari redijt, atque sic proximus dies incertamen placuit. Sublatis itaque ancoris, Danicæ naues primum recedere cœperunt; ascituræ, quas tempestas paulum distraxerat. Sed cum propinquare Suecos cernerent, conuersæ sunt, tormentis primò illò congressu grauitèr vtrîmque detonantibus: cùmque maiores nauium, ventum captarent, minores ad vada declinarent, illæ quidem ad statariam pugnam compellæ sunt; hæ in minorum nauium classem, quæ Martinum Thyssenium præfectum habuit, inciderunt. quæ, captis quatuor, ceteras effulse fugientes persecuta, quatuor vadis impegit; ac, elapsis tamen scapharum beneficio hominibus, detraxit. vnâ prope litus consecutus Delphinus, incendiaria nauis, exussit. Tres in breuibus obhæren-

rentes, tormenta & sclopī maiores è litore, ne abriperentur, aut incendio delerentur, propugnarunt. duæ nuntium cladis Hafniam retulerunt. E tribus maioribus Prætoria præfectum totius classis Prosmundum vexit, qui statim cæsus, nec agnitus à Suecis, in mare projectus est. In eâ, quæ proximo gradu fuit, cum ignem concepisset, præfectus Grabovius, eminentia proræ amplexus, indeque saltu demissus seruari potuit. Vicaria capta Stanislaum Jasmundum tradidit. Ita venerunt in potestatem decem egregiæ, insignibusque tormentis instructæ naues, cum præfectis plurimis, gregarijs autem mille circiter. Inter captos Cornificius quidam Vlfeldius, cui tormenti pilâ crus ablatum, tertio post die decessit. Prælium non pro magnitudine victoriæ atrox fuit. Danicæ enim naues, si illas excipias, quæ statario cer-



remine conflixerunt, fugâ incon-  
sultâ partim in breuia se concita-  
runt, cum seruari possent; partim  
ne ausæ quidem sunt, quamquam  
infirmioribus nauibus resistere.  
Quo factum est, vt ex minoribus  
nauibus vna, duas Danicas caperet:  
& quam Thyssenius assequi ve-  
lificatione non poterat, emissâ  
actuariâ suâ naue, adortus sta-  
tim sine vllo certamine occupa-  
ret, quamuis viginti & octo tor-  
mentis metallicis armatam.  
Causa pavoris & infortunij  
apud Danos, vel quod excuban-  
di potius, quam pugnandi pro-  
positô in ancoris stantes, duplici  
Suecâ classe, & inopinô præser-  
tim alterius regressu, deprehende-  
bantur: vel quod, euocatis ad  
terrestrem militiam copijs, ne  
nautici quidem roboris tantum  
relictum erat quantum nauibus  
tormentisque tractandis debeba-  
tur. cuius rei inuidiam inter pri-  
mores Daniæ viros nonnemi-  
im-

impositam constat. Cæforum & vulneratorum in vtraque Suedica classe numerus, excessit sexaginta: in quibus optiones nonnulli. In Hollandia conductam nauem vnã, cui à nigro serpente nomen, Danica trium Leonum signum & nomen gerens, depressit; conseruatis tamen omnibus vectoribus. Armamenta nauium læsa, negotio non magno refici potuere. Id saltem infelicitè cecidit, quod cum huius rei gratiã post prælium in portum Chiloniensem iretur, multæ naues ex vtraque classe, ad vadosa loca substiterunt, indeque decreſcentibus aquis, non nisi post decimum quartum diem, licet onere leuarentur, auelli potuere. Accessit annonæ defectus, & morbi inter nauticos vulgati; tum annus in hiemem præceps, aliæque caussæ, quibus fructus victoriæ naualis citra destinata stetit. Hoc enim tempus videbatur inuadendæ al-

N s cuius

cuius insulæ, aut freti Oresuntici occupandi, distrahendique ex Scaniâ Regis Daniæ. Sed interuersis sicuti dictum est, his consilijs, naues capræ in portum Wis-mariensem deducendæ, maiores duæ in Sueciam dimittendæ erant. cùmque ne sic quidem omni proposito priori sibi temperaturus Wrangelius Hafniâ tenus processisset cum suâ classe, leuatum jam onere Gustauum Hornium, egresso è Scania Rege, pontones quoque Danorum reductos intra præsidia & naues exarmatas comperit: atque adeo Wis-mariam hiematum reuertit. Hunc virum, præter vsum rei militaris, & indolem excelsam, singularibus stimulis excitat & gubernat Fortuna Reipublicæ, ad meditando & conficiendas res posteris admirationi futuras. Manu, consilio, industria peræque promptus, quicquid munerum operumque suscepit, tractando illustrat.

Ad

Ad summas dignitates per meritum ingentium gradus ascenden-  
ti, non aliena tantum exem-  
pla incitamento, sed sua decori  
& adiumento fuerunt. Vix præ-  
fectus erat tantæ classi, cum ru-  
dimentum noui imperij, victoria  
fuit, quam raritate insignem, fru-  
ctu vberissimam, nemo dubitauit.  
Ibit hoc fato in gloriam omnis  
aui Caroli Gustauī Wrangelij no-  
men, vt successor summis viris  
datus, omnium ipse successo-  
rum virtutem prouocare nil cun-  
ctetur. Classē minorem in Hol-  
landia conductam Thyssenius,  
Anckerhelmij nomine in poste-  
rum noscendus, postquam inter  
alia præmia fortis fidelisque ope-  
ræ, etiam equestri dignitate à Re-  
gina donatus est, à Chiloniensi  
portu in Belgium reducere para-  
bat: expositis militibus, annonæ  
leuandæ, quos Carolus Gustauus  
Wrangelius statim in Jutiam, ad  
Tribunum Helmoldum Wrangeli-  
um

lium transmisit. Sed cum Thyssenius in itinere comperisset, ad Christianiam in Noruegia complures naues stare, quas saxi oneratas portui Gotheburgensi corrumpendo Rex destinaret, iisque veluti præsidio additas octo naues Danicas, præfecto Ouâ Gieddio portum Gotheburgensem, & in eo tres Geerianas naues obsidere; cursum huc direxit, superuenturus incautis. Sed Dani pridie moniti Masterlandiam petierant. Satis autem apparebat, digressâ classe illa in Hollandiâ conductâ, rediturum ad perficienda destinata hostem. in quem quia deficiente paulatim annonâ & repugnante anni fidere nihil tentari potuit, constituit Anckerhelmus octo maiores suarum nauium, cum tribus Geerianis, hætenus obsessis in portu Gotheburgensi relinquere, præfuturo Henrico Gorizemio, qui proximum ab Anckerhelmio in hac



hac classe gradum obtinebat. Disturbauit hoc inceptum rebellio classiariorum, qui in quatuor menses conductam suam operam, nunc ultra septimum attingeri questi, negabant se alterius ductu, quam Anckerhelmij vsuros. Is igitur re cum præfecto Gotheburgensi consultata, receptis in classem quadringentis militibus, quibus Tribunus Gordonus præerat, omnino adoriri naues Danicas nouem (nam accesserat vna,) apud Mallerlandiam stantes, decreuit; peractò negotiò cum tota classe patriam repetiturus. Reflabant odiosius ventis; nec maritimi itineris duces ad manum erant. hostis quoque recepta vires & consilia ad resistendum strenue comparauit. quare depulsus eo proposito Anckerhemijs, multò labore impendiòque (nam stipendium mensuum auctum, & in bimestre tempus prænumeratum est) quaz



2. Dec.

quatuor naues ad manendum induxit, cum tribus Geerianis hosti opponendas: ceteras domum contendentes ventus aduersus primo detinuit, deinde vltra Schagam tempestas adorta, omnes distraxit, laxatis vteri compagibus, contractis malis, velis antennisque; nautis quoque male multatis, vehementer periclitantes. Paulatim Schagæ, hinc Gotheburgi recollectæ sunt, vbi tres ad nauigandum penitus ineptæ hibernare cogebantur, socijs quos vehebant in alias reparatas distributis.

## LIBER III.

*Pacis tentamenta. cui reconciliande Rex Gallie & Fœderati Belgij Ordines suam operam offerunt. Legatus Gallicus in Daniam primo, inde in Sueciam profiscitur. Belgij duplex lega-*

*legatio. Decernitur congressus apud limites Regnorum Brômsebroënses. Regina Suecia in tutelam suam peruenit, & regnum suscipit. Status Sueciae per excursum describitur. Helmoldi VVrangelij virtus & celeritas in Iutia & Holsatia. Riparum expugnationo, & Mortaignij cades interponitur. Königsmarckius ad Bremense bellum reuersus, capto ex itinere Hornburgo, Stadam, Buxtehudam, Bremeruerdam, Otterbergam, Rodenburgum, omnemque Brementensem ac Verdensensem Archiepiscopi agrum in potestatem redigit: & ad Germanicum bellum regreditur. Helmodus VVrangelius, Rensburgum obsidet. Gustani Hornij consilia. Suecorum pugna, victoria, & damna, in Dalia, VVermelandia, VVestro-Gothia: cui tuenda Laurentius*  
*Kaggine*

Kaggius prapponitur. Gustavus Hornius classem à Suecia maiorem expectat: qua ductu Erici Rynningy serius venit, & cum altera, cui Carolus Gustavus VVrangelius praeerat, coniungitur. Insidia in classem VVrangely detecta. à qua Bornholmia occupatur. Tertia classis, in Belgio conducta, redit ad Gotheburgensem portum liberandum, quem Danica classis obsederat. Gustavus Hornius ad Malmogiam iterum copias admouet. Classis Hollandica ductore Corn. VVittenij, ambigue se gerit. Hannibalis Sestedy effusas à Noruegia in VVestro-Gothiam copias, Laurentius Kaggius reiecit, & in Noruegiam persecutus, Bahusia arcem obsidet. donec hostilia omitti iubentur, pacis interuentu. Historia pacificationis in unum conducitur. congressus partium &  
 seque.

*sequestrium apud Brômsbro-  
am. Proponitur à Succis tra-  
ctanda nauigandi & commer-  
candi libertas atque immuni-  
tas, scripto comprehensa. Da-  
ni, primum nihil quod ad  
rem pertineret, postea iterato  
Suecorum scripto, acerbe re-  
spondent, Regique suo jus ir-  
refragabile in Oresunda arro-  
gant. Ea lis intempestiue  
mota pæne omnem negotiatio-  
nem pacis discussit donec post  
multas moras, quæ ab initio  
proposita erant, disquiruntur,  
& componuntur. Interferi-  
tur Duiis Holsatia legatio ad  
Commissarios Suedicos: Jo-  
hannis Skyttij mors. Torsten-  
sonij Jancouensis victoria.  
Proceditur ad negotiationem  
securitatis. inter quam, Bel-  
gici Legati deposita tandem  
sequestrium persona partibus  
Suecorum accedunt. quibus  
Dani pactionem seorsum offe-  
runt.*



runt. cum pane ad exitum spectarent graues de securitate & compensatione disputationes, Archiepiscopi Bremensis causa negotium facebat, & ad peculiarem negotiationem denique remittitur. Inducia fiunt; dum pacta perscribuntur: quorum summa refertur. Traduntur inuicem pacta, repetito sollemni congressu Bröm-sebroënsi. Dimissis Legatis Hanseaticis, Suecos inter & Belgas fœdus renouatur. Cancellarij Oxenstierna reditus in patriam. Implentur, que convenerant.

**C**Um ad hunc modum pari utrinque studio bellum gereretur, non defuerunt, qui consilia & spem pacis Regnis his vicinis, & variâ necessitudine junctis commendarent. Et Sueci quidem initio statim belli, non minus se paci, quam armis paratos

164\*

tos declarauerant, si causæ belli  
exscinderentur. indeque Sena-  
tores Daniæ literis Othoniâ ad  
Senatum Sueciæ scriptis mentio-  
nem habendi apud limites con-  
gressus iniecerant: non detrectan-  
tibus Suecis, si serio secum agi,  
litesque de nauium suarum im-  
munitate, ac libertate nullo jure  
motas omitti cernerent. Præua-  
luit deinde armorum cura: do-  
nec Rex Galliarum & Ordines  
Belgici suam in reconcilianda in-  
ter dissidentes pace operam, mis-  
sis extra ordinem legatis, offer-  
rent. A Galliâ hoc muneris im-  
positum est Casparo Coignetio  
Thuillerio, pluribus jam legatio-  
nibus prudenter & feliciter fun-  
cto. Is Hafniam profectus Re-  
gem satis alienum à consilijs pa-  
cis reperit. Jactas etiam voces  
constat, quibus Gallicum nomen  
federe Suecis junctum, dirimen-  
dis litibus non satis æquum pu-  
taretur. Sed mitigato meliori-  
bus

9. Febr.

2. Marr.



bus consilij Regis animo, valuit  
 auctoritas Legationis, quantum  
 ad tentandas pactiones attinet.  
 In eo frustra fuit Legatus, quod  
 Regem tum aduersus classem  
 Fiermingij, velut in decretorium  
 certamen, constitutis domi re-  
 bus, exire parantem, grauib.  
 consilij dehortatus est, ne seque  
 & rempublicam in casum daret,  
 intermoriturâ, si quid secius ac-  
 cideret, omni spe pacis. Rex  
 enim classe suâ satis confusus, nec  
 Selandiam, in qua præcipuum  
 spei habebat reliquum, aliter de-  
 fendi posse caussatus, exiuit, si-  
 cuti ante ostensum est. E Daniâ  
 in Sueciam venit, Thuillerius,  
 Holmiæ exceptus à duobus Re-  
 gni Senatoribus die mensis Julij  
 vicesimâ quartâ: admissusque  
 apud Reginam, in hanc senten-  
 tiam verba fecit: Regem Galliæ  
 & Reginam Matrem, pro singu-  
 lari in rem Suecam studio affectu-  
 que plurimum dolere, ex quo  
 com

compertum sit , duo vicina Regna , quæ hætenus in communi Europæ perturbatione quietem agitauerint , nunc non sine intertrimento pacis publicæ à tot gentibus desideratæ , inter se bello collidi. se itaque jussu omnes pacis restituendæ vias indagare , nullo Galliæ lucro , nisi quod Suecorum incrementis ob rationes publicas priuatasque faueret : idque hac ipsâ reconciliandæ gratiæ industriâ testatum cuperet. Eadem literis ad Regnam Sueciæ & Cancellarium Regni scriptis continebantur. Responsum , gratam Regis amici sollicitudinem de concordia Septentrionis. Suecos, quanquam immaniter laceßitos , & ineuitabili necessitate in bellum pertractos , in gratiam tanti sequestri non recusare pacem , nisi Regi Daniæ diuersa placeant. Ageret Legatus , quæ in rem essent : & cum Gustavo Hornio , circa hoc ne-

gotium mandatis instruendo, conficeret prauas consultationes. Ita in Daniam redijt Thuillerius; remanentibus Holmiæ Belgicis Legatis, qui pridie antequam Gallicus urbem Holmiam ingressus erat, Gotheburgo aduenerant. Ordines enim Belgici eo animorum habitu, quem stilo ante signauimus, tres in Sueciam Legatos Jacobum Wittenium, Andream Bickerum, Cornelium Stauenissium; itemque tres in Daniam destinauerant: Gerhardum Schaepium, Albertum Sonchitum, Joachimum Andreae: cum his exibat classis viginti & nouem nauium bellicarum, cui præerat Wittenius Wittenij, quasi præsidio futura trecentis viginti & octo mercatorijs. Stetit primo in freto Oresuntico, sed negantibus Danis, ferri posse insolitum numerum nauium bellicarum tali loco, egressæ sunt in mare occidentum ceteræ; sex tantum, vbi

coe-

coeperant consistere, remanentibus. Etiam apud Gotheburgum Danorum insolentiam perpessæ sunt naues, quæ Legatos vehabant, classe illuc aduectæ. præter moras obiectas, inquisitum est, si inter comites illorum Flemmingij filius peregre redux lateret. Holmiæ non alia fuit eorum oratio, quam Legati Gallici. additæ Ordinum literæ & Principis Arausionensis. Thuillerius ex Daniâ regressus, in castrâ Gustavi Hornij venit, quinto die Octobris, Regemque Daniæ, Justino Hoegio & Detleuo Reuentlouio potestatem dedisse retulit agendi de iis, quæ ad auspicandam transactionem præmolienda erant. Agentibus ergo inter Hornium & Danicos illos Cancellarios, Legatis Gallico Hollandicisque tribus in Daniam destinatis, convenit, ut quatuor utroque ex Regno Senatores plena paciscendi potestate instructi inter Calmar-

27. Iul.

5 Oct.

29. Oct.



niam & Christianopolim apud  
 Bromsebroam, qui vulgo limes  
 Sueciæ Daniæque habetur, deci-  
 mâ quartâ Decembris die con-  
 grederentur, securitasque liber-  
 rima, loco, personis, negotijs  
 vltro citroque expediendis præsta-  
 retur. Hæc securitas, quâ cir-  
 cumcirca locus congressus mu-  
 niebatur, à duobus miliaribus,  
 postea ad sex miliaria ampliata  
 est, tempusque mense vno pro-  
 latum; subinde octauo Februa-  
 rij die definitum est. Nam Regi-  
 na Sueciæ suscipiendo imperio,  
 quod impubi eius ætate hætenus  
 præcipui procures administrarunt,  
 occupata, eorum præsentia opus  
 habuit, qui litibus componen-  
 dis Legati erant lecti; nec tan-  
 tam festinationem ætas Legato-  
 rum & tempus anni, aliaque  
 eiusmodi ferebant. Res hor-  
 rari videtur ipsa, vt, quæ Regni  
 apud Suecos suscipiendi haben-  
 dique leges, qui mores, quæ in-  
 stitu-

stituta, usque ad hoc temporis  
obtinuerint, paucis repetam.  
Sueciæ ab ultima vetustate Reges,  
pro amplitudine & diuersitate  
nationum plures, sed, ex quo  
certior memoria Arctoi orbis pro-  
di cœpit, vnus præfuere. Loco  
libertatis erat, non nasci, sed  
eligi imperaturos populi nomine  
& votis, . adhibito delectorum  
procerum consilio, in prato Mo-  
raenghio, constitutus super saxum  
( Moraftenium vocant, cuius  
fragmenta inscriptis literis anti-  
quis visuntur, ) nouus Rex ma-  
gna confluentium frequentia de-  
stinabatur ac salutabatur : donec  
Upsaliæ impositâ coronâ, quod  
solennitatis reliquum erat, cele-  
bratum est. Præcipuum electio-  
nis consilium & robur, in eo,  
vt insignes virtute, indigenæ, &  
regia, si pote, stirpe geniti ad  
fastigium tantæ maiestatis proue-  
herentur. Sed inter gentes, in-  
genio acres, armis strenuas, ani-  
mo



mo generosas , multa potuerunt  
euenire , quibus in diuersum tra-  
cta studia , rem omnis æui expe-  
rientia arduam , difficiliorem in-  
dies redegerunt. Dici non potest,  
quantum mali in rempublicam  
inuexerit discors, & factionibus,  
contentionibus , tumultibus in-  
quieta electio : Imprimis post-  
quam nullis aut imbellibus jam  
remedijs , sæculo sesquialtero  
damna damnis , pericula pericu-  
lis continuabantur. Inter quæ  
illuxit faustum populis sidus, Gu-  
staui Primi singularis & vere regia  
indoles , recreandæ ex longis ca-  
lamitatibus & erigendæ ab interi-  
tu patriæ genita , DEIque pro-  
pitia in rem Suecam consilia  
toto vitæ regnique tempore lucu-  
lente confessa. Eius Regis meri-  
ta , depulsa præsertim à ceruici-  
bus publicis sævissima Christierni  
tyrannis , & ordinata ex pertur-  
batione immani respublica , ad-  
monuerunt Suecos , vt suæ secu-  
ritati

ritati rectius consulerent, & antiquato electionis periculosa ritu, legem successionis, juxta lineam agnationis naturali ordine servandam & supplendam, Orebroënsibus primum comitijs, subinde Arhosiensibus plenissimè sanctissimèq; constituerent. Unio Hæreditaria ipsis vocatur, qua Regnum Sueciæ translatum est in familiam Gustavi eiusque posteros, ita, vt deficiente vno, subiret in locum alius ex Regia stirpe, à linea ad lineam, ut quisque proximus esset. Instaurata denuo hæc Lex, Comitijs Norcopiensibus, <sup>(1604.)</sup>  
 Carolo IX. Regi, Gustavi Primi <sup>22. Mart.</sup>  
 filio tertio, Eiusque posteris accommodata est. Cumque procedente tempore non satis vulgo quidam intelligerent, quæ jus hæreditarium foeminarum ad regnum & successionem spectant, repetita & confirmata est, in Comitijs Holmiensibus in hanc <sup>(1617.)</sup>  
 sententiam; vt Gustavi Adolphi <sup>24. Dec.</sup>  
 filia

filia Chritina, si absque legitima prole mascula is decederet, patrio in solio collocaretur. Hic est Gustauus Adolphus, cui merito cognomen Magni, non popularium tantum consensus decreuit, sed omnium iudicia nationum affirmant. Regnum accepit à patre Carolo IX. sibi relictum, ipso belli Danici tumultu flagrante. Ex quo, cum se, uti tempora patiebantur apud ex nec opinato oppressos, expedivisset, ea deinde victor gessit in Polonis, Borussis, Livonis, Moscis, quæ  
(sav.) Heroicos spiritus, prudentiam exquisitam, fortitudinem miraculo proximam abunde demonstrarent. Sed maioris tamen operis restabat moles in bellicosissima terrarum Germania. Quo in statu tum fuerint, qui DEO & Reipublicæ vivere, ut diuina & humana lex postulabat, vctabantur, non est huius loci ordiri. Conuersa est subito fortuna, succubuerunt

bueruntq; Regi maximo, firmis-  
mi exercitus, peritissimi Duces,  
validissimæ opes. Respirabat in  
Germania libertas, & religio;  
reique Suedicæ securitas & glo-  
ria indies augebantur: cum in  
ipso ætatis vigore ac tantorum  
successuum cursu Lützensi acie  
fortissime dimicans occumbit  
Gustavus Adolphus, suisque  
partibus magnam sane victoriam,  
sed desiderium longe majus relin-  
quit. Tum ergo à metu luctuque  
ad curam Reipublicæ non sine  
fatali quadam virtute mentes ver-  
sæ, domi forisque operam se-  
dulo & feliciter navant, ne quid  
de contextu consiliorum operum-  
que diuinitus susceptorum dis-  
solveretur. Successio Christinæ  
optimi Regis filiæ, iterum ab  
vniuersis Sueciæ Ordinibus firma-  
tur: Tutores impubi eius ætati,  
& Regno administratores dantur,  
Viri summis meritis toto orbe il-  
lustrissimi, Regio & Regni no-  
mine,

(1632.)

5. Nov.

(1633.)

mine, vt vocant Senatores ac præcipuis dignationibus impositi, Gabriel Gustavi Oxenstierna, Droctus; Jacobus Gardius, Marschus, seu supremus militæ præfectus, Carolus Gyldenhielmus, Ammiralius, seu supremus classium & rei navalis moderator; Axelius Oxenstierna, Cancellarius, Gabriel Benedicti Oxenstierna, Thesaurarius. Quinque sublimia in Regno munera vocantur; quibus qui præsent, quotiens per absentiam, aut valetudinem, aut mortem Regis, Filij aut Filia, cui successio debetur, ætas, tutela; Regnum administratione opus habet; Tutores, & Regni plena cum potestate administratores constituuntur. Ne quid ergo Respublica tam periculoso tempore detrimenti caperet, certa regiminis forma proposita, & vniuersorum Regni Ordinum decreto approbata est. Gustavi Adolphi Regis memoria valuit,

1634.  
29. Jul.

vt facile omnibus placeret, quod  
tanti auctoris ingenio auxilioque  
tribuebatur. Et sane fatendum  
est, tam præclaras regendæ Rei-  
publ. rationes, & olim in Suecia  
institutas, & tum perscriptas esse,  
vt non parum felicitatis & gloriæ  
Sueco nomini ab hac origine  
natum partumque existimari de-  
beat. Juris Regij prima & summa  
ratio, Regno auctoritatem, ne-  
gotijs vim ac spiritum conciliat.  
Rex autem non per ambitiosa  
certamina quæsitus, sed saluber-  
rima lege successionis, vt ante  
demonstratum est, auito solio  
impositus, Religioni ex puris ver-  
bi diuini fontibus haustæ, ac  
symbolis Ecclesiæ Catholicæ, vt  
& Augustanæ Confessionis for-  
mula comprehendæ, & ipse stu-  
det, nec aliter sacra in vniuerso  
Regno fieri patitur. nulla ibi fa-  
ctionum ex diuersis ritibus nomi-  
na, nullæ lites. cærimoniarum tem-  
plorum ad maiestatem diuini cul-  
tus



tus & ardorem pietatis bene compositæ spectantur. Consilium Regi interius, & quasi cotidianum viri, genere ac meritis publicis eminentes, numero, qui videtur rebus ac temporibus convenire, Senatores Regis & Regni appellantur. hos suo arbitratu Rex assumit, & ad proximum suæ maiestati fastigium admovet. Viginti quinque his temporibus erant; in quibus etiam supremorum quinque munerum honores ante nominati, recensentur. Consilij amplioris instar habent, Comitiam, quæ Rex, quotiens usus est, indicit: coeuntibus quatuor Regni Ordinibus, ex Nobilitate quidem, Comites, Barones, Equites, alijque Sueciæ ac Finlandiæ Nobiles; ex Clericorum Ordine Episcopi & Superindentes Sueciæ ac Finniæ, cum duobus cuiusque Capituli Collegis, & pastore vno ex binis quibusque districtibus; ex Cuius Consu-

Consulum vnus, cum Senatore aut viro primario cuiusque ciuitatis; ex Rusticis, unus de quouis districtu Sueciæ ac Finnlandiæ, congregantur: accedentibus etiam cuiusque prouinciæ Tribuno militari, cum suo legato, & qui tertio loco curat, itemque centurione & præfecto de quauis cohorte prouinciali. Vbi Rex proposuit consultanda, in suo quisque ordo senaculo deliberat, dicuntur libere sententiæ, ac tandem perscriptæ recitantur. Interea Regis & Regni Senatores, ciuili admodum temperamento inter Regem & Ordines positi, consulunt, & consulunt, atque ita moderantur negotia, ut exire possit decretum Comitiorum, Legis authoritatem apud omnes habiturum. Audiuntur etiam in Comitiiis desideria Ordinum, magno libertatis ciuium quorumcunque argumento. Est & in subitis arctioris conuentus

P

usus,

usus, qui Ordinum tamen auctoritatem habeat. Cæterum negotiorum simul & officiorum ac magistratuum varietati distinguendæ, ordinandæque, quinque Collegia destinantur. Justitiæ primum est, quo, pro amplitudine imperij, quatuor Tribunalia Regia, Holmienne, Jenecopiense, in Suecia; Aboense, in Finlandia; Dorpatense, in Livonia continentur. præsidet singulis Senator Regni, & Holmiæ quidem Drocetus; confidentibus ex nobilium ac civium ordine delectis. nec detrectare cuiquam horum Judiciorum auctoritatem fas est. nisi quod ad ultimum Regis examen & recognitionem revocari causa potest. Inferioris ordinis Judices, passim constituti, his quatuor judicijs Regijs rationem quotannis reddunt suæ jurisdictionis: secundum Collegium, cui Militaris Consilij nomen, Præsides Regni Marscho, quic-



quicquid ad copias equitum, ped-  
ditum, delectus, arma, munimen-  
ta, tormenta, structuras operum,  
omnem denique bellicum appa-  
ratum per vniuersum Regnum,  
subjectasque ei prouincias atti-  
net, suâ curâ & dispositione com-  
plectitur, & iurisdictione militari  
gaudet. Tertio Collegio, Naves  
& omnis copia naualis, cuius  
magnam rationem haberi par est,  
præsides Ammiralio Regni, com-  
mittuntur. Quarto Collegio Can-  
cellarius Regni præponitur: ad  
quod referuntur, quicquid est  
hominum rerumque, ad tra-  
ctanda conficiendaque negotia  
publica spectantium; tum sigil-  
lorum & monumentorum,  
omnisque scripturæ ciuilis cura.  
Quintum Collegium Fisco &  
Ærario studet, præsidente The-  
saurario Regni; in redditibus col-  
ligendis, augendis, insumendis;  
in fidē publica conseruanda, in  
subsidijs regno parandis. Acce-

dunt & alia munerum publicorum genera, quæ rebus singulis ordine ac strenuè tractandis inseruiunt; tum præsertim prouinciarum regimen, Castellanis & Toparchis partita curarum & ministeriorum descriptione permissum. Militiæ admirabilis est dispositio: cui vix quicquàm in Europa de hoc genere comparaueris. Ita opus est in ea gente, cui è manibus arma deponere raro licet. Hinc Russi, nunquam bona fide quieti, pacis fœdera & iurisiurandi religionem ex quauis occasione conculcant: illinc Poloni ipsum Sueciæ sceptrum iniquissima contentione affectantes, bellum totiens renouant. Accedit situs, Danico Noruegicoque limiti vel obuersus, vel immixtus: cum præsertim antiqui Sueciæ fines in medio freto Oresuntico descripti, postquam in citeriora redacti sunt, multis controuersijs occasionem dederint: neque  
fere

fere diuturnum ab infesta vicinia  
 otium contigerit. Sumenda & pro  
 alijs arma. nonne enim magni  
 Germaniæ Principes, sanguine,  
 affinitate, religione Regibus Sue-  
 ciæ junguntur? Quibus rebus  
 efficitur, vt pax & securitas ne-  
 que sperari, neque conseruari  
 possit, nisi bellicæ virtutis præsi-  
 dio studiosissime omnia munian-  
 tur. Armorum officinæ, omnis-  
 que instrumenti & apparatus mi-  
 litaris copia, vnde non Suecia tan-  
 tum, sed exteri etiam populi in-  
 strui possunt. Domi legiones pe-  
 ditum viginti, totidem Tribunis  
 parentes; per Sueciæ & Finlan-  
 diæ prouincias, quarum & no-  
 mina participant, distributæ, ac-  
 curate supplentur. & in pace ad  
 munia militiæ exercentur. Equi-  
 tum singulis prædia attributa sunt,  
 vnde & ipsi & equus aluntur. ita  
 octo firmissima equitatus Suedici  
 & Finnici agmina, quæ hodie  
 non alia, quam pedites appella-

Regiment.

Regiment.



latione solent numerari, amplif-  
 simis regionum terrarumque spa-  
 cijs commodè subsistunt, & ad  
 subita belli præstò sunt. Magna  
 illis armorum equorumque cura,  
 & vt militariter ornati conspici-  
 antur, quotiens recensitionis &  
 probationis causâ còcunt, ambi-  
 tio. Delectus frequens, nouan-  
 dis supplendisque viribus habe-  
 tur; quo octo aut decem rustici,  
 vnum idoneum militem præ-  
 stant: sedecim autem vel viginti  
 eorum, qui nobilibus subiecti  
 sunt, aut prædia privilegio mu-  
 nita colunt, idem faciunt. Ita  
 lectis & tonsura capillorum signa-  
 tis centuriones disciplinam ar-  
 morum tradunt, rustici pagani  
 victum, & in expeditionem  
 euntibus, viaticum com meatum-  
 que subministrant. Vrbiuni mu-  
 nus est, nautas suppeditare. Fi-  
 dem, constantiam, laborum to-  
 lerantiam, robur, Succi militis,  
 ne longius eatur, postrema bel-  
 la,

1644.

la neminem sinunt ignorare. Quot & quanti Duces ex Gustavi præsertim Magni disciplina prodierint, ista potissimum tempora docuerunt, quibus orbatam tanto Rege & Patre Christinam, pristina virtus & felicitas adeo non destituit, ut perpetuis victorijs, inclytum nomen adepta, incomparabilis Reginae gloriâ censeretur, antequam pubertatem attigisset. Magna ergo fuit eius diei species & lætitia, cum expleto ætatis anno octavo decimo, ipso die Natali, in fine Comitiorum Holmiensium, Regni administrationem ex manu tutorum, quos supra commemoravi, solenni ritu susciperet. Collocatam in Regio solio Reginam reuerenter adierunt, qui hætenus Reipublicæ præfuerant, cum cæteris Senatoribus; & voce Cancellarij, ut imperij regendi onus, legitima jam ætate subiret, rogarunt; deposita vicaria dignitate,

1644.  
2. Dec.

tate, obsequia sua professi, & præclare in posterum ominati. Respondit Regina decore & apposite: & subinde per Cancellarium Ordinibus gratias egit, qui nunquam hætenus obsequio aut forti fidelique opera Republicæ defuissent; utque in posterum quoque, sicut bonos ciues decet, se adhiberent, de suo in omnes & singulos studio benigne pollicita, admonuit. Admissi mox ad osculum Regiæ manus libandum, gratulationes & vota, magno animorum motu, profudere. Non poterant segniter affici, qui verissimam tot regum stirpem, auitas animi dotes, generosa oris dignitate ultro confessam, intuebantur. Oculorum acies, paterni vigoris æmula, humanitatem eximiam grauitate rectissimâ temperabat. eloquentia prompta, nec vulgaris, hæreditarium & ipsa bonum. Indoles vero, quam vix capere fas est, nedum laudare.

magni-

magnitudo animi , consilium ,  
celeritas cogitationum , judican-  
di de quibusuis rebus sollertia ,  
prouidendi dexteritas , omnis æta-  
tis ac memoriæ clarissimis exem-  
plis comparanda. Assiduitate la-  
boris , sexum ; cupidine benefa-  
ciendi , sæculum superauit. Re-  
gijs occupationibus non laxa-  
mentum , sed præsidium litteras  
adhibuit : tantum Græcæ Latinæ-  
que eruditionis , nec vulgarem  
in modum , indies cumulans ,  
quantum ne animo quidem con-  
cipere possunt , qui non nisi fa-  
ma tradente accipiunt. Gallica  
lingua libenter & eleganter ute-  
batur : cui postea Italica accessit.  
Parum somno tribuebat tempo-  
ris , remissionum parca , delici-  
arum in victu fugitans. Quic-  
quid in aliena prudentia pulcrum  
æstimabat , partem statim redige-  
bat suæ. maximis publicisque  
rebus in illo ætatis flore abunde  
sufficiens. Justitiæ amorem cal-

lido æquitatis moderamine gubernare, arrogantes arguere, modestos attollere, peritos rerum, arcanis sapientiæ; elegantes, gratiarum ingenio imbuere; deprehendere obscuros; dictorum venustate seria jocosque honestare, paucos principum æque dixeris calluisse. Hæc igitur erit deinceps aula, in qua omnis Regiæ maiestatis specimen visetur; hic quod mirentur exteri; hic quod reuereantur amentque ciues habebunt: Eminebitque nomen Christiænæ, in apice & fastigio laudum Suedicarum, donec vlla rerum memoria durabit. Sed redeundum est ad historiæ ordinem, & in alterum continentem transgrediendum: vbi autumnum, & hiemem totam, id est, huius anni finem, & sequentis initium, strenua vtriusque partis militia insigniuit. Helmoldus enim Wrangelius à Torstensonio, vt prædiximus, cum dele-

tis



Etis copijs in Hollatiam Jutiam-  
que remissus , arcem Pinneber-  
gensẽ à Danis obsessam libera-  
nit , cæsis obsidentibus , præter 3. Sept.  
1644.  
paucos , qui nando vitam serua-  
uerunt. Hinc Chilonium pro-  
gressus, eodem quo venerat die  
arcem deditioe cepit , gregarijs 10. Sept.  
hostilis præsidij in supplementa  
distributis , præfectis Christianpri-  
liæ asseruatis. Quo etiam deduci  
iussit, quotquot captâ munitione  
Neostadiensi , quæ ultra tres ho-  
ras vix resistit, in ditionem ve-  
nerant. Interuenerat his operi-  
bus insignis illa victoria naualis:  
6. Octob.  
13. Octob.  
post quam præfectus classi Caro-  
lus Gustauus Wrangelius Feme-  
ram recipere ab hoste constituit,  
euocato ad se eo nomine Hel-  
moldo Wrangelio, & in agro Ol-  
denburgico stare iusso, si præsidi-  
um Femerense Lubecam forte  
conaretur euadere. Sed hostis  
sub ipsum impressionis adornatæ  
tempus subito in Lalandiam pro-  
fugit.



fugit. Helmoldus autem auctus jam illis peditibus, quos ex Anckerhelmianâ classē in terram expositos ante memorauimus, in Jutiam contendit, arcemque Haderslebiae quarto, postquam obsederat die, recepit., præfectis in custodiâ retentis, gregarijs inter supplementa immixtis, rusticis ad sua dimissis. Sub id tempus cum deserto bello Scanico, in Fioniam, militum quod roboris erat, Rex deduxisset, Archiepiscopus autem, e palustribus numerosam manum coegisset, satis intellexit Helmoldus in se conflare illam tempestatem: Randersumi, castra cito & valide communiuit, duorumque annona mensium instruxit. A tergo autem Ripsis præsidium imposuit, loco ad commercia belli connectenda præcipue opportuno. Missus eò Mortaignius junior, optio Tribuni, retulerat, locum intra mensem non totum permuniri posse,

posse, sibi que curam eius rei posce-  
rat. Nactus est tempus pæ-  
ne alterum tantum, neque pa-  
rum muniendo profecit. Sed  
hostis totis viribus ingruens,  
quamvis fortissime resistentem,  
tertiâ oppugnatione superavit.  
cæsi sunt ad vnum omnes præsi-  
diarij cum præfectis: Mortaignio  
promissa incolumitas nec seruata  
est. Quia enim quingentis am-  
plius capitibus & Tribuni Stein-  
bergij nece stetit hæc victoria,  
Archiepiscopus irâ concitatus, ad-  
ductum virum eximie strenuum  
interfecit. Non dubitauerat au-  
tem hostis, Helmoldum Wran-  
gelium periculo Riparum, extra  
præsidia, quibus se immuniuerat,  
elici posse, itaque cum Archiepi-  
scopus Ripas peteret, Andreas  
Billius apud Coldingam, cum  
quatuor millibus substitit: castra  
Wrangelij, si is ad liberandos ob-  
sessos se effudisset, petiturus, ac  
in medio deprehensum reditu in-  
ter-

terclusurus. Et eduxerat castris mille quingentos equites Wrangelius, nouemque milliaria progressus erat, cum animaduerso hostium consilio, relegit viam atque apud munimenta sua diligentius omnia constituit. hinc assumpto omni fere equitatu, denovo ad liberandas Ripas contententem fama cladis à proposito auertit. Hostem vero à victoria anceps deliberatio tenuit. Helmodum enim in castris suis oppugnandum Archiepiscopus censuit: alia Andreæ Billio sententia: qui præceptis locorum opportunitatibus & communis strenue vsurum, frustra peti disseruit; atque, postquam non valere sui consilij rationem intellexit, equites suos ab exercitu, in quo militum vndecim amplius millia numerabantur, segregatos, in Fioniam reduxit, unde venerat, postquam Rex Daniæ continentem Scaniæ reliquit.

Archiepiscopum autem supremi  
vigilum præfecti Bauerus & Ale-  
feldius in palustria secuti sunt;  
maturat<sup>6</sup> festinantius itinere,  
postquam Helmoldus discordia  
hostium in suam occasionem  
vsurus aduentare dicebatur. At-  
que is quidem expeditas cohortes  
maximis itineribus per Holsatia-  
am omnem Altenauiam vsque  
rapuit, comparatâque Hambur-  
go annonâ, Königsmarckium  
ad Bremense bellum reuersum  
subleuare, detinendo apud palu-  
stria hoste instituit. Respondit  
prolixè fortuna destinatis, vnum-  
que intra mensem longi operis  
victorias cumulauit: initium &  
occasionem suæ cladi præbenti-  
bus hostibus. Bauerus enim &  
Alefeldius veluti securos oppres-  
suri Wrangelianos, delectâ cum  
manu accurrerant, repulsique  
ab equitibus stationarijs at- *s. Febr.*  
traxerunt Wrangelium Elmes-  
horniam. vbi capta impetu mu-  
nitio-

nitione, certatum cum hoste, qui trecentis amplius caesis captisue, ad proximum munimentum effusissima fugâ se recepit: Bauerus relicto equo brachijs tenus immersus aquis euaserat. E nostris signifer cum paucis gregarijs interfecti captique. Contractis deinde hostilibus apud munimentum, quod ostendi, copijs, Helmolus in Jutiam se redire simulauit. Hinc securitas apud hostem, agrestium nuntijs nimis facile acquiescentem; & mox diuisio copiarum; cui Helmolus imminebat, statim enim reuolauit ad munimentum, in quo ducentos tantum reliquerat hostis. ijs, cum viderent accessus fieri, tormentis vallum quati, fossamque ab alterâ parte ponte transiri, parum fuit ad resistendum animi, deserto fuga vallo, adituq; tam opportuno, etiam delectam trecentorum manum subsidio missam eodem metu impleuerunt,

14. Febr.

Stru-  
Echange.

tierunt, vt ad munimentum me-  
 dio interiectum loco festinarent.  
 Sed centum qui tendebant ibi  
 præfidiarij, compertâ clade & fu-  
 gâ suorum, itidem pedibus salu-  
 tem quæsituri, auxerunt infor-  
 tunium & dedecus partium. nam  
 de sexcentis istis plerique omnes  
 cæsi, aut capti sunt: gregarijs in  
 supplementa distributis; præfectis  
 custodia asservatis. Recepti eo  
 die multi è nostris, qui Coldin-  
 gæ & Itzehœ in ditionem hosti-  
 um venerant. Superuenit Baue-  
 rus cum septem peditum signis:  
 non tam auxiliator quam fugæ  
 socius, quâ vix seruatus esset, ni-  
 si loca fossis concisa, & obiectu  
 aggerum equis imperuia nostros  
 attinuissent. Postridie iterum si-  
 mulato itinere Chilonium pete-  
 re cœpit Helmoldus: sed conuer-  
 sus subito, Steinbergensem pro-  
 ximam Crempæ munitionem, &  
 in ea centum præfidiarios, cum  
 præfecto cepit, nonnullos occi-

Q

dit,



dit. Eodem dolo , cum progredi videretur , denuo regressus arcem Haselouiam beneficio frigoris adortus intra tertium diem occupauit ; cum qua centum milites & præfecti complures in potestatem venêre. Ad hunc fere modum , dum it reditque Wrangelius , hostemque illuc circumagit , vbi terrorem excitauit , atque aliâ minatur , aliâ irrumpit , sine iacturâ ac periculo , omnem palustrem ditionem , haud dubium huius continentis robur , excepta Crempâ & Gluckstadio , veluti vna manu occupauit , & incendio vastauit. Non minimam huiusrei culpam in Bauerum conferebant , qui externæ virtutis inuidiâ commoti , tanquam Comiti Penzio valde discordem , & propterea defendendis terris , quarum communi ope curam agere debebant , inefficacem criminabantur. Reliquias peditum & equitum apud Stapelholmen-  
sem

sem munitionem Nicolaus Alefeldius constituerat : quas tamen paulo post , concludi ab Helmolde metuens , trepidâ fugâ in Fioniam traiecit. Ipsam munitionem Stapelholmensem & antea Brunsbüttelensem idem paucior hostium prodidit. Non dispar fortunæ impetus Bremensem Archiepiscopatum Königsmarckij armis obruit. Torstensonius enim in Saxonia atterendis Cæsareis feliciter occupatus , ad Danicum bellum conficiendum redire , quamquam expetitus & iussus , non potuit. nemo ducum erat , qui persuaderi sibi pateretur , ut subiret molem belli Germanici , cuius contextas publicæ salutis dignitatisque momentis rationes rumpere , anceps & arduum videbatur. Igitur consultatis exactè cum Carolo Gustavo Wrangelio & Königsmarckio rebus , illum quidem Wismariam ; hunc novis amplisque mandatis tum

ad alia curanda , tum in Dani-  
cum bellum dimisit : vel auxilio  
futurum si translatis è Fionia &  
aliunde hostilibus copiis virgeretur  
Helmoldus , vel Archiepiscopi  
Bremensis opes , sicut priore  
anno coeperat , profligaturum.  
Is devia castellum Hornburgense,  
deditione occupavit. Inde in  
agrum Bremensem infusus , Al-  
telandiam terrestri aditu peti simu-  
lavit : quo cum rustici ad muni-  
tiones confluerent , ille milites  
navibus impositos ad aggerem  
Albis admouet , à quo rustici  
digressi erant, quo consensu re-  
liqui rustici abiectis armis profu-  
giunt , milites caduntur , aut  
capiuntur occupato pari felicitate  
agro Kedingensi , quo se recepe-  
rant milites ex munitione Horn-  
burgensi profugi, Königsmarckius  
ad Stadam urbem Archiepiscopi  
primariam subita impressione su-  
bigendam animum adiecit. In  
suburbio contra terram Kedinsem  
sito

1645.

sito ( Haschuensfietam vulgo vocant ) omne robur loco propugnando. Expectatio igitur tempore, quo Zvvinga defluit, postquam satis præsidii reliquisset in munitione<sup>13.</sup> *Febr.*  
 ad aggerem annis Zvvingæ non procul eo loco, vbi in Albin influit, excitata, Königsmarkius cum peditum cohortibus, quæ ad manum erant, ab utraque parte aggeris juxta Zvvingam cœpit versus urbem procedere, cuius aduentu oppidani mature animaduerso, tormentis fistulisque maioribus non segniter attonuerunt propinquantes. Fossam quoque defluxu statò depletam, & vado transiri facilem, reclusis cataractis ita inundarunt, vt brachiis & collo tenus milites eluctari vndis cogerentur. Non deterriti tamen, suburbium à centum militibus magnoque ciuium & agrestium numero defensum primo impetu ceperunt, multis etiam primariis viris cæsis captis-

Q<sub>3</sub>

que

que reliquis obtentu noctis in urbem receptis. E Königsmarckianis desiderati, præfectus centuriæ qui agmenduxit; optio vnus, gregarii octo: vulnerati pauci. Inter hunc tumultum portis suburbij reclusis, duo mortaria adducta, & in suggestu constituta, incendia in urbem spargere cœperunt: quæ tamen industria ciuium fere suppressit. Succi quoque incensas ante ab irrumpentibus proximas portæ domos summis laboribus restinxere: operibusque & accessibus muniendis totam noctem exegere. Ortâ luce ostensum oppidanis, quo essent in periculo, si placeret vltima expectare: Affluentibus vndis urbem impetu adoriendam, interea autem globis ignitis malisque Punicis incendendam. Ita deditur vrbs, præsidiumque dimittitur Gluckstadium, exceptâ centuriâ custodum corporis Archiepiscopi, cuius præfecti potiores casi captiue



1645.

ptive erant : hæc cum vexillo retinetur. Exemplum Stadæ Boxtebuda sequitur. Diutius vim sustinuit Bremeruerda, munitissima arx, quæ & ipsa tamen, in ditionem, post Martii mensis principium, venit. Inde Otterberga, & mox Rodenburgum sine exceptione deduntur, alterumque intra mensem omnis Archiepiscopi ditio in Bremensi ac Verdensi agro tenetur. Præsidii igitur ordinatis, suppletis cohortibus, numerato stipendio, Königsmarckius sex millium amplius exercitum, in Germanicam militiam, reuocante præsertim fœderatâ Principe Cassellanâ, reducit, Helmoldo autem Wrangeliô <sup>m. Mar.</sup> bis mille armatos subsidio mittit. Isâ superioribus successibus Rensburgum obsedit, copiis & milite valde firmatum; eaque in obsidione ad finem vsque belli perstitit: cum nec veterani damno militis excidium vrbs pensandum.



ducceret : nec otiosus vni loco  
 affideret , sed ex illis ipsis castris,  
 nullo non genere impressionis  
 hostem exercebat ac multaret.  
 Satis autem prospere in his parti-  
 bus , res geuebatur , nisi quod  
*m. Aug.* Bremeruerda astu Eggerici ( vice  
 Tribuni is cohorti præerat ) in-  
 tercepta est : quem insequente  
 ( 1646. )  
*1. April.* anno , hostilia resumens , Kõ-  
 nigsmarckius multo oppugnatio-  
 nis labore expellet. Gustauus  
 Hornius in hibernis Scaniæ con-  
 silia belli in posterum admini-  
 strandi librat : latrocinia , turbas ,  
 excursions hostiles coërcet : va-  
 letudinem suorum ac inopiam  
 vario prouisu subleuat : in pro-  
 uincias Suecorum Noruegiam spe-  
 ctantes , & hieme valde exercitâ  
 inquietas subsidia destinat. Ad  
 Daliâ enim , Wermelandiam &  
 Westrogothiam defendendam ,  
 præter Gotheburgense præsidium ,  
 quod caput bello ad Noruegicum  
 limitem dedisse ostendimus , pri-  
 dem

dem Gabriel Gabrielis Oxensternius & Johannes Wrangelius Tribuni ierant. submissus postea Haraldus Stackius & supremus vigilum præfectus Gustauus Otto Stenbockius strenuam fidelemq; operam nauauerunt. Exactus Daliâ & Wermelandia hostis, nil præter munimentum à paludibus dictum retinuerat, id ergo obsessum, & postea insidiis frustra tentatum, cum quinque è nostris <sup>10. Mart.</sup> caderent, sedecim vulnerarentur, denique inopino accessu Gustau Ottonis Stenbockii, sine strepitu, deditio receptum est. Inde statim ad hostilia præsidia & munitionem <sup>24. Mai.</sup> Magnabroëensem itum: cuius de præliariis profugientibus, triginta cæsi. Neque plus animi fuit iis, qui opus Magnorense tueri debebant, audito tumultu fugam arripientes, incenderunt præsentam sibi ab aliquo interuallo, mox & suam munitionem. Sequitur eodem pauore

Q

vali-

validum in Noruegiæ finibus ca-  
stellum Miscogense : quod cum  
vicinâ beneque munita domo  
annonaria Torgensi , tantâ festi-  
natione fugientium combustum  
est , vt eodem igne ægri triginta  
circiter conflagrarent. Ita quin-  
que munitionibus hostium , vno  
terroris impetu captis , hostis  
apud inuia sui limitis & inaccessâ  
substitit. Plus laboris fuit apud mu-  
nitiones , quas Sueci Hallandiæ  
& Noruegiæ ad Albim Gothicum  
opposuerant. Ex Hallandiâ di-  
gressu Tribuni Wrangelii , mille  
hominum manus irrupit aduersus  
Möllendalensem munitionem :  
quam longe minori numero  
Mannerskildius Gotheburgo adue-  
ctus , & qui ibi tendebat Bur-  
cardus Nicolai reiecerunt. Pau-  
lo post iterum simulauit impres-  
sionem hostis : sed interea alibi  
serio munimentum Scarsdalense  
adortus , ignauâ præfecti Suedici,  
nullo negotio cepit , receptisque  
dua-

1695.  
duabus nauibus , ascendit , ac  
veterem Lodosam tormentis in-  
festare cœpit : repulsus subinde à  
Tribuno Wrangelio : qui , cum  
non potuisset statim in Werme-  
landiam penetrare , hic locorum  
subsisterat , paucisque ante die-  
bus irruptione in Noruegiam fa-  
cta , munitionem Hiertrumensem  
ceperat , & sexaginta de præsidia-  
rijs occiderat. At à Wänersborgo  
tertiâ vice frustra oppugnato Hen-  
ricus Bielkius Tribunus Danorum  
plurimis amissis vulneratisque, re-  
cessit. Hallandicam manum, quæ  
in Suenlingam Kindiæ se infude-  
rat, prædarique cœperat, fama ad-  
uenturi Haraldi Stackii retro auertit:  
sicut & aliam hostilem procellam,  
quæ ex Noruegia se in fines We-  
stro Gothicos concitauerat , mu-  
nitionemq; Töslandensem septi-  
mâ oppugnatione deuicerat. cru-  
entam hanc victoriam Danis  
fecit , singulare præfecti Scho-

22. Jan.

6. Febr.

18. Febr.

man-

manni facinus : qui post interfectum non paruum oppugnantis turbæ numerum , cum videret teneri non posse locum , incenso pulvere bellico , se , ac hostium , suorumque plures cremauit. Hæc res effecit, vt Mannerskildius rem pridem agitatam agrestiumque precibus omissam properaret , atque excisis soloque æquatis munitionibus plerisque apud superiora Albis Noruegiæ obiectis , Wänersborgensem tantum, itemque Laeriensem, cum cā quæ valetudinario Gotheburgensi apposita erat , validioribus præsidiiis firmaret. Nam tot operibus obtinendis non sufficiebant militum copiar , imminutâ præsertim pertinacibus morbis , maximâ parte Gotheburgensis præsidii. Igitur cum post hæc augeret in Noruegiâ vires Danus, multaque conaretur , Laurentio Kaggio supplementis ordinandis & delectibus exigendis occupato , mandatum, vt

vt Westrogothiæ tuendæ imperatoriâ prouisione inuigilaret. Is dum periculum Westrogothiæ patiebatur, mille amplius militum de supplementis ad Gustauum Hornium misit. Habuerat statiuâ Ustadii Gustauus Hornius, vnde in Bleckingiam appetente Maio mensē mouere exercitum statuit, vt ex hostico victus deinceps suppeteret. Transitâ igitur apud Ahusium Helgonis aquâ, coërcendi eminus Christiani adij rationes disposuit, ac Sperlingio ibi relicto commendauit, compulsisque in sylvarum latebras centurijs Bleckingicis, quæ apud angustias resisterant, Selsborgensem arcem sudibus ac propugnaculis muniuit, tuendo portui & annonæ asseruandæ. omnes hinc ad Malmogiam obtinendam cogitationes, quanquam dissimulanter conuersæ. Verum huius consilii robur vnicum in classe Sueticâ reponebatur: quam duobus amplius



plus mensibus solícite & frustra expectavit Hornius. Nam classis illa quam in tria contubernia diuisam, sex & triginta nauibus, nautas ter mille trecentos amplius, milites bis mille ducentos sexaginta vehentem Ericus Rynningius è Sueciâ educere parabat, è portu egredi, aduersantibus ventis, vix altero mense potuit, egres-  
saque per quindecim dies tempestatibus & ventis varie jactata, quinto demum Julii die ad Bornholmiam ancoras jecit, classique Caroli Gustavi Wrangellii se coniunxit. Hæc erat altera Suecorum classis, quam Wismarie comparauit Wrangellius, acceptis tamen domo trecentis nautis, quorum alibi tunc magna penuria erat. Immissus qui incendium in hanc classem ferret, proditor, Wismarie deprehensus affirmavit, mille nummis imperialibus se emptum Lubecæ, à viro ignoto, è duabus, quas haberet, cistis, vario

1645

rio fomite & automatario ad ignem excitandum opere instructis, alteram prætoriarum trium leonum nomen habenti, alteram Draconi inferre debuisse. nominavit conscios Lubecæ & adiutores; qui cum inficiarentur, nihil in posterum sciri potuit. Facinoris suscepti poenam Johannes Gressius (ita enim vocabatur) Pomeranus, atrocem sustinuit, flammis pendens vstulatus & lenta nece interemtus. Egressus autem portu Vismariensi Wrangelius, cum classem maiorem vento præpeditam cunctari cerneret, ne nihil ageretur, Bornholmiam accessit, Nexoamque urbem tormentis territans, illic loci exposuit milites: quibus conspectis profugere incolæ, munitionibus per oram litoris præcincti. oppido direpto duo agrestium signa in ditionem venerunt, cum septem machinis bellicis, in quibus quinque, *Erici Succorum Regis* opus,

opus, domum missæ sunt. con-  
 uocati literis ad imperata faci-  
 enda incolæ, nil detrectarunt.  
 Obstabat tamen fidæ possessioni  
 huius insulæ arx Hammershusia,  
 cui Holgerus Rosencranzius præ-  
 erat. Huc quoque aduecta clas-  
 sis, breui oppugnatione deditio-  
 nem extorsit. E nostris non nisi  
 tres cæsi, septem vulnerati sunt.  
 præsidii causâ impositi centum  
 milites quorum partem dimidiam  
 Gústauus Hornius petenti Wran-  
 gelio submiserat. Dum apud  
 Sandvvicum subsistitur, grauissi-  
 ma tempestas classem Wrangelia-  
 nam distraxit, læsis & in breuia  
 actis pluribus nauibus; Fortunâ  
 vetere, quæ vocabatur, misere  
 con fractâ, hominibus tamen con-  
 seruatis. Tandem Ericus Ryn-  
 ningius, vt memoratuû est,  
 classem maiorem infra Erdhol-  
 miam occurrenti Wrangelio con-  
 iunxit: ac de mandatis Regijs  
 cum eo consultauit. Tria erant,  
 quæ

quæ moliri jubebantur : Si possent classem Danicam in statione Hafniensi ignibus præsertim infestare ; insulas maris Balthici adoriri ; & Malmogiam maritimâ etiam obsidione premere. Sed consumptâ ferè annonâ , Rynningius opus habebat, è Germanicis portubus cibaria repetere. accessit altera moræ caussa, dum freti Danici conditio exactius inquiritur. Constitit ergo inter Dragoram & Saltholmiam brevia multa esse , maioribus nauibus inaccessa : pontonibus quoque Danicis & demersis nauibus præpeditum iter. Eandem ob causam Oresundam quoque jam non nisi singulis nauibus transiri posse , neque notum satis nautis alueum. Ita ingressum & egressum æque periculosum. Hæc omnia penitus exploravit Rynningius , & ad Gustauum Hornium perscripsit; dum classem prope Dragoram in statione colloca-

R

tam



I tam habet. Hornius licet videret, spem illam, quam in classe habebat, minui, motis tamen castris ad Malmogiam accedere statuit, vel promptior ad nocendum hosti, si bellum maneret; vel ijs locis staturus, si pax conveniret, vnde ex hostico ali posset, donec pactiones implerentur. Relictis ergo Ahusij & Selsborgi præsidiis, centurias Danorum Bleckingicas, quæ assumitis agrestibus apud idonea locorum pedem firmare cœperant, Comiti Gustavo Leuenhauptio, supremo vigilum præfecto, debellandas tradidit. Is ad Möram communitas in templo duas centurias natus, gregarios interfecit, præfectos cepit, primoque inde militari, tertiam quoque incruento proffus certamine profligavit. Quibus ad hunc modum à tergo peractis Gustavus Hornius castra mouet, & Johannem Wachtmeisterum cum parte equitatus ad  
 Waer-

23. Jul.

31. Jul.

Wacrpingam constituit. exerci-  
tum reliquum apud Manstor-  
pium, non procul à Malmogiâ  
stare iussit. ipse Scanoram cum  
parte copiarum progressus in col-  
loquium cum Rynningio &  
Wrangelio venit. Negantibus il-  
lis, fretum inter Malmogiam &  
Saltholmiam classe insideri posse,  
hactenus tamen sibi profuturas  
naues ratus, ne castra in ripis po-  
nenda è mari infestarentur, ob-  
sidere Malmogiam decreuit. Jam  
accessus facere moliebatur, cum  
paci compositi nuntiis ab armis  
reuocatur. Inter celeberrimos  
Sueciæ duces, Gustavi illius Hor-  
nii nomen jam olim eminebat:  
postquam Gustauo Adolpho Regi  
tum alias, tum in Polonos bel-  
lanti, virtutis militaris indolem,  
illustribus documentis appro-  
bauerat. Quem in Germanorum  
postea expeditionem secutus, res  
multas & magnas imperatorio  
prouisu gessit usque ad illud tem-



pus, quo infelix apud Nordlingam praelium, ex medio gloriae cursu, in longam octo annorum captiuitatem abstraxit virum, cuius in consilio & operâ, plurimum spei Patria repositum habebat. Cautis & deliberatis agendi rationibus plurimum semper delectatus est: Fortunam sequi non laceßere, certus. Profundè cogitare; accurate mandare; strenue agere; seu naturâ illi, seu consuetudo est. Senatoria dignitas, & quicquid honorum in familiam generosissimam intulit, meritorum amplitudine longe lateque illustratur. Hinc auctoritas, grauitate attenti moris non parum adiuta; & caritas popularium, ciuilis animi moderatione potenter instigata visu juxta & auditu venerabilem faciunt. Ceterum, vulgatis inducijs, classis Rynningij assumptâ plerâq; Wrangelianâ, Sueciam; Wrangelius cum reliquis nauibus Wisnariam  
repe-

repetiit, postquam à clade Danis  
inferendâ cœlo ventisque vis illa  
naualis prohibita esset. neque  
enim præter interceptam subinde  
aliquam nauem Danicam, ad di-  
gnum tantò apparatu certamen  
res deduci potuit. Tertia quoque  
Anckerhelmio commissa classis,  
quæ ex Belgio reparatis viribus  
Gotheburgum redierat, diu ex-  
pectabundâ suas rationes à maio-  
ribus illis apparatibus suspendit:  
neque aliud conari potuit, quam  
vt percurfaret dimissis nauibus  
maria, intercederet subuectio-  
nibus vñdecunque tentatis in  
Noruegiam, & præsertim Gothe-  
burgensem portum tueretur.  
Quippe Rex Danus viginti sex  
bellicas naues, & quadraginta mi-  
nores, præfecto Ouâ Gieddio il-  
luc miserat, exitumque obsepsc-  
rat, donec castigatâ naufragiô <sup>21. Mæ</sup>  
classe, mersaque prætoriâ Sophiâ,  
cum quâ quindecim nautæ perie-  
runt, ceteris hominibus conser-

uatis , Calssundam itum , indeque in Oresundam properato reditu peruentum est. Curam iniecerat Regi Daniæ fama non tantum Rynningianæ & Wrangelianæ classis aduentantis , sed etiam Hollandorum apparatus : qui quadraginta & octo naues bellicas , mercatorijs trecentis denuo præsidium addiderant , præfecto Wittenio Cornelio Wittenij. Is, ambiguum se per hæc tempora gessit , Succis amicitiam ostendendo , neque Danis ultra suspiciones iniectas quidquam nocendo. Scripserat Wittenio Vicarius præfecti classis Danicæ , prope diem se exiturum cum nauibus Danicis, nullo classis Belgicæ incommodo , cui omnia amica cuperet. Respondit Wittenius : Se classem Danicam cum parte nauium suarum secuturum , & quo cursum dirigeret , obseruaturum esse. Idque jam fecerat , cum egressas in mare orientale duas

duas naues Danicas , statim duæ  
Hollandicæ insequentes , obser-  
uarent. Neque tamen Suecis iti-  
dem aliqua subinde interroganti-  
bus , nisi ambigue responsum est.  
quamuis fœderati Ordines suos  
legatos deposita sequestrium per-  
sonâ , inter ipsam pactiōem  
Brömsebroënsē , Suecorum  
partibus accedere jusserant. Quie-  
uit ergo Danica classis in statione  
Hafniensi , vsque ad finem belli.  
Anckerhelmij naues apud Gothe-  
burgum tamen retinebat metus à  
Noruegicis Masterlandiæ nauibus,  
semper illi portui imminentibus.  
denique quatuor in Albim emis-  
sæ , vt Gluckstadio omnia arctio-  
ra facerent , interuentu pacis re-  
uocantur. Dimiserat & ante Re-  
gina , vt primum spes pacis cer-  
tior affulsit , literas , quibus præ-  
cepit suis ducibus , ne tam de  
proferendis ad vltiora armis ,  
quam de conseruando rerum  
præsentiū statu solliciti essent.

2. Iul.

sed interruptit tacitam illam quietem Martis Suedici, Hannibal Sestadius, effusus è Noruegia in fines Westrogothiæ nouem armatorum millibus. Stabat tum Salenstorpj in districtu Scaraborgensi Laurentius Kaggius, vnde & hostilia ad Albim Gothicum molimina ex Noruegis obseruare poterat; & Hallandiam, cuius limiti Haraldum Stackium opposuerat. Iuit ergo ex vna parte ipse, ex altera Stackium immisit in hostem, qui loco quamuis opportuno ad Leryensia munimenta constitutus, post breue certamen cessit, fugaque pontem à se factum transcurfauit ac in Hisingâ se præcinxit. irrisui simul & probro fuit tanto impetu suscepta irruptio, quâ non modo nihil memorabile gestum, sed inaudito senitiæ exemplo Nosocomium Gotheburgense exustum est, octodecim circiter hominibus senibus, debilibus, cœtis, mente



mente captis , immaniter occisis.  
Concitratus ergo iusto dolore Lau-  
rentius Kaggius traiecit copias in  
Hisingam , statimque Bahusiam  
petere cœpit. cumque præue- 6. Aug.  
nisset hostis , opportunosque sibi  
tumulos occupasset , quatuor cum  
collibus deturbavit , effecitque  
vt noctis beneficio Albim trajice-  
ret , cum omnibus copijs. Quo  
postridie animaduerso , Bahusiæ  
appropinquavit Kaggius , occu-  
patoque qui arci subjectus est 7. Aug.  
colle , per sclopetarios maiores  
infestavit urbem , arcem , & ap-  
positas naues duas , tormentis &  
præsidio firmatas. Sed hæ qui-  
dem fugâ litus aduersum pete-  
bant , auctis etiam in interiora  
Noruegiæ profugorum ciuium  
compluribus. Auertendo dede-  
cori Sestedijs numerosam ma-  
num iussit traiecto Albi Kaggium  
submouere. pugnatum est acri-  
ter ; tyronibus quoque raro ex-  
emplô rem vtrunque strenuè ge-  
R s renti-



rentibus : coactusque tormentis ,  
collem deferere Kaggius , castra  
reicctō hoste statim reparauit ,  
machinisque & pontonibus ad-  
uersus quantamcunque vim præ-  
muniuit. Ceciderunt illo die &  
priorē Leryensi pugna , Danorum  
quingenti circiter ; è Suecis tri-  
ginta & septem cæsi , octoginta &  
quatuor vulnerati sunt. Æger  
animi Seltedius etiam conuitijs  
suorum exceptus est : exprobran-  
tium inconsultam expeditionem ,  
quam dissuaseraut , atque iussa  
eius detrectantium. Tanta enim  
multitudo , ultro laceffitum ho-  
stem , non multo plus duobus  
millibus trahentem , non sustinue-  
rat : admissumque in Noruegiam  
qui eiicere auderet , non reperie-  
batur. Dimissæ passim manus  
cum vndique irruptionem mina-  
rentur , nihil aliud quam distra-  
hebant copias Kaggii , disponen-  
tis stationes per totum Hisingæ  
ambitum ; & præsidia in finibus  
ordi-

ordinantis. Munitionem quoque,  
vallo, sudibus & altâ fossâ præ-  
cinctam, quam Sestadius apud  
lapideum illum pontem Albi de-  
uertendo instratum, excitauerat,  
nullo suorum vulnere noctu oc-  
cupavit: Bahusiæ urbem igne ab-  
sumpsit, & ad arcem expugnan-  
dam omnia comparavit. Sed  
Dani primo de pace literis suorum  
edocti, inducias petierunt: inter  
quas etiam Kaggio domo man-  
datum, ut arma cohiberet. Dum  
enim terrâ marique armis res ge-  
ritur, pacis restituendæ vias ma-  
gno studio indagant, quibus ea  
legatio, sicuti ante cœpimus me-  
morare, obuenerat. Tempore  
scilicet pridem destinato conue-  
nere Senatores Regnorum: à Suc-  
ciâ, Cancellarius Imperij Axelius  
Oxenstierna, Johannes Skyttius,  
Matthias Soopius, Thuro Biel-  
ckius: è Daniâ Cornificius Ul-  
feldius, cui proxima à Rege au-  
ctoritas, Christianus Thomæ,  
Chri-

Christophorus Urne , Georgius Seefeldius. Sueci Calmariâ Söderacram concesserunt , locum hospitio legationis destinatum : Danos Christianopolis excepit , ubi & Thuillerius nomine Gallico sequester futurus mansit. Belgicorum Ordinum duplex Legatio , altera , quæ in Daniam missa erat , Christianopoli substitit , altera Soderacæ cum Succis fuit ; è quâ solus ab initio adfuit Wittenius : nam Bickerus & Stanenissius , collegæ , Holmiâ domum regressi , Suecorum postulatis de communi causâ & fœdere apud Ordines tractandis , operam dabant. Post salutationes literis nuntiisque factas , Legatus Gallicus , antequam congregerentur , cum Succis egit de modo & consuetudine tractandæ pacis , atque ex sententiâ Danorum scripturam & sequestrium operam colloquiis prætulit : in quibus ad asperiora verba posset deue-

deueniri. in vtrumque se prom-  
tos Sueci responderunt : siue pris-  
co more colloqui partes satius  
esset; siue sequestribus tali labore  
suum munus metiri placeret. Pe-  
tierunt etiam Danorum nomine  
sequestres: ne quis ad congressum  
admitteretur, præter nominatim  
delegatos. Negavit Cancellarius  
hoc suscepto negotio conuenire:  
se enim non aliter tractaturos,  
quam vt totum orbem conscium  
optent. Inspectis ergo ab vtra-  
que parte literis, quibus pacif-  
cendi publica auctoritas Senato-  
ribus congressuris permittebatur,  
ventum est ad locum præuiâ su-  
perioris anni transactione destina-  
tum. Brömsebroæ à pontibus  
nomen habet, qui vtrimque col-  
lemaquis circumfluum annectunt  
limiti Suetico Danicoque. indi-  
cio eius rei lapis fungitur in me-  
dio constitutus. Hic Gustauus  
Primus Sueciæ, & Christiernus  
III. Daniæ, Reges quondam col-  
locu-

locuti erant. Postquam tuba signum dedit, Senatores Suedici Danicique è tentoriis ante utrumque pontem collocatis progressi, in medio colle, sequestribus ad lapidem, quem dixi, consistentibus, sibi inuicem occurrunt, junctisque dextris, Cancellarius Regni Suedici in hanc sententiam orditur: Reginam Sueciæ tum amoris pacis insito, tum studio Christianissimi Regis & Fœderatorum Ordinum dedisse ut per legatos bellum componere, & amicitiam instaurare cuperet, postquam Daniæ Regi idem placere cognouisset. Inspectis ergo probatisque literis, quibus venissent instructi, nihil superesse, quam ut bene precati negotio, animum operamque diligentem promitterent, ac in vicem sperarent. Eodem nomine, proposito, spe, se quoque & Collegas venisse retulit Cornificius Vlfeldius; porrectisque iterum dextris

tris discessum est ; postquam Legati Hollandici Suecos in tentorio appellassent , Ordinumque rationem haberi inter paciscendum , quantam ad commerciorum libertatem attinet , postulassent, literasque Ordinum, quibus Legationis auctoritas continebatur , tradidissent. Eas ad Reginam se missuros , responderunt Sueci ; neque quicquam omissuros , quo minus fœderis cum Ordinibus, & communis circa rerum commercia commodi memores viderentur , si modo & ipsi suam opem conferrent. Addebatur ; sperari responsum Ordinum , à duobus Holmiâ domum regressis collegis impetrandum , sicut fœderis ratio non parum in hac causâ Suecis Ordines obligantis, tum transmissâ præterito autumno Reginae postulata desiderarent. Valetudo Thuillerii distulit initium tractandi negotij in diem Februarij tertium decimum. quo  
cum



cum venisset ad Suecos , post  
prandium interrogatus , an Da-  
norum nomine aliquid propo-  
nendum suscepisset , respondit :  
se propterea appellasse Danos , qui  
præter meritum & opinionem se  
bello petitos succumbere Succis,  
ex vtraque parte regni ademptas  
prouincias obtinentibus , dicant :  
inde ergo principium tractandæ  
rei expectandum. Ad quæ Can-  
cellarius causas belli pridem scri-  
pto vulgatas eatenus repetiit , ut  
Oresunticas acerbitates , salua  
regni incolumitate diutius tole-  
rari nequiuisset , ostenderet ; &  
quando ita placeret Sequestribus,  
promouendæ pacis gratia libel-  
lum traderet , quo certis descri-  
pta partibus nauigandi & com-  
mercandi libertas postulabatur :  
declarata sequentem in modum  
„ totius rei æquitate. Regibus  
„ Sueciæ & ciuibus inde ab anti-  
„ quo libera facultas fuit , com-  
„ mercandi , nauigandi atque  
trans-

„ cundi ex Mari Balthico Occa-  
„ num atque vice versa, per freta  
„ Danicis Insulis ac prouinciis  
„ interfusa, sine ullo vectigali,  
„ onere, mora, impedimento.  
„ Hæc libertas à Deo mundi dis-  
„ positore fundata, naturæ insu-  
„ per & gentium jure nixa, cum  
„ aliis quidem nationibus (quo  
„ jure quauē iniuria, non disqui-  
„ ritur) per Reges Danorum cœ-  
„ pissēt circumscribi, intra certos  
„ limites restringi, atque paula-  
„ tim vectigalibus impositis one-  
„ rari; Regibus tamen ciuibus-  
„ que Sueciæ semper mansit inte-  
„ gra, & peculiaribus pactis re-  
„ seruata; Ac licet internatis ex  
„ leui occasione turbis; inter cæ-  
„ teras lites, quibus à tempore  
„ fœderis Setinensis hæc regna  
„ contigit agitari, non postre-  
„ mum habuerit locum ista de  
„ vectigalibus imponendis contro-  
„ uersia, libera tamen nauigandi  
„ transeundique facultas cum ve-

S

ctiga.

„ Vestigalium immunitate , nun-  
„ quam non veteri juri atque  
„ consuetudini fuit restituta.  
„ Quare neque nunc aliter  
„ declarari oportet atque expli-  
„ cari , si quid obscuri in pactis  
„ repertum perturbationi cuidam  
„ occasionem dederit , quam vt  
„ nauigationi & negotiationibus  
„ inuiolabilis constet in posterum  
„ sua immunitas , sicuti jus na-  
„ turæ & gentium , tum amicitia  
„ utriusque regni postulat. Ab  
„ anno demum 1631. specie retor-  
„ sionis , nauigationum & com-  
„ merciorum cursus in Albi : &  
„ in Pomeranis , posita triremi ad  
„ insulam Rûden , onerari coepit  
„ atque impediri. Quibus præli-  
„ batis , cum tempus fauere vi-  
„ deretur inter discordias Europæi  
„ orbis maiora concupiscentibus,  
„ Rex Daniæ id agendum sibi puta-  
„ uit , vt auctas mirum in mo-  
„ dum per vestigalis Oresuntici  
„ amplificationem opes , ab an-  
no

„ nō præsertim 1637. nouis sub-  
„ inde artibus ac inuentis, cres-  
„ cerent, & ad opprimendos con-  
„ tradicentes, ac tuendum illud  
„ per iniuriam aliorum arrogatum  
„ jus, uti nunc vocant, supe-  
„ rioritatis, aduersus ipsos, qui  
„ vectigalia conferrent, abunde  
„ valerent. Pressit hæc indigni-  
„ tas reliquas gentes uniuersas,  
„ dum in Regno Daniæ haud  
„ quidem negotiantes, neque  
„ ulla alia re, si usum aëris &  
„ aquæ excipias, fruenter, tot mo-  
„ lestiis tamen ac oneribus, incer-  
„ tum ubi & quando modum  
„ habituris, citra juris & amici-  
„ tiæ respectum, mandatu Regis  
„ constringebantur. Reginam  
„ vero & ciues Sueciæ, non gen-  
„ tium modo jus, sed pacta quo-  
„ que Regnorum, & perpetua  
„ consuetudo, nunquam nisi  
„ bello, aut per iniuriam inter-  
„ rupta, pauloque post restituta,  
„ tuebantur. Igitur Rex Daniæ,



„ cum videret , aucta in ceteras  
„ gentes vectigalia , parum con-  
„ uenire cum immunitate Sue-  
„ dica pactis conformi , aliquid  
„ ex his esse faciendum sibi judi-  
„ cavit , vel vt commercia Sue-  
„ dica ad inuidiam usque crescere  
„ pateretur , vel vt restituta po-  
„ pulis pristina libertate , confi-  
„ lium rebus suis augendis fir-  
„ mandisque , sine ullo ciuium  
„ onere tam pulchre accommo-  
„ datum omitteret , vel vt vecti-  
„ galia non sine diminutione re-  
„ dituum Danicorum , tempera-  
„ ret ; vel denique , quando cum  
„ dolore & molestia essent con-  
„ iuncta reliqua , vt Suecis suam  
„ immunitatem eriperet & acci-  
„ deret. Hoc rursus directo iti-  
„ nere facere non poterat : nisi  
„ ab omnibus pacis violatae pa-  
„ ctorumq; non seruatorum incu-  
„ sari vellet. Itaque obliqua via  
„ huc itum est , vt per speciem  
„ peregrinarum mercium sub no-

mine

„ mine Suedico latentium , na-  
„ ues detentæ , quæstionibus , li-  
„ tibus , & confiscatione vexa-  
„ rentur , aut sero , nec nisi post  
„ alias , quæ tardius venerant , di-  
„ mitterentur , mercium præcipua  
„ interdicto coercerentur : atque  
„ ubi hæc instituto nondum sa-  
„ tis faciebant ; nec Regina , qui-  
„ que eius nomine rem tracta-  
„ bant publicam , minutioribus  
„ hisce aculeis mouebatur , ad  
„ illam atrocem omnibusque no-  
„ tam Suecos transeuntes & com-  
„ mercantes exagitandi acerbita-  
„ tem , anno 1643. ex improuiso  
„ descenderetur , nihilque inter-  
„ mitteretur , quod ad negotia-  
„ tiones Suecorum & nauigatio-  
„ nes interuertendas excogitari  
„ poterat. Tanta autem vehe-  
„ mentia , tanto ardore agebantur  
„ omnia , vt nulla prorsus ratio  
„ haberetur juris , amicitiae , fi-  
„ dei & pactorum : quæ in alic-  
„ num sensum trahi , & , ubi



„ quid obſcuritatis repertum eſſet,  
„ aliena interpretatione in præiu-  
„ dicium libertatis atque immu-  
„ nitatis Suedicæ explicari ſummæ  
„ artis , ſummique ingēnij habe-  
batur. Hiſque enumeratis ad-  
debatur ; ſi de pace atque amici-  
„ tia redintegranda agi oporteat  
„ cum ſpe ſucceſſus , ante omnia  
„ ſummi iſtius juris , quod Rex  
„ Daniæ ſibi vindicet , titulo ab-  
„ ſiſtendum , & remedia iis , quæ  
„ verbis expreſſa modo ſint ,  
„ quærenda eſſe. Id quò facilius  
fieret , in certos deſcripta arti-  
culos , quæ huc ſpectarent , vt  
ante diximus , etiam Latino ſer-  
mone Sequeſtribus tradita ſunt,  
vt examinarent , & cum Da-  
nicis Legatis pertractarent ; iis-  
que ſtatim denuntiarent verbis  
Reginæ Sueciæ , niſi minimum  
transitus per Orefunticum &  
Balthicum fretum maneat li-  
ber , ſecurus , extra controuer-  
ſiam poſitus , incircumſcriptus ,  
de

de pace agi non posse. Cum  
Sequestres statim perlegissent libel-  
lum, Thuillerius se satis conie-  
cisse ait, hoc iri postulatum; ne-  
que dubitare, quin Dani Sueciæ  
incolis concessuri essent, quod  
peteretur: de illis autem disquiri  
posse, qui in clientela Suecorum  
essent. Wittenius Hollandicus Le-  
gatus laudabat Reginam Sueciæ,  
pro omnibus loquentem: cunctas  
enim nationes grauitè tulisse,  
Danorum in Oresunda vexatio-  
nes. Cui Thuillerius: Gallos quo-  
que sæpe eo nomine offensos,  
iniurias tamen, quatenus tanti  
non viderentur, vt bello vindi-  
cari oporteret, tolerasse. Refe-  
rebat hac occasione Cancellarius  
Oxenstierna, se in congressu apud  
fines anno 1624. instituto, sua-  
sisse serio Danicis, qui aderant,  
legatis, vt omitterent ea, quæ tum  
in Oresuntico freto aduersum  
alias nationes cœptabant, adje-  
ctis disertis verbis: si aliquan-

„do eadem aduersus nos Suecos  
„conari in animum inducatis ,  
„futurum est , vt nullo modo  
„toleremus. Die Februarij octa-  
uo Decimo , redierunt cum  
Thuillerio , etiam ij Legati Hol-  
landici , qui apud Danos subsiste-  
bant ; ascitoque Wittenio , tra-  
diderunt Suecis responsum Da-  
norum , addentes : se animad-  
uertisse in eo aliqua parum ad  
pacem facientia , sperare tamen,  
consecuturos ea Suecos , quibus  
pax conueniret. Legati Suedici  
animaduenterunt , in scriptura  
Danica nihil aliud , quam in du-  
bium vocari Suecorum jus belli  
in occupata , cumque iis damni  
restitutionem postulari. Subinde  
refutari causas belli , & incusari  
iniuriam , sibi , vt putarent , fa-  
ctam ; ad Suecorum autem po-  
stulata hoc tantum responderi ,  
„pugnare ea cum iure Regis Da-  
„niæ in freto Oresuntico. Quan-  
tum ergo utriusque partis ratio-  
nes

nes distarent, ostenderunt Sequestribus: qui magnopere suadebant, omitti de causis belli alias declaratis disputationem; qua tempus inutiliter tereretur, & animi exacerbarentur. Posse rectius ad cætera responderi. Huic consilio obsecuti Sueci, Sequestribus, qui die vicesimo Februarij, omnes præter Wittenium, qui uxorem defunctam lugebat, aderant, reddiderunt scriptum, quo, servata in aliud tempus confutatione rationum Danicarum adversus jus belli Reginae, ne illam quidem disputationem de causis & modo suscepti belli, ingredi se velle testabantur. Quantum ad jus in freto Oresuntico jactatum attinet, Reginam parum curare, an omnino esset, & quid esset, nihilque aliud quærere sibi suisque, quam transeundi ac transportandi libertatem. quæ nisi obtineatur, nullam viam aut spem pacis superesse. Id ut di-

serte Danis renuntiarent, & responsum impetrarent, quale deceret, Sequestres rogabantur. Quibus illi cognitis, intulerunt hunc sermonem ut putarent, satisfieri posse Reginae, quatenus abstinere-  
retur disceptatione juris, quod infreto Oresuntico Dani sibi tribuunt: sed fore omnino, ut resposcerent suas terras & arces, quas Sueci occupassent. Responsum est: nondum venisse tempus de ea re agendi, causam belli ante omnia tollendam. quo facto aliis tractandis locum dari; Reuerti post prandium Christianopolim Sequestres vicesimo quinto Februarij die redierunt Soderacram, vultuque parum laeto, non afferre se responsum, aiebant, quale vel sibi vel Suecorum Legatis gratum esse posset; prorsusque credere, scriptis nihil agi, praeterquam ut res intricetur. rogare ergo, ut liceret sibi retinere

Da-

„ Danorum libellum , atque vt  
„ alius negotium tractandi modus  
eligeretur. Negabant Sueci , re-  
sponderi posse , nisi lecto scripto;  
quod si non satisfaceret expecta-  
tioni suæ , forte tamen conside-  
ratu dignum esse ; cumque non  
dubitassent Dani Sequestribus tra-  
dere ; nec ipsos quin ederent ,  
cunctari debere. At illi , quan-  
quam bene de Suecorum mode-  
ratione sperarent , commotionem  
tamen aliquam animorum paci-  
parum utilem metuere se dice-  
bant ; itaque dissuasisse Danis se-  
rio ; qui nihil mutari posse , cum  
præsertim Sueci typis omnia vul-  
gent , causati sint. Ad ea Can-  
„ cellarius , non esse quod vere-  
„ antur Sueci publicationem  
„ eorum , quæ dicuntur aut fi-  
„ unt , si præsertim regna in dissi-  
„ dio maneat. ipsam scripti Da-  
„ nici lectionem offensuram ,  
„ quid sperandum aut desperan-  
„ dum sit. de cæterofatis se animis  
suis



„ suis imperaturos. Tum Lega-  
tus Gallicus chartam Danico-  
rum Legatorum nominibus sub-  
scriptam exhibuit. Legerunt Sue-  
ci coram Sequestribus, non leui-  
„ ter commoti ludibriis verbo-  
„ rum, quæ cumulabantur, &  
„ præsertim jure Regis Daniæ Ore-  
„ fundico (quod superioritatis vo-  
„ cant) in tantum exaggerato, vt  
„ in eius potestate arbitrioque  
„ omnis per fretum navigatio &  
„ negotiatio reponeretur. quæ  
„ res sicut Suecos hoc bello im-  
„ plicuerat, ita nisi remoto tali  
„ obstaculo, inutilem sibi pacem,  
„ cum seruitute ac interitu patriæ  
„ coniunctam, intelligebant. Pe-  
tierunt ergo diem ad deliberan-  
dum, antequam responderent.  
Ardua imprimis res visa. silentio  
enim præterire motam litem, pe-  
riculosum videbatur, tum ob eos,  
qui de re tota parum edocti, ver-  
ba potius, quam negotium ipsum  
spectarent; tum ob Danos, qui  
non

non posse responderi , opinaturi  
essent, Refutatione autem susce-  
pta contentionem apparebat in-  
cipi , indignum Legatotum mu-  
nere ; propositoque & more  
honestiorum nationum. Non  
obscurum erat , Danis adhuc,  
vt antea , decretum , Sueciæ ci-  
uibus vel interuvertere omnem per  
Oresunticum fretum negotiatio-  
nem , vel vectigal extorquere,  
nam & Sequestribus testati erant,  
„ si Sueci ea, quam peterent, im-  
„ munitate potirentur , omnia  
„ penes ipsos rerum commercia  
„ fore. Id ne fieret , cum præci-  
pua sibi ope annitendum Dani  
existimarent , fierique non posse  
animaduverterent , quin inter Pa-  
cis tractandæ vias , de illa immu-  
nitat. agendum esset præcidere  
tali responso rem suis consiliis  
tantopere alienam voluisse , visi  
sunt. Præcipuus interim hic erat  
scopulus , ad quem concordia &  
quies horum regnorum naufra-  
gium

gium fecerat. nisi hoc superato  
neque sperari, neque haberi pax  
poterat. Si enim ad bonas con-  
ditiones & pacem, nihil armis &  
manifesta juris ratione proficere-  
tur, quid in silentio & precibus  
spei? Temporis ergo redimendi,  
ac ut legatis totiens itandi & rei-  
tandi labor adimeretur, missi ad  
Sequestres Suanto Banerius cum  
Secretario Israële Israëlis., qui  
post id tempus, equestrem digni-  
tatem suo merito nactus Lagerfel-  
dius appellatus est, ostensuri :  
„ Suecorum Legatos, tum regio  
„ mandato, tum suopte deside-  
„ rio pacem optare : verum cum  
„ videant, Danos præter omnem  
„ rationem, iniurias Succis illa-  
„ tas obtentu juris in Oresunda  
„ supremi perfendere, tantum esse  
„ sententiarum dissidium, vt de  
„ successu negotij plane cogan-  
„ tur desperare. Sequestrium ar-  
„ bitrio relinqui, ulteriusne ope-  
„ ram suam à se deberi, aut con-  
siliū

„ filium rei perficiendæ reperiri  
„ posse existiment , an & ipsi ni-  
„ hil videant , quo progredian-  
„ tur : vt quamprimum Com-  
„ missariis , vel ad continuan-  
„ dam pacis negotiationem ani-  
„ mum adæant , vel omnem spem  
„ ac laborem simul & semel adi-  
„ mant. Hoc animorum habitu  
valde in ancipiti hæere nego-  
tium cœpit. pluraque belli man-  
suri , quam pacis coituræ ani-  
maduerti indicia poterant. Se-  
questres internuntiis Suedicis re-  
sponderunt: non minus sibi quam  
„ Suecorum Commissariis displi-  
„ cuisse scriptum Danicum , cum  
„ satis intelligerent , nihil hac ra-  
„ tione profici, inuitosquæ, se tra-  
„ didisse ; antea etiam suasisse Da-  
„ nis , vt mutarent. sed , sicuti à  
„ Succis impetrari non potuerit ,  
„ vt in manibus sequestrium re-  
„ linqueretur , ita nec à Danis  
„ aliud responsum esse , quam  
„ se pati non posse , vt Regis sui  
ac

„ ac Patriæ summum jus ( superioritas appellatur ) in dubium  
„ vocetur. postquam deinde à  
„ Suecis regressi essent sedulo se  
„ ostendisse Danis indignationem  
„ Suecorum, & in quo erratum esset,  
„ addito consilio : cum nihil hoc pacto effici constaret,  
„ omnes mutuis scriptis, Sequentes  
„ siue Mediatores accipere à  
„ Partibus conditiones & negotiationem  
„ tentare debere. Placuisse id Danis, seque postmodum  
„ venturos, & amplius de re tota acturos. Venerunt, sicuti promiserant,  
27. Febr. Thuillierius, Schaeppius, Sonckius, iteratisque,  
„ quæ memorata sunt, persuasisse se Danis, retulerunt, ut de transitu  
„ libero ante omnia disceptaretur : darent igitur Sueci Mediatoribus,  
„ quæ super ista lite tractari cuperent. Tum Cancellarius Oxenstiern ad scripto  
„ Danico orsus, quod nec in forma, nec in contextu probari poterat,

„terat, etiamsi verba transmittē-  
„re voluissent, rem tamen istam  
„sine iusta indignatione præteriri  
„nequiuisset, agebat. itaque, nisi  
„dignitatis Sequestrium, & unde  
„missi erant, rationem habē-  
„dam duxissent, non fuisse, quod  
„vel unam noctem intercedere  
„paterentur, quo minus remis-  
„so, quale merebatur libellus  
„Danorum, responso, com-  
„mercia pacis abrumperentur.  
„de jure regali, quod Rex Da-  
„niæ in freto Oresuntico sibi tri-  
„buat, si non aliunde, certe  
„ex iis, quæ non minus Suecis,  
„quam aliis nationibus, præter  
„jus & æquum, jam ab aliquot  
„annis intentata sunt, causam-  
„que bello præbuerunt, abunde  
„constitisse: nunquam tamen vel  
„ante audisse, vel nunc futurum  
„putasse, vt tam clare à Danicis  
„Commissariis id diceretur, scri-  
„bereturque, quo jus illud, vt  
„ipsis placet, in tantum aduer-

T

sus.



„ sus transeuntes & nauigantes  
„ extenderetur , in quantum Rex  
„ in suis terris prouinciisque in  
„ ciues suos , vel quiuus etiam  
„ Princeps ac Respublica in sub-  
„ ditos sibi populos , aut peregri-  
„ nos quidem, sed in suis terris ac  
„ portibus negotiantes , possint.  
„ hoc si verum sit , negari non  
„ posse , quin Sueci bellum in-  
„ iuste susceperint , pacta viola-  
„ uerint , neque contradicendi  
„ causam habeant , si quæ preci-  
„ bus impetrari non possint. Li-  
„ berum etiam hoc pacto Danis  
„ relinqui , claudere Oresundam  
„ omnibus, peculiare pactum non  
„ allegantibus , instituire in ter-  
„ ris suis emporia atque stapu-  
„ las , atque negotiationem inter  
„ ortiuas & occiduas partes eo  
„ loco constituere , ac pro arbi-  
„ trio moderari ; omnes natio-  
„ nes vectigales facere: vectigalia,  
„ ut lubet , augere & minuere ,  
„ modo directa , modo obliqua  
via.

„ via. Quæ omnia profecto, non  
„ ad Suecos tantum, sed ad  
„ omnes nationes, præsertim  
„ autem maris Balthici & septen-  
„ trionalis accolæ, & prouin-  
„ cias Belgicas pertinere. Igitur  
„ cum Dani in tantum hoc jus  
„ pertendere connitantur, adeo  
„ sibi rem videri difficilem, ut  
„ ad vltiorem tractatum de-  
„ scendere, absque nouis manda-  
„ tis, domo petendis, nequeant.  
„ alias non improbare se Media-  
„ torum consilium de omittendis  
„ scriptis ad contentionem facile  
„ flectentibus, si res integra esset.  
inter colloquendum Mediatores  
ostendebant, nequaquam à se  
probari jus Danis affectatum;  
alienum tamen putare, si directa  
via id impugnaretur, nouaque  
ea lis confereretur. Referebant  
etiam, Danos, cum, in quo  
verterentur statu res ipsorum, de-  
monstraretur, respondisse; non  
ignarum sibi quod diceretur, sed

si opprimi debeant, vi se malle  
id fieri, quain eo modo, quo  
possent judicari sponte suum sta-  
tum prodidisse. Suadebant ergo  
Sequestres, vt præcipuum nego-  
tium de transeundi libertate & ve-  
tigalis immunitate, ad eum mo-  
dum, quem Sueci desiderarent,  
tractaretur: nam Regi Daniæ ni-  
hil futurum grauius, quam si jus,  
quod affectaret, in litem mitte-  
retur. At Commissarij Suecorum,  
omitti potuisse hanc disceptatio-  
nem antea ajebant, quam Dani  
suum jus in tantum exaggeras-  
sent. nunc fieri neutiquam id  
posse. neque enim videre se,  
quomodo negotium pacis nunc  
tractari queat, absque impugna-  
tione affectati juris, & nouis  
mandatis. inspectis tamen de-  
nuo mandatis, quæ haberent,  
consideraturos se, si liceat per ea  
consilio Sequestrium auscultare,  
& tum, quæ de transitu postu-  
landa essent, perendie consignata  
tra-



tradituros esse. Digressis Christianopolim Sequestribus, Commissarios Suecorum iterum anceps deliberatio tenuit: cum & plurimum mirarentur, rem nunquam disertis verbis tam aperte jactatam, sed utraque ex parte prudenter declinatam, de jure Oresuntico, nunc à Danis tempore maxime alieno, tam importuno inculcari; & consilio Mediatorum non obtemperare, suo pudori arduum existimarent. Petita deinde & accepta prolatae consultationis veniâ, tertio Martij die,<sup>3. Martij.</sup> per Gustauum Bielcke & Israëlem Israëlis Lagerfeldium significarunt „ Mediatoribus: Reginae Regnoq; „ Sueciae, tum aliis nationibus, „ intolerabile esse omnino illud „ jus, quod Dani in transeuntes „ sibi vindicant. igitur, si trans- „ mitteretur silentio hæc res, veluti „ abdicato jure suo nihil habitu- „ ros Suecos, nisi quod Rex „ Daniae, quasi per beneficium

„ indulgeret. ita securitate ipsis  
„ omni adempta , fieri posse , vt  
„ ex leui causa ad eundem im-  
„ pingatur lapidem ; dilato scili-  
„ cet non sublato bello. Demon-  
strabatur etiam Sequestribus , Re-  
ginæ consilium immobile ; quæ  
bellum profecto continuare, quam  
talem seruire seruitutem mallet.  
Thuillerius , his cognitis , de-  
plorabat nouam controuersiam ;  
neque se videre spem pacis reli-  
quam , aiebat : deliberaturum se  
tamen & sententiam suam Suecis  
ostensurum esse. Legati Hollan-  
dici , proniores huic causæ , nul-  
lo modo tolerandum ius à Danis  
affectatum , omnique Reipublicæ  
aduersum , jam olim à Cæsare  
Carolo & Philippo II. Rege Hispa-  
niarum , tum à Fœderatis Belgij  
Ordinibus hætenus oppugnatum,  
declarabant : futurum enim , nisi  
nunc infringatur , vt in meliore  
Danorum fortuna minus impe-  
trari queat. Eadem postea in Col-  
legæ

legæ Wittenij hospitio repetentes,  
Suecis confirmarunt : contradici  
prorsus oportere, seque ex fœdere  
cum Suecis ad aperiendum fre-  
tum Oresunticum conaturos, re-  
ditum Collegarum Bickeri & Sta-  
nenissii è Patria desiderare, vt &  
noua mandata, quibus cum  
Suecis facere juberentur. cum  
subinde Suecorum Commissariis,  
via inter Soederacram & Christia-  
nopolim mediâ, Kappetorpij,  
Sequestres occurrissent, Thuille-  
rius retulit: Danos, postquam,  
cognouissent, quo loco nego-  
tium esset, respondisse; quan-  
doquidem nihil Sueci in me-  
dium attulissent, & bello ta-  
men causam dedisse putarentur  
vexationes Oresunticæ, inde  
æquum esse incipi negotiatio-  
nem pacis, si disquireretur,  
utrum cum Suecis in freto juxta  
formulam pactorum, an per  
inurias, actum sit. Interroga-  
bat ergo, an placeret, hanc ra-  
tio-



tionem tractandi negotii admit-  
tere ? Deplorabant Suecorum  
Commissarij tergiuersationem  
Danorum , cum Sequestrium il-  
lusione conjunctam ; quippe vim  
„ Suecis in Oresunda factam pu-  
„ blicè nosci , nullaue disputa-  
„ tione tolli posse ; pactorum ,  
„ quæ sanctè à Suecis habita , vio-  
„ lata à Danis essent , auctori-  
„ tem parum tempestiuè nunc ja-  
„ ctari , multo minus inde pacem  
„ incipi posse : cum præsertim Da-  
„ norum actiones cum pactis col-  
„ læ satis ostendant , nihil mi-  
„ nus ipsis quam pactorum re-  
„ ligionem cordi fuisse. Omisso  
igitur hoc consilio , Sequestres  
petebant , duo postrema scripta  
aboleri , retentis prioribus , quod  
Sueci nimirum initio proposue-  
rant , ac Dani tum responderant.  
Sueci motam à Danis postremo  
scripto controuersiam , indefini-  
tam transmitti non posse , testa-  
bantur : ne Dani silentium pro-  
con-

consensu & juris optimi jactura  
interpretentur. Tum Hollandici  
Legati, ultro fassi, jus Danis af-  
fectatum, cum præjudicio omni-  
um Regum & Rerumpublicarum  
commerciis ac transitu utentium  
conjunctum, omnino circum-  
scribi oportere, rogabant tamen  
vt consignarentur aliqua, redi-  
mendi temporis ergo, de qui-  
bus Sequestres tractare possent. Ex-  
cerpta sunt ergo ex priore scripto  
aliqua, & Sequestribus tradita:  
non subscriptis tamen Commissa-  
riorum nominibus. Interjectis  
aliquot diebus reuecti ad Suecos  
Sequestres, se, perlectis, quæ  
tradita erant, primum caput, af-  
fectato juri Danico oppositum re-  
posuisse ad tempus dicebant, ejus-  
que rei veniam haud grauati con-  
cedi sibi postulabant: cum non ad  
Suecos magis, quam ad Regem  
Galliæ & Ordines Fœderati Bel-  
gij illa res pertineat, in qua Se-  
questrium officio rite defungi,  
T s                      parum

parum ipsis integrum foret. Re-  
,, sponsum à Suecis, sibi quoque  
,, in animo fuisse, declinare illam  
,, de jure Regis Daniæ controuer-  
,, siam, verum quia à Danis tam  
,, insolenter mota, tam vehementer  
,, exaggerata sit, cum maximo  
,, præjudicio aduersum omnes  
,, Reges, Respublicas, Urbes ne-  
,, gotiatione utentes, committere  
,, se non posse, quin vel tollatur,  
,, vel minimum determinetur.  
Neque negabant Sequestres, ac-  
cidendum esse jus illud Danicum  
& circumscribendum: sed præter-  
quam quod à principio statim  
hanc litem mouere non potue-  
runt, sicut antea ostensum est,  
consultius etiam putabant, in  
contextu negotij, ex occasione &  
aliis rebus jam compositis, istud  
fieri. In quo Sueci, etiam si nullam  
pacis spem affulgere putarent,  
Sequestribus concedere statue-  
runt. Interrogati porro Seque-  
stres de articulis, quibus liber  
tran-

transitus postulabatur, indefinite omnibus Suedicis mercibus, per fretum Oresundicum importandis aut exportandis, quantum ad Sueciam, Finlandiam, Esthoniā, Liunioniam, Ingriam, Pomerniam, Megapolim attinet, retulerunt, Danos discrimen mercium constituere, quarum aliarum libertate immunis transitus semper gavissæ, aliarum ex impetrato peculiari consensu transuectæ essent. cuius generis nominabantur externi portus, & quæ ad militarem apparatus spectarent. deinde non negari à Danis, Sueciam cum Finlandia ex pacto immunes; sed ostendi, non eandem rationem esse reliquarum provinciarum, quibus pacta nihil largiuntur: cum earum nonnullæ posterius occupatæ, quædam per inducias, aut clientelas annexæ sint. Sueci, cum præmississent non eandem rationem esse liberi transitus per Oresundam; & vectigalium immunitatis, quam ista regna reciprocant, exposuerunt

ube-

uberius, quæ ad peregrinos potus attinent: de iis non alia exceptione in pactis caueri, quam ut regno inuektorum & venditorum nomine, id vectigalis pendatur, quod ciues & incolæ regni solent pendere. Transitum autem in freto Oresuntico vi pactorum & veteris usu consuetudinis immunem fuisse, donec ante biennium Dani per eiusmodi callidas interpretationes, aliaque hostilia cœpta pacem turbassent, & quod jure debebatur, precarium facere constituerent. Idem circa merces militares & apparatus bellicum euenisse, demonstrabatur. Nam pristinis temporibus nihil mercium bellicarum regno exportatum; sed potius necessaria literis saluum præstantibus transitum, ad Suecos singillatim conducta sunt: Donec Rex Carolus IX. opificia & quas vocant, manufacturas instituit, neque tamen propter turbas Regni confirmare potuit. Gu-  
stauius



stauus postea Adolphus Magnus eo rem perduxit, vt quæ olim foris pretio comparabantur, eorum magnus modus Sueciâ venum exportari posset. Quoniam autem per Oresundam raro emittebantur instrumenta militaria, priores Reges operæ pretium se facturos haud existimauerunt, si de ea re controuersiam mouerent potius, quam per literas facultatem transducendi postularent. Regina quoque, cum jam vt merces coepissent exportari arma & bellici apparatus, patiebatur sane, Regis Daniæ veniam & literas expeti. Sed moto semel bello, recuperanda libertas, jusque à DEO & natura concessum, obtinendum videbatur. Quantum ad prouincias atinet, quas Dani volebant excipi, Esthonia octogesimum jam ultra annum sub Succorum ditione acquieuerat: Liunia jure belli tenebatur, eodem seruanda, donec aliter cum Polonis con-



conueniret. Ingriam non minus corpori Regni Suedici insertam, quam Uplandiam, haberi fas erat. Pomeranos & Megapolitanos eo magis sibi tuendos credebant Sueci, quo constaret certius, nullam eos ob aliam causam hactenus vexari, quam quia Suedicis opibus protegerentur. Flexerunt hinc sermonem Sequestres ad id, quo inquire in naues mercesque Sueticas, ullamque iis moram obiici, omnino nolebant Sueci; existimaruntque posse rationem excogitari, qua nationes saltem aliæ sub Suecorum nomine & aplustribus, transitus immunitatem potiri vetarentur. Quibus occurrerunt Sueci: se nec inuidere cæteris nationibus liberum transitum; nec propter eas onerari velle. Instanti tamen Thuillèrio spes facta, congressu proximo, re interim consultata, de remedio actum iri. Considerata sunt illo die & alia, quæ minus habitura

tura difficultatis videbantur, si de reliquis conuenisset. Paulò ante uenerat Christianopolim legatus Ducis Holsatiæ Gottorpio, Claudius Qyvale, unde missis ad Suecorum Commissarios literis Principis, fide muneris sui facta, admitti postulauit. Auditus, querelam instituit de molestiis & incommodis, quibus dux Holsatiæ propter impressionem, à Torstensonio factam, inuolutus esset; Inde remedium petiit, præsertim autem, ut liberaretur tributo 60000. imperialium numerorum, quos Helmoldus Wrangelius flagitabat: cum Torstensonius persolutis, quæ ante exacta erant, plenam in posterum immunitatem, consignatis literis promiserit. De cetero, commendabat Principis sui commoda, utque in negotiatione pacis eorum ratio amice haberetur, expetebat. Denique Sangershusam desiderabat Duci Holsatiæ restitui, pignoris loco

loco ab Electore Saxone olim traditam , interceptis bello jam per aliquot annos cum sorte usuris. Responderunt Sueci : nihil quidem sibi de his rebus mandatum; quia tamen haud ignota essent , de quibus Legatus egerat, non celaturos se animi sui sententiam. Et belli quidem Suecis extorti causas minime in obscuro esse; quod autem inde ad Principem amicum, cuius terræ hostilibus permixtæ sunt , aliqua incommoda peruenierint ; vicino imputari debere : cum satis constet , bella non ita geri posse , quin corripiant circumposita , & cum noxiis innocentes inuoluant. Quæ de remedio & tributo allata sint , ad Reginam referri fas esse. In pacis negotio nihil omissum iri , quod ad commoda Principis pertineret. Sangershusam armis non Holsatiæ Duci , sed Electori Saxoni ademptam jure belli obtineri, idcirco manente bello à Regina repeti

repeti non posse, sed aut solutionem nominum, quam desideraret Princeps, ab Electore flagitandam, aut finem belli expectandum. Quod superest, Regnam Sueciæ, Principi Consanguineo omnia fausta & amica cupere. Hæc se in vicem consilij respondisse, addebant; relaturos ad Reginam omnia: cum præsertim Christianopoli subsistere, atque negotij exitum opperiri Legatus constituisset. At ille, gratijs actis, cum literas ad Reginam insuper dedisset, pransus cum Commissarijs, Christianopolin redijt. Non tamen destitit postea vrgere negotium, & exhibita pactione (3. Junij 1644.) contendere, vt Cancellarius interea, dum Reginæ literæ expectantur, Helmoldum Wrangelium de remittendis tributis moneret. Gratificatus est hætenus Legato Cancellarius, vt Helmoldo sub finem Martij significaret,

U

par-



parcendum esse Principis amici  
terris rebusque, quantum ratio  
belli & militum conseruatio pa-  
teretur. hæc enim cautio, quam-  
uis Legato omittenda videretur,  
abesse non poterat. Sed redeun-  
dum est ad labores Sequestrium;  
qui cum Danis ista fere egerant:  
vini ac peregrini, potus immu-  
nitatem concedebant Dani. in-  
strumentis militaribus petendum  
literis transitum, minime dene-  
gandum, quotiens opus esset,  
ajebant: laudantes pactum anni  
1624. Monentibus autem Media-  
toribus, frustra ad pacta prouo-  
cari inter arma; neque minus in-  
strumenta belli & apparatus mi-  
litarem genus mercis esse, quam  
reliqua quibus immunitas debe-  
tur; non ademerunt denique  
omnem spem consequendi, quod  
peteretur. De prouinciis acrius  
disputatum; Danis ita interpre-  
tantibus desideria Suecorum, qua-  
si in suas terras ciuesque omnia  
per;

pertrahere commercia, Regno autem Daniæ exitiabile hinc detrimentum moliri, agitent. Circa Pomeranos & Megapolitanos inprimis dubitatum: quos Sueci impensius sibi tuendos judicabant, suis hætenus præfidijs defensos; suo patrocinio ex fœdere Gustavi Magni cum Ducibus earum terrarum iſto, commendatos; & propterea diminutione pristinae immunitatis, à Danis mulctatos. Ex omnibus tamen difficillimum tractatu videbatur, quod Dani instantissime flagitabant, de Certificationibus, quas vocant, effecturis scilicet, ne sub nomine Suedico totus orbis libero frueretur immunique transitu. Rogabantur ergo Succii, ut responderent, quod referri posset Danis, semper conquerentibus: „Sequestres multa quidem ab illis postulare, nullam autem inuicem gratificari gratiam. Cancellarius Oxenstierna, postquam



diligentiæ Mediatorum gratias  
egisset, & de Commissarijs Dani-  
cis, in re facili moras nectenti-  
bus, atque adeo spem majora  
componendi pæne adimentibus,  
conquestus esset, declarauit ite-  
rum: quomodo circa peregri-  
nos potius formula pactorum  
per alienam interpretationem  
clusa, neque moris consueti-  
ratio habita esset. quod subin-  
de jactetur, propter tributa in  
Suecia exigenda solita vestigal vi-  
nis Suedicis in Oresunda ante  
biennium impositum, id ultro  
refelli literis Danorum ad Sena-  
tores Regni Suedici exaratis;  
quæ Mediatoribus suggereban-  
tur. Armis & instrumento mi-  
litari, vt & prouincijs, eadem  
postulari, quæ ab initio. At  
in distinguendis mercibus Suc-  
dicis ab aliarum nationum bo-  
nis, nullum suppetere consilium,  
quo non perturbentur com-  
mercia, nouisque tricus mate-  
rics

„ries præbeatur , vnde expediri  
„hand minus ægre olim , quam  
„nunc liceat. cumq; non agnosci  
„queat vllum Regis Daniæ jus;  
„exigendi à transeuntibus vesti-  
„gal , itaque vnici loco reme-  
„dij fore aduersum metus futuri  
„temporis , si traditam à majori-  
„bus ditionem æqui bonique  
„consulat, neque ampliora con-  
„cupiscat. Quo in locó non desine-  
„bant Sequestres desiderare , ne  
„alij Succis quantum ad immu-  
„nem transitum, æquarentur. Mo-  
„nuitque Thuilleries, æquitati con-  
„sentaneum esse , ne Sueci , si suis  
„prouincijs omnibus , quod pete-  
„batur , impetrarent , pro alienis  
„tantopere niterentur. eo maius  
„incrementum hinc vtique com-  
„mercijs Suedicis promitti , quo  
„magis immunitate ceteros ante-  
„starent. Id sicut non abnuent  
„Cancellarius , ita non inuidere  
„se alijs , præsertim amicis & fœ-  
„deratis eandem fortunam , testa-  
„batur.

batur. Conuersusque ad Lega-  
,,tos Hollandicos, videtis, inquit,  
,,quæ nobis offerantur : quod si  
,,nostris tantum commodis stu-  
,,dere animus esset , queri non  
,,possetis, vos præteritos esse. sed  
,,optamus, vos eadem libertate  
,,potiri : nisi seruitus isthæc po-  
,,tius vobis cordi est. Tunc illi  
non continuerunt se, quin erum-  
perent in verba studio partium  
imbuta : præsertim Wittenius. In-  
terrogauit ergo, non sine stoma-  
,,cho Thuillerius : an hoc esset  
,,Sequestrium partes implere ? In  
hoc congressu, cum iterum ius  
Danicum in Oresunda affecta-  
tum attingeretur, Sequestres,  
commodius à se tempus expecta-  
ri ostenderunt ; cum hætenus  
illuc perueniri non potuerit, fa-  
tisque animaduernerint, Regem  
Daniæ malle bello conflictari, &  
vel vltima experiri, quam illo ju-  
re cedere ; Jbi tum Suecorum  
Commissarij citra ambages testati  
non

non posse indefinitam prætermitti hanc litem, sibi quoque nunc potius quam aliâs; si armis agi placeat, bellum eligendum, ostenderunt. Digressis reliquis, Thuilleries cum Suecorum Commissarijs Soederacram pernoctatum venit, quod paulò antè perlata erant noua è Suecia mandata, de impugnando jure Regis Daniæ; Quibus perlectis Cancellarius post<sup>14. Mart.</sup>ridie apud Legatum Gallicum antequam discederet, grauissima oratione questus, Danorum animum à pace alienum, & scripti virulenti acerbicatem, tali negotio, talibus viris indignam: cum causas belli necessarij breuiter perstrinxisset, incommoda Danis hætenus illata, cum magnificis eorum verbis de jure Orsuntico contulit: & quam non deceret præscribere leges, flagitare restitutionem amissorum, ante compositam litem primariam, demonstrauit. neque, afferri ista ja-

stanter; sed ut considerarent tandem Dani, quo loco res ipsorum sitæ essent, simulque meminissent, quomodo antehac in negotiatione pacis apud limites regnorum instituta Succos tractassent, quibus vix nomen restitutionis licebat usurpare, donec præcipuam litem, quamvis bonis rationibus nixam, ipsis largirentur. Succos ab initio hujus negotiationis satis habuisse, si suis tantum ciuibus caueretur: postquam autem tam superbe litem de supremo jure mouere cœperint Dani, nullam nisi eo sublato securitatem Succis relinqui. Qua occasione ingressus in sermonem, super illa securitate constituenda, qua fundari pacem oporteret, injecta mentione de freto Oresuntico partiendo; memorauit deinde domo submissa mandata, quibus contradicere Danico isti juri juberentur: atque si porro abnuant Dani, simpliciter atque dis-

ser-



fertis verbis respondere, Calmar-  
riam abituros Commissarios, de-  
nunciauit. Perturbatus valde his  
verbis Thuillerius, interposita  
mora, postridie se cum reliquis  
Mediatoribus Kappetorpij occur-  
surum Suecis, vt amplius consulta-  
retur, promisit. Quod cum factum  
esset, die Martij quinto decimo  
Thuillerius repetito sermone Sue-  
dicorum Commissariorum, diffi-  
cultates, quibus obsepta esset abdi-  
catio juris Danici, quippe cum  
summo Regis dedecore conjun-  
cta exaggerauit, atque vt in ali-  
um saltem locum differretur ea  
quæstio, contendit. quod si enim  
in fatis sit, negotiationem pacis  
abrumpi, tolerabilius fore, si in  
articulo securitatis id accideret.  
„Dicebatur contra: Quandoqui-  
„dem declinatam Suecis quæsti-  
„onem Dani ultro mouissent,  
„dum postulatis eorum nihil ali-  
„ud quam Regis sui jus oppo-  
„nunt, absque quo conuulso ni-

U

s

hil

„hil ſpei Suecis ſuperſſe. me-  
„lius proſecto in hac cauſſa pacis  
„commercia abrumpi, vbi totus  
„orbis cum Regina ſentiat aduer-  
„ſus Danos in præjudicium  
„omnium nationum poſtulan-  
„tes, quod non debetur. Non  
abſtitit tamen Thuillerius, quin  
pereret, quod cœperat: atque in-  
ter multos ſermoēs, poſtquam  
non mirari ſe dixiſſet, quod Re-  
gina cautionem non verbis, ſed  
rebus nixam, quia pacta non va-  
luiffent, deſideraret, de Orefun-  
dæ partitione & Helsingburgo reti-  
nendo quædam dubitanter jecit.  
Vno ore denique Sequeſtres, ne  
dubitarent Sueci, diſputationem  
de immuni tranſitu, agitari cœ-  
ptam, præferre alijs rebus, rogita-  
bant. Suecorum Commiſſarij,  
cum ad deliberandum, quod fa-  
ctu optimum eſſet, ſeceſſiſſent,  
magnopere à ſe cottidiana quo-  
dammodo Reginæ mandata in  
re tam ardua deſiderari debere,  
anim-

animaduvertebant. Quoniam autem omnino Mediatoribus gratificandum esse videbatur; simul etiam Fœderatorum Ordinum sententia atq; de successibus Torstensonij certiora propediem expectabantur; neque occasio deinceps abesse poterat aduersum illud jus Oresunticum disputandi, si spes pacis intercidisset; itaque responsum est in hanc sententiam: decretum sane Suecorum Commissarijs fuisse, nullam amplius negotiationem pacis admittere, antequam Rex Daniæ, iuri, quod iactaretur renuntiasset, neque satis apparere, quomodo excusari apud Reginam mutatus ordo queat: instantibus tamen Sequestribus hactenus obsecundari, vt dilato iure Oresuntico in articulum securitatis, interea de libero immunitique transitu pertractetur. prorsus enim reseruata intelligi debere illam questionem, si prius

BELLI SVECO-DANICI

„prius constiterit , quid Dani re-  
 „sarciendis damnis offerre decre-  
 „uerint. Ita tum discessum est.  
 Hoc ipso autem die Johannes Skyt-  
 tius è Legatione Suedicâ senio po-  
 tius quam notabili morbo inde à  
 primo apud Brömsebroam con-  
 gressu languens , fato functus est.  
 quem virum suâ industria, doctri-  
 narum studijs non parum adiuta,  
 Regis Gustavi Adolphi Magni fa-  
 uori apprimè commendauerat, &  
 ad Senatoriam dignitatem , quæ  
 præcipui decoris est , prouexerat.  
 Legatus bis in Angliam iuit; ma-  
 gnamque muneris præclarè obiti  
 laudem retulit. multa præterea  
 in Regno & magna negotia fidei  
 ipsius & prudentiæ commissa  
 sunt. in quorum tractatu gloriam  
 nominis sui vel impleuit semper  
 vel adauxit. In Academia Vbsa-  
 liensi, cui Cancellarius, siue sum-  
 morum priuilegiarum custos &  
 conseruator datus erat, illustre  
 monumentum suæ liberalitatis  
 indul-



indulgentē Rege, extare voluit, Professorem præter Regios, Elo-  
quentiæ & Ciuilis prudentiæ, Skyttiano nomine & stipendio in  
perpetuum gauisurum. In lo-  
cum tanti viri submissus postea  
domo est Thuro Sparrius : Se-  
questribus etiam desiderantibus,  
expleri numerum, aut nouas Re-  
ginæ literas impetrari, quibus  
trium Commissariorum negotia-  
tioni, eadem quæ antea quator  
Legatorum Collegio inerat, aucto-  
ritas constitueretur. Ceterum Se-  
questres, disceptatis diligenter,  
quæ cum Danorum Commissarijs  
tractanda susceperant, ad Suecos  
reuerſi, de singulis ad propoſi-  
tum caput controuersiæ spectan-  
tibus, quid impetrari posset, osten-  
derunt. Finlandiæ, Ingriæ, Estho-  
niæ ciuibus concedebatur plena <sup>19. & 22.</sup> *Marrj.*  
immunitas, si Danis reciprocum  
jus illis in locis decerneretur. Id  
alienum existimabant Sueci, qui  
ciuium suorum immunitatem,  
non

# BELLI SVECO-DANICI

non pactis tantum (quanquam & illa in hoc negotio nil nisi jus gentium declararent) sed imprimis naturæ & gentium jure fundabant. Pro Liuonia quoque jure belli & pactione induciarum possessa, & deinceps citra arbitrium aliorum possidenda, quæ postularentur, non beneficij, sed juris eiusdem nomine præscribi, confirmabant. Nec minus Pomeranis & Megapolitanis, Wismaricis imprimis, (de Rostochiensibus enim nullus sermo erat) gentium jure vindicabatur, quod Dani pactis peculiariibus metiri malebant. Illa enim pacta suam vim amiserant, ex quo Dani ante aliquot annos, eos vexare, ac pro hostibus habere cœperant, interdicto in Oresunda & mari Balthico negotiationis usu, captis etiam per naues stationarias, illorum mercibus nauigiisque. cuius generis multa acciderant, antequam Sueci & Dani



Dani hoc bello implicarentur :  
vt caussa eius acerbitatis non pos-  
set in aliam rem conferri, quàm  
quod Pomerania & Megapolis  
præsidijs Suedicis protegerentur.  
id quod ex ipsis Danorum literis  
responsisque docebatur. priuile-  
gia, quæ offerebantur, cum  
Hanseaticis Ciuitatibus commu-  
nia, antebellum poterant locum  
habere : nunc alia rerum facies  
erat. De illis autem, quæ Po-  
merani & Megapolitani in Da-  
nia & Noruegia possent sibi vin-  
dicare, sicut non contendend-  
um sibi Sueci existimabant,  
quin ad pactorum formulam exi-  
gerentur, ita, quæ natura & fas  
gentium, non minus ijs quàm  
alijs tribueret, nolebant dimitte-  
re. Et meruerat egregia fides,  
quam per bella Germanica Po-  
merani Suecis approbauerant, vt  
ipsorum desideria subleuarentur:  
aderatque missus eo nomine à  
Pomerania Pascouius; qui anno  
demum

# BELLI SVECO-DANICI

demum c1012cxxxviii post obitum Ducis , jura Pomeranorum in dubium vocata , & quæ ex eo tempore propter Suecorum amicitiam passi sunt , commemorabat , atque Commissariorum patrocínio hanc causam summo-  
pere commendabat. Bellica instrumenta in genere mercium exportandarum comprehendí patiebantur Dani : si modo iis , quæ importarentur in mare Balthicum , venia à Rege peteretur. Non tulerunt Sueci , reservari hoc pacto Danis jus , quod in merces bellicas sibi arrogauerant. Circa distinguendas aliqua literarum nauticarum significatione merces Suedicas & peregrinas , hæsitatum est: cum Sueci satis equidem non præviderent modo , sed prædicerent , quantum mercatores pro suo quæstu aduersus commoda Regis Daniæ annixuri essent , si in posterum non mitius cum peregrinis in Oresunda ,  
quam

quàm hætenus factum erat, ageretur. Id tamen periculum, ut suo juri paterentur fraudi esse, induci non poterant ex tempore; sed deliberaturos se, si qua ex cogitari possent, profitebantur. Hæc duobus congressibus acta, spem paciscendi de transitu Oresuntico haud paulo minus dubitabilem reddiderunt. Quippe Torstensonij victoria Janconiensis, tum Königsmarckij & Helmoldi Wrangelij successus in agro Bre-  
mensi Holsatiaque, de quibus antea dictum, haud parva fuerunt Danis & Thuillerio incitamenta, ut hoc ipso mense Martio tota lis *26. Mart.* de nauibus mercibusque componeretur. cum præsertim è Belgio etiam nuntiaretur, Ordines de jungendis cum Sueciæ Regina armis agitare, Hollandis ac Westfrisijs decernentibus. Conuenit ergo, sicuti formula pactio-  
nis late per singula exhibet; omnibus Sueciæ, Finlandiæ, In-  
gria,

BELLI SVECO-DANICI

griæ, Esthoniæ, Liuoniæ ciuibus, magistris nauium, exercitoribus, nautis, itemque mercibus, nullo genere excepto, etiam armis & bellicis instrumentis, liberum per maria Oresunticum & Balticum transitum, cum immunitate vectigalis, more antiquo in posterum factum testum esse conseruandum; abrogatâ omni detentione, inquisitione, aut quacunque molestia. Atque ne deinceps è literis naualibus, quas Certificationes appellant, controuersia resurgeret, certa formula pactis inserta est, qua tum Suedicis mercibus onustæ naues, tum quæ partim Suedicas partim alienas portarent instrui deberent. Descriptum etiam, quid in occurſu mutuo aut apud castella Oresuntica, & Nyborgi à nauibus exigendum; sicuti &, quid in copijs militaribus per fretum Oresunticum nauigantibus tenendum sit. Albis Gothicus ad  
fines

fines Noruegiæ & Westrogothiæ, repurgato aluco, pristinam libertatem recepit. vectigal Rudense sublatum; nec minus Glückstadense, quantum ad Succos attinet, omissum. Immunitas mercantium, quam in Suecia Dani & Noruegi, in Dania & Noruegia Sueci antiquitus habebant, saluo jure immunitatis Suedicæ in Oresunda, abrogata est, ne litium materies subinde existeret. Pomeranis, & Wismaricæ restitutione jus antiquum, pactione Othoniensi descriptum. Ut ha-  
(1560.)  
cenus proficeret negotiatio pacis; victoria Janouensis, ut ante cœpimus dicere, haud parum profuit. Non omittenda igitur videtur quædam eius rei commemoratio. Torstensonius ubi animaduertit, Cæsareos in Bohemia, quo se etiam exiles reliquæ conclusionis Bernburgensis & Magdeburgensis, quæ maximæ instar cladis fuit, receperant, vires,



BELLI SVECO-DANICI

& bellum restaurare; illuc sibi quoque sine morâ contendendum existimavit. Nam si impediri non liceret coitiones hostilium copiarum, Ragozio tamen animum addi, Gallorum desiderio de communibus propositis morem geri, tum translatis in Cæsaris patrimonium armis, consilia pacificationis Os-  
nabrugensis maturari, Pomeranis denique & Megapolitanis ditionibus securitatem præstari, cernebat. Et hostis quidem ad reparandam fortunam, nihil sibi ad summam industriam & festinationem reliqui fecerat. Hazfeldius, qui summæ rerum præesset, lectus; Gœzius ex Hungaria accitus; Werdanus cum Bauaricis copijs adesse iussus. his, ut in Torstensonium irent, & postquam ultro ipsum aduentare cognitum est, prælio configerent, mandatum. Præstabant numero equitatus: pediatu Torstensonio pares. qui pugnam sibi minime detrectandam  
ratus

ratus, itinere varie commutato,  
locum & tempus dimicandi  
aptum, quasi aduersus insequen-  
tes quæsiuit. sed dum hostes eodem  
consilio vtuntur, moram ali-  
quam necesse fuit interuenire:  
donec diē festo memoriæ S. Mat- <sup>(24. Febr.)</sup>  
thiæ dicato, apud Jancouiam,  
locis propter colles & sylvas ma-  
xime inæqualibus, adeoque va-  
rios casus recipientibus, toto die  
acerrime concursus est. Ingenti  
denique clade prostratis hosti-  
bus, occiso Gōzio, Hazfeldio  
& magnis ducibus alijs captis,  
tormentis cum omni instrumen-  
to castrensi in ditionem redactis,  
(nam impedimenta ante certamen  
in locum tutiorem translata erant)  
victoribus Austria patuit, magno-  
rumque ad summam belli con-  
siliiorum & profectuum occasio  
nata est. Sicut non leuibus indi-  
cijs fateri possunt, pressus serui-  
tute Danubius, tentata Imperij  
claustra, terror ad portas Viennæ  
pro-

BELLI SVECO-DANICI

prolatus. In postrema hac de septem majoribus, ab initio Sue-  
dicorum in Germania armorum  
pugnatis pugnis, Cæsareis inter  
multos rectores incertum regimen,  
& dum plures imperare cupiunt,  
artes ducis defuere. parum certe  
aut nihil arbitrio Hazfeldij, cui  
ob insignem militarem famam,  
ceteri parere jussi erant, actum est.  
At apud Suecos Torstensonius,  
maximis quibusque omnis æui  
ducibus comparandus, prouisu,  
dispositione, omnique imperato-  
ria virtute in tantum illo die in-  
ualuit, vt promptiora omnia suc-  
cessori tradere potuerit, si tum  
missionem impetrasset. Cum  
enim crebra valetudine debilita-  
tus, pæne defectum robur artuum,  
sola firmitudine animi sustineret,  
sæpe in alium transferri imposi-  
tam suis humeris molem petijt:  
sed tunc iterum in annum se-  
quentem, datus est. Videbat  
Succia, quantum huius viri ope  
pro-

profecisset: qui à puero bellis primum Liuonicis innutritus, Gustauum Adolphum Magnum, magistrum per omnia clarissimæ indolis, & subinde testem habuit; si testimonium potius, quam diuinationi dici debet, quando ducis perfecti munia hunc è paucis obiturum, prædixerat. Cuius rei fidem non attinet per cetera militarium officiorum operumque decora affirmare, si tempus illud agitemus, quo domi jam quodammodo ad quietem valetudini curandæ necessariam compositus, illustrissimo duci Banerio successor expetitus est. Ejecta erant passim locis opportunis, præsertim per Saxoniam, Suecorum præsidia: Silesiâ amisâ, ne Görlicium quidem in Lusatia, singularis Wanckii in propugnando virtus tenuerat: Guelferbyti obsidio, & mox tœderatorum vires, solutæ: apud exercitum duces dissidio, milites querelis, hostilibus insidiis op-

X

por-

(1641.)

portuna omnia fecerant. Hunc rerum statum Torstensonius summo cum imperio missus, in melius vertit: redditaque exercitui disciplina, terrorem, fugam, vulnera, quaque incederet, in hostem tulit. Inter plurima, quæ ab hoste recepit, Glogouia, situ, opere, præsidio, munitissimæ urbis, expugnatio, vnius & alterius horæ opus, & in cetera belli, subsidium est. Sueinício pari celeritate domito, princeps Lauenburgicus, sera auxilia, egregiam militum manum, in manus victoris, captiuus ipse, intulit. Vix tertius agebatur mensis, cum Silesia fere omnis vi metuque subacta est. Promoto in Morauiam bello, Olomucium caput rerum, intra paucos dies cum tanto belli instructu apparatuque in potestate fuit, ut irreparabilem causam hostis ultro fateretur. Ut resurgeret interim noua in Suecos belli moles, tum cætera strenue



nuc administrata sunt, tum Archi-Dux Leopoldus Guilielmus delectus est, qui auctoritatem aulæ & dignationem Cæsaris ad exercitum ferret. cuius ductu post res ytrinque fortiter gestas, ventum est ad fatales Lipsiæ campos, & cruentum illum nomini Germanico diem, quo Torstenso-  
(1642.)  
nius, nobilissimum Cæsaris exercitum, non sine magno labore atque discrimine profligavit; omnique præda cum ducentis circiter signis potitus, ea deinde gessit, quæ alijs locis retulimus. Expedita vero in consilijs capiendis dexteritas, in exequendis dispositio, erat. Ingenijs quæ magnarum rerum administrationi adhiberet, eligendis & conciliandis, sine vlla nationis aut conditionis æmulatione, candore benivolentissimo studebat; satis gnarus, frustra salubriter summam rerum destinari, nisi prospectum fuerit, ne partes labent. Militi-

bus & præfectis, carum juxta & venerandum eius nomen facile obtinuit, ut quamvis ardua, non sine profundo tamen consilio aggressum, nunquam ægre sequerentur; quinimo testimonium eius certarent mereri, haud dubio compendij aut honoris vel statim in castris representando, vel si maius operæ pretium esset, apud Reginam impetrando, præmio. Comes aderat & humanitas, & moris etiam aulici elegantia, qualis in ijs laudari solet, quorum omne in civili cultu studium versatur. Expleto imperij militaris summi quinquennio, in quod fortuna publica multas magnasque rerum vices contulit, domi Senatorium decus, aliaque honorum & munerum, insignibus itidem meritis illustravit: ut merito omnem memoriæ & nomini eius honorem habere debeant, qui vel intelligunt, quousque virtus summa progredi possit,

possit, vel, quæ publicæ in Suecia rei momenta & incrementa, quibus temporum articulis conferantur, æstimant. Verum, vt ad negotiationem pacis reuertamur, confectis de nauigatione & transitu, quæ dixi, longe maior restabat moles in securitate paci constituenda, & cautione de non amplius turbando formanda. Hic durissimus totius negotij nodus erat: Igitur res non vnas moras traxit. cum præsertim Hollandiæ quoque Legati noua domo mandata expectarent: & Mediatores postulatis Succicis parum fauerent. Absque hoc autem si esset, frustra de ceteris conueniri, exemplis priorum temporum Succii demonstratum ibant. Quid enim aliud nunc concessisse Danos, quam libertatem commerciorum, tot passionibus jam olim debitam? Transactioni Stetinensi anno 1541. MDLXX. firmatæ, successisse 1613.

„ complures alias , quarum ta-  
 „ men semper conuulsa à Danis  
 „ authoritas sit. Igitur Reginam,  
 „ tot maiorum suorum pericu-  
 „ lis admonitam , securitati  
 „ suæ merito consultum cupe-  
 „ re. Merces Suedicas magnam  
 „ partem in Danorum nauibus  
 „ versari, vnoque veluti ictu præ-  
 „ cidi posse , quando à mense  
 „ Maio in Septembrem , exigui  
 „ scilicet temporis spatio , omnes  
 „ naues Suedicæ quasi turmatim  
 „ per fretum Oresunticum trans-  
 „ eunt. exempla in propinquo  
 „ esse , non aliena modo , de  
 „ vexationibus Anglorum & Sco-  
 „ torum , Hanseaticarum ciuita-  
 „ tum , Hollandorum , aliorum-  
 1623. „ que , sed domestica ; Quando  
 1643. „ & Rex Gustauus Adolphus Ma-  
 „ gnus , & Regina Christina in-  
 „ dignis modis tractari cœperint.  
 „ Neminem utique hominem  
 „ Succum pacem suadere posse  
 „ charta & atramento nixam , si  
 pignus

„ pignus securitatis idoneum ab-  
„ esset. Hæc cum Sequestribus non  
iniqua denique viderentur, cœ-  
pta est manus admoueri negotio, *29. Mart.*  
post trimestre tempus exitum vix  
habituro. Proponebatur primo  
restitutio Jutiæ, excepta Vensilia  
inter sinum Lithonicum & mare;  
vt in vicem Rex Daniæ, consti-  
tuto in posterum vtriusque regni  
limite, in medio freto Oresuntico,  
Scaniam, Hallandiam, Ble-  
ckingiam, Suecis jure perpetuo  
possidendas, cederet. Addebantur  
& alia stabiliendæ nauigationis  
& pacis. Quæ cum accepis-  
sent Sequestres, antequam Danos  
appellarent, de Holsatia & Bre- *31. Mart.*  
mensi ditioe restituendis interro-  
gare cœperunt. Responsum,  
„ quamuis sufficeret Jutia, Hol-  
„ satiam tamen, si pax conueni-  
„ ret, excepto Pinnebergensi Co-  
„ mitatu, addi posse. Bremen-  
„ sis agri aliam rationem esse: in-  
„ debitum Regi Daniæ patrimo-



„nium Ecclesiasticum, Regem  
„Gustauum Magnum ab hosti-  
„bus recepisse & auunculo suo  
„tradidisse: in quo se postea Regis  
„Daniæ Filius eo modo colloca-  
„uit, qui non est ignotus. re-  
„cuperatum nouissime armis  
„Suedicis, non contineri suis  
„mandatis. Nec latere Regem  
„Daniæ, quid ipse circa id genus  
„iura filiorum suorum anno  
„MDCCXXXIX statuerit. Sequestri-  
bus nimis duras sibi videri has  
conditiones, affirmantibus, vt  
ante omnia ex Danis cognosce-  
rent, quid in fidem securitatis of-  
ferretur, permissum est. Inter-  
jectis aliquot diebus, cum rediis-  
sent Sequestres, Thuillerius actor  
& interpres ceterorum exposuit:  
„Non semel Danis haftenus in-  
„dicatum, quod re non verbis  
„literisque sibi cauere vellent  
„Sueci; istos existimasse, sibi  
„potius cautione satisfacien-  
„dum: donec perspecto, nul-  
lam

8. April.

„Iam pacis spem absque cautio-  
„ne superesse, ostendi sibi pete-  
„rent, quid cautionis nomine  
„postularetur. Suadebant ergo  
Sequestres, ut de rigore condi-  
tionum, antequam ad Danos per-  
ferrentur, aliquid remittere Sue-  
ci vellent. Illi, re deliberata,  
quam non inique huic propo-  
sito insisterent, iterum testati, Se-  
questribus denuo negotium, si  
tentare placeret, quantum effici  
posset, commendarunt. Non  
erant autem valde proni Seque-  
stres ad promouendam tantam  
Suedicarum opum accensionem:  
„Itaque jam anteregesserant; Re-  
„gis Daniæ statum talibus postu-  
„latis tentari, quæ nec absque  
„Ordinum Danicorum consen-  
„su possent concedi; versari ad-  
„huc in manibus Danorum, quæ  
„peterentur, non nisi armis adi-  
„piscenda; bellum denique præ-  
„optandum videri paci, his con-  
„ditionibus redimendæ. At Sue-

ci redituros ad ingenium Danos  
rati, ut primum occasio, cui stu-  
diosius quam antea insidiaturi es-  
sent, offerretur; animum indu-  
cere non poterant, quin securi-  
tatem sui status firmioribus præ-  
sidijs firmandam existimarent.  
Hic erat animorum habitus, cum  
ad Suecos reuersi Sequestres retu-  
lerunt; Danos postquam ob ocu-  
los illis ponebatur, quantum  
periclitarentur, ultro fassos es-  
se; Suecorum armis se succum-  
bere; sed iniqua postulari, re-  
spondisse; præsertim quantum  
ad terras jure perpetuo ceden-  
das: neque enim vel Regis ar-  
bitrio id relictum, vel ab Ord-  
inibus expectandum; se certe  
nunquam assensuros pactioni,  
tantum in rem Danicam detri-  
menti illaturæ: sufficere Succis  
debere, si impensæ belli repen-  
dantur, & hypotheca interim  
constituatur. neque plura se  
in simili fortuna Suecorum,  
cum

„cum præcipuas aliquot arces  
„eorum in manibus haberent, 1613.  
exegisse; His adijcebant Seque-  
stres suum consilium: non re-  
„pudiandâ, quæ offerrentur; sic  
„enim pacem firmari non atra-  
„mento & charta, sed Danorum  
„impotentia, ex immunitate ve-  
„tigalium oritura; cum non  
„dubitetur, fore, vt exemplum  
„tale intelligant aliæ nationes  
„& sequantur. Succorum Com-  
missarij, quam diuersa compara-  
rentur, ostendebant. Anno  
enim huius seculi tertio decimo  
paucas Succorum arces obtine-  
bant Dani, nunc de integro Regis  
Daniæ statu restituendo ageba-  
tur. Ordinum Regni consensus  
non minus Suecis in re tanta, quâ  
Danis, necessarius erat. Exem-  
pla cessionis perpetuæ longe al-  
tiori repetita principio affereban-  
tur. Gothlandia, Osilia, Jem-  
tia, Hallandia, Scania, Bleckin-  
gia, Suedicæ quondam ditionis,  
ces-



cessione profecto ad Danos per-  
uenerant. Sicut non frustra hæc  
dici Sequestres animaduvertebant,  
ita prioris sui consilij rationem  
commendare non desinebant:  
donec Sueci, consultandi caus-  
sa paulum digressi, mox respon-  
derunt: Se, quamuis satis esset  
consilij in mandatis accurate  
obsequendis, Reginae tamen  
sententiam, in re tam ardua re-  
quisituros; æquum autem esse,  
vt & Danorum Commissarij Re-  
gem suum interea consulant,  
ne hærendum esset, si Regina  
consilio Sequestrium non ob-  
temperaret. Tempus quarto de-  
cimo die finitum longiores mo-  
ras traxit, sicut paulo post trade-  
mus. Sed & hæc dilatio ne-  
gotij non minimam partem Le-  
gatis Hollandicis debebatur: qui  
noua domo mandata, de com-  
muni causâ cum Succis tuenda,  
desiderari à se, significauerant.  
Missus statim Holmiam Secreta-  
rius



rius Jſraël Jſraëlis, qui Lagerfeldius deinceps erit, ob valetudi-<sup>12. April.</sup> nem Reginae, non niſi poſt initium Maij remitti potuit. Erat hæc res plena ancipitis conſultationis. Quid ſi enim Dani obfirmato animo circumſpicerent externa auxilia, placatiſque nonnullis nationibus offerrent inſulas quaſdam, aut jura ſua in portubus quibusdam; loco pignoris pro pecuniæ ſummis ingentibus; inſtaurandique belli conſilijs fortius operam darent? An tum ſpes magna & certa Suecis, Daniam cito opprimendi, manuque armata conſequendi cautionem, qualis expetitur? Jam totius perturbatio Europæ; jam vicinorum æmulatio, & oculi maligni, tum incerti bellorum euentus, qui hominum ingenia animosq; nimis mobiliter sæpe transferunt, multum conſiderationis merebantur. Ex diuerſo: an hoſti inſtrumenta ultionis concedenda? an pacis imago,

tanquam pro Junone nubes ,  
amplectenda ? & ad eundem to-  
tiens lapidem impingendum , si  
præsertim temporis , ad firman-  
dam securitatem Regni Suedici  
opportunitas , vix alias reditura ,  
quasi è manibus dimittatur ? Im-  
pensæ autem belli , quâ litis æsti-  
matione , taxandæ ? quo pignore ,  
quo tempore , quo solutionis ge-  
nere definendæ ? tum , si quæ lo-  
ca fundandæ securitati obtineri  
aut permutari possint , quæ qui-  
bus præferenda , quæ potius spe-  
randa , cis aut ultra Oresundam ,  
vel in Jutiâ vel in Holsatiâ ? Hæc  
atque talia , quamvis providentis-  
simo consilio jam pridem medi-  
tata erant ac deliberata : in ipso  
tamen articulo ardui tractatus  
non poterant non diuersas cogi-  
tationes , dubitationes , moras af-  
ferre . Domi quoque danda erat  
opera , vt ciuium Suecorum ani-  
mi , adhibitis in consilium pri-  
moribus , ac senioribus . Ord-  
inum , ex proximo imprimis , in  
omnem

omnem euentum præpararentur. Adeo nihil solidæ spei de exitu hujus negotiationis apparebat. Interea Cancellarius Oxenstierna, postquam dimissus est ad Reginam Secretarius, Legatum Gallicum literis Söderacræ datis submonuit de postulorum æquitate, litium cum Danis conditione, Danicorum promissorum fide; præsertim autem de illa descriminis mole, quam Suecia ob communem cum Gallis causam sustinebat, quamque novis periculis augeri non erat consentaneum. Rogavit subinde, ut auctoritate sui Regis & sua vteretur, in persuadendo Danis, quod jus & æquum postulat; si Regina judicauerit, sine cessione perpetua certarum terrarum neque suæ securitati, neque rei æquitati satisfieri, atque adeo consilio semel capto insisterit. Tum enim, nisi his impetratis, nullam negotiationem superesse, sed in tempora

pora magis idonea rein totam differri, prædicebat. Respondit Thuillerius, curæ sibi negotium esse: missumque jam à Commissarijs ad Regem, qui requireret, quæ ad conficienda omnia pertinerent. Calmarniam concesserant Succorum Commissarij, congressuque Sequestrium abstinabant. nisi quod Legati Hollandici familiarius ad eos inuisere non omiserunt. E quibus Gerardo scaepio Consuli Amsterdamensi & Joachimo Andreae asseuerabant Sueci, nullam securitatem sibi aut Belgis, circa moderamen vectigalis, ostendi, quicquid de immuni transitu promittatur, nisi alterum littus freti Oresuntici Danis adimatur. Illis valde probabantur, quæ ad metum futuri temporis spectabant; alterum illud, de litore Oresuntico, per modum negotiationis & tractatus obtineri posse, non videbatur. Sueci in vicem

cem demonstrabant : Reginam certe dulcibus verbis induci non posse, ut possessa, ultro restitueret. neque minus ægre huc descensum iri ; quam à Danis ad altera illa consilia. Illata hinc mentione propositi Fœderatorum Ordinum, si pax non contineretur, Legati se habere literas Ordinum, professi sunt, quibus voto Regi-  
næ & pristini fœderis formulæ satisfactum iretur ; paululum tamen adhuc differri negotium ex-  
petentes. Ea mora ne nimia es-  
set, utque mandata sufficientia domo impetrarentur, Sueci con-  
tendebant. Jactæ interim ab Hol-  
landis significationes simultatum  
aduersus Danos, Cornescium Vl-  
feldium , Legationis Danicæ  
principem , permouerunt , ut,  
cum amicis-ne an cum inimi-  
cis sibi res esset, coram paulo  
acrius requirendum judicaret. Et  
Legatis quidem Hollandicis nun-  
tius domo submissus noua con-

Y

filia



3. *May.*

388  
 filia attulerat. Wittenius igitur  
 cum Collegis Söderacræ colloca-  
 tus, à Regijs Suecorum Commis-  
 sarijs audiri postulauit. Oratio  
 „ eius talis fuit : Fœderati Ordi-  
 „ nes , postquam Serenissimæ  
 „ Reginæ consilium , superiore  
 „ anno Holmiæ propositum , af-  
 „ ferentibus Bickero & Stauenif-  
 „ sio ea caussa domum regressis ,  
 „ cognouerunt, non omittendum  
 „ putarunt, quin ex fœdere decer-  
 „ nerent sua arma & consilia cum  
 „ vestris conjungere, omnemque  
 „ pacis negotiationem vobiscum  
 „ sociare. Id vt vobis signific-  
 „ mus, depositaq; Sequestrium per-  
 „ sona ad vestras accedamus par-  
 „ tes, in mandatis habemus. Da-  
 „ nis autem iussi sumus dicere :  
 „ quandoquidem non ignotum  
 „ ipsis esset, quemadmodum Or-  
 „ dinum Belgij iura , pacta , fœ-  
 „ dera, imminui sæpe ac turbari  
 „ cœperint; igitur Ordines, qui-  
 „ bus cum Regina & Regno Sue-  
 corum

„corum amicitia est ac societas,  
„non posse non postulare, vt  
„æque Regno Sueciæ ac sibi de  
„iniurijs satisfiat; sperarique,  
„animum Danorum à re tam  
„æqua non alienum. Conduxe-  
„runt porro Ordines quinque  
„millia virorum, instruendis  
„nauta ac milite quinquaginta  
„nauibz bellicis, quæ, si non  
„æque ipsis ac Reginæ satisfaci-  
„ant Dani, Oresunticum fretum  
„ingrediantur, atque, si ita res  
„ferat, cum vestris jungant  
„vires, ad extorquendam Regi  
„Danicæ nauigationis & com-  
„merciorum libertatem. Vecti-  
„gal autem in Oresunda exigi  
„solitum, domi de nauibus mer-  
„catorijs ceperunt Ordines, Regi-  
„que Danicæ denuntiarunt: ne à  
„suis ciuibz vectigal exigeret,  
„sed consignatis tantum nauibz  
„ac mercibus immunem  
„transitum concederet, donec  
„de modo vectigalis soluendi in

„negotiatione pacis conuenerit.  
„Jd si abnuat Rex Daniæ, præse-  
„ctus classis nostræ præsidio esse  
„nauib. transeuntibus iussus est.  
„sicuti autem fore speramus, vt  
„omnino impetretis, quæ de  
„transitus libertate, & vectigali-  
„um immunitate petitis: ita  
„communem nobiscum causam  
„vos acturos, omniaque conjun-  
„ctâ operâ, vel disceptaturos,  
„vel decreturos esse, nulli dubi-  
„tamus. Atque hæc sunt, quæ  
„domo mandata accepimus.

Quibus Commissarij Suedici  
„cognitis responderunt: Jampri-  
„dem expectari Ordinum Fœde-  
„ratorum sententiam à Suecis,  
„ad coniungenda vtriusque po-  
„puli commoda abunde pronis,  
„neque quicquam factu melius  
„apparere, quam vt deposita  
„quamprimum Sequestrium per-  
„sona, suam causam cum Re-  
„ginæ propositis jungant Or-  
„dines, qua de re vt amplius  
aga-

„agatur, idoneis se mandatis in-  
„structos esse. Ante omnia igi-  
„tur inspiciendam utrinque man-  
„datorum formulam, vnde de  
„tota negotij tractandi ratione  
„constare posset, si forte vel Sue-  
„corum vel Belgarum caussa  
„continuandum bellum, & Rex  
„Daniae ad satisfaciendum vtris-  
„que vi adigendus esset. Immine-  
„re Succorum non commercijs  
„modo, sed statui periculum in-  
„gens, vel manente bello vel  
„finito. Eapropter accuratius  
„omnia ponderari debere, ne  
„quid in conditionibus, nisi quod  
„aequi bonique rationem habe-  
„ret, admittatur. Multis verbis vl-  
„tro citroque habitis, cum anim-  
„aduerti denique posset, nondum  
„satis deliberatum Belgis ac con-  
„stitutum, quomodo rem tractari  
„oporteret, Söderacram ad Colle-  
„gas, quasi consultatum, iuit Wit-  
„tenius. Succis ad Reginam se-  
„audita relatueros affirmantibus.

y L 3

Adie-

Adierunt posthæc aliquotiens  
Wittenius cum Collegis Dano-  
rum Commissarios, (qui & inui-  
cem ad colloquium venerant,)   
atque in hanc sententiam ege-  
runt: Fœderatos Belgij Ordi-  
nes, cum animaduernerent,  
in eo esse, vt bellum Suecos  
inter Danosque componatur,  
magnopere ad se pertinere in-  
offensum ac imperturbatū com-  
merciorum in Oresunda cur-  
sum iudicasse; eoque sibi in-  
iunxisse, vt libertatis Ordinum,  
communi gentium jure, & pa-  
tris Spirensibus munitæ, ratio-  
nem haberi postularent. Repu-  
diarunt ista Dani, neq; eo tamen  
minus, Regem suum non abhorre-  
re à peculiari, cum Ordinibus trans-  
actione, de certo vectigalis modo  
constituendo ostenderunt. Hinc  
de tollendis prorsus inquisitioni-  
bus nauium sermo inferri cœpit,  
sicut & de certa taxatione omni-  
um per Oresundam transmitti so-  
lita-



litarum mercium; Danis rem amplius deliberandam suscipientibus. Commemoravit hæc reuersus ad Suecos Wittenius, iteratis, quæ ante dixerat: quando nimirum res communi ope mutuisque auxilijs in conditionum armorumque tractatu in posterum tuenda esset, igitur non alia ab Suecis, quam quæ à coniunctissimis socijs expectantur, officia sperari. Ad quæ Sueci; quam pronum gerat ad communicanda consilia & arma animum Regina nostra, non modo subprimum Legationis vestræ aduentum, Holmiæ, sed hic quoque abunde hætenus perspexitis. quin & de socianda vobiscum negotiatione mandata & instrumentum procurationis, in promptu habemus. Communis nos causa sociat, ne commercia perturbentur. non commissuros vos tamen speramus, vt seponi velitis, si quid

„alterius litis, vt in contentione  
„fieri solet, subnatum fuerit.  
„omnia igitur sedulo decet præ-  
tractari. E varijs sermonibus pa-  
tuit, deesse Legatis mandatorum  
in hac re formulam, & instru-  
mentum procuratorium; non  
inficiente Wittenio, literis se  
publicis peculiaribus, fidem & po-  
testatem agendi cum Danis, mu-  
nientibus defici, nisi quod exhi-  
bere, quæcunque in mandatis  
accepisset, nihil vereretur. Inter-  
„rogauit subinde, an in poste-  
„rum partium nomine negotia-  
„tioni interesse, communesque  
„spes communi opera promoue-  
re deberent? Responsum est:  
„nihil amplius Suecos arcani  
„habere, præter ea negotia, quæ  
„communicata sint cum ipsis,  
„tum in commercijs, tum in re-  
„liquis rebus. securitatem nunc  
„potissimum quæri. non recu-  
„sare se, quo minus alteri alteris in  
„negotiatione præsto essent. Biduo  
post

post, cum omnes Legati Hollan-  
dici Scøderacræ ad Succos inuise-  
rent, eademque de consilio Or-  
dinum, quæ Wittenius, refer-  
rent; accurate ijs demonstratum  
est quid Holmiæ actum, qui-  
bus cum Regina responsis, Bi-  
ckerus & Stauenissius domum re-  
missi fuerint. promississe eos, sub  
finem Februarij, noua mandata  
& procuratorium, de sociandâ  
cum Suecis operâ, se allaturos  
esse: simul his, exhibuerunt  
Sueci instrumentum procuratio-  
nis, atque vt inuicem Legati Or-  
dinum ostenderent suum, flagi-  
tarunt. Hic iterum fateri eos  
oportuit, nihil se præter manda-  
ta, de quibus dictum, accepisse.  
ea tamen eiusmodi esse dixerunt,  
vt sperari abunde queat, Suecis,  
quantum ad commercia satisfac-  
tum iri. Jussos se pari passu in-  
cedere in negotiatione, primum  
juris atque compositionis via: qua  
si depellerentur, alio pacto rem  
Y s aggre-



„aggrediendam. At nos non  
„dubitabamus, inquiunt Sueci,  
„vos idonea instructos potestate,  
„accessisse ad tractanda nobis-  
„cum, quæ ratio fœderis, atque  
„capti semel consilij, denique  
„tempus ipsum, si præsertim pax  
„non conuenerit postulat. Neq;  
„adeo nunc aliter existimare su-  
„stinemus, quam fore, vt primo  
„quoque tempore plena faculta-  
„te negotiandi in hac re munia-  
„tur vestra Legatio. Et fœdus  
„quidem, quod nobiscum vobis  
„est, commerciorum præcipue  
„libertatem spectare, non nega-  
„mus: sed postquam ad arma  
„deuentum est, abesse non pot-  
„erat, quin aliæ etiam lites ac-  
„cederent, quarum compositio-  
„ne Regina opus est, non sine  
„magno utique discrimine sum-  
„tuque gerenti bellum, cuius  
„fructum Ordinibus Belgicis  
„amicitia & fœdere junctis ne-  
„quaquam inuidet. Interrogati  
de-

deinde Legati Hollandici, Seque-  
strum ne, an partium nomine  
in posterum cēseri vellent; in-  
terpositā morā, cum Thuilleri-  
um in officio reconciliandæ pa-  
cis solum reliquissent, biduo post,  
partes professi sunt, atque vale  
Danis dicto se propediem Sœde-  
racram venturos, promiserunt.

13. Maj.

„Adiectum est: procurationis in-  
„strumentum domo impetra-  
„tum iri: cum hætenus existi-  
„massent, mandata Ordinum  
„sufficere, & apparatus classis,  
„maius profecto charta & literis  
„argumentum haberi oportere.  
Probarunt Sueci consilium, at-  
que in communi causā tanto  
maius Fœderatorum Ordinum  
versari commodum demonstra-  
runt, quanto certius sit, omnem  
Reipublicæ illius statum com-  
merciorum & negotiationum,  
inprimis per Oresundam, profe-  
ctu fundari. Cum post hæc Le-  
gati Ordinum, Danorum Com-  
missa-



- missarijs significarent, se ex foedere, quod cum Suecis pro commerciorum libertate Ordines percusserant, jussos transire in partes, sociatâque operâ commune negotium exequi, Dani, vt seorsum paciscerentur, eos cohortati, omnino impetrari posse, quæ satisfacerent ipsis, ostenderunt. Legati & foedere se & mandatis peculiaribus, quo minus oblata admitterent, prohiberi testati, discesserunt Christianopoli, atque apud limites regni Brömsbroenses, si quid vellent Dani, responderi posse, declararunt: depositoque Sequestrium munere, susceptas Suecorum partes denuo per Thuillerium denuntiari curantes. Reliquerant autem Christianopoli Secretarium, per quem Dani primum ad peculiares petitiones animum iterum professi, deinde Nobilem ex suis familiaribus ablegant, & à Legatis Ordinum, vt Christianopolim reuerſi
14. *May.*
16. *May.*

uerſi negotiationē ſuā controuerſiæ reſumere velint , contendunt. Sumto ad deliberandum ſpatio , quanquam commodius videri poterat Belgicis rationibus , apud Brömſebroam tractari negotium , iſtantibuſtamen Danis , qui præiudiciū ex eo loco metuebant , haſtenus conceſſerunt , vt Scaepius & Andreae Chriſtianopolim proficiſcerentur , auditum , quæ *26. May.* offerrentur , neque decreturi quicquam , vt aiebant , abſque Suecis. Reuerſi ad Suecos de ne- *30. May.* gotio ſuo in hunc modum diſſe-  
„ ruerunt: Poſtquam ſcripto com-  
„ prehenſa , quæ in mandatis ha-  
„ bebamus ab initio Danorum  
„ Commiſſarijs tradidimus , ne-  
„ que aliud illi , quam formulam  
„ vectigaliſ , ſicut nunc apud  
„ Orefuntica clauſtra exigitur , re-  
„ miſerunt ; viſum eſt nobis ,  
„ conſignare illum vectigaliſ mo-  
„ dum , quo in poſterum Ordini-  
„ buſ deſungi animuſ eſſet. Qua  
re

„re Dani cognita, statim nos  
„Christianopolim inuitarunt or-  
„diendæ negotiationi. Jbi de  
„præcipuo vectigali, comparatis  
„vtrunque rationibus ita conve-  
„niri potuit, vt quarta pars eius,  
„quod anno ~~CICIDCXXX~~ apud  
„Oresundam postulatum est, in  
„posterum penderetur. De no-  
„uis autem exactionum inuentis,  
„quæ ample cumulata nolebat  
„remittere Rex Daniæ, acrius  
„disceptatum est; cum abrogari  
„postularem, quæ nec moris an-  
„tiqui, nec pactorum Spirensium  
„auctoritate niterentur, iurique  
„nostro etiam de cætero aduer-  
„sarentur. Eleuabant illi pacto-  
„rum nomen, atque eo descen-  
„debant denique, vt dicerent: si  
„tam iniqua peterentur, suasu-  
„ros potius se Regi suo, vt por-  
„tus pateretur intercideri, nul-  
„la dolia, nullos ignes, neque  
„quicquam eius generis, quod  
„ad dirigendum nauium cursum  
per-

„pertinet, idoneis locis consti-  
„tueret, multo minus nauigatio-  
„nes defenderet, saluasq; præsta-  
„ret. Respondimus: viderent ipsi  
„quid sibi faciendum iudicarent;  
„nobis nisi istis rebus sublatis, nul-  
„lam agendi facultatem relin-  
„qui, quibus & illud præcepe-  
„rint Ordines, vt inspectiones  
„omnes & impedimenta com-  
„merciorum cetera, non tolera-  
„bili molestia nauigantium ha-  
„ctenus vsurpata, amoueri pete-  
„remus. Aspernati hoc, tan-  
„quam inique expetitur Dani,  
„ad molliora subinde flexerunt,  
„vt dicerent; tolli posse omnem  
„reliquam vexationem, excepta  
„inquisitione fraudis insignioris,  
„non refractis tamen literis ci-  
„stisque exercenda. Hæc cum  
„aliquotiens agitata essent, ad  
„alia progressi, vt certus Norvve-  
„gici vectigalis modus definiretur,  
„postulauimus: Negantibus Da-  
„nis, aliud negotium moueri  
„posse.



„posse, antequam controuersia  
„de vectigali Oresuntico in expe-  
„dito esset. At nos mandatis  
„nostris hoc quoque contineri  
„affirmauimus. Responsum est:  
„non esse spem nullam transi-  
„gendi de ceteris vectigalibus:  
„sed, quantum ad portus Nor-  
„uegicos attinet, Regi Daniæ  
„non ferenda cuiusquam homi-  
„num arbitria. Atque hic sub-  
„stitimus, ac discessimus. Sue-  
corum Commissarij, gratijs  
actis pro communicato secum  
negotio, cum mutuum factu-  
ros se ostendissent, satis anim-  
„aduerti posse inquebant, quod  
„caussa eorum vtut difficilis, ex-  
„plicatus non adeo difficiles esset  
„habitura, quando dimissis Spi-  
„rensibus pactis & iure gentium,  
„de certo vectigalis modo disce-  
„ptare cœpissent. Et sane, si  
quis spectaret Hollandorum  
mandata, omnemq; negotiandi  
rationem, non difficulter intel-  
ligi



ligi poterat, suis commodis fludere Ordines, periculi mole in Suecorum humeros devoluta. Itaque declinabantur haftenus ab iis arctioris, cum Suecis commercij condiciones, quas illi sapius deliberandas suggerebant. Verum pars consilij fuit, indulgere moribus amicorum; iisque comiter ac familiariter uti, quibus Dani summâ ope, ut suas rationes à Suecis seiungerent, persuasum ibant. Cum illis iterum in colloquio fuerant Legati Hollandici; modumque vectigalis Oresuntici exæquari juri incolarum Regni Daniæ contenderant: unde ad formulam vectigalis perscribendam, de qua ante, delapsi, Noruegica quoque vectigalia, si moderatius exigerebantur, non plane detrectauerant. Tum vero Danis omnium novorum vectigalium & vexationum in Noruegia abolitionem pollicentibus, modumque vectigalis ad

Z

con-

consuetudinem anni cīōīōcxxviii referentibus, addita lege, ne citra consensum Ordinum intenderetur; facile apparuit, exitum ad compositionem reperiri posse. Actum etiam est de fœdere Suedico, cum Dani interrogarent, an ita interpretari illud liceret, vt seorsum paciscerentur Fœderati Belgij Ordines. Negabant Legati, aliam interpretationem formulæ fœderis & mandatis suis conuenire, quam quæ consummari pactionem, nisi Reginæ Sueciæ haud minus ac Ordinibus in commerciorum jure satisfactum esset, vetabat. Quo tempore ista retulerunt Suecorum Commissarijs Legati Ordinum, domo se accepisse noua mandata cum instrumento procurationis, de inundo arctiori & perfecto fœdere cum Suecis, exposuerunt. Gratum id habuerunt Sueci, si amicitia, quæ jam tum à fœdere pleno parum distaret, ex vsu vtriusque

que partis amplificata liberalius explicaretur. Id quod postea, confecto negotio Danico, peculiari pactione tractatum est. Nunc autem nomine Ordinum obhærescere compositionem cœptam ægre ferentium, solícite monebantur Sueci, ne securitatem sui status, in alijs potius rebus quærerent, quàm in Danorum infirmitate, suis victorijs, & fœdere cum Ordinibus. Quæ cum verbis ad persuadendum apprimè factis Legati Ordinum inculcarent, non dissimulabant Sueci, victorias Suedicas alijs potius quàm victoribus in quæstu esse: Belgicum fœdus parum hætenus ipsis profuisse, cum sero omnia in Belgio decernantur; & incertum sit, an fœdus hoc magis in posterum, quàm hætenus Dānus sit reueriturus: præcipue, si restitutus in pristinum statum ab impotentia conualuerit. Rogabantur ergo Ordines, quorum voluntas

alias præcipuum transigendi argumentum Reginae erat futurum, ne omitti cuperent, quæ ad Sueciæ securitatem, qua & ipsorum securitas magnam partem niteretur, vnice pertinerent. His cohortationibus effectum est, vt communi ope ad transigendum. Legati Ordinum conniterentur, neque à Suecorum partibus se abstrahi, aut suam separatim causam componi paterentur. Redierat interea Holmia Seretarius Jsraël Jsraëlis Lagerfeldius cum mandatis

7. *Maj.* ab aula summissis. Quæ cum accepissent Commissarij Suecorum, apud Thuillerium in hanc „sententiam locuti sunt: Regi- „nam Sueciæ per se paci valde „pronam, Amicis præterea suis „& foedere junctis etiam atque „etiam obsequi cupere, si vlla „posset honesta tutaque Lege quies reparari. Verum enim vero „regni salutem fundari imper- „turbata minimeque grauata liber-



„bertate commerciorum ; qui-  
„bus nulla vtique securitas ex-  
„cogitari possit stabilis ac perpe-  
„tua , dum Rex Daniæ vtriusque  
„litoris Oresuntici ita se Domi-  
„num ferat , vt in manu habeat  
„facultatem aperiendi clauden-  
„dique illum canalem , quem ad  
„vsum commerciorum , atque  
„ortiui occiduique maris con-  
„iunctionem DEVS & natura fe-  
„cit. Commerciis niti tanquam  
„fundamento plerasque respub-  
„licas : id Galliæ , id Belgij ex-  
„emplis non longe petendis con-  
„stare ; quæ Sueci ex intervallo  
„quidem , sed tamen sequantur.  
„Bellum itaque paci tam intutæ  
„præferendum , si aliter conue-  
„niri nequeat. Thuillerius , hæc  
„cuiusmodi esse causatus , vt con-  
„ditionibus acquiri nequeant , in-  
„terrogaturum se prius ex Danis  
„confirmavit , si qua alia ratione  
„satisfacere Succis pararent : vt  
„nolentibus aliam legem admit-



tere denique aperiretur Regina  
propositum. Reuersus ad Sue-  
cos retulit; Danos de periculo  
in quo versarentur, & de ser-  
uandis iactura rebus monitos,  
tandem in hunc sermonem in-  
gressos esse, vt Jemtiam expetitis  
à Regina prouincijs ampliorem  
opportuno apud fines Sueciæ  
situ, forte cedi posse dicerent.  
Addidit: non quidem se puta-  
re, ita Regina satisfactum; sed  
rem tamen non indignam com-  
memoratu in medium afferre  
voluisse. Extenuarunt Sueci  
Jemtiam, scopulis & paludibus  
plenam, in qua nihil quic-  
quam momenti ad securitatem  
commerciorum, quæ ciuibz  
Suedicis serio ac omni opẽ paran-  
da esset. Pacem Regina cordi  
esse, sed firmam, neque in bel-  
lum difficilior tempore minus  
opportuno desituram. arma Sue-  
cis extorta, hætenus DEO curæ,  
quæ si pace commutari velint  
Dani,

Dani, satisfaciendum esse, sicut petebatur. Ad quæ Thuillerius iterum, studio mitigandi conditiones, exquirere cœpit: liceretne Danis suggerere locum quendam magni momenti, provinciam vnam alteramue, vel Osliam, jure perpetuo à Suecis possidendam; tum ad securitatem commerciorum, urbem aliquam commodo situ aut portum apud Oresunticum fretum, ut in annos viginti aut circiter concederetur. At Suecorum Commissarij, multum laudandam Thuillerij industriam, quicunque euentus hanc negotiationem maneat, professi, differendum sibi responsum, ob difficultatem rei cum mandatis suis parum convenientis, judicarunt. In hoc colloquio, Thuillerius gravi oratione Suecorum animos tentare aggressus, cum libenter quidem hætenus ad concordiam componendam se conniti, nisi Regina secretis ha-

beret causas Daniam opprimendi, testatus esset, pacem ex mandato & sententia sui Regis suadere cœpit, tanquam exigentibus ita rationibus fœderis, quod Gallia cum Suecis haberet, & cum Belgij Ordinibus: quorum consilium nullo modo probabat, quando præter Gallici fœderis leges, deserto communi negotio Suecorum partibus in hoc bello accessissent. Atque in his exaudiri, non ut Sequester, sed ut Legatus Gallicus cupiebat.

„Rursum Sueci: Reginam in  
„hunc diem pro communibus  
„commodis, sedulo, neque pœ-  
„nitendo successu, operam su-  
„mere; sed non posse interea  
„domesticam securitatem obliui-  
„oni tradere, nullis secretis ratio-  
„nibus, sed Danorum iniurijs ad  
„arma ventum; quæ ut pace  
„permutentur, nihilo minus  
„optari. Hollandos non incu-  
„sari posse ob sociatam cum Sue-  
cis

„cis causam, quorum cunctatio-  
„ni vel ideo indulgisse Reginam,  
„ne deesset ipsis occasio tentandi  
„vias pacis; quæ res postquam  
„successu hætenus caruerit, de-  
„creuisse eos, quod ab initio sta-  
„tim ex fœderetenebantur facere,  
„vt sociara opera vel negotiatio-  
„ni pacis vel tractationi armorum  
inuilaretur. His ita non mol-  
li vtrunque studio disputatis, di-  
latum illo die responsum Thuil-  
lerio apud locum congressus po-  
stca redditum est: quo significa-  
batur; dignam quidem prædica-  
tione Legati diligentiam, qua pro 16. May.  
„pace conniteretur; sed ob loci  
„situm, & perpetuam commer-  
„ciorum libertatem, & Dano-  
„rum cupiditatem ac consuetu-  
„dinem, aliter Suecorum secu-  
„ritati prospici non posse, quàm  
„illo ipso termino, quo DEVS  
„& natura has terras discreuit, id  
„est, Oresuntico freto. Licet  
„enim nondum obtineantur  
— Z 5 omnia

„omnia armis quæ petuntur, ta-  
„lia tamen possideri, quibus ista  
„permutari non absurdum sit;  
„neque nullam de euentu & oc-  
„cupandis alijs munimentis spem  
„esse. Si Rex Daniæ nolit resti-  
„tui in suum statum, vel ipso ju-  
„dice non obscurum manere,  
„Suecos in tali eius tempore ob-  
„tulisse conditiones, vnde de  
„Christiano & vicinitatis memo-  
„re animo posset iudicium fieri.  
Demonstrabatur etiam Thuille-  
rio in tabella cursus nauigationis  
per Oresundam, cum periculis,  
quæ Smolandia & Westro-Gothia à Scania, Hallandia, Ble-  
ckingia imminerent. Verum il-  
le, sicut fatebatur melius securitati  
Sueciæ consuli non posse, quam  
diuisione freti, ita spem nullam  
ostendebat superesse conditioni-  
bus rem tantam obtinendi. Quæ  
enim tum Danis securitas? ita-  
que, si Rex Daniæ Holmiæ cap-  
tius teneretur, nunquam puta-  
bat



bat Ordines Regni Danici talibus  
postulatis assensuros esse. At Sue-  
ci, qui dicerent, nunquam ex-  
cusaturos posteros consilia co-  
rum, qui concessa diuinitus for-  
tuna pro securitate patriæ lentius  
vterentur; rogabant Thuilleri-  
rum, ne dubitaret disertis ver-  
bis postulata sua Danis edisserere,  
respondumque citra ambages ef-  
flagitare. Quod cum se factu-  
rum recepisset, reuersus post ali-  
quot dies commemorauit: inter-  
„rogatos Danos, an de postula-  
„tis Suecorum aliquid cognouis-  
„sent, è Belgio sibi transmissa,  
„ostendisse; seque armis malle  
„( si ita in fatis sit ) quam condi-  
„tionibus, exui illis prouinciis,  
declarasse. Vnde manifestum fie-  
ri, aiebat, satisfacturos Sueciæ  
Danos, nisi dimidium regni ex-  
postuletur. Sueci sua pericula,  
vt ante, describentes, cum nihil  
proficerent, quia Thuillerus ob-  
niteretur, re dilata post tertium  
diem

20. Maij.

23. Maij.

diem, in priore sententia de partienda freti Oresuntici ditione perstiterunt. Hinc coepit & à Danis mora interponi, dum Thuilleries nihil aliud retulit primo, quam Danos, ne nimia postularentur, rogare; deinde autem, eos Jemtia addere Osiliam significavit, Scania comparandam, & arce munita nobilem. Frigidius agere solito Legatus videbatur. Itaque accurate repetita sunt Suecicæ causæ momenta: potuisse, forsitan verbis securos reddi, Suecos ante arma sumta, sicut contigerat anno huius sæculi vicesimo quarto; sed tentata belli alea, non eadem æstimatione negotium metiendum. Frustra Danorum infirmitatem afferri, cum exemplis superioris ævi satis constet, quam cito exhausta Christiani II. & Fridericus I. tempore Dania conualuerit. Jemtiam & Osiliam etiam si Gothia adderetur, non satisfacta-

„tisfacere Suecis , nequaquam  
„dimidium regni , sed ilam tan-  
„tum partem petentibus , quam  
„DEVS & Natura Sueciæ Regno  
„coniunctam esse voluerit. Plu-  
„ra sæpe & maiora in eiusmodi  
„rebus concessa esse. ab nullo  
„hoste plus periculi , quàm à Da-  
„nis , si vetera liceret repetere  
„memoriâ , imminere. Thuilleri-  
„us iterum congressus cum Sue-  
„cis , Jemtix ac Osilia , Halmsta-  
„dium addi retulit : atque cum  
„Sueci ostenderent, destinatum fu-  
„isse Danis , statim rumpere pacis  
„foedera anno ciorocxxiv ista , nisi  
„in bellum cum Cæsare incidis-  
„sent , militesque aduersus Succia-  
„m conscriptos illuc vertere co-  
„acti essent, ille instantius efflagi-  
„tando effecit , vt scripto trade-  
„rentur tres conditiones : è quibus  
„nisi vnâ Dani eligerent, omnia  
„armis agi oporteret. Vel enim  
„reseruata Hallandiâ , Scaniâ &  
„Bleckingiam jure perpetuo Sue-  
„cis



7  
1497.  
cis Dani cederent, constituto  
regnorum limite in medió freto  
Oresuntico, Scaniam inter & Se-  
landiam: vel Hallandiam & Ble-  
ckingiam propriè dictam, tum  
Bahusium & quæ sunt eius ditio-  
nis in Noruegia, vna cum Jem-  
tia, pro Holsatia, Jutia, & Sca-  
nia restituendis, traderent: vel  
Hallandiam, Bleckingiam, Jem-  
tiam cum insulis, Gothlandiâ &  
Osiâ, in manus Suecorum con-  
signarent. Thuillerius ad Suecos  
reuectus, scriptum quidem non  
exhibuisse se Danis, sed mentem  
scripti exposuisse, asseueravit.  
Illi primam conditionem, propter  
claustra freti Oresuntici, & præ-  
dia nobilium familiarum, repu-  
diauerant. Alteram iniquiorem  
priore censebant: Hallandiam  
& Bleckingiam præcipua aduer-  
sus Suecos regni sui munimenta,  
quibus demtis nihil terra marique  
satis tutum, extollentes: Bahusi-  
um autem dimidiam regni Nor-  
uegici

uegici partem æstimantes. Ter-  
ria quoq; reiectâ, in ijs quæ ante  
obtulerant hoc mutabant, vt lo-  
co Halmstadij Warbergam cum  
portu & territorio, vel Gothlan-  
diam nominarent. Verum Sue-  
ci leuia sibi offerri reputantes,  
frustra se in Germania bellare,  
aiebant, si seruitutem Danicam  
domi seruiendum esset. Non  
parum consternatus ea re Thuil-  
lerius, nihil superesse, respondit,  
quàm vt Danis plane referret, at-  
que, si profici nihil posset, pro-  
pediem Suecis valediceret. Quo  
magis autem periculum erat, ne  
commercia pàcis hoc rerum arti-  
culo dirimerentur, eo sollicitius  
de integro conandum sibi duxit,  
regressusque rogauit Suecos accu-  
ratissimis verbis: ne abruptam cu-  
perent negotiationem, non sine  
ingenti regnorum incommodo,  
redituro etiam ad se quodam de-  
decore imperfecti operis. Se  
omni ope huc adegisse Danos, vt

præ-

16. Iunij.



7  
1  
præter Jemtiam Osilamque, in-  
super Gothlandiam, perpetuæ  
compensationis nomine; Halm-  
stadium autem & Laholmiam,  
cautionis & securitatis loco offer-  
rent. neque hic substituisse, sed  
& illud petiuisse, ut Hallandia  
tota securitatis ergo, ut hypothe-  
ca, in annos viginti & quinque,  
aut circiter, Suecis permittere-  
tur. quo & hoc impetraretur, se  
nihil laboris intermissurum, si  
potestatem eius rei Sueci face-  
rent, sibi que in hunc modum sa-  
tisfieri paterentur. Ponebantur  
ob oculos Hallandiæ situs, ver-  
sus mare occiduum; & utilitas,  
Westrogothiæ & parti Smolandiæ  
obuia; commodi portus com-  
merciorum securitati in Oresun-  
tico & Balthico mari muniendæ,  
Jemtia & Oslia, quantum Livo-  
niæ tuendæ conducere, demon-  
strabatur. Gothlandia maris Bal-  
thici domina, ditioni cis Ore-  
fundam firmandæ, prædicabatur.


Ble-

Bleckingiam , quam omitti totam querebantur Sueci , extentabat Thuillerius : illis contra demonstrantibus , quantum in ea momenti esset, quippe quæ Smolandiam tanquam brachio amplecteretur ac apud mare Balthicum distingueret. Hypotheca temporariam securitatem , custodiam difficilem , & expleto tempore noui belli materiam portendere videbatur. Cui rationi vt occurreret Thuillerius, clausulam hypothecæ addendam, quæ perpetuitati responderet, suggessit : ne recipere fas esset Danis , expleto tempore , quod pignoris nomine traditum esset, nisi tum aliter securitati Sueciæ cauerent. Regis denique sui auctoritate munivit obtestationem , ne Suecorum Commissarij , postridie saltem per internuntium respondere cunctarentur. Fecerunt illi, quod expetebatur , missoque Secretario permiserunt Legato Gallico , si

12 Junij.

Aa                      vellet

vellet cum Danis in hanc sententiam agere, ut cetera quidem ante nominata, cum Hallandia jure perpetuo Suecis resignarentur, de Bleckingia autem quædam, Christianstadio scilicet propiora, Danis reservarentur: si quidem Regina super hoc negotio consulta annuerit. aliter enim Commissarios nolle obligari. Non destitit tamen subinde Thuilleries Suecos argumentis & precibus fatigare, ut Hallandiam conditione ea, quam designauerat, acciperent, perpetuo haud dubie in eorum potestate futuram. ita ut satis appareret, hoc negotiationis interprete & actore, non posse ultra procedi: cum præsertim Hollandi quoque jactitarent, adeptos esse Suecos, quæ obtineri posse, nemo credidisset. Sumto igitur deliberandi spatio, Suecorum Commissarii postularunt, aut Hallandiam jure perpetuo, aut Hallandiam cum Bleckingie parte

parte finibus Suedicis proximâ,  
sub ea pignoris conditione, de  
qua dictum. *21. l. 1. m. 7.*  *et*  
Commercium quippe perpetua esse, neque parum  
incommodi habere temporarium  
istud regimen, ostendebant: in-  
primis ubi ratio administrandi  
prouincias in tantum discrepet;  
& in Dania quidem ad Oecono-  
miam, apud Suecos ad militiam  
referatur. Alterutrum ex his si nunc  
impetrari, quæque antea agitata  
sunt, componi queant, nullam  
transactioni consummandæ mo-  
ram intercedere. Nam ut termi-  
ni mandatorum, quæ stricti juris  
esse perhibentur, migrentur, nul-  
lo modo expectandum. Sin ali-  
am interponi contingat causam,  
quo minus ad exitum res deduca-  
tur, tempore sibi & nouis à Re-  
gina mandatis opus esse. Thuil-  
lerius maturando negotio valde  
intentus, Commissarios tanquam  
Reipublicæ suæ participes, nulla  
mora indigere, ad absolvendam

negotiationem , contendebat ;  
 DEVMque & conscientiam testa-  
 batur , sua quidem operâ nihil  
 posse vltra profici. Nec susce-  
 pit , quamuis rogarent Sueci , per-  
 ferenda ad Danos , quæ responsa  
 erant. Tum Suecorum Com-  
 missarij , ad Reginam omnia se  
 scripturos significarunt : cumque  
 desperarent , plura conditionibus  
 parari posse , interim literis con-  
 signata miserunt ad Thuillerium ,  
 quæ de nauigationis & commer-  
 24. *Iunij.* ciorum libertate disceptata pri-  
 dem fuerant. Quæ occasio fuit ,  
 iterandæ disputationis , de qui-  
 29. *Iunij.* busdam capitibus : donec Thuil-  
 3. *Iulij.* lerius literis postulauit , vt Com-  
 missarij vtriusque partis apud li-  
 mitem Brömsebroënssem congre-  
 derentur. Jbi , commeante inter  
 partes vltro citroque Thuillero  
 de singulis actum : videbaturque  
 8. *Et 9.* res ad exitum spectare in reliquis ;  
 1. *Iulij.* de Bleckingia autem Hallandiæ  
 jungenda , proferendoque ad an-  
 nos



nos quinquaginta aut sexaginta hypothecæ tempore, Thuillerius iterum appellare Danos rogatus, inuicem petijt, vt pactorum formulam in literas referrent Succij; Danis idem facturis. Ea cum mitteretur ad Thuillerium, statim Danis tradita, eorumque instrumentum ad Suecos remissum est. Requisiuit Secretarius Suedicæ legationis, qui huius rei causa Christianopolim venerat, quid sentiret Thuillerius de Hollandorum petitione, qui apud Suecos (sicut & ad Danos fecerant) Sequestrium elogio insigniri in pacationis instrumento desiderauerunt: quamuis partibus mixti, reconciliandæ pacis muneri publice, vt dictum est, renuntiassent. Tum vero Thuillerius, minime commissuros sperabat Suecos, vt Regis sui dignitas diminueretur, parte honoris in Hollandos deuoluta, cum labores ipse hætenus solus tolerasset.

12. Iulij.

18. Iulij.

19. <sup>21</sup> *Julij.* Satis esse illis debere, inquit, quod sub felicibus Succorum armis conditiones opimas acquisierint, ac citra omne periculum, sumtu quàm minimo tantos fructus decerpserint. Iteratis, apud Brömsebroam, partium congressibus, Succos parum respondere instrumentum Danicum promissis per Sequestrem factis, conquirentes, Thuillcrius comiter appellans, fateor, inquit, formulâ instrumenti Danici plus quâdringentas controuersias contineri: sequemur omnino vestram scripturam; &, quod meam voce promiserunt Dani, utique seruabunt. In eius deinde gratiam, Bleckingiâ, quam nullo pacto Dani dimittebant, præteritâ; etiam conditionem hypothecæ Hallandiæ appositam, ut commissâ censeretur perpetuæque possessioni mancipata, si promissis Dani non stetissent, remiserunt. cum prius submonuissent, quam non

non fuisset absurdum, si exemplo  
pactionis anni cīōīōcxiii voluif-  
sent vti, qua continebatur; si  
vel obulus abesset summa pecu-  
niæ Danis pendenda, Elfsbor-  
gum commissum haberi oportere.  
A Danis vicissim concessum  
est, vt Herrendalia citra mon-  
tes Noruegicos Jemtix contribu-  
eretur. De finibus Hallandix  
etiam dubitatum: Succis ad ve-  
teres terminos prouinciam reuo-  
cantibus. Qui comprehendi  
hac pactione deberent, nomina-  
ti Dux Holsatix, Comes Olden-  
burgicus, cum Ciuitatibus Hanse-  
aticis. Nam Pomeranorum caus-  
sa, cui præter Danos, Hollan-  
dorum etiam & Hanseaticorum  
æmulatio imminebat, fido Sue-  
corum patrocínio, post multam  
disputationem, in Othoniensi-  
um pactorum ius restituta est.  
Quibus compositis (nam Regina  
Commissarios de voluntate sua  
certiores interea reddiderat) curi

21. Iulij.

& Sueci nouum pactiōis instru-  
mentum confecissent , & à Da-  
nis itidem pactiōis formula cum  
literis cessionis , & hypothecæ ,  
exhiberetur , vt inspecta vtrunque  
omnia auctoritatem plena tan-  
dem conuentione nancisceren-  
tur ; non parum negotij faceffe-  
re , & tantum non pactiōi in-  
tercedere cœpit causa Archi-  
episcopi Bremensis. Mentio-  
nem eius rei jam pridem fece-  
rat Legatus Gallicus , & postea  
sæpius summo studio cupiebat,  
pactiōe hac frui restitutum suæ  
ditioni Archiepiscopum , Regis  
Daniæ Filium ; cum diceret ; pa-  
,, tris causa bello petitem , quan-  
,, do pacem optabat , non posse re-  
,, linqui in periculo , salua reli-  
,, gione & fide. Frustra exem-  
,, plum Lubecensis pactiōis af-  
,, ferri , vbi Rex abdicauerit iura  
,, Filiorum ; tum enim recepisse  
,, eum prouincias , nunc amitte-  
,, re. Nouum haud dubie bellum  
immi-

„imminere, si Rex militum co-  
„pias exauctoratas Filio traderet,  
„aliquid ausuro certe, aut Cæsa-  
„reis partibus accessuro. Quod  
„si belli Germanici ratio diuersum  
„suadeat, posse munimenta &  
„arces, Stadam, Buxtehdam,  
„Otterbergam retineri interim,  
„restituta cetera ditione Archie-  
piscopali. Dani quoque, se bel-  
lo malle inuolui, regno denique  
excedere, quàm negligere hoc  
negotium, acerrime professi,  
Thuillerium perpulerant, vt Re-  
gis Christianissimi nomine, in-  
stantissime Suecos vrgeret. Id  
quod etiam Hollandici Legati se-  
dulo agebant. Sed quid agerent  
Suecorum Commissarij in causâ,  
quæ nec mandatis ipsorum con-  
tinebatur, scriptis scilicet ante  
occupatam à Königsmarckio di-  
tionem Bremensis Archiepiscopi;  
neque suaderi Reginæ probabili  
consilio poterat? Non gesserat  
se medium in hoc bello, sed ab



initio statim Patrem, qua poterat  
ope, imprimis conductis militum  
cateruis, & submittendis iussuerat:  
partibus subinde aperte mixtus,  
summique ducis munere functus.  
Qui ad hunc modum se hætenus  
adhibuisset, qui ad Archiepisco-  
patum ratione Succis parum pro-  
bata peruenisset, eius conditio-  
nem meliorem reddere, quàm  
est ullius in Germania Principis,  
ut nemini scilicet obstrictus age-  
ret, durum videbatur. Jam pro-  
uincias armis partas & præ ceteris  
Suecorum securitati aduersus vi-  
cinos inimicos idoneas, flagran-  
te adhuc bello Germanico, di-  
mittere, quo cum periculo con-  
iunctum erat? Itane fructus ha-  
rum regionum, ceu offensa for-  
tis fidelisque operæ præmia, duci-  
bus bene meritis, bene defen-  
dendo parta meritis, eripi subi-  
to, æquum diceres? Hæc atque  
talìa, aures Suecorum, flagita-  
tionibus totiens iteratis occlude-  
bant:

bant: vt nihil aliud possent, quam ad Reginæ arbitrium, aut pacis Germanicæ negotiationem, rem totam reiicere. Missus jam erat Holmiam Nicolaus Brorsonius Rhulamb, qui Reginam consuleret: quum Thuillerus nouam petitionem otus, postulauit, vt inducijs factis, negotium Bremense peculiari tractatu transigeretur; integra seruata Reginæ facultate vel probandi vel euertendi, quæ acta essent. At Sueci, qui viderent, parum cum armorum suorum cursu conuenire inducias, aliud consilium subministrare cœperunt: si confecta interim pace Danicâ, Thuillerus Bremensem causam posthac apud Reginam ageret, ac forte eo rem deduceret, vt beneficij nomine à Regina Archiepiscopatum Princeps recipere posset. aliter quidem, quam ista conditione, quomodo impetrari queat, se non videre aiebant: haud defuturam de cetero

tero ipsi suam operam, significantes. Thuillerius tentatis nequicquam, quæ profutura sperauerat causæ Bremensi, æger animi, ac mœstus, cum de via ad Hollandorum Legatos inuiseret, oleum sibi ac operam periisse, affirmavit. Denique congressis apud Brömsebroam partibus, acturum se cum Danis professus, ut Legatio ad Reginam mitteretur, beneficij nomine Archiepiscopatum Principi impetratura; Cancellarium Oxenstiernam spondere voluit, successum negotio non defuturum. Respondit Cancellarius operam se polliceri suam posse, spondere non posse. Ita, cum denuo congressus partium celebraretur, hætenus conuentum est, ut Archiepiscopatus Bremensis, & Episcopatus Verdensis, quorum restitutio hætenus tanto molimine efflagitata erat, ad Regine arbitrium & peculiarem negotiationem differrentur, ipso Archie-

chiepiscopo cum familia & patri-  
monio pacis huius beneficio in-  
terim gaudentibus. Nam quæ de  
neutris partibus, itemque de in-  
strumentis chartarum, ac bonis  
inuentibus, Thuillerius postea  
consignauerat, admitti non po-  
tuerunt. Quo facto, iterum  
Thuillerius inducias petijt. Id  
quamuis Sueci ante non opina-  
rentur fieri oportere, quàm pactis  
subscripsissent partes, habere se ta-  
men literas Regias ad Gustauum  
Hornium terrestribus copijs, &  
Ericum Rynningium classi præfe-  
ctum de omittendo bello, osten-  
debant, si Thuillerius fidem suam  
interponere paratus esset, de ser-  
uandis à Dano, quæ conuene-  
rant. Ille, postquam animaduer-  
tit, Suecos non inuitos id agere,  
vt fundendo sanguine parceretur,  
Secretarium Israëlem Israëlis La-  
gerfeldium sequi se iussit, acce-  
pturum à Danis fidem. Appella-  
tis ea de re in tentorio Danis,  
egres-

egressus interrogauit Secretarium;  
an contenti essent Suecorum  
Commissarij, si de pertractatis  
fides daretur? Quod cum affir-  
masset, introductum, post salu-  
tationem, Cornificius Vlefeldius  
Gallice sic affatus est: Postquam  
„res eo deducta est, vt Suecorum  
„Commissarij, interposita fide  
„nostra, inducias armorum ve-  
„lint admittere; itaque Regis  
„nostri nomine pollicemur, si-  
„demque ijs damus per æternam  
„nostrarum animarum salutem,  
„nihil ex ijs, quæ inter nos operâ  
„Sequestris transacta sunt, vio-  
latum iri. Simul his, dextram  
Thuillerio, & postea Secretario  
obtulit. Tum è vestigio Ducibus,  
vt hostilia fieri desinerent literis  
significatum, instrumentaque  
pactionis confecta sunt; quibus,  
præter ea, quæ de nauigationum  
& commerciorum libertate ac  
immunitate ante composita dixi-  
mus, in hunc modum decretum  
est:



est: Reginam Succiaë reddere  
Dano castella, vrbes, prouincias,  
cuncta denique hæcenus armis  
occupata in Jutiâ, Scaniâ, Bleckin-  
giâ, Bornholmiâ, Holsatiâ, Sles-  
uico, Ditmarsîâ, Stormariâ; no-  
minatim Christianprisiâ, Pin-  
nebergam, cum munitione Neo-  
stadiensi, Helsingborgum, Lands-  
cronam, Engelholmiam, Sels-  
borgum, Hammershusiam do-  
mosque nobilium munitas. Pro  
his locis impensisque belli redi-  
mendis, Rex Daniæ perpetuò ju-  
re possidendas tradidit istas pro-  
uincias: Jemtiâ cum Herreda-  
liâ, citra Noruegiæ montes;  
Gothlandiam insulam cum arce  
vrbeque Wisbyensi, Osiliam cum  
Arensburgo. Pignoris autem  
loco, & ad faciendam fidem ser-  
uatum iri, quæ conuenere, Da-  
nus totam Hallandiam, cum  
agris, vrbibus, arcibus, adeoque  
Halmstadium, Laholmiam, War-  
bergam, Falckenbergam, Kongs-  
baïam

baïam, Suecis permisit, suoque jure cessit in triginta annos, quibus expletis, vel idem pignus, vel æque probatum Suecis relinquetur. Tradendis in manum Suecorum Halmstadio & Warbergæ dictus est dies sextus decimus Septembris: quo eodem, Cronia & Helsingborgum Danis reddenda; Exercitusque Suecorum intra vigesimùm tertium Septembris intra fines Sueticos reducendus. Statim à traditis Halmstadio & Warbergâ, Gustauus Hornius mandabit ducibus & præfectis in Jutiâ Holsatiaque, ut copias inde deducant, custoditis tamen munimentis & castellis, usque ad Octobris mensis diem ultimum, quo restitui debent Danis Christianprisla, Pinneberga cum munitione Neostadiensi, & quidquid in Holsatiâ tenetur præsidijs, itemque Bornholmia & Hammershusium. Idem dies in manum Suecorum tradet Jemtiam cum

cum Herredaliâ , Osiliam cum Arensburgo ; Gothlandiam cum Wisbya. Cetera quæ his pactiõibus continentur vsitatam in componendis litibus armisque deponendis formulam sequuntur, Compre-  
hendebantur autem pactiõne, Dux Hol-  
satiæ Fridericus, qui misso vt diximus, ad  
Suecos Legato id petierat ; & Comites  
Oldenburgici Gyntherus & Christianus :  
tum Civitates Hanseaticæ , quæ per le-  
gatos operam suam in concordia instau-  
randâ, repudiante Dano, obtulerant ; in-  
super Gedanensis Respublica. Archie-  
piscopi Bremensis causam ad Reginae ar-  
bitrium & peculiarem pactiõnem sepo-  
sitam paulo ante memorauimus. Adve-  
nerat dies , qua instrumenta pactiõnis,  
cum literis reliquis , alteri alteris trade-  
rent ; totique huic negotiationi exopta-  
tum finem imponerent ; quum præsto  
fuit Thuillerius apud tentorium Sueco-  
rum, & interrogavit, ipsiusne Sequestris  
an Secretariorum operâ commutari inter  
partes, quæ conuenerant, cuperent ? Sue-  
corum Commissarij, quanquam olim Se-  
cretarij id muneris obiuerant, Thuillerium  
tamen, cuius opera totum negotium con-  
fectum erat, vt hoc quoque prioribus  
curis adderet, non dubitabant rogare.  
Acceptum itaque Suecorum instrumen-  
tum, cum reliquis chartis, equo ad Da-

norum tentorium vectus tradidit; atque eorum scripturam paulo post ad Suecos retulit. in qua erant aliqua animaduersione digna, super quibus emendandis Israël Israël Lagerfeldius ad Danos com-  
meauit. Thuillerio interim petenti nomine Danorum, exercitum Suedicum Hol-  
satia Jutiaque abduci ante diem Septem-  
bris trigesimum, facile concessum est, quod  
pactis jam continebatur. sicut & illud: ut  
integrum esset Regi Daniæ, nauem So-  
phiam apud Gotheburgum freto demer-  
sam vel totam, vel partibus extrahere.  
In vicem promittebatur Suecis vsus por-  
tus Bokullensis apud Bleckingiam, ex-  
portando ferro, ligno, aliisque rebus.  
Compositis ergo, quæ negotium morari  
videbantur, Suecorum Commissarii inuo-  
cato Diuino Numine, cum Thuillerio,  
ut Hospiti, primum in subscribendo lo-  
cum obtulissent, sua nomina apposuerunt.  
Inde ad Danos equo prouectus subscripto  
& ibi suo nomine, descendit ad locum  
inter duos pontes medium apud Bröms-  
broam. Statim missus ab vtraque par-  
te Secretarius adfuere cum instrumen-  
to pactorum, & conuentorum exemplis.  
Thuillerius susceptum dextra manu Sue-  
dicum instrumentum transtulit in laeuam;  
& deinde dextram, qua & instrumentum  
Danicum acceperat, decussatim læuæ im-  
posuit.

posuit , atque illâ quidem Secretario  
Suedico Israëlî Israëlîs scriptum Danicum,  
hac autem Secretario Danico Kragio Sue-  
dicum exemplum porrexit : depositoque  
Sequestris munere , apud Suecos, nunc se  
ut Fœderatum venire , professus est.  
Tum signo vtrimque tubis dato , Com-  
missarij , & cum Succis Thuillerijs,  
ex tentorijs progressi eundem apud lo-  
cum sibi inuicem occurrerunt ; priorque  
Vlfeldius Pro-Rex Daniæ non portectâ  
dextera , in hunc modum orsus est : Post-  
quam Divino auspicio pacem inter Da-  
nos Suecosque ex discordia contigit in-  
staurari , non possumus non laudibus  
vehere Regem Christianissimum & Re-  
ginam Galliæ, quorum non modo sin-  
gulare in hoc negotio studium Legatus  
Thuillerius significavit , sed omnem in  
reconcilianda inter dissidentes concor-  
dia diligentiam adhibuit. Cuius rei  
memor Rex noster , Regibus quidem  
sua studia, Legato benevolentiam sem-  
per conservabit. De pactis conuentis,  
quippe, quæ scripto comprehensa sunt,  
nihil attinet repetere. Illud vnum con-  
firmamus : quæ hic conveniêre , ea Rex  
Regnumque Daniæ rata habebit, serva-  
bitq;. Neq; dubitamus Suecos idem fa-  
cturos. audiimus enim, pacis studiosum  
esse Reginz animum , quem DEVS illi



„seruet. Vos quoq; ad eundem finem no-  
„biscum sedulo connitemini. Et quando-  
„quidem Rex Noster Reginae nondum  
„potuit gratulari susceptam feliciter im-  
„perij administrationem, itaque nunc ex  
„animo precatur, vt Diuini nominis glo-  
„riam spectet regimen eius, multaque  
„meritorum celebritate illustretur. Hæc  
„in fidem amicitia dicta volumus accipi,  
„DEOque vestram incolumitatem com-  
„mendantes, paratum ad officia animum  
„vobis pollicemur. Respondit Cancellarius Oxenstierna, DEOque pacis in-  
„stauratori gratijs actis, Regis & Reginae  
„Gallia studium erga Septentrionis regna  
„singulare, tum dexteritatem, solliciti-  
„am, industriam Legati Thuillerij im-  
„pense prædicauit: præclare factum à Danis  
„automans, quod omissa de dissidiorum  
„caussis oratione, amicitia & officijs in po-  
„sterum certandum statuerent. futurum  
„enim vt Sueci minime vinci se ea in re  
„patiantur, confirmauit. denique inuicem  
„bene precatus, pacem æternam ad posteros  
„perennare exoptauit. Porrectis deinde  
„dextris, ac persalutatis comitibus, post fa-  
„miliaria & amica colloquia, reuersi ad sua  
„quisque tabernacula, læto agmine inter  
„gratulationes & vota, pacis firmatae nun-  
„tios ad exercitus & prouincias dimiserunt.  
„Eodem die etiam Hollandici Legati suam  
con-

controuerſiam de nauigationibus Orefun-  
ticis & Noruegicis cum Danis compoſue-  
rant. Poſtridie quædam conuenta, ſed for- 14. Aug.  
mula pactiõis non comprehenſa, cœpe-  
runt perfici. Dani enim emendationem  
ſcripturæ primario inſtrumento adjunctæ,  
vt & literas de portu Bokullenſi, polliciti  
erant. Igitur Thuillerius attulit Sue-  
cis, & correctum exemplar prioris ſcripti  
& literas Cornificij Vlfeldij nomine ſigna-  
tas, quibus Bleckingiæ præfecti jubeban-  
tur, liberum Suecis præſtare è portu Bo-  
kullenſi ferri facti inſectique nec non li-  
gnorū exportationem. qua de re vt pleni-  
ori auctoritate Suecis proſpiceretur, dein-  
de poſtulatũ eſt. Suecorum interea  
Commiſſarij ſubſignatas ſuis nominibus  
literas remittebant, quibus eleuandæ è fun-  
do freti Gotheburgenſis nauis Sophiæ fa-  
cultas Danis concedebatur. Quibus per-  
actis valedixit Suecis Thuillerius, maxi-  
mam & prudentiæ & indiſtriæ laudem  
apud omnes conſecutus, quando interpres  
& actor totius negotij etiam cum collegas  
Sequeſtres haberet, poſtea ſolus, nihil  
omiſit, quod temperandis permouendis-  
que animis excogitari poteſt. Dimiſſi  
ſunt poſt hæc Legati Ducis Holsatiæ &  
Hanſeaticarum Civitatum, cum literis. Et  
ab Hanſeatico quidem corpore aderant Jo-  
hannes Marquardus, Albertus Backenius,

Hieronymus Frisenius, Iohannes Hauelaan, et alii  
 quibus, testimonium fidelitatis ac industriæ ob  
 legationis Sueci exhibuerunt, eademque opera  
 „declararunt: Regina & sibi, tum alias tum in  
 „hac negotiatione pacis nihil antiquius fuisse,  
 „quàm vt commercijs & nauigationi impertur-  
 „bata libertas constaret, pactisque horum Re-  
 „gnorum Hanseatici gauderent. id si minus,  
 „quam optabant, successisset, non Regina, quæ  
 „aliorum commoda suis æquauit, sed iniquitati  
 „temporum ac seiunctioni consiliorum tribui  
 „oportere; quando non potuit reperiri, in  
 „communi causâ, pericula cum Suecis & consi-  
 „lia communicare, commodum sibi duceret,  
 „quo factum esse, vt aliorum causam agentibus,  
 „haud raro exprobraretur, quidni contenti essent,  
 „si Regina satisfaceret? Hamburgensibus seor-  
 sum in eandem fere sententiam scriptum. Legati  
 autem Suecorum, conficiendo fœdere Belgico, de  
 quo totiens hætenus mentio illata, dehinc occu-  
 pabantur. In quo negotio, primum, fœdus quin-  
 quennio ante Holmiæ idum, de integro repeti-  
 tum atque confirmatum est: deinde, ad pacta,  
 quæ Brömsbroæ, & Christianopoli cum Sue-  
 cis & Fœderatis Belgij Ordinibus Dani nunc fe-  
 cerant, ita accommodabatur; vt alteri fœderato-  
 rum alteris, si quid à Danis daretur damni, aut  
 violarentur, quæ conuenerant, auxilio esse tene-  
 rentur, ad eum modum, qui priori fœdere per scri-  
 ptus erat: denique tempus fœderis ab hoc die, in-  
 quadraginta annos insequentes porrectum est: ad-  
 iectis scilicet triginta annis, illis decem, qui de  
 quindecim ab initio constitutis supererant. Qui-  
 bus peractis, antequam ipsi domum proficisce-  
 rentur Suedici Legati, Secretarium certis manda-  
 tis instructum præmiserunt. Tercio Septembris  
 die ipse Cancellarius Axelius Oxenstierna Holmi-  
 am redijt, multo gratulantium atque gaudenti-

16. Aug.  
1645.

...dignitate, & ... patria, hac quoque  
tione & consilio esset Vir attollenda reipubli-  
natus factusque, in omnium oculis animisque  
erat. Regine in primis cordi fuit, in memoriam  
redire maximorum meritorum, quibus Heros il-  
le, ex quo ab alijs propositis singulari fato ad  
republicam vocatus, sub auro quidem paterno,  
Carolo IX. Rege, Senatoria dignationis decus ju-  
uenta aetate meruerat, ab incomparabili parente  
Guſtauo Adolpho Magnifico Cancellarij munus, se-  
cretorum omnium auctor particeps, acceperat;  
suisque consilijs & operibus, nunquam non  
desiderato obsequio, opera, prudentia responde-  
re. Belli pacisque negotijs, individuum comi-  
- Rex augustissimus habuerat. Post fata tan-  
-ris, dici non potest, quantam in Germania  
molem sustinuerit, quas difficultates proflig-  
-que fortunæ publicæ intertrimenta expli-  
-um dixisse, satis erit. non alibi forte  
-gerere publicam, quam in  
-more Germania intra-  
-illam profunde  
-ris domique ad  
- Regina solli-  
-nemo  
-splendore  
-sibi mul-  
-publicæ admini-  
-ageret ille, non  
-m, quàm hoc Re-  
-oprauit. Remis-  
-cretarius cum pactis Regia  
-ris Hallandiæ restitutionem,  
-eta esset pollicentibus, in via Tu-  
-mo se adiunxit. Ira enim conuenerat  
-tor Regni cum Secretario, ab vtraque par-  
-die Septembris tertio decimo permutarent li-  
-teras

teras passis. Eo tempore Nicolaus  
 Troilius cum Secretario Regei occurserunt  
 Stettis apud Markarydum inter Kôôphultum &  
 Oxnehultum; quo loco ante aliquot annos Pe-  
 trum Sparrium ad nuptias Principis missum Dani  
 excepérant. Cum ergo Sueci, quas dixi literas,  
 & in vicem Dani suas, de ratis habendis, quæ con-  
 uenerant, de cessis jure perpetuo, de constituta  
 hypotheca, alteri alteris tradidissent, illi quidem  
 Kôôphultum, hi autem Oxnehultum digressi, ad  
 inspiciendam scripturam, horâ tertia post meri-  
 dicem, denuo congressi, emendatis, & reperta  
 erant, post salutationes & vota, ad suos redierunt  
 Laholmiam & Halmstadium cum cetera  
 dia Gustauus Hornius sacramento Regi  
 git: Warbergam cum ditione subiecta Lau-  
 Kaggjus. qui Westro-Gothiam hætenus  
 monstratum est, defenderat, & in Non  
 militiam transtulerat, & in ipso limine  
 victoriæ stabat, cum nuntius, qui  
 frenauit. Aegrum plerumque ex  
 acceptis corpus toto hoc  
 in robore ad munia  
 apud Germanos re-  
 fensa diu aduersus  
 na dita moline  
 394. dñi Senat  
 consecutus, imo  
 Ceterum perfecta  
 tempore conueni-  
 um deinde Succis  
 manicæ negotium, inter  
 rum feliciū successus, claus





005650043

Angelo \* Pandimio



